

王念孫撰

讀書雜誌  
所錄





王念孙 著

讀書雜誌

下  
冊

北京市中国书店

# 讀書雜誌

## 荀子第八

### 成相

楊云漢書藝文志謂之成相雜辭蓋亦賦之流也。或曰成功在相故作成相三章。盧云成相之義非謂成功在相也。禮記治亂以相。相乃樂器所謂春牘。又古者瞽必有相。篇首卽稱如瞽無相何俛俛義已明矣。首句請成相言請奏此曲也。漢藝文志成相雜辭十一篇惜不傳。大約託於瞽矇諷誦之詞亦古詩之流也。引之曰楊廬二說皆非也。楊謂漢書藝文志謂之成相雜辭案志所載成相雜辭在漢人雜賦之末非謂荀子之成相篇也。楊又云成功在相稍爲近之然亦非荀子所謂成相也。廬以相爲樂器之春牘斯爲謬矣。以相爲樂器則成相二字義不可通且樂器多矣何獨舉春牘言之乎。若篇首稱如瞽無相乃指相瞽之人而言非樂器亦非樂曲也。竊謂相者治也。昭九年左傳楚所相也二十五年傳相其室杜注並曰相治也小爾雅同成相者成此治也。請成相者請言成治之方也。自世之殃以下乃先言今之不治然後言成治之方也。下文請布基請牧基皆言成治之方也與同義。下文云凡成相辨法方又云請成相道聖王又云請成相言治方是成相卽成治也。又云治之經禮與刑治之志後勢富治不老後言託於成相以喻意者成相爲此篇之總名謂託此一篇之詞以喻意非謂託於矇瞽諷之道美不老

誦之詞也。

愚闇愚闇墮賢良

盧云。案愚闇重言之者。卽下文愚以重愚。闇以重闇之意。念孫案大戴記曾子制言篇。是以惑闇惑闇終其世而已矣。亦重言惑闇。

還主

比周還主黨與施。念孫案還讀爲營。比周營主。謂朋黨比周。以營惑其主也。施。張也。楊訓還爲繞。失之。說見君道篇不還秩下。

愛下民

上能尊主愛下民。念孫案愛下民。當作下愛民。與上能尊主對文。不苟臣道二篇並云。上則能尊君。下則能愛民。是其證。

基畢輸

世之愚惡大儒。逆斤不通孔子拘。展禽三絀。春申道綴基畢輸。楊注曰。畢盡也。輸。傾委也。言春申爲李園所殺。其儒術政治道德基業。盡傾覆委地也。念孫案楊說輸字之義甚迂。輸者墮也。言基業盡墮壞也。公羊春秋隱六年。鄭人來輸平。傳曰。輸平者何。輸平猶墮成也。何言乎墮成。敗其成也。穀梁傳亦曰。輸者墮。



也。小雅正月篇載輸爾載。鄭箋曰：輸，墮也。盧云：春申二字有誤，必非指黃歇。注非。念孫案：此汪說也。見丙申校本。

### 此之疑

讒人罔極。險陂傾側。此之疑。念孫案：疑，恐也。畏也。既濟象傳：終日戒，有所疑也。雜記：五十不致毀，六十不赴，百仞之谷，不懼。大戴記：勸學篇：懼作疑。此之疑，此是畏也。言此險陂傾側之讒人，甚可畏也。皋陶謨曰：何畏乎？巧言令色，孔壬是也。楊未喻疑字之義。

### 施

基必施。辨賢罷。念孫案：施，張也。言必欲張大其基業。當先辨賢罷也。下文曰：道古聖賢，基必張。上文曰：請布基布，與張亦同義。

### 不詳

慎墨季惠。百家之說誠不詳。楊注曰：言四子及百家好爲異說，故不用心詳明之。詳或爲祥。念孫案：祥詳古字通。不祥，不善也。楊說失之。

### 仁人

巢人鴛象。仁人糟糠。引之曰：下人字涉上人字而衍。上已言巢人，則下人字可蒙上而省。此篇之例，兩三



字句下皆用七字句以是明之。

相反

精神相反一而不貳爲聖人。楊注曰：相反謂反覆不離散。引之曰：反當爲及。字之誤也。精神相及故一而不貳。楊說失之。

道之

君子道之順以達。念孫案：道行也。言君子能行此言則順以達也。楊云：道言說也。失之。

道聖王 道古賢聖 脫文四

請成相。道聖王。念孫案：道聖王從聖王也。古謂從爲道說見史記淮南衡山傳下文道古賢聖。基必張。義與此同。楊皆以道爲言說失之。又案道古賢聖。基必張上當有一四字句。而今本脫之。此篇之例兩三字句一七字句一四字句。又一一七字句共五句爲一章。今少一四字句。此指當時之君而言。與上成湯異事。故知有脫文。

舜授禹以天下

楊注曰：舜所以授禹亦以天下之故也。念孫案：此不言舜以天下授禹而言舜授禹以天下者。倒文以合韻耳。禹下爲韻非有深意也。楊反以過求而失之。

勞心力



禹勞心力。堯有德。干戈不用。三苗服。引之曰。力上本無心字。後人以左傳言君子勞心。小人勞力。故以意加心字耳。不知禹抑洪水。本是勞力於民。故淮南汜論篇。論衡祭意篇。並言禹勞力天下。非小人勞力之謂也。且此篇之例。凡首二句皆三字。加一心字。則與全篇之例不符矣。

### 直成 爲輔

得益皋陶。橫革直成爲輔。楊注云。橫革直成未聞。韓侍郎云。此論益皋陶之功。橫而不順理者。革之。直者成之也。盧云。困學紀聞曰。呂氏春秋求人篇。得陶化益。真窺橫革之交。五人佐禹。陶卽皋陶也。化益卽伯益也。真窺卽直成也。併橫革之交二人。皆禹輔佐之名。案窺與成音同。與窺形似。呂氏春秋蓋本作窺。傳寫誤爲窺耳。直與真亦形似。念孫案盧說是也。橫革直成爲輔。此句例當用七字。今本脫一字。或在爲上。或在爲下。俱未可知。

### 脫文三

願陳辭。世亂惡善不此治。引之曰。願陳辭下。脫一三字句。

### 良由姦詐

隱諱疾賢。良由姦詐鮮無災。念孫案良當爲長。楊注長用姦詐。是其證。今本長作良者。涉注文疾害賢良而誤。注言疾害賢良者。加一良字。以申明其義耳。若正文則以隱諱疾賢爲句。長由姦詐鮮無災爲句。無良字。



阪爲先

患難哉。阪爲先。聖知不用愚者謀。楊讀阪爲先。聖爲句。云阪與反同。反先聖之所爲。盧云。患難哉。二句。句三字。聖知不用愚者謀。七字句。與辭治災哉時韻。阪爲先。三字未詳。楊注不得其句。蓋此篇通例。兩三字句。一七字句。一四字句。又一七字句。如此五句爲一章也。念孫案。阪爲先。先疑當作之。此言爲治者。當進聖知而退愚。今不用聖知而用愚。是反爲之也。楊謂阪與反同。是也。但誤以先聖連讀耳。之字本作出。說文。兂字從几。出。凡與。此文之字。蓋本從古作出。寫者誤加几耳。出字正與辭治災哉謀時爲韻。

前車已覆後未知更何覺時

楊讀知字句絕。云前車已覆。猶不知戒。更何有覺寤之時也。盧云。前車已覆四字句。更改也。

豈獨無故

已無郵人。我獨自美。豈獨無故。楊注曰。或曰下無獨字。盧云。無獨字。則與全篇句法合。

恨後遂過

不知戒。後必有恨。後遂過不肯悔。楊讀後必有恨爲句。云恨。悔也。盧云。後必有三字爲句。有讀曰又。所謂貳過也。古音戒又悔態爲韻。念孫案。盧說是矣。而未盡也。恨後遂過四字。義不相屬。恨與很同。爾雅。閱。恨。很。後當爲復。字之誤也。上文後必有而誤。復與復同。韓子十過篇。夫知伯之爲人也。好利而驚。復。趙策。復。是



也。又通作蜺。史記酷吏傳贊京言很復不從諫以遂其過也。莊子漁父篇曰：見過不更，聞諫愈甚，謂之很。兆無忌。馮翊殷周蜺驚是也。

逸周書諡法篇曰：復很遂過曰刺。

### 詐態

讒夫多進反覆言語生詐態。念孫案態讀為姦慝之慝。下人之態同。言言語語反覆則詐慝從此生也。襄四年左傳：樹之詐其國家以態為慝者，古聲不分去入也。秦策曰：科條既備，民多偽態。又曰：上畏大后之嚴，下惑奸臣之態。淮南齊俗篇曰：禮義飾則生偽態之本。漢書李尋傳曰：賀良等反道惑衆，姦態當窮竟，皆借態為慝，非姿態之態也。

### 爭寵嫉賢利惡忌

念孫案利惡忌三字義不相屬。楊曲為之說，非也。利當為相字之誤也。相惡忌正承爭寵嫉賢言之。

### 孰公長父之難厲王流于彘

楊注曰：孰或為郭。盧云：案古郭號字通。郭公長父，即呂氏春秋當染篇之號公長父也。作郭字為是。之難二字當屬下為七字句。念孫案之是也。言難厲王者，是此人也。楚語云：秦徵衡實難桓景，實難即是難。

### 欲衷對

欲衷對言不從。念孫案此篇之例，凡首句必入韻。惟此處對字與下文之從凶江不協。衷對當為剖衷言。



欲剖衷以諫而無如言之不見聽也。史記蔡澤傳披腹心示情案即剖衷之謂欲剖衷言不從即上文所謂中不上達也。中與衷古字同耳。衷字正與從凶江爲韻。今本作欲衷對者剖誤爲對。又誤在衷字之下耳。楊說失之。

剽而獨鹿

恐爲子胥身離凶。進諫不聽。剽而獨鹿棄之江。楊注曰。獨鹿與屬鏤同。本亦或作屬鏤。吳王夫差賜子胥之劍名國語里革曰。鳥獸成水蟲孕水虞於是禁置罍。此當是自剽之後。盛以罍棄之江也。賈逵云。罍。小罍也。盧曰。案楊云本或作屬鏤。則訓劍不可易。國語以下必後人採他說附益之。念孫案後人讀獨鹿爲罍者。蓋未解而字之義故也。其意謂獨鹿果爲劍名。則不當言剽而獨鹿。故讀爲罍。謂是既剽之後。盛以罍棄之江也。今案而猶以也。謂剽以獨鹿也。古者而與以同義。顧命曰。眇眇予末小子。其能而亂四方。言其能以治四方也。某氏傳能如父祖治四方非是墨子尚賢篇曰。使天下之爲善者可而勸也。爲暴者可而沮也。言可以勸可以沮也。呂氏春秋去私篇曰。晉平公問於祁黃羊曰。南陽無令其誰可而爲之。言誰可以爲之也。高注而能也非是。辭見呂氏春秋而與以同義。故二字可以互用。同人象傳曰。文明以健。中正而應。繫辭傳曰。蓍之德圓而神。卦之德方以知。宣十五年左右傳曰。易子而食。析骸以爨。皆以二字互用。而與以同義。故又可以通用。繫辭傳。上古結繩而治。論衡齊世篇。引此而作以。昭元年左傳。繫甲以見南子。考工記函人。鄭司農注引此以作而。



利往印上

利往印上莫得擅與孰私得楊注曰利之所往皆印於上莫得擅爲賜與則誰敢私得於人乎印與仰同引之曰往字文義不順楊曲爲之說非也往當爲佳佳古惟字也唯或作佳惟維古鐘鼎文唯字作佳石鼓文亦然言臣民之利唯仰於上莫得擅有所與也凡隸書從彳從亼之字多相亂故往字或作佳與佳相似而誤

刑稱陳

刑稱陳守其銀楊注曰稱謂當罪當罪之法施陳則各守其分限銀與垠同念孫案楊說稱陳二字未安余謂陳者道也文登畢氏恬駱說尙書曰李鑒注漢書哀帝紀曰陳道也是古謂道爲陳微子云我祖底而退亦謂道與不道則行言刑之輕重皆稱乎道而各守其限也

脩領理績主執持

五聽脩領莫不理績主執持念孫案領猶治也理也言五聽皆脩理也樂記領父子君臣之節鄭注領猶領猶治也淮南本經篇神績當爲績主執持當爲孰主持莫不理績孰主持者爾雅曰績事也言百官莫明弗能領也高注領理也不各理其事夫孰得而主持之也上文曰莫得輕重威不分正所謂孰主持也又曰莫得擅與孰私得又曰莫得貴賤孰私王並與此文同一例今本績誤作績孰誤作執執字又誤在主字下則義不可通楊說皆失之



觀法不法見不視

楊注曰。所觀之法非法。則雖見不視也。郝云。按此言觀法於法不及之地。見物於視不到之鄉。所以謂之隱遠至耳目顯也。具見上文。注非。

各以宜舍巧拙

下不私請。各以宜舍巧拙。盧云。各以宜舍巧拙。中脫一字。據楊注云。各以所宜不苟求也。或當作各以所宜舍巧拙。

臣謹脩

臣謹脩。君制變。公察善思。論不亂。謂君臣之倫不亂也。論古字通。說見儒效篇。念孫案脩當爲循。字之誤也。見韓書循脩相亂。說此言臣當謹循舊法而不變。其制變則在君也。循與變亂貫爲韻。此以醇元二部通用。凡醇元二部之字。古聲皆不分平上去。此篇之例。首句無不入韻者。今本循作脩。則既失其義。而又失其韻矣。

賦

隆物 示下民 帝不齊均

智賦。皇天隆物。以示下民。或厚或薄。帝不齊均。桀紂以亂。湯武以賢。念孫案隆與降同。古字或以隆爲降。說見墨子尚賢中。篇。示本作施。俗音之誤也。廣雅曰。施。予也。帝本作常。字之誤也。物字卽指智而言。言皇天降智以予下民。

厚薄常不齊均。故有桀紂湯武之異也。今本施作示。常作帝。則義不可通。藝文類聚人部五。引此正作皇。天隆物。以施下民。或厚或薄。常不齊均。楊說皆失之。

脩潔之爲親而雜汙之爲狄

脩潔之爲親。而雜汙之爲狄者邪。楊注曰。智脩潔則可相親。若雜亂穢汙。則與夷狄無異。言險詐難近也。念孫案。親近也。狄讀爲逖。逖遠也。大雅瞻卬篇。舍爾介狄。毛傳曰。狄遠也。是狄與逖同。此言智之爲德。近於脩潔。而遠於雜汙也。楊說皆失之。陳說同。

也

明達純粹而無疵也。夫是之謂君子之知。引之曰。疵知爲韻也。字涉上文而脩。藝文類聚無。

大盈乎大寓

雲賦。精微乎毫毛。而太盈乎大寓。與字同。宋錢佃校本云。諸本作充盈乎大寓。非。念孫案。作充盈者是也。下文充盈大字而不窅。卽其證。充盈與精微對。監本作大盈。則旣與下大字複。又與精微不對矣。楊云。其廣大時。則盈於大字之內。則所見本已作大盈。藝文類聚天部上。引作充盈乎天字。

忽兮其極之遠也。攬兮其相逐而反也

忽兮其極之遠也。攬兮其相逐而反也。楊注曰。攬與釁同。攬兮。分判貌。言雲或悅忽之極而遠舉。或分散



相逐而還於山。念孫案：忽，遠貌。楚辭九歌曰：平原忽兮路超遠。九章曰：道遠忽兮。是忽爲遠貌。極至也。言忽兮其所至之遠也。據者，雲氣旋轉之貌。考工記：凡氏鍾，鍾謂之旋。程氏易：通藝錄曰：旋所以縣鍾者，文子所謂聖人法蟻蚌而閉戶是也。蟻小者謂之蛇蟻，郭璞江賦：所謂鸚鵡蛇蟻是也。曰旋，曰縣，其義不殊。蓋爲金柄於甬上，以貫於縣之者之鑿中，形如螺然。如此，則宛轉流動，不爲聲病矣。水經：唯水注云：唯陽城內有高臺，謂之盤臺。續述征記曰：迴道如盤，故謂之盤臺。是凡言盤者，皆取旋轉之義。反亦旋也。故曰：據兮其相逐而反也。楊說皆失之。

測意之

君子設辭，請測意之。楊注曰：請測其意，引之曰：楊以意爲志意之意，非也。意者度也。言請測度之也。禮運曰：聖人耐以天下爲一家，以中國爲一人者，非意之也。管子小問篇：東郭郵曰：君子善謀而小人善意。臣意之也。是意爲度也。意之言億也。韓子解老篇：先物行，先理動，之謂前識。前識者，無緣而忘意度也。忘與問億度，卽妄意度。鄭注：少儀曰：測，意度也。意，本又作億。論語：先進篇：億則屢中。漢書：貨殖傳：億作意。

不窕 行遠疾速而不可託訊者與 億忌 私置

此夫大而不塞者與，充盈大宇而不窕，入卻穴而不偏者與？行遠疾速而不可託訊者與？往來惛憊而不可爲固塞者與？異至殺傷而不億忌者與？功被天下而不私置者與？楊注：充盈大宇二句云：窕讀爲窾，深貌也。言充盈則滿大宇，幽深則入卻穴，而曾無偏側不容也。念孫案：楊訓窕爲深貌，又以窕字連下句解之，皆非也。充盈大宇而不窕爲句，窕者閒隙之稱，言充盈大宇而無閒隙也。偏，不容也。偏與窕義正相反。

廣雅曰。窕。寬也。昭二十一年左傳。鍾小者不窕。大者不擲。窕則不咸。擲則不容。杜注曰。窕。細不滿也。擲。橫大不入也。不成。不充滿人心也。不容。心不堪容也。大戴禮王言篇曰。布諸天下而不窕。內諸尋常之室而不塞。管子宙合篇曰。其處大也不窕。其入小也不塞。墨子尚賢篇曰。大用之天下則不窕。小用之則不困。呂氏春秋適音篇曰。音太鉅則志蕩。以蕩聽鉅則耳不容。不容則橫塞。橫塞則振。太小則志嫌。以嫌聽小則耳不充。不充則不詹。不詹則窕。高注曰。窕。不滿密也。義並與此同。曩至殺傷而不億忌。楊云。億。謂以意度之。雷霆震怒。殺傷萬物。曾不億度。疑忌。言果決不測也。念孫案。億。讀爲意。意。億古字通。說見前。淵意之下。意。疑也。言曩至殺傷而曾無所疑忌也。廣雅曰。意。疑也。漢書文三王傳。於是天子意梁。顏師古注。與廣雅同。韓子說疑篇。上無意。下無怪。無意。無疑也。史記陳丞相世家。項王爲人意忌。信讒。平津侯傳。宏爲人意忌。外寬內深。酷吏傳。湯雖文深意忌。皆謂疑忌也。楊以億爲億度。則分億與忌爲二義。失之矣。功被天下而不私置。楊云。天下同被其功。曾無所私置。言無偏頗。念孫案。置。讀爲德。言功被天下而無私德也。繫辭傳。有功而不德。德。鄭陸蜀才並作置。鄭云。置當爲德。逸周書官人篇。有施而弗德。大戴禮文王官人篇。作有施而不置。荀子哀公篇。言忠信而心不德。大戴禮哀公問五義篇。作躬行忠信而心不置。是置爲德之借字也。此段以塞偏塞忌極爲韻。忌讀如極。左傳。費無極。史記。作費無忌。置與德同行。遠疾速而不可託。訊。訊下者與二字。蓋因上下文而衍。訊字不入韻。上文充盈大字而不窕。窕字亦不入韻也。盧云。訊不與前後韻協。疑是訊託誤倒。



非是。託字於古音屬鐸部。改託訊爲訊託。仍不合韻。

與𧈧爲鄰

蠶賦名號不美。與𧈧爲鄰。楊注曰。侵𧈧者。亦取名於蠶食。故曰與𧈧爲鄰也。引之曰。如楊說。則蠶下必加食字。而其義始明。竊謂方言慘殺也。說文慘毒也。字或作𧈧。莊子庚桑楚篇曰。兵莫𧈧于志。鑠錙爲下。慘𧈧聲相近。故曰與𧈧爲鄰。

五泰

請占之五泰。盧云。此與下文五泰。宋本皆作五帝。無五泰五帝也。五字注。今從元刻。與困學紀聞所引合。古者帝字不與敗世害韻。五支六脂之別也。念孫案敗世害泰。古音並屬祭部。非唯不與五支之去聲通。並不與六脂之去聲通。此盧用段說而誤也。說見戴先生聲韻考。

喜溼

喜溼而惡雨。念孫案蠶性惡溼。不得言喜溼。太平御覽資產部五。引作疾溼而惡雨。是也。惡雨與疾溼同意。楊云。溼謂浴其種。乃曲爲之說耳。

簪以爲父

楊注曰。簪形似箴而大。故曰爲父。盧云。簪當爲鑽。子貫反。謂所以琢箴之線孔者也。箴賴以成形。故曰爲父。

幽晦

幽晦登昭日月下藏。元刻作幽闇。宋本同。念孫案元刻是也。楊注幽闇之人是其證。宋本闇作晦者涉上文旦暮晦盲而誤。藝文類聚人部八引作幽暗登照暗與闇同。

反見從橫

公正無私。反見從橫。楊注曰言公正無私之人。反見謂從橫反覆之志也。念孫案反見從橫四字文不成義。此本作見謂從橫言公正無私之人。反以從橫見謂於世也。楊注內見謂二字即其證。凡見譽於人曰見謂。若王霸篇曰齊桓公閨門之內縣樂奢秦游抗之循於天下不見謂脩。賈子脩政語篇曰故言之者見謂智學之者見謂賢守之者見謂信樂之者見謂仁行之者見謂聖皆是也。見毀於人亦曰見謂。若莊子達生篇曰居鄉不見謂不脩臨難不見謂不勇漢書兒寬傳曰張湯爲廷尉盡用文史法律之吏而寬以儒生在其間見謂不習事。邶風谷風箋曰涇水以有渭故見謂濁。今本謂濁據正義改。及此言見謂縱橫皆是也。後人不曉見謂二字之義又以楊注云反見謂從橫遂改正文見謂爲反見不知楊注特加反字以申明其義非正文所有也。藝文類聚人部八引此正作見謂從橫。

貳兵

懲革貳兵。楊注懲與敵同。念孫案貳兵二字文義不明貳當爲戒字之誤也。錄書戒字作戎與貳相似。戒兵與懲革同義。楊云。



貳副也未安。

將將

道德純備。讒口將將。楊注曰。將。去也。言以讒言相退送。或曰。將將。讀爲鏘鏘。進貌。念孫案。楊後說。讀將將爲鏘鏘是也。而云進貌。則古無此訓。余謂將將。集聚之貌也。周頌執競篇。磬筦將將。毛傳曰。將將。集也。然則讒口將將。亦謂讒言之交集也。小雅十月篇。讒口嚙嚙。箋云。嚙嚙。衆多貌。義亦與將將同。

雜布與錦

雜布與錦。不知異也。念孫案。此謂布與錦雜陳於前。而不知別異。說文。布。泉織也。言美惡不分也。楊以雜布二字連讀。而訓爲羸布。失之。

閭姬子奢

楊注曰。閭姬。古之美女。後語作明陬。蓋一名明陬。漢書音義。韋昭曰。閭陬。梁王魏嬰之美女。子奢當爲子都。鄭之美人。詩曰。不見子都。後語作子都。盧云。明是閭字之誤。楊未省照耳。汪云。都奢。古本一音。不必改字。

大略

教出而後士

諸侯相見卿爲介以其教出畢行楊注曰教謂戒令畢行謂羣臣盡行從君也念孫案教出當爲教士謂常所教習之士也大戴禮虞戴德篇云諸侯相見卿爲介以其教士畢行文與此同也下文曰君子聽律習容而後士楊云言威儀如此乃可爲士念孫案士當爲出言必聽律習容而後出也楊云聽律謂聽佩玉藻云習容觀玉聲乃出鄭注曰是其證也隸書士出二字相似傳寫往往譌溷隸書出字或省作士若省作款皆是也故諸書中士出二字傳寫多誤傳二十五年左傳謀出曰原將降矣呂氏春秋爲欲篇謀出譌作謀士管子大匡篇士欲通吏不通今本士譌作出史記呂后本紀齊內史士徐廣曰一作出夏本紀稱以出大戴禮五帝德楊說皆失之

虛之 非禮也 非義也

仁非其里而虛之非禮也義非其門而由之非義也楊注曰虛讀爲居聲之誤也念孫案虛當爲處字之誤也下文云君子處仁以義是其證陳說同又引論語里仁爲美擇不處仁又案楊云仁非其里義非其門皆謂有仁義而無禮也盧云非義也亦當爲非禮也案楊盧之說皆非也非禮也當作非仁也劉說非義也義字不誤此文云仁非其里而處之非仁也義非其門而由之非義也下文云君子處仁以義然後仁也行義以禮然後義也前後正相呼應以是明之

不知

審節而不知不成禮楊注曰知或爲和念孫案作和者是也禮以和爲貴故審節而不和則不成禮下文



和而不發。正承此和字言之。今本和作知。字之誤耳。禮書和字或作知。與知相似。見漢白石神君碑。既能審於禮節。則不得謂之不知。楊云。雖能明審節制。而不知其意。於不知下加其意二字。失之。

殺大蚤

楊注曰。禮記曰。獺祭魚。然後虞人入澤梁。豺祭獸。然後田獵。先於此爲早也。念孫案。此說是也。前說非。

君臣不得不尊父子。不得不親兄弟。不得不順夫婦。不得不驩少者。以長老者。以養故天地生之。

聖人成之

汪云。君臣以下四十一字錯簡。當在後國家無禮不寧之下。此因上尙尊尙親之文而誤。

寢不踰廟。設衣不踰祭服

念孫案。設當爲讌。字之誤也。故楊注云。讌。宴也。今注文讌字亦誤作設。寢對廟而言。讌衣對祭服而言。王制。燕衣不踰祭服。寢不踰廟。是其證。

霜降逆女。冰泮殺內。十日一御

楊以殺內二字連讀。云當爲冰泮逆女。霜降殺內。故詩曰。士如歸妻。迨冰未泮。殺。減也。內。謂妾御也。十日一御。卽殺內之義。冰泮逆女。謂發生之時。合男女也。霜降殺內。謂閉藏之時。禁嗜欲也。盧云。案詩陳風東門之楊。毛傳云。言男女失時。不逮秋冬。正義引荀卿語。並云。毛公親事荀卿。故亦以秋冬爲昏期。家語所

說亦同。匏有苦葉所云。迨冰未泮。周官媒氏。中春會男女。皆是要其終。言不過是耳。楊注非。十日一御。君子之謹游於房也。不必連冰泮言。引之曰。此文本作霜降逆女。冰泮殺止。謂霜降始逆女。至冰泮而殺止也。召南標有梅。及陳風東門之楊。正義兩引此文。皆作冰泮殺止。周官媒氏疏。載王肅論。引此文及韓詩傳。亦皆作冰泮殺止。又春秋繁露循天之道篇。亦云古之人霜降而逆女。冰泮而殺止。東門之楊正義所引如是。今本作殺內乃後人依誤。本荀子改之。自楊所見本。殺下始脫止字。而楊遂以殺內二字連讀。誤矣。冰泮殺止。指嫁娶而言。內字下屬爲句。內十日一御。別是一事。非承冰泮而言。

### 大之

立視前六尺而大之。六六三十六。三丈六尺。引之曰。大之當爲六之。言以六尺而六之。則爲三丈六尺也。楊以廣釋大。則所見本已誤。

### 文貌 情用

文貌情用。相爲內外表裏。念孫案。文貌在外。情用在內。故曰相爲內外表裏。禮論篇曰。文理繁。情用省。是禮之隆也。文理省。情用繁。是禮之殺也。文理清用。相爲內外表裏。並行而雜。是禮之中流也。彼言文理。猶此言文貌。楊彼注云。文理謂威儀。情用謂忠誠。是也。此注失之。

### 脩六禮明十教



楊注曰。十或爲七。念孫案王制曰。司徒脩六禮以節民性。明七教以興民德。六禮冠昏喪祭鄉相見。七教父子兄弟夫婦君臣長幼朋友賓客。則作七教者是也。凡經傳中七十二字。互誤者多矣。楊前注以禮運之十義爲十教。失之。

管仲之爲人力功不力義力。知不力仁。野人也不可以爲天子大夫。郝云。按此謂管仲尙功力而不脩仁義。不可爲王者之佐。注以四子言。恐非。

### 害靡國家

利夫秋豪害靡國家。楊注曰。靡。披靡也。利夫秋豪之細。其害遂披靡而來及於國家。念孫案楊說靡字之義。非是。靡者。滅也。言利不過秋豪。而害乃至於滅國家也。方言。靡。滅也。郭璞曰。或作摩滅字。音糜。漢書賈山傳。萬鈞之所壓。無不糜滅者。司馬遷傳。富貴而名靡滅。靡與糜古同聲而通用。說見唐韻正。陳云。靡。累也。言所利在秋豪。而其害累及國家也。詩周頌傳曰。靡累也是其義。

### 場園

大夫不爲場園。念孫案場園當爲場圃。字之誤也。韓詩外傳作不爲場圃。玩楊注亦是圃字。論語子路篇馬注。及射義鄭注。並云樹菜蔬曰圃。卽楊注所本。

然故

然故民不困財。軍書治要財作則則以民貧饑者有所竄其手。念孫案然故猶是故也。堯問篇然故士至同說見釋詞然字下。

上好羞則民闇飾矣。上好富則民死利矣。二者亂之術矣。

楊注曰：好羞貧而事奢侈，則民闇自脩飾也。念孫案楊說迂曲而不可通。羞當爲義。羞字上半與義同。又涉上文兩羞字而誤也。上好義則民闇飾者，言上好義則民雖處隱闇之中，亦自脩飾，不敢放於利而行也。呂氏春秋具備篇載宓子賤治亶父，使民闇行，若有嚴刑，上好義與上好富對文。故下文又云：欲富乎？於旁即所謂民闇飾也。賈子大政篇曰：聖明則士闇飾矣。上好義與上好富對文，故下文又云：欲富乎？與義分背矣。上好義則民闇飾，上好富則民死利。即上文所云上重義則義克利，上重利則利克義也。論錯幣篇：上好禮則民闇飾，上好貨則下死利，即用荀子而小變其文。劉云：二者亂之術，二者二字承上兩句而言，則亂上當有治字。

臨患難而不忘細席之言。

郝云：按細席注皆未安。恐茵席之形譌。蓋茵借爲細。細又譌爲細耳。念孫案郝說是也。漢書霍光傳：加畫繡細馮。如淳曰：細亦茵。是其證。茵席之言，謂昔日之言，即論語所謂平生之言也。故尸子云：臨大事不忘昔席之言。見楊注。

和之璧，爲天子寶。

和之璧，井里之厥也。盧云：厥同璽。說文：璽，門欄也。荀子以璽爲璽。晏子以璽爲璽。皆見鍾山札記。玉人琢之，爲天子寶。



念孫案文選劉琨答盧諶詩序天下之寶當與天下共之注引此和下有氏字晏子春秋雜篇同爲天子寶作爲

天下寶又引史記周本紀相如傳和氏璧天下所共傳寶也於義爲長下文亦云子贛季路爲天下列士

不立

君子疑則不言未問則不立念孫案立字義不可通立亦當爲言下文未問疑則不言未問則不言皆謂

君子之不易反以其言也大戴記曾子立事篇君子疑則不言未問則不言此篇之文多與曾子同也隸

書言字或作音若善作音善作音之類皆是因脫其半而爲立秦策秦王愛公孫衍與之楊曲爲之說非

少不諷

少不諷壯不論義念孫案少不諷當從大戴記作少不諷諷諷與論議對文少一諷字則文不足意矣

楊云諷謂就學諷詩書則所見本已脫誦字

學者非必爲仕而仕者必如學

郝云按如肖似也此言仕必不可負所學注云如往非也

皋如嶠如隔如

望其壙皋如也嶠如也隔如也楊注曰皋當爲宰宰冢也宰如高貌嶠與壙同謂土填塞也隔謂隔絕於

上列子作宰如墳如天瑞篇盧云公羊僖卅三年傳宰上之木拱矣是宰卽冢也冢大也如大山也嶠讀爲

顛山頂也。鬲如形如寶五穀之器也。山有似顛者矣。列子顛如作墳如如大防也。劉云案今列子作畢如也。宰如也。畢卽皋。豈楊氏所見本異邪。畢如宰如二句疊出則不得破皋爲宰矣。念孫案家語困誓篇亦作畢如也。王肅曰畢高貌。

其人 其人也 非其人也

君子也者而好之。其人也而不教。不詳。非君子而好之。非其人也。非其人而教之。齋盜糧。借賊兵也。盧云此條言所好者君子。是爲得其人。非君子而好之。則所好非其人也。人可與言而不教。是爲不詳。不可與言而教之。則又資盜糧。借賊兵也。楊注不了。念孫案其人也而不教也。字當在上句。其人下。同。汪說下文非君子而好之。非其人也。非其人而教之。齋盜糧。借賊兵也。上非其人下有也字。下非其人下無也字。是其證。此言能好君子。則爲可教之人。可教而不教之。是爲不詳。若所好非君子。則爲不可教之人。不可教而教之。則是齋盜糧。借賊兵也。盧說亦未了。

柳下惠與後門者同衣而不見疑。非一日之聞也。

楊注曰。後門者。君之守後門至賤者。子夏言昔柳下惠衣之弊惡。與後門者同時。人尙無疑怪者。言安於貧賤。渾跡而人不知也。非一日之聞。言聞之久矣。盧云案柳下惠一條。不當蒙上文。與後門者同衣而不見疑。蓋卽毛詩巷伯詆訓傳所云。姬不逮門之女。而國人不稱其亂也。非一日之聞。言素行爲人所信。又

鍾山札記引呂氏春秋長利篇云。戎夷違齊如魯。天大寒而後門。高誘注。後門。日夕門已閉也。韓非子外儲說左下云。暮而後門。

爭利如蚤甲而喪其掌

楊注。蒙上文爲解。盧云。此亦當別爲一條。

來乘

凡物有乘而來乘。其出者是其反者也。念孫案。下乘字疑涉上乘字而衍。凡物有乘而來者。乘。因也。文選謝朓始出。尚書省詩注。言凡物必有所因而來。反乎我者。卽出乎我者也。故曰。其出者是其反者也。今本來下又有乘字。則義反晦矣。楊說失之。

禍之所由生也。生自纖纖也。

盧云。元刻作禍之所由生。自纖纖也。宋與本同。與大戴曾子立事篇同。汪從元刻。

泔之 奧之

曾子食魚有餘。曰泔之。門人曰。泔之傷人。不如奧之。楊注曰。泔與奧皆烹和之名。未詳其說。盧氏龍城札記曰。案非烹和也。曾子以魚多。欲藏之耳。泔。米汁也。泔之。謂以米汁浸漬之。門人以易致腐爛。食之不宜於人。或致有腹疾之患。故以爲傷人。說文奧。宛也。宛。奧也。奧與宛皆與鬱音義同。今人藏魚之法。醉魚則



用酒醢魚則用鹽置之甄中以鬱之。可以經久且味美。奧如鬱韭鬱麴之鬱。鬱韭見說文。鬱麴見釋名。皆謂治之藏於幽隱之處。今魚經鹽酒者。於老者病者極相宜。正與傷人相反。念孫案米泔不可以漬魚。盧謂以米泔浸漬之非也。泔當爲泊。周官士師。泊鑊水。鄭注曰。泊。謂增其沃汁。襄二十八年左傳。去其肉而以其泊饋。正義曰。添水以爲肉汁。遂名肉汁爲泊。然則添水以爲魚汁。亦得謂之泊。泊之謂添水以漬之也。呂氏春秋應言篇。多泊之則淡而不可食。少泊之則焦而不熟。高注曰。肉汁爲泊。彼言多泊之少泊之。卽此所謂泊之矣。以泊漬魚。則恐致腐爛而不宜於食。故曰泊之傷人也。隸書甘字或作日。與自字極相似。故泊誤爲泔耳。漢四嶽華山亭碑。甘樹弗布。甘字作自。見漢隸字原。奧亦非烹和之名。盧訓奧爲鬱是也。釋名曰。臙。奧也。藏物於奧內。稍出用之也。彼所謂臙。卽此所謂奧之矣。然盧謂奧與宛鬱同音。則非也。奧與宛鬱同義而不同音。故諸書中鬱字有通作宛者。而宛鬱二字無通作奧者。以宛鬱釋奧則可。讀奧爲宛鬱則不可。

唯

天下之人。唯各特意哉。然而有所共予也。盧云。唯元刻作雖。念孫案唯卽雖字也。說見經義述聞。桓十四年穀梁傳。

飲而不食者蟬也。不飲不食者蜉蝣也。

注云。此二語別是一義。與上文不相蒙。注非。

宥坐

今生也有時

嫚令謹誅賊也。今生也有時。斂也。無時。彙也。不教而責成功。虐也。念孫案今字當在嫚令謹誅上。總下三事言之。文義方順。家語始誅篇作夫嫚令謹誅。夫字亦總下之詞。

秦三年而百姓往矣

盧云。往乃從之誤。下注同。念孫案從下當有風字。今本無風字者。從誤爲往。則往風二字。義不可通。後人因刪風字耳。據楊注云。百姓從化。化字正釋風字。太平御覽治道部五引此。正作百姓從風。韓詩外傳及說苑政理篇並同。

邪民不從

邪民不從。然後俟之以刑。念孫案邪民本作躬行。上文云。上先服之。三年而百姓從風。服者。行也。卽此所謂躬行也。故云躬行不從。然後俟之以刑。隸書躬與邪相似。故躬誤爲邪。見隸辨。案躬行作邪行。邪字誤。唯說苑不誤。今本荀子邪行作邪民。乃後人所改。辯見下。家語始誅篇作其有邪民不從化者。然後待之以刑。案荀子之躬行不從。誤作邪行不從。則意不可通。王肅不知邪爲躬之誤。故改邪行不從爲邪民不從化。以曲通其義。而今本荀子亦作邪民。則又後人以家語改之也。楊注云。百姓既從。然後誅其姦邪。則所見本已同。今本說苑正作

躬行不從而后俟之以刑。

### 任負車

百仞之山。任負車登焉。楊注曰。負重也。任負車。任重之車也。念孫案。古無訓負爲重者。余謂負亦任也。魯語注曰。任。負荷也。楚辭九章注曰。任。負也。連言任負者。古人自有複語耳。倒言之。則曰負任。齊語。負任擔荷。是也。

### 陵遲故也

楊注曰。遲。慢也。陵遲。言邱陵之勢漸慢也。王肅云。陵遲。陂陀也。盧云。案淮南山以陵遲故能高。秦族陵遲。猶迤邐陂陀之謂。此注與匡謬正俗俱訓陵爲邱陵。似泥。念孫案。盧說是也。說文。交。交渾也。其字本作交。則非謂邱陵明矣。詳見漢書雜志末卷。

### 馮而游

百仞之山。而豎子馮而游焉。念孫案。馮者。登也。周官馮相氏注曰。馮。乘也。相。視也。世登高臺。以視天文之次序。廣雅曰。馮。登也。故外傳作童子登而遊焉。說苑作童子升而遊焉。升亦登也。

### 大徧與諸生

夫水。大徧與諸生而無爲也。似德。念孫案。徧與。上不啻有大字。蓋涉上文大水而衍。據楊注云。徧與諸生。



謂水能徧生萬物。則無大字明矣。初學記地部中引此無大字。大戴記勸學篇說苑雜言篇家語三恕篇並同。

澆澆乎

其澆澆乎不涸盡。似道。楊注曰。澆讀爲澆。澆澆。水至之貌。涸讀爲屈。竭也。家語作浩浩。無屈盡之期。念孫案楊讀澆爲澆。澆澆。水至之貌。古無此訓。澆澆當從家語作浩浩。字之誤也。俗書澆字作澆。與浩略相似。王制曰。有餘曰浩。故曰浩浩乎不涸盡。初學記引荀子正作浩浩。則所見本尙未誤。太平御覽地部二十三同。

佚若聲響

其應佚若聲響。楊注曰。佚與逸同。奔逸也。念孫案奔逸與聲響義不相屬。楊說非也。佚讀爲呿。逸音呿。疾貌也。言其相應之疾。若響之應聲也。漢書楊雄傳甘泉賦。薶呿肸以攄根兮。聲駢隱而歷鍾。師古曰。言風之動樹。聲響振起。衆根合同。駢隱而盛。歷入殿上之鍾也。薶讀與響同。呿音丑乙反。文選李善注曰。呿。疾貌也。余曰。切正與佚字同音。古無呿字。故借佚爲之耳。

皆繼

鄉者賜觀於大廟之北堂。吾亦未輟。還復瞻被。九蓋皆繼。被有說邪。匠過絕邪。楊注曰。九當爲北。被皆當爲彼。蓋音盍。戶扇也。與圖同。皆繼。謂其材木斷絕。相接繼也。子貢問北盍皆繼續。彼有說邪。匠過誤而遂絕。

之邪家語三恕作北蓋皆斷。王肅云：觀北而之蓋皆斷絕也。念孫案：繼與輟說絕，韻不相協，繼當爲繼字之誤也。說文：繼，古文絕。正與輟說絕爲韻。繼爲古文絕，而此文以繼絕並用者，古人之文不嫌於複。凡經傳中同一字而上下異形者，不可枚舉。卽用韻之文亦有之。皋陶謨曰：天聰明自我民聰明。天明畏自我民明威。釋文：畏，馬本作威。周官鄉大夫注：引作天明威。自我民明威，是畏卽威也。小雅正月篇云：燎之方揚，寧或滅之。赫赫宗周，褒姒滅之。釋文：威本或作滅。昭元年左傳：引作褒姒滅之。是威卽滅也。越語云：死生因天地之刑。天地形之，聖人因而成之。管子勢篇：作死死生，因天地之形，是刑卽形也。皆與此文之繼絕並用同例。今本繼作繼，則既失其韻而又失其義矣。楊云：皆繼，謂材木斷絕相接繼，非也。接繼與斷絕正相反。下文云：匠過絕邪，則此文之不作繼甚明。家語作北蓋皆斷，斷亦絕也。

### 嘗有說

大廟之堂亦嘗有說。念孫案：嘗讀爲當。當嘗古字通。孟子萬章篇：是時言大廟之堂，所以北蓋皆斷絕者，亦嘗有說也。下文蓋曰：貴文也。正申明亦嘗有說之意。楊訓嘗爲曾失之。

### 因麗節文

官致良工，因麗節文。楊注曰：因，隨其木之美麗；節文，而裁制之。所以斷絕。念孫案：麗非美麗之謂。麗者，施也。見廣雅及多方。顧命：言因良材而施之以節文也。下文：見家語作匠致良材，盡其功巧，正謂施之以節也。呂刑傳：士喪禮注。

文也。

子道

則不幸

故勞苦彫萃而能無失其敬。災禍患難而能無失其義。則不幸不順見惡而能無失其愛。念孫案則與卽同。說見釋詞。

則何以爲 脫一句

無此三者。則何以爲而無孝之名也。念孫案以字衍。韓詩外傳無以字。下文何爲而無孝之名也。亦無以字。又案外傳此句下。有意者所友非仁人邪一句。玩本書亦似當有此句。下文雖有國士之力四句。正承此句而言。又下文入而行不脩。身之罪也。承上身不敬三句而言。出而名不章。友之過也。則承此句而言。若無此句。則與下文不相應矣。

法行

遠 反

內人之疏而外人之親。不亦遠乎。身不善而怨人。不亦反乎。念孫案遠當爲反。反當爲遠。內人親而外人疏。今疏內而親外。是反也。故曰不亦反乎。身不善而怨人。是舍近而求遠也。故曰不亦遠乎。下文曰失之



己而反諸人，豈不亦迂哉？迂即遠也。是其證。今本反與遠互誤，則非其旨矣。韓詩外傳正作內疏而外親，不亦反乎？身不善而怨他人，不亦遠乎？楊說皆失之。

### 栗而理

溫潤而澤，仁也。栗而理，智也。宋呂本如是。宋錢佃本及元刻，依聘義於栗上增續字，而盧本從之，引之曰：增續字者，誤也。楊注但釋栗理二字，而不釋續字，則正文之無續字甚明。說苑雜言篇說玉曰：望之溫潤，近之栗理，望之溫潤者，君子比德焉；近之栗理者，君子比智焉。亦言栗理而不言續栗者，秩然有條理之謂，故有似於智。楊依聘義注，訓栗爲堅貌，亦非。說詳經義述聞聘義。

### 瑕適並見情也

念孫案：適讀爲謫。經傳通以謫，亦瑕也。老子曰：善言無瑕謫，是也。管子水地篇：瑕適皆見，精也。精與情同，說見管子。尹知章曰：瑕適，玉病也。呂氏春秋舉難篇：說苑曰：玉有瑕，必見之於外。故君子比情焉。此言瑕適而說苑但言瑕，是適即瑕也。情之言誠也。玉不自掩其瑕適，故曰情。春秋繁露仁義法篇云：自稱其惡，謂之情。義與此同。楊讀適爲調適之適，失之。

### 哀公

紳而撝笏，此賢乎

然則夫章甫絢屨紳而搢笏者此賢乎。念孫案大戴記哀公問五義篇家語五儀篇紳下有帶字賢上有皆字並於義爲長。

勤行 止交

勤行不知所務止交不知所定。盧云止交大戴禮韓詩外傳皆作止立引之曰作止立者是止交二字文不成義。楊云交謂接待於物非也勤行亦當依大戴作動行皆字之誤也。動行與止立對文外傳作動作。

五鑿爲正心從而壞

楊注曰鑿竅也五鑿謂耳目鼻口及心之竅也言五鑿雖似於正而其心已從外物所誘而壞矣。一曰五鑿五情也莊子曰六鑿相攘司馬彪曰六情相攘奪。盧云案大戴禮作五鑿爲政此正字義當與政同。注似非。念孫案楊後說以五鑿爲五情頗勝前說。

大辨乎天地

是故其事大辨乎天地明察乎日月。念孫案辨讀爲徧言其事大則徧乎天地明則察乎日月也。與上辨乎萬物之情性不同。楊以辨爲辨別則與大字義不相屬矣。徧辨古字通說見日知錄。

若天之嗣

若天之嗣其事不可識。念孫案嗣讀爲司鄭風羔裘傳曰司主也言若天之主司萬化其事不可得而知。

也。司嗣古字通。大戴記正作若天之司。高宗彤日王司敬民。史記殷本紀司作嗣。楊云。嗣繼也。失之。

焉不至

君以此思哀。則哀將焉不至矣。盧云。正文焉下元刻有而字。下四句並同。宋龔本同。而當訓爲能。若以爲衍。不應四句皆然。又補校云。考齊策管燕謂其左右曰。子孰而與我赴諸侯乎。而卽能字。高誘注呂氏春秋去私士容二篇。皆訓而爲能。其注淮南亦然。易屯釋文亦云。鄭讀而爲能。然則此焉而正當讀爲焉能。不可易矣。念孫案盧說是也。文選王文憲集序注。引此有而字。其引此無而字者。皆後人不知古訓而刪之也。古書多以而爲能。詳見淮南人閒篇。

東野子之善馭乎

盧云。家語顏淵篇。作子亦聞東野畢之善御乎。此脫子亦聞三字。又子之當作之子。念孫案東野子亦當作東野畢。下文皆作東野畢。是其證。韓詩外傳作善哉東野畢之御也。新序雜事篇同。

是舜無失民。造父無失馬也

盧云。新序家語。是下皆有以字。念孫案太平御覽工藝部三。引此亦有以字。韓詩外傳同。當據補。

堯問

振寡人之過



天使夫子振寡人之過也。念孫案振救也。說文振舉救也。月令哀公問注。昭十四年左傳注。並云振救也。吳語注。呂氏春秋季春篇注。淮南時則篇注。並云振救也。史記蒙恬傳曰。過可振而諫可覺。故曰振寡人之過。楊云振舉也。於義未該。

窶小

彼其好自用也。是所以窶小也。楊注曰。窶無禮也。彼伯禽好自用而不諮詢。是乃無禮驕人而器局小也。念孫案楊分窶與小爲二義。非也。窶亦小也。言其好自用也。是其器局之所以窶小也。韓子詭使篇。惇慤純信。用心一者。則謂之窶。言世人皆尙詐僞。故見惇慤純信。用心專一者。則謂之窶小也。釋名曰。窶數猶局縮。皆小意也。漢書東方朔傳。酒覆樹上。寄生者。令朔射之。朔曰。是窶數也。師古曰。窶數。戴器也。以盆盛物。戴於頭者。則以窶數薦之。寄生者。芝菌之類。淋潦之日。著樹而生。形有周圍。象窶數者。故在盆下。謂之窶數。亦局縮之意也。蔡邕短人賦。劣厥儂窶。亦是短小之意。詩傳以窶爲無禮。謂貧者不能備禮。非謂無禮驕人也。

不聞卽物少至

楊注曰。物事也不見士則無所聞。無所聞則所知之事亦少。聞或爲問。念孫案聞卽問字也。說見經義述王言不問則所知之事少也。問字正承上文見士問曰而言。

不息

多其功而不息。劉云不息。韓詩外傳。春秋繁露山川頌。說苑臣術篇。並作不言。引之曰。言與息形聲皆不

相近。若本是言字。無緣誤爲息。息當爲惠。惠古德字。繫辭傳曰。有功而不德。是也。韓詩外傳春秋繁露。說苑。作不言。意與不德同。俗書惠字作惠。形與息相似而誤。大戴禮公冠篇。靡不蒙惠。今本誤作靡不息。是其證也。家語因誓篇。作多其功而不意。王肅曰。功雖多而無所意也。兩意字亦惠字之誤。家語本於荀子。則荀子之本作惠明矣。太平御覽地部二。正引作多其功而不德。

余昔校荀子。據盧學士校本而加案語。盧學士校本。則據宋呂夏卿本而加案語。去年陳碩甫文學。以手錄宋錢佃校本異同。郵寄來都。余據以與盧本相校。已載入荀子雜誌中矣。今年顧澗菴文學。又以手錄呂錢二本異同見示。余乃知呂本有刻本影鈔本之不同。錢本亦有二本。不但錢與呂字句多有不同。卽同是呂本。同是錢本。而亦不能盡同。擇善而從。誠不可以已也。時荀子雜誌已付梓。不及追改。乃因顧文學所錄。而前此未見者。爲補遺一編。並以顧文學所考訂。及余近日所校諸條。載於其中以質於好古之士。云道光十年五月二十九日高郵王念孫敘時年八十有七。



荀子補遺

勸學篇 以錐澹壺也。宋呂本澹作澹與錢本同。

修身篇 保利非義謂之至賊。盧云非元刻作弃念孫案盧本作非者為影鈔宋本所誤也。刻本正作

弃弃與保義正相反作非者字之誤耳。呂錢本元刻及世德堂本皆作弃。

其遠思也早。呂本作遠害與錢本同。

榮辱篇 橋泄者人之殃也。呂本橋作橋與錢本元刻同。

鯀鮒者浮陽之魚也。肱於沙而思水則無逮矣。楊注曰肱與祛同方言云祛去也去於沙謂失水去在

沙上也引之曰魚在沙上不得謂之去於沙楊說非也案肱當為俗風俗之俗從谷者不同與玉篇俗渠

戟切倦也集韻飢方言倦也倦與或作飢俗漢司馬相如子虛賦微飢受詘郭璞曰飢疲極也上林賦與

其窮極倦飢郭曰窮極倦飢疲憊者也說文飢微飢受屈也飢飢飢並與俗同窮極倦飢其義一也廣雅

曰困疲羸勞鄭注考工記轉人飢窮備與憊同遜象傳有疾極也困也呂刑曰人極于病困疲羸倦飢窮

憊極其義一也然則俗者窮困之謂言魚困於沙而思水則無及也隸書丿旁或從篆作几見隸與月相

似谷或作去漢冀州刺史王純碑卻掃閉門卻字與去相似故俗字譌而為肱

非相篇 以其治亂者異道呂本以其作其以與錢本同前謂呂本作以其因盧本而誤

故君子之於言也。志好之。行安之。樂言之。故君子必辯。引之曰。故君子之於言也。言當爲善。善字本作  
警。脫其半而爲言。又涉上下文言字而誤也。志好之。行安之。樂言之。三之字皆指善而言。下文云。凡人莫  
不好言其所善。而君子爲甚。此句凡是其明證矣。下文又云。故君子之行仁也無厭。志好之。行安之。樂言  
之。故君子必辯。今本故下衍仁。卽所謂善也。今本善作言。則下文三之字皆義不可通。

非十二子篇。縱情性。安恣睢。禽獸之行。呂錢本皆無之字。念孫案呂錢本是也。據楊注云。與禽獸無  
異。故曰禽獸行。則無之字明矣。性惡篇云。禽獸行。虎狼貪。司馬法云。外內亂。禽獸行。句法並與此同。  
仲尼篇。其事行也。若是其險。汙淫汰也。固曷足稱乎大君子之門哉。

呂本淫汰也。下有如彼二字。與錢本同。

儒效篇。先王之道。仁人隆也。比中而行之。呂本仁人隆也。作仁之隆也。念孫案呂本是也。此言先王  
之道。乃仁道之至隆者也。所以然者。以其比中而行之也。比從也。毗至楊云。仁人之所崇高也。失之。錢本

以下作仁人隆也。卽涉注仁人而誤。

道者。非天之道。非地之道。人之所道也。盧云。宋本作人之所以道也。下又有君子之所道也句。今從元  
刻刪正。念孫案。盧說非也。人之所以道者。道行也。謂人之所以行也。君子之所道者。道爲人之所以行。而  
人皆莫能行之。唯君子爲能行之也。二句本不同義。後人以爲重複而刪之。謬矣。下文君子之所謂賢者。

八句正承此君子而言。則此句之非衍文甚明。呂錢本、世德堂本皆作人之所以道也。君子之所道也。今據以補正。

如是則貴名起之如日月。天下應之如雷霆。盧云：起之。宋本無之字。念孫案：宋本是也。貴名起如日月。言貴名之顯著也。王霸篇如是則夫名聲之部發於天。起下不當有之字。元刻及世德堂本有之字。乃涉下句天下應之而衍。呂錢本皆無之字。

盡善挾治之謂神。呂錢本治並作治。念孫案：呂錢本是也。挾與浹同。全體皆善。故曰盡善。全體皆治。故曰浹治。楊注：挾讀爲。正文挾治二字。元刻及世德堂本並作挾治。治字乃涉注文周治而誤。盧從元刻。非也。挾治與盡善對文。若作挾治。則與盡善不對矣。

萬物莫足以傾之之謂固。引之曰：此上當有曷謂固曰四字。萬物莫足以傾之之謂固。與曷謂固上下正相呼應。曷謂固與上文之曷謂一。曷謂神。皆文同一例。曷謂神。曷謂固。承上執神而固言之。下文神固之謂聖人。又承上曷謂神。曷謂固言之。今本脫去曷謂固曰四字。則與上下文不相應矣。

其愚陋溝瞽而冀人之以己爲知也。呂本其作甚。與余說合。

王制篇析愿禁悍而刑罰不過。念孫案：析當爲折。折之言制也。呂刑：制以刑。墨子：尙同。篇引作折。則析爲制。愿讀爲源。說文：愿音與。點也。言制桀黠之民。使畏刑也。作愿者借字耳。余前說改愿爲暴。未確。詩



外傳作折暴。恐是以意改。未可援以爲據。下文之誅暴禁悍。富國篇之禁暴勝悍。文各不同。皆未可據彼以改此。又下文抃急禁悍。防淫除邪。抃亦當爲折急。卽愿之譌。前改急爲暴。亦未確。急與暴形聲皆不相似。若本是暴字。無緣譌而爲急。

東海則有紫紱魚鹽焉。然而中國得而衣食之。楊注曰。紫。紫貝也。紱。未詳。字書亦無紱字。當爲蚌。居業反。

郭璞江賦曰。石蚌應節而揚葩。注云。石蚌。龜形。春則生花。蓋亦蚌蛤之屬。古以龜貝爲貨。故曰衣食之。引

之曰。案下文云。中國得而衣食之。則紫紱爲可衣之物。魚鹽爲可食之物。較然甚明。紫與苳通。管子輕重

丁篇。昔萊人善染練。苳之於萊。純錙。綢經之於萊。亦純錙也。其周中十金。是東海有紫之證。紱當爲綌。右

旁谷字與去相似。紱之譌。猶卻之譌。却也。說見補遺榮辱篇。葛精曰。綌。繻曰。綌。周南葛。禹貢青州厥貢鹽絺。海物惟錯。有絺

則有綌矣。管子輕重丁篇。東方之萌。帶山負海。漁獵之萌也。治葛縷而爲食。言以葛爲絺綌也。是東海有

綌之證。紫與綌皆可以爲衣。故曰中國得而衣之。楊注大誤。

天地者。生之始也。禮義者。治之始也。君子者。禮義之始也。爲之貫之。積重之。致好之者。君子之始也。引

之曰。君子之始也。之始二字。蓋涉上三之始而衍。此言禮義爲治之始。而爲之貫之。積重之。致好之者。則

君子也。故君子又爲禮義之始。下文無君子。則天地不理。禮義無統。仍是此意。此承上文君子爲禮義之

始。而申言之。則君子下不當更有之始二字。楊云。君子以積學爲本。則所見本已衍此二字。

故喪祭朝聘師旅。一也。引之曰。師旅二字。後人以意加之也。此言祭祀賓客喪紀之事。而師旅不與焉。

故楊注但言喪祭朝聘而不言師旅則本無師旅二字明矣使百吏免盡而衆庶不偷念孫案免盡當

爲盡免免與勉同盡勉皆勉也勉與偷對文君道篇曰賞免罰偷今本免譌作克辯見君道

就能有與是鬪者與呂本就作孰與引之說合

富國篇而或以無禮而用之呂本而作節與錢本元刻同

掩地表畝引之曰掩地二字義不可通掩疑撩之譌說文撩理也廣雅一切經音義十四撩力條反通

俗文云理亂謂之撩理今多作料量之料字也以上一切經音義撩地表畝謂理其地表其畝也撩字俗書作撩

與掩相似而誤楊云掩地謂耕田使土相掩迂迴而難通矣

王霸篇譬之猶衡之於輕重也猶繩墨之於曲直也猶規矩之於方圓也正錯之而人莫之能誣也

盧云正各本作故今從宋本念孫案正錯之呂錢本皆作既錯之是也衡既縣則不可誣以輕重繩墨既

陳則不可誣以曲直規矩既設則不可誣以方圓故曰既錯之而人莫之能誣也盧謂宋本作正者爲影

鈔本所誤影鈔本作正者涉上文兩正字而誤

欲調壹天下制秦楚則莫若聰明君子矣呂錢本欲下皆有得字是也上文兩言欲得則此亦當然元

刻以下脫得字

兩者並行而國在上偏而國安在下偏而國危念孫案國在謂國存也在字不屬下讀下偏與上偏相

對下偏上不當有在字。據楊注云：上偏偏行上事也。謂治法多，亂法少，賢士多，罷士少之類。下偏反是，則所見本作下偏而國危明甚。後人誤以在上二字連讀，又於下偏上增在字，而不知與正文注文皆不合也。余前說謂兩者並行下衍而國二字失之。

故其治法。呂本作故其法治，與錢本同。前謂呂本作其治法，因盧本而誤。

是人君者之樞機者也。呂錢本也，上皆無者字，與余說合。

大國之主也，不隆本行，不敬舊法，而好詐，故若是，則夫朝廷羣臣亦從而成俗，不隆禮義而好傾覆也。

呂錢本成俗下皆有於字，念孫案呂錢本是也，亦從而成俗於不隆禮義而好傾覆也。十五字爲一句，下文云：則夫衆庶百姓亦從而成俗於不隆禮義而好貪利矣。句法正與此同。元刻以下脫於字，則失其句矣。

君道篇 王猷允塞。呂本猷作猶，與錢本同。前謂呂本作猷，因盧本而誤。見兵篇

君者槃也。呂本此下有民者水也句，與錢本同。

其不可以不知也，如是其危也。呂錢本其下皆有中字，念孫案呂錢本是也，其中謂廣與狹之中也，耳目之所及甚狹，其所不及者甚廣，其中之事，或弛易齟差，而人主不知，則必有拘脅蔽塞之患。並見上文故曰其中不可以不知，若是其危也。元刻始脫中字。



議兵篇 君臣上下之間，滑然有離德者也。楊注曰：滑，亂也。音骨。引之曰：滑然非離德之謂。滑當爲渙。說卦曰：渙者離也。雜卦曰：渙離也。下文事大敵堅，則渙然離耳。是渙爲離貌。故曰渙然有離德。俗書渙字作渙，滑字作滑，二形略相似，故渙譌爲滑。新序雜事篇：正作渙然有離德。韓詩外傳：作突然有離德。突乃渙之譌。渙，渙古字通。文選琴賦注引蒼頡篇云：渙，散也。

拱挹指麾。呂本挹作揖，前謂諸本皆作挹，盧改爲揖，誤也。

正論篇 故凡言儀期命，是非以聖王爲師。引之曰：是非當作莫非。正文云：莫非以聖王爲師。故楊注云：皆以聖王爲師，皆字正釋莫非二字。凡本書中言莫非莫不注悉以皆字釋之。今本莫非作是非，則義不可通。蓋涉上文

兩是非字而誤。

百姓以爲成俗。呂本無爲字，與余說合。

子宋子曰：人之情欲寡。

人之情三字連讀，欲寡二字連讀，非以情欲連讀。

而皆以己之情欲爲多。

念孫案：以己之情欲爲多，呂

本作以己之情爲欲多，是也。

錢校亦云：監本作情爲欲多。

己之情三字連讀，欲多二字連讀，謂人皆以己之情爲欲多。

不欲寡也。自錢本始誤作以己之情欲爲多，則似以情欲二字連讀矣。

互見下文。天論篇注引此正作以己之

情爲欲多。

將使人知情欲之寡也。

楊注曰：情欲之寡，或爲情之欲寡。念孫案：或本是也。此謂宋子將使人知情之

欲寡不欲多也。下文云：古之人以人之情爲欲多而不欲寡，今子宋子以人之情爲欲寡而不欲多也。下之情各本作是之情案人之情三字上文凡七見今據改是其證楊本作情欲之寡非

禮論篇 不法禮不足禮謂之無方之民法禮足禮謂之有方之士 念孫案足當爲是爾雅曰是則也

則亦法也非十二子篇曰不法先王不是禮義修身篇曰不是猶此言不法禮不是禮也是與足字相似

而誤楊說及余前說解足字皆未確

君子以倍叛之心接臧穀猶且羞之而況以事其所隆親乎 楊注曰所隆親所厚之親也引之曰隆尊

也見經隆親二字平列所隆謂君也所親謂父母也下文曰臣之所以致重其君子之所以致重其親是

其證楊注非

故天子棺槨十重諸侯五重大夫三重士再重 楊注曰十重蓋以棺槨與杭木合爲十重也引之曰十

疑當作七凡經傳中七十二字多互譌不可枚舉禮自上以下降殺以兩天子七重故諸侯減而爲五大夫減而爲三也楊

注非

各反其平 引之曰平字不誤下文曰久而平楊注久則哀殺如平常也是其證前謂平當爲本失之

說襲衣 錢本說作設與盧說合

三月之殯 楊注曰此殯謂葬也引之曰死三日而殯三月而葬則殯非葬也三月之殯謂既殯之後未

葬之前約有三月之久也。上文曰：殯久不過七十日，速不損五十日。楊彼注云：此皆據士喪禮首尾三月者，也是其義矣。下文曰：將舉錯之遷徙之，離宮室而歸邱陵也，乃言葬事耳。

先王恐其不文也，是以繇其期，句足之日也。引之曰：繇讀爲遙。凡從遙之字多並見於蕭尤二韻，故儒

尋傳作繇，首飾之步搖，周官追師注作繇。遙其期，謂遠其葬期也。足之日，謂足其日數也。楊云：繇其期足之日，然後葬也。繇讀

爲由，從也。則誤讀繇爲由，且誤以期足之日連讀矣。

故天子七月，諸侯五月，大夫三月，皆使其須足以容事，事足以容成，成足以容文，文足以容備。引之曰：

須者遲也。論語樊須字遲。謂遲其期，使足以容事也。楊云：須待也。謂所待之期也。則失之迂矣。

解蔽篇：知賢之謂明，輔賢之謂彊，勉之彊之，其福必長。盧云：輔賢之謂彊，宋本彊作能。案彊字與上

下韻叶。念孫案：盧說非也。知賢之謂明，承上文仁知且不蔽而言。輔賢之謂能，承上文能持管仲，能持周

公而言。勉之彊之，其福必長，承上文名利福祿與管仲齊與周公齊而言。此四句本不用韻，元刻能作彊，

乃涉下勉之彊之而誤。呂錢本並作能。

賈精於市而不可以爲賈師。呂錢本賈師皆作市師，與余說合。前謂呂本作賈師，因盧本而誤。

處一危之，其榮滿側，養一之微，榮矣而未知。念孫案：成相篇云：思乃精，志之榮，好而壹之神以成。賦篇

云：血氣之精也，志意之榮也。四榮字並同義。



正名篇 形體色理以目異。引之曰：色理，膚理也。榮辱性惡二篇，並云骨體膚理。彼言骨體膚理，此言形體色理，形體猶骨體也。色理猶膚理也。楊云：色，五色也。失之。

驗之所以爲有名，而觀其執行，則能禁之矣。楊注曰：驗其所爲有名，本由不喻之患，困廢之禍。見上文下文

驗之所緣無以同異，而觀其執調，則能禁之矣。注曰：驗其所緣同異，本由物一實。今本實，當作其。據上文改。則不可分

別。引之曰：驗之所下以字，驗之所緣下無字，皆後人所增。據注云：驗其所爲有名，驗其所緣同異，則上

無以字下無無字，明甚。上文云：所爲有名。爲，即以也。說見釋詞。與所緣以同異，不可不察也。故此承上文而言之。又

案孰者何也。說見釋詞。觀其執行者，觀其何所行也。觀其執調者，觀其何所調也。楊讀孰爲熟，而訓爲精熟，則

義不可通。

性惡篇 夫感而不能然，必且待事而後然者，謂之生於偽。爲音引之曰：謂之偽三字中，不當有生於二

字。此涉上生於而衍也。上文曰：可學而能可事而成之在人者，謂之偽。正名篇曰：慮積焉能習焉而後成，

謂之偽，皆其證。

故性善，則去聖王，息禮義矣。性惡，則興聖王，貴禮義矣。呂錢本與皆作興，念孫案齊語：桓公知天下諸

侯多與己也。章注曰：與，從也。與聖王，從聖王也。與與去正相反，則作與者是。從元刻作興非。

然則聖人之於禮義，積偽也，亦陶埴而生之也。呂錢本亦下皆有猶字，念孫案上文云：夫聖人之於禮

義也。辟亦陶埴而生之也。則此句內當有猶字。故楊注亦云。聖人化性於禮義。猶陶人埴埴而生瓦。折速釋執而不急。呂錢本折速皆作析速。念孫案楊注云。析謂析辭。今本注文亦譌作折。案析辭見解蔽正名二篇。若堅白之論者也。則本作析明矣。盧從元刻作折非。

君子篇 治世曉然皆知夫爲姦。則雖隱竄逃亡之由不足以免也。盧云。治世。元刻無治字。念孫案無治字者是也。世曉然。猶上文言天下曉然。則世上不當有治字。自聖王在上以下至此。皆治世之事。則無庸更言治世。治字卽上流字之誤而衍者。宋錢佃校本亦云。諸本無治字。

賦篇 大盈乎大寓。呂錢本作盈大乎寓。蓋本作充盈乎大寓。後脫充字。乎大又譌作大乎。後人又因注內兩言宇宙。而增宙字。案盈大文不成義。寓與上文下鉅矩禹爲韻。寓下不當有宙字。楊注釋字字而不釋宙字。則本無宙字明甚。前謂呂本作大盈乎大寓。誤也。謂當作充盈乎大寓。則不誤。

大略篇 君人者。不可以不慎取臣。匹夫者。不可以不慎取友。念孫案匹夫下不當有者字。此涉上君人者而衍。呂錢本匹夫下皆無者字。

無三王之治。天下不待亡。國不待死。呂錢本治皆作法。是也。此承上三王旣已定法度而言。

荀子佚文

桃李萼榮於一時。時至而後殺。至於松柏。經隆冬而不凋。蒙霜雪而不變。可謂得其真矣。

右三十四字。見文選左思招隱詩注。又分見於蜀都賦注。上林賦注。歐陽堅臨終詩注。藝文類聚果部上。木部上。太平御覽木部三。

有人道我善者。是吾賊也。道我惡者。是吾師也。

右十八字。見文選曹植與楊德祖書注。

天下無二道。聖人無兩心。神人無功。聖人無名。聖人者。天下利器也。

右二十六字。見太平御覽人事部四十二。又分見於藝文類聚人部四。初學記人事部上。案天下無二道二句。見今本解蔽篇。御覽此下有神人無功四句。類聚亦有神人無功二句。初學記亦有聖人者二句。而今本皆無之。且細繹下文文義。亦不當有此四句。則御覽諸書所引。當別是一篇。非解蔽篇文也。

何世之無才。何才之無施。良匠提斤斧。造山林。梁棟阿衡之才。櫨柱楣椽之朴。森然陳於目前。大夏之器具矣。

右四十二字。見太平御覽器物部九。又分見於文選左思詠史詩注。

元和顧氏澗養校本

修身篇。事亂君而通。不如事窮君而順焉。千里按窮順二字。疑當互錯。順君亂君對文也。而通而窮亦對

文也。荀子每以通與窮爲對文。如本篇上文及不苟篇榮辱篇儒效篇皆有之。可以相證。楊注已互錯。望文說之非也。

不苟篇欲惡取舍之權。見其可欲也。則必前後慮其可惡也者。見其可利也。則必前後慮其可害也者。而兼權之。孰計之。然後定其欲惡取舍。千里按欲惡取舍之權。疑當作欲惡利害。句取舍之權。句脫利害二字。然後定其欲惡取舍。疑當作然後定其取舍。衍欲惡二字。榮辱篇其定取舍權。優上下文皆卽此義。明甚。楊注已脫衍非也。

仲尼篇故道豈不行矣哉。文王載百里地而天下一桀紂舍之。厚於有天下之勢。而不得以匹夫老。千里按載下疑當有之字。載之舍之對文。二之字皆指道也。富國篇以國載之。是其證矣。楊注載下已脫之字非也。

儒效篇是何也。則貴名白而天下治也。千里按治疑當作願。榮辱篇身死而名彌白。小人莫不延頸舉踵而願。楊注願猶慕也。王制篇若是名聲白。舊本誤曰下衍天下願。楊注願謂人人皆願。致士篇而貴名白。天下願。楊注天下皆願從之也。此願同榮辱篇之願。此天下願同王制篇致士篇之天下願。明甚。楊此篇無注。蓋已誤爲治。其實非也。

富國篇十年之後。千里按後下疑脫七年之後四字。承上故禹十年水。湯七年旱言之。楊無注。宋本與今



本同蓋皆誤。

又伐其本竭其源而并之其末。千里按末下疑脫缺之其流四字。承上知本末源流之謂也。言之。楊無注。

宋本與今本同蓋皆誤。

王霸篇內不修正其所以有。千里按內字疑不當有。涉上內則不渾詐其民而衍也。下文不好修。舊本誤

志第四。正其所以有。無內字是其證矣。又按不下疑亦同下文當有好字。蓋上衍下脫。

又國危則無樂君。國安則無憂民。千里按民疑當作君。此文憂與樂皆言君。不言民也。楊無注。宋本與今

本同蓋皆誤。

又此夫過舉踴步而覺跌千里者。夫。楊注。覺。知也。半步曰踴。跌。差也。言此歧路。弟過舉半步。則知差而哭。

況跌千里者乎。千里按覺疑當讀爲較。音校。孟子音義。雖婁下。告子上。盡心下。覺音校。凡三見。盧學士

鍾山札記云云。在本書覺有校義一條。文選西京賦注。引鄧析子賢愚之相覺。若九地之下。與重天之

顛。亦覺義之一證。則言此衢涂過舉弟半步。而其較之乃差千里。明甚。楊讀覺如字。以覺知爲義。非也。

又下文君人者。千歲而不覺也。楊注。嘆。君人者。千歲而不知求誠能之士。千里按覺讀爲較。不覺。言

不較。榮安存三者。與辱危亡三者之衢也。楊注以不知爲義。亦非也。

君道篇。貴名果明。千里按明疑當作白。荀子屢言貴名白。上文欲白貴名。下文亦作白。不作明。又屢言白。

皆其證也。

儒效篇一朝而白。楊注白誤伯見雜志第二。

此篇楊注亡。宋本與今本同。蓋皆誤。韓詩外傳四有此句。正作貴名。

衆白亦其一證。

致士篇能以禮挾。千里按禮下疑當有義字。承上禮義備而君子歸之。故禮及身而行修。義及國而政明。言之。楊注已無義字。非也。韓詩外傳五有此句。作能以禮扶身。疑扶身二字。亦義挾二字之誤。

議兵篇使天下之民。所以要利於上者。千里按天字疑不當有此。以下之民與要利於上相對爲文。謂秦民。非謂天下之民。明甚。宋本與今本同。蓋皆誤。

疆國篇荀卿子說齊相曰。千里按盧學士校語云。此七字元本無。從宋本補。宋錢佃本卷末云。監本有七字。宋呂夏卿本有疑。楊注所見與監本不同。或不止少七字。亦王伯厚所說監本未必是之類也。

正論篇荒服者終王。千里按終字疑不當有。觀上文四句。祭祀享貢。不言日月時歲。知此句王不言終明甚。涉下終王之屬也。及楊注而衍。

禮論篇萬物變而不亂。千里按物字而字疑不當有。大戴禮禮三本篇無此二字。可以爲證。

樂論篇君子明樂乃其德也。千里按德字疑當作人。與上下韻。此篇楊注亡。宋本與今本同。蓋皆誤。

解蔽篇罍罍廣廣。千里按廣廣疑當有誤。與上文恢恢廣廣重出。二字以楊注罍讀爲皞例之。則此句廣讀爲曠也。又下云孰知其形。千里按形字不入韻。疑當作則。

正名篇。易使則公。千里按公疑當作功。荀子屢言功。可以爲證。下文則其迹長矣。迹長功成。治之極也。承此功言之。不作公明甚。宋本與今本同。蓋皆誤。

又志輕理而不重物者。無之有也。千里按不下疑當有外字。下文外重物而不內憂者。無之有也。行離理而不外危者。無之有也。外危而不內恐者。無之有也。一氣接承。外重物與外危二句。爲同例也。

性惡篇。不可學不可事而在人者。謂之性。千里按而疑當作之人。疑當作天。與下文可學而能可事而成之在人者。謂之僞。爲對文也。上文凡性者。天之就也。不可學不可事。亦其明證。

成相篇。慎聖人。千里按人字疑當有誤。不入韻。本篇人字。下文兩見。一平傾人天韻。一精榮成人韻。此上韻基。下韻治災。互爲歧異。非原文耳。

又宗其賢良。辨其殃孽。千里按此句以前後例之。應十一字。今存八字。疑尙少三字。無可補也。下文道古賢聖基必

張亦應十一字。今存七字。尙少四字。見讀書雜誌第八。

又下文託於成相以喻意。千里按此句例之。應十一字。亦疑尙少四字。

無可補也。本篇之例。兩三字句。一七字句。一十一字句。爲一章。每章凡四句。每句有韻。其十一字句。或上八下三。或上四下七。各見本篇。上八下三者。如愚以重愚闇以重闇。成爲桀之屬是也。上四下七者。如主誠聽之天下。爲一海內賓之屬是也。唯下以教悔子弟。上以事祖考。又孰楊注孰或爲郭。公長父之難厲王流於彘兩處。則上六下五。雖變例。正可推知其十一字句矣。盧學士校語。定上四下七爲兩句。言

五句爲一章以前後例之不合。

又五聽修領楊注五聽折獄之五聽也。千里按五聽疑卽上文君論有五約以明也。第一章臣下職云云。第二章守其職云云。第三章君法明云云。第四章君法儀云云。第五章形稱陳云云。下文接以五聽修領。謂五章爲五聽明甚。下文又接以聽之經。謂聽爲五聽亦明甚。本屬一氣相承。而楊注別以折獄之五聽解之。非也。又於後注耳目旣顯吏敬法令莫敢恣始云此已上論君有五之事也。亦非也。

大略篇和樂之聲步中武象趨中韶護楊注或曰此和樂謂在車和鸞之聲步驟之節也。千里按疑或說是也。正論篇禮論篇樂皆作鸞可以爲證。

法行篇公輸不能加於繩楊注繩墨之外亦不能加也。千里按正文繩字下據注疑亦當有墨字。宋本同。今本蓋皆誤。

又孔子曰君子有三恕。千里按盧學士刻本無孔子曰三字。與世德堂刻本合。與宋本不合。疑非也。



淮南內篇第一

原道

旋縣 縣矣

旋縣而不可究。纖微而不可勤。高注曰：縣猶小也。勤猶盡也。念孫案：諸書無訓縣爲小者。縣當爲縣字之誤也。是縣書縣字或作縣。縣字或作縣。二形相似。故縣誤爲縣。漢縣竹令王君神道。縣字作縣。逸周書和寤篇曰：縣縣不絕。蔓蔓若何。說文：縣聯微也。廣雅：縣小也。故高注亦訓爲小。旋亦小也。方言：旋短也。郭璞曰：便旋，庫小貌。旋與旋同。此言道至微眇，宜若易窮，而實則廣大不可究也。此言旋縣下言纖微，其義一也。又主術篇：鞅輪鐵鎧，瞋目扼拏。古腕字。其於以御兵刃，縣矣。券契束帛，刑罰斧鉞，其於以解難，薄矣。高注曰：縣遠也。比於德不及之遠。案縣亦當爲縣。縣薄也。此言縣下言薄，其義一也。漢書嚴助傳：越人縣力薄材。孟康曰：縣薄也。言德之所禦，折衝千里。若鞅輪鐵鎧，瞋目扼拏，其於以禦兵刃，則薄矣。高訓縣爲遠，而曰比於德不及之遠，殆失之迂。

乘雲車入雲蜺

昔者馮夷大丙之御也。乘雲車，入雲蜺。高注曰：以雲蜺爲其馬也。念孫案：雲車與雲蜺相複。雲當爲雷。太平御覽天部十四引此正作乘雷車。下文曰：電以爲鞭策，雷以爲車輪。覽冥篇曰：乘雷車，服應龍。今本服

見覽冥。皆其證也。雷與雲字相似。又涉下句雲字而誤。入雲蜺。本作六雲蜺。高注以雲蜺爲其馬也。本作以雲蜺爲六馬也。其字古作元。形與六相似。故六誤爲其。史記周本紀三百六十夫。索隱曰。劉氏音破六爲古其字。管子重令篇。明主能勝六攻。淮南地形篇。通谷六。易林蠱之臨。周流六虛。今本六字皆誤作其。此言以雷爲車。以雲蜺爲六馬。故曰乘雷車。六雲蜺。齊俗篇曰。六駟驥。駟駟駟。藝文類聚舟車部。引尸子曰。文軒六駟。題韓子十過篇曰。駕象車而六交龍。司馬相如上林賦曰。乘鏤象。六玉蚪。並與此六雲蜺同義。文選七發。六駕蛟龍。附從太白。李善曰。以蛟龍若馬而駕之。其數六也。淮南子曰。昔馮遲太自之御。乘雷車。今本雷字亦誤作雲。六雲蜺。此尤其明證矣。今本作入雲蜺。太平御覽引作駕雲蜺。皆後人不曉六字之義而妄改之耳。若作入雲蜺。則與注中雲蜺爲六馬之義了不相涉。若作駕雲蜺。則注但當云以雲蜺爲馬。無煩言六馬也。

悅忽 始終 宇內 刑罰 石礫 東西 度量 黍肉 梁柱

游微霧。驚悅忽。歷遠彌高。以極往。經霜雪而無迹。照日光而無景。扶搖拊抱。羊角而上。念孫案。悅忽當爲忽。悅。注內悅。同。文選七發。注引作忽。荒與悅通。老子曰。是謂忽悅。賈誼鳥賦曰。靈廓忽荒。悅與往景上爲韻。景古韻苦映。下文與像爲韻。大荒西經。正立無景。與嚮往爲韻。荀子臣道篇。形下如景。與嚮象爲韻。若作悅忽。則失其韻矣。下文曰。是故無所私而無所公。靡濫振蕩。與天地鴻洞。無所左而無所右。蟠委錯紵。與萬物始終。案始終當爲終始。上文云。水流而不止。與萬物終始。公洞爲韻。高注。洞讀同異之。同。鴻洞。疊韻字。右始爲韻。右古讀若以。說見唐韻正。若作始終。則失其韻矣。椒真篇曰。若夫真人。則動溶於至虛。而游於滅亡之野。騎蜚廉而從敦園。馳於外方。道藏本如是。各本外方作方外。休乎宇內。燭十日而使風雨。

臣雷公役夸父。妾必妃。妻織女。案字內當爲內字。內字。論字內也。若谷中謂之中谷。林中謂之中林矣。內字與外方相對爲文。字與

野固兩父女爲韻。野古讀若墅。說見唐韻正。若作字內則失其韻矣。天文篇曰。不周風至則修宮室。繕邊城。廣莫風至

則閉關梁。決刑罰。案刑罰當爲罰刑。說見後決。刑與城爲韻。若作刑罰則失其韻矣。精神篇曰。是故視珍

寶珠玉。猶石礫也。視至尊窮寵。猶行客也。視毛嬙西施。猶俱魄也。今本作類醜。非。案石礫當爲礫石。石與

客魄爲韻。若作石礫則失其韻矣。石礫下。齊俗篇曰。古者民童蒙不知東西。案東西當爲西東。東與蒙爲

句中韻。猶覽冥篇言浮游不知所求。罔兩不知所往也。若作東西則失其韻矣。文子道原篇作不知東西。亦傳寫之誤。其精誠篇正

作不知西東。文選鵲鳥賦或通西東。東與同爲韻。易林萃之鼎。不知西東。與通爲韻。今本並誤作東西。兵略篇曰。無形則不可制迫也。不可度量也。不可巧

詐也。不可規慮也。案度量當爲量度。度如不可度思之度。迫度爲韻。迫古讀若博。楚辭招魂。適相迫些。與

也。單薄相迫也。詐慮爲韻。詐古音則故反。主術篇曰。上多故則下多詐。上多事則下多慮。晉語與人誦惠公詐

欺詐。與固爲韻。韓子安危篇七曰。若作度量則失其韻矣。說林篇曰。無鄉之社。易爲黍肉。無國之稷。易爲

有信。而無詐。與惡度惡要度爲韻。求福。案黍肉當爲肉黍。注內黍。後人以肉與福韻相協。故改爲黍肉。不知福字古讀若福。不與肉爲韻也。

說見唐韻。社黍爲韻。賦伍旅爲韻。左傳閔二年。成季將生。卜辭問于兩社。與輔爲韻。管子揆度篇。殺其身以

譽其社。與鼓父爲韻。漢書郊祀志曰。社者土也。左傳。稷福爲韻。若作黍肉則失其韻矣。人間篇曰。癰疽發

昭二十二年。前城人敗陸渾于社。釋文。社本或作社。於指其痛過於體。故蠶蜋剖梁柱。蠱蚤走牛羊。案梁柱當爲柱梁。說苑說叢篇。作蠶蜋仆柱梁。蚊蟲走牛



羊指體爲韻。梁羊爲韻。若作梁柱。則失其韻矣。以上諸條。或轉寫錯誤。或憑臆妄改。而前人用韻之文。遂不可讀矣。

### 利鍛

末世之御。雖有輕車良馬。勁策利鍛。不能與之爭先。高注曰。策。箠也。未之感也。言不能與馮夷大丙爭在前也。鍛。讀炳燭之炳。劉續本鍛作鍛。注內未之感也。作鍛。箠末之箠也。鍛。讀炳燭之炳。作鍛。讀炳燭之炳。云鍛。傳作鍛。非。念孫案。劉本是也。鍛。謂馬策末之箠。所以刺馬者也。說文。笄。羊車騶箠也。箠。箠其端。長半。分。玉篇。陟衛切。字或作鍛。玉篇。鍛。竹劣竹芮二切。針也。道應篇。白公勝到杖策。鍛上貫頤。彼注云。策。馬捶。端有針以刺馬。謂之鍛。鍛音竹劣竹芮二反。鍛之言銳也。其末銳也。汜論篇。是猶無鐳銜策。鍛而御。駢馬也。注云。鍛。櫛頭箠也。說文。櫛。義並與此注同。修務篇云。良馬不待冊鍛而行。冊與韓子外儲說右篇云。延陵卓子。乘蒼龍與翟文之乘。前則有錯飾。後則有利鍛。進則引之。退則策之。列子說符篇。白公勝倒杖策。鍛上貫頤。釋文曰。許慎注淮南子云。馬策端有利鍼。所以刺不前也。義亦與高注同。鍛爲策末之箠。故勁策與利鍛連文。今本鍛作鍛。則義不可通矣。高注。鍛。箠末之箠也。道藏本作未之感也。此是末誤作未。箠誤作感。又脫去鍛。箠二字耳。茅一桂本。改未之感也。爲末世之御。而莊伯鴻本從之。斯爲謬矣。炳音如劣。反。聲與鍛相近。故曰鍛。讀炳燭之炳。炳音如劣。炳。燒燭也。如符。秦策。秦且燒炳。獲君之國。史記張儀傳作燒。掇。是



其例也。今本作鍛讀炳燭之炳，則不可通矣。

陰陽爲御

四時爲馬，陰陽爲御，乘雲陵霄，與造化者俱。縱志舒節，以馳大區，可以步而步，可以驟而驟。顧氏寧人唐韻正曰：御本作騶，騶古音則俱反，與俱區驟爲韻。說文：騶從馬，鄒聲。曲禮：車驟而騶。釋文：騶仕救反。注：騶又七須反。荀子：禮論篇：趙中韶護，正論篇：趙作騶。御也。御字正釋騶字，而今本爲不通音者，竟改本文騶字爲御。案韻補引此正作騶，念孫案顧說是也。今本作御者，後人依文子道原篇改之耳。太平御覽天部八，兵部九十，引此並作騶。

霄霓 無垠

上游於霄霓之野，下出於無垠之門。高注曰：霄霓，高峻貌也。無垠，無形狀之貌。念孫案：霄霓者，虛無寂寞之意。倣真篇曰：虛無寂寞，蕭條霄霓，是也。上言霄霓，下言無垠，義本相近。高以正文言上游，遂以霄霓爲高峻貌，非其本指也。無垠下有鄂字，今本正文及注皆脫去。漢書楊雄傳：紛被麗其亡鄂。顏師古曰：鄂，垠也。垠，鄂與霄霓相對爲文。文選西京賦：前後無有垠鄂。李善注：淮南子曰：出於無垠鄂之門。許慎曰：垠，端崖也。七命注：同。是許本有鄂字。太平御覽地部二十，淮南子曰：下出乎無垠鄂之門。高誘曰：無垠鄂，無形之貌也。是高本亦有鄂字。

四支不動

是故疾而不搖，遠而不勞，四支不動，聰明不損，而知八紘九野之形埒。念孫案：動當爲勤，字之誤也。齊語：諸侯知桓公之爲已動也。管子：小匡篇：動作勤。史記：十二諸侯年表：楚堵敖、麇，徐廣曰：麇一作勤。今本動誤作勤。修務篇：四肢不動，即其證。四支不動，聰明不損，而知八紘九野之形埒，即上文所謂遠而不勞，也不勤，即不勞意，與不損相近。若不動，則意與不損相遠矣。且搖勞爲韻，勤損爲韻，若作動，則失其韻矣。

### 乘其要歸之趣

是故天下之事不可爲也，因其自然而推之。萬物之變不可究也，乘其要歸之趣。念孫案：乘其要歸之趣，當作乘其要趣而歸之。乘，執也。要趣，猶要道也。言執其要道而萬變皆歸也。此與因其自然而推之相對爲文。且歸與推爲韻。今作乘其要歸之趣，則句法參差而又失其韻矣。文子道原篇：正作乘其要而歸之。

### 默然

是故響不肆應，而景不一設，叫呼彷彿，默然自得。念孫案：廣韻去聲五十九鑑，黽字注云：叫呼彷彿，黽然自得。音黽去聲。所引即淮南之文。而今本作默然自得，疑後人少見黽字而以意改之耳。

### 莫敢

以其無爭於萬物也，故莫敢與之爭。念孫案：莫敢本作莫能。此後人依文子道原篇改之也。唯不與萬物爭，故莫能與之爭，所謂柔弱勝剛彊也。若云莫敢，則非其指矣。下文曰：攻大礪堅，莫能與之爭。老子曰：夫

唯不爭。故天下莫能與之爭。又曰。以其不爭。故天下莫能與之爭。皆其證也。魏徵羣書治要引此。正作莫能與之爭。

菰衛之箭 淇衛箭箛

引之曰。廣雅。箛。箛。箭也。禹貢曰。惟箛箛。箛與箛同。戴凱之竹譜曰。箛。細竹也。出蜀志。薄肌而勁。中三續射博箭。箛音衛。見三倉。以上竹譜。字通作衛。原道篇曰。射者扞烏號之弓。扞。讀若紆。今本扞誤作。變菰衛之箭。兵略篇曰。枯淇衛箛箛。淇與菰同。淇衛箛箛對文。皆箭竹之名也。方言曰。箛。或謂之箭裏。或謂之菰竹。譜曰。箛。竹中博箭。是箛與菰一物也。以箛爲博箭。謂之菰。以箛爲射箭。則亦謂之菰耳。菰者。箭莖之名。說文曰。其。豆莖也。豆莖謂之其。箭莖謂之菰。聲義並同矣。乃高注原道篇云。菰。美箭所出地名也。衛。利也。注兵略篇云。淇。衛箛箛。箭之所出也。竹譜引淮南而釋之云。淇。園。衛地。毛詩所謂瞻彼淇奧。綠竹猗猗。是也。案淇乃衛之水名。先言淇而後言衛。則不詞矣。晉有澤曰董。蒲之所出也。然不得曰董。晉之蒲。楚有藪曰雲。竹箭之所生也。然不得曰雲。楚之竹箭。且淇水之地。去堯都非甚遠。當禹作貢時。何反不貢箛箛。而貢者乃遠在荊州乎。

罟

張天下以爲之籠。初學記。太平御覽。引此並無之字。因江海以爲罟。又何亡魚失鳥之有哉。高注曰。罟。魚網也。詩云。施罟

濊濊。念孫案正文注文內罟字。皆當爲罟。罟罟聲相近。又涉上文網罟而誤也。凡魚及鳥獸之網。皆謂之罟。而罟則爲魚網之專稱。爾雅鳥罟謂之羅。兔罟謂之置。麋罟謂之罟。虎罟謂之羅。魚罟謂之罟。衛風碩人篇施罟濊濊。毛傳曰罟魚罟。此皆高注所本。若專訓罟爲魚網。則失其義矣。罟字必須訓釋。故引詩爲證。若罟字則不須訓釋。上文網罟二字無注。卽其證。且此文失鳥二字。承上籠字言之。亡魚二字。則承上罟字言之。若變罟言罟。則又非其指矣。呂氏春秋上農篇罟罟不敢入於淵。高彼注云罟魚罟也。詩云施罟濊濊。正與此注同。足正今本之誤。初學記武部漁類。太平御覽資產部罟類。引此並作因江海以爲罟。

### 繳不若無形之像

故矢不若繳。繳不若無形之像。念孫案初學記引此。作矢不若繳。繳不若網。網不若無形之像。是也。上文言射者不能與羅者競多。故曰繳不若網。又言張天下以爲籠。因江海以爲罟。又何亡魚失鳥之有。故曰網不若無形之像。且網與像爲韻。今本脫去四字。則失其韻矣。

### 三仞

昔者夏鯀作三仞之城。諸侯背之。念孫案三仞。藝文類聚居處部三。太平御覽居處部二十。並引作九仞。是也。初學記居處部引五經異義曰。天子之城高九仞。公侯七仞。伯五仞。子男三仞。此謂鯀作高城。而諸侯背之。則當言九仞。不當言三仞也。



欲寅之心 自穴之獸

是故鞭噬狗策蹏馬而欲教之。雖伊尹造父弗能化。欲寅之心亡於中。則饑虎可尾。何況狗馬之類乎。念孫案欲寅之心。寅當爲突。字之誤也。突與肉同。干祿字書云。突肉。上俗下正。廣韻亦云。肉俗作突。墨子迎敵祠篇。狗彘豚雞食其突。太元元數。爲食爲突。欲肉者。欲食肉也。諸本及莊本皆作欲害之心。害亦突之誤。突與突相似。文子道原篇亦誤作害。劉績注云。古肉字。則劉本作突可知。而今本亦作害。蓋世人多見害。少見突。故傳寫皆誤也。吳越春秋句踐陰謀外傳。突誤作害。論衡感虛篇。廚門木象生肉。又齊俗篇。夫水積則生相食之魚。土積則生自穴之獸。穴亦突之足。今本風俗通義肉作害。害亦突之誤。又齊俗篇。夫水積則生相食之魚。土積則生自穴之獸。穴亦突之誤。自肉。謂獸相食也。相食之魚。自肉之獸。其義一也。太平御覽禮儀部二。引此作食肉之獸。食字涉上句相食而誤。而肉字則不誤。文子上禮篇。正作自肉之狩。狩與獸同。

致遠之術

箠策繁用者。非致遠之術也。念孫案術當爲御。字之誤也。繆稱篇曰。急轡數策者。非千里之御也。義與此同。羣書治要引此正作御。文子道原篇亦作御。

循誤爲修

修道理之數。因天地之自然。念孫案修當爲循。隸書循修二字相似。故循誤爲修。說見管子廟堂既修下。循道理。因天地。循亦因也。若作修。則非其指矣。太平御覽地部二。居處部八。引此並作循。文子道原篇亦作循。又俶

眞篇賈便其肆。農樂其業。大夫安其職。而處士修其道。修亦當爲循。此四者皆謂各因其舊也。文選西都賦注。引此正作循。太平御覽皇王部二。引此亦作循。又主術篇。橋植直立而不動。俛仰取制焉。人主靜漠而不躁。百官得修焉。修亦當爲循。言人主靜漠而不躁。則百官皆得所遵循。猶橋衡之俛仰。取制於柱也。又齊俗篇。守正修理。不苟得者。不免乎饑寒之患。修亦當爲循。文選東都賦。東京賦注。引此並作守道順理。順亦循也。又詮言篇。法修自然。已無所與。修亦當爲循。謂循其自然而已。不與也。文子符言篇。作治隨自然。隨亦循也。又欲見譽於爲善。而立名於爲賢。今本賢誤作賢。辨見詮言。則治不修故。而事不須時。修亦當爲循。須當爲順。皆字之誤也。文子作治不順理。而事不須時。順亦循也。又由其道則善無章。修其理則巧無名。修亦當爲循。循其理。卽由其道也。又由此觀之。賢能之不足任也。而道術之可修明矣。修亦當爲循。文子道德篇。作道術可因。因亦循也。又兵略篇。條修葉貫。萬物百族。由本至末。莫不有序。修亦當爲循。循。謂順其序也。倣眞篇曰。萬物之疏躍枝舉。百事之莖葉條梓。皆本於一根。而條循千萬。是也。又秦族篇。今夫道者。藏精於內。棲神於心。靜漠恬淡。訟繆胸中。邪氣無所留滯。四枝節族。毛蒸理泄。則機樞調利。百脈九竅。莫不順比。其所居神者。得其位也。豈節拊而毛修之哉。修亦當爲循。循與拊同意也。

萍樹根於水

夫萍樹根於水。高注曰。萍。大蘋也。念孫案。萍本作蘋。埤雅引此已誤。高注。萍。大蘋也。本作蘋。大萍也。萍字或作萍。

爾雅。萍音平。萍音瓶。其大者蘋。音頻。召南采蘋傳曰。蘋。大萍也。說文。蘋作蘩。亦云大萍也。此皆以小者爲萍。大者爲蘋。卽高注所本也。呂氏春秋本味篇。菜之美者。昆侖之蘋。高注曰。蘋。大萍。舊本大萍誤作大蘋。今改正。足與此注互相證明矣。後人既改正文。蘋字爲萍。又互改高注。蘋萍二字以就之。而不知其小大之相反也。

### 榛巢

木處榛巢。水居窟穴。高注曰。聚木曰榛。引之曰。榛巢連文。則榛卽是巢。猶窟穴連文。則窟卽是穴。榛當讀爲櫓。廣雅。櫓。巢也。禮運曰。冬則居營窟。夏則居櫓巢。字亦作曾。大戴禮曾子疾病篇。鷹鷄以山爲卑。而曾巢其上。魚鼈鼃鼃以淵爲淺。而窟穴其中。羣書治要引曾子。窟穴作窟穴。以窟穴對曾巢。正與此同。禮運之櫓巢。亦與營窟對文也。凡秦聲曾聲之字。古或相通。若漆洧之漆。說文作澮。是也。高以榛爲榛薄之榛。主術篇。入榛薄。高注。聚木爲榛。深草爲薄。則分榛與巢爲二物。比之下句爲不類矣。說林篇曰。榛巢者。處茂林安也。窟穴者。託埴防便也。以窟穴對榛巢。亦與此同。彼言榛巢者。處茂林。則榛巢非茂林也。此言木處榛巢。則榛巢亦非木也。若以榛爲榛薄之榛。則又合榛與木爲一物矣。

### 芄

禽獸有芄。人民有室。高注曰。芄。蓍。劉本芄作芄。云芄音仇。獸蓍也。與詩芄野之芄同字。舊譌作芄。念孫案。劉本是也。廣韻。芄。獸蓍也。正與高注合。修務篇曰。虎豹有茂草。野處有芄。芄。槎櫛堀虛。連比以像宮室。此

云禽獸有芄。人民有室。其義一也。

### 干越

匈奴出穢裘。干越生葛絺。高注曰。干。吳也。道藏本朱東光本如是。劉本改干爲于。云于越一作於越。夷言發聲也。茅本又改于爲於。念孫案。作干者是也。春秋言於越者。卽是越。而以於爲發聲。此言干越者。謂吳越也。若是于字。則高注不當訓爲吳矣。莊子刻意篇。夫有干越之劍者。釋文司馬云。干。吳也。吳越出善劍也。荀子勸學篇。干越夷貉之子。楊倞曰。干越猶言吳越。近時嘉善謝氏刻本。改干爲于。又改楊注。吳越爲於越。非是。辯見荀子。漢書貨殖傳。辟猶戎翟之與于越。不相入矣。于亦干之誤。干越皆國名。故言戎翟之與干越。猶荀子之言干越夷貉也。顏師古以爲春秋之於越。失之。司馬彪訓干爲吳。正與高注同。莊從劉本作于。則與高注相背矣。

### 被髮文身

九疑之南。陸事寡而水事衆。於是民人被髮文身。以像鱗蟲。高注曰。被。翦也。引之曰。諸書無訓被爲翦者。被髮當作劓髮。注當作劓。翦也。漢書嚴助傳。越方外之地。劓髮文身之民也。晉灼曰。淮南云。越人劓髮。見俗篇。又曰。越王張揖以爲古翦字也。字又作髡。逸周書王會篇曰。越漚髡髮。文身。墨子公孟篇曰。越王句踐。劓髮文身。以治其國。史記趙世家曰。夫翦髮文身。甌越之民也。此言九疑之南。正是越地。故亦曰劓髮文身也。主術篇。是猶以斧劓毛。高彼注曰。劓。翦也。劓讀驚攢之攢。故此注亦曰劓。翦也。後人見王制有被髮文身之語。遂改劓爲被。並注中劓字而改之。不知劓與翦同義。



故云勦翦也。若是被字，不得訓爲翦矣。趙世家之翦髮，趙策作視髮，錢且越人以勦髮爲俗，若被髮則非其俗矣。漢書地理志：文身斷髮以避蛟龍之害，應劭曰：常在水中，故短其髮，文其身以像龍子，故不見傷害，即此所云勦髮，文身以像鱗蟲也。高注：訓勦爲翦，亦與漢書斷髮同義。

俗尙氣力

雁門之北，狄不穀食，賤長貴壯，俗尙氣力。念孫案：俗本作各，言狄人各尙氣力也。各誤爲谷。漢郃陽令曹全碑：各獲人爵之報，各作各，形與谷相似，各谷草書亦相似。後人因加人旁耳，不知不穀食，與下文人不弛弓，馬不解勒，皆是狄人之俗，非獨尙氣力一事也。太平御覽兵部八十九引此，正作各尙氣力。

化而爲枳

故橘樹之江北，則化而爲枳。鵲鴿不過濟，獬渡汶而死。高注曰：見於周禮。念孫案：枳本作橙，此後人依考工記改之也。不知彼言橘踰淮而北爲枳，此言樹之江北則爲橙，義各不同。注言見周禮者，約舉之詞，非必句句皆同也。埤雅引此作化而爲枳，則所見本已誤。文選潘岳爲賈謐贈陸機詩：在南稱甘，度北則橙。李善注引淮南曰：江南橘樹之江北，化而爲橙。藝文類聚太平御覽果部橘下，並引考工記曰：橘踰淮而北爲枳。又引淮南曰：夫橘樹之江北，化而爲橙。御覽橙下然則考工作枳而淮南作橙明矣。晉王子升甘橘贊曰：異分南城，北則枳橙，此兼用考工與淮南也。

與造化者爲人 下與造化爲人

故聖人不謀而當。不言而信。不慮而得不爲而成。精通於靈府。與造化者爲人。又倣真篇。陶冶萬物。與造化者爲人。高注並曰。爲治也。引之曰。高未解人字之義。故訓爲爲治。人者偶也。言與造化者爲偶也。中庸。仁者人也。鄭注曰。人也。讀如相人偶之人。人以意相存偶之言。檜風匪風箋曰。人偶能割烹者。人偶能輔周道治民者。聘禮注曰。每門輒揖者。以相人偶爲敬也。公食大夫禮注曰。每曲揖及當碑揖。相人偶。是人與偶同義。故漢時有相人偶之語。上文云。與造化者俱。本經篇云。與造化者相雌雄。齊俗篇曰。上與神明爲友。下與造化爲人。曰俱。曰爲友。曰相雌雄。皆是相偶之意。故本經篇與造化者相雌雄。文子下德篇作與造物者爲人。此尤其明證矣。莊子大宗師篇。彼方且與造物者爲人。應帝王篇。予方將與造物者爲人。天運篇。久矣夫。某不與化爲人。並與淮南同意。解者亦失之。

### 封壤

昔舜耕於歷山。基年而田者爭處磽塉。以封壤肥饒相讓。念孫案。封壤二字。義不相屬。封壤本作封畔。此後人以意改之也。封畔。皆謂田界也。周官保章氏注。呂氏春秋孟春樂成。二篇注。並云。封。界也。說文。畔。田界也。史記五帝紀。舜耕歷山。歷山之畔。皆讓畔。本出韓子難一。大雅緜傳亦云。耕者讓畔。封畔與肥饒相對爲文。下文以曲隈深潭相予。曲隈深潭亦相對爲文。覽冥篇云。田者不侵畔。漁者不爭隈。此云田者以封畔肥饒相讓。漁者以曲隈深潭相予。其義一也。太平御覽皇王部六。爾雅釋草疏。引此並作封畔。

後者蹙之 屬腸

先者上高。則後者攀之。先者踰下。則後者蹙之。先者隕陷。則後者以謀。先者敗績。則後者違之。高注曰。蹙。履也。音展。非展也。念孫案。展與蹙聲不相近。蹙皆當爲蹙。字之誤也。蹙。女展反。履也。言後者履先者而上也。蹙字或作蹙。廣雅。蹙。履也。曹憲音女展反。莊子庚桑楚篇。蹙市人之足。司馬彪云。蹙。蹈也。淮南說山篇。足蹙地而爲迹。說林篇。足所蹙者淺矣。修務篇。猶釋船而欲蹙水也。高注並云。蹙。履也。蹙音女展反。而訓爲履。故此注云。蹙。履也。音展。非展也。且攀蹙爲韻。謀之爲韻。謀古讀若媒。說見唐韻正。若作蹙。則失其韻矣。兵略篇。白刀合。流矢接。涉血屬腸。與死扶傷。案屬腸二字。義不可通。屬亦當爲蹙。謂涉血履腸也。呂氏春秋期賢篇。曰。塵氣充天。流矢如雨。扶傷與死。履腸涉血。是其證也。蹙字本作蹙。其上半與屬相似。因誤爲蹙矣。

脫四字

此俗世庸民之所公見也。而賢知者弗能避也。高注曰。以諭利欲。故曰有所屏蔽也。念孫案。如高注。則正文避字下。當有有所屏蔽四字。而今本脫之也。此承上文而言。言先者有難。而後者無患。此庸人之所共見也。而賢知者猶不能避。則爲爭先之見。所屏蔽故也。故注云。故曰有所屏蔽也。且注內故曰云云。皆指正文而言。以是明之。

疑竭

非謂其底滯而不發。疑竭而不流。念孫案竭之言遏也。爾雅曰。遏。止也。底。滯。疑竭。皆止也。爾雅底止也。原道篇注滯止也。楚辭九嘆。天文篇曰。清妙之合專易。重濁之疑竭難。要略曰。疑竭底滯。捲握而不散。皆其證也。道藏本朱本茅本皆作疑竭。劉續不知其義。而改竭爲結。莊本從之。謬矣。

### 無好憎

大包羣生。而無好憎。澤及蛟螭。而不求報。引之曰。無好憎。本作無私好。此後人以意改之也。文子道原篇。正作無私好。此承上文生萬物成百事而言。言水之利物。非有所私好而然也。下句澤及蛟螭。而不求報。亦是此意。加一憎字。則非其指矣。且好與報爲韻。上下文皆用韻。若作無好憎。則失其韻矣。劉本作無所私。亦非。

### 忽區

動溶無形之域。而翱翔忽區之上。高注曰。忽。悅之區上也。精神篇。同精於太清之本。而游於忽區之旁。高注曰。忽。區。忽。恍。無形之區旁也。引之曰。忽。區。二字。文不成義。兩區字皆當作芒。隸書芒字作𦵏。與區相似而誤。太平御覽地部二十三。引原道篇已誤作區。忽。芒。卽忽荒也。莊子至樂篇。芒乎芴乎。而無從出乎。芴乎芒乎。而無有象乎。爾雅太歲在巳曰大荒落。史記歷書荒。上文游微霧。驚忽悅。釋文芒音荒。又呼晃反。芴音忽。是芒與荒同。作芒。三代世表。帝芒。索隱芒亦作荒。高注曰。忽。悅。無形之象。文選七發注。引作驚忽荒。忽。芒。乃無形之貌。故曰動溶無形之域。而翱翔忽芒之上也。人間篇曰。翱翔乎忽荒之上。析惕乎虹蜺之間。是其明證矣。賈誼鵬賦。寥廓忽荒兮。與道翱翔。亦謂翱翔於忽荒之上也。此篇及



精神篇之忽芒。高注亦當云。忽芒無形之象。而今本云。忽悅之區上。忽恍無形之區旁。則後人以已誤之正文改之也。

損

去其誘慕。除其嗜欲。損其思慮。念孫案。損當爲捐。字之誤也。捐與去除同意。作損則非其指矣。文子道原篇。正作捐其思慮。又精神篇。忘其五藏。損其形骸。損亦當爲捐。捐與忘意相近。卽莊子所謂外其形骸也。作損則義不可通矣。又下文殘亡其國家。損棄其社稷。案社稷可言棄。不可言損。當亦是捐字之誤。

不與物散

不與物散。粹之至也。高注曰。散亂。又精神篇。精神澹然無極。不與物散。而天下自服。高注曰。散。雜亂貌。引之曰。諸書無訓散爲雜亂者。說文。散。雜肉也。雜乃離。之誤。辯見說文考正。散皆當爲殺。隸書殺或作散。見漢散阮。君神祠碑。與散相似。散或作殺。見李翕析里橋。鄭閣頌。與殺亦相似。故殺誤爲散。太平御覽方術部。已誤。莊子齊物論篇。樊然殺亂。釋文。殺郭作散。太元元瑩。晝夜殺者。其禍福雜。今本殺誤作散。皆其證也。說文。殺。相雜錯也。廣雅。殺。雜也。亂也。並與高注同義。則散爲殺之誤明矣。殺訓爲雜。義與粹正相反。故曰不與物殺。粹之至也。文子道原篇。作不與物雜。雜亦殺也。莊子刻意篇。作不與物交。交與殺聲義亦相近。精神篇又曰。審乎無瑕而不與物糅。糅亦殺也。若云不與物散。則非其指矣。

## 收之

中能得之。則外能收之。高注曰。不養也。念孫案。收當爲牧。高注不養也。當爲牧養也。此承上文得其內而  
言。能得之於中。則能養之於外。下文筋力勁強。耳目聰明。所謂外能養之也。若云外能收之。則非其指矣。  
且牧與得爲韻。牧古讀若墨。說見唐韻正。若作收。則失其韻矣。俗書收字作牧。形與牧相似。故牧誤爲收。文子道原篇  
正作牧。

## 迫感

迫則能應。感則能動。念孫案。此當作感。則能應。迫則能動。感與應相因。迫與動相因。精神篇曰。感而應。迫  
而動。修務篇曰。感而不應。故而不動。故。今本誤作攻。辯見修務。莊子刻意篇曰。感而後應。迫而後動。皆其證。今本感迫  
二字互誤。

## 物穆

物穆無窮。變無形像。高注曰。穆。美。莊氏伯鴻曰。物穆。疑當作當沕穆。念孫案。史記賈生傳。形氣轉續兮。變  
化而嬗。沕穆無窮兮。胡可勝言。漢書作沕穆。無閒。顏師古曰。沕穆。深微貌。沕音勿。說苑指武篇。亦云沕穆  
無窮。變無形像。沕。沕物古字通。高注專解穆字。蓋失之矣。

## 得道

故子夏心戰而懼。得道而肥。念孫案得道本作道勝。淺學人改之也。道勝與心戰相對爲文。高注曰。先王之道勝。無所復思。故肥也。則正文本作道勝明矣。精神篇曰。子夏見曾子。一臞一肥。曾子問其故。曰。出見富貴之樂而欲之。入見先王之道又說之。兩者心戰。故臞。先王之道勝。故肥。是其事也。本出韓子喻老篇太平御覽人事部一百九引此正作道勝而肥。

至極樂

無不樂則至極樂矣。念孫案至極樂本作至樂極。至樂二字連讀。謂極樂也。極至也。言人能無不樂。則極樂自至也。高注曰。至樂至德之樂。是正文本以至樂連文。今本作至極樂。則與注不合。文子九守篇正作即至樂極矣。

我身

天下之要。不在於彼。而在於我。不在於人。而在於我身。身得則萬物備矣。念孫案不在於人而在於我身。我字涉上句而衍。彼我人身相對爲文。身上不當有我字。劉本移我字於下文身得之上。而讀我身得爲一句。亦非。文子九守篇正作不在於人而在於身。身得則萬物備矣。

萬物元同也

萬物元同也。無非無是。化育元耀。生而如死。念孫案此四句皆以四字爲句。則萬物元同下不當有也字。

文子九守篇無也字。

### 山峽

逍遙於廣澤之中而仿洋於山峽之旁。注曰：兩山之間爲峽。念孫案：水經江水注曰：江水又東逕赤岬城。西淮南子曰：彷徨於山岬之旁。注曰：岬，山脅也。文選吳都賦：傾藪薄，倒岬岫。李善曰：許慎淮南子注曰：岬，山旁。古狹切。案水經注所引亦作岬，而訓爲山脅，疑是高注山脅卽山旁，義與許同也。今本岬作峽。注云：兩山之間爲峽，與酈李所引迥異，疑皆後人所改。玉篇：岬，古狎切。山旁也。亦作岬。廣韻：岬，古狎切。山側也。峽，侯夾切。巫峽，山名。二字音義判然。後人誤以山脅之岬爲巫峽之峽，故改訓爲兩山之間，不知正文明言山岬之旁，則岬爲山脅，而非兩山之間矣。校書者以注訓兩山之間，故又改岬爲峽，而不知其本非原注也。集韻：岬，古狹切。兩山之間爲岬。許慎說或作岬。宋人皆誤以高注爲許注，故云許慎說。則所見已非原注，但岬字尙未改爲峽耳。

### 怨懟 不失

此齊民之所爲形植黎黑。黑，舊本譌作累。文選江淹上建平王書注：引作黑。今據改。憂悲而不得志也。聖人處之，不爲愁悵，怨懟而不失其所以自樂也。高注曰：懟，病也。引之曰：懟與病義不相近，懟皆當爲慰。今作懟者，後人以意改之也。怨讀爲苑。慰讀爲蔚。苑蔚皆病也。叔真篇：形傷於寒暑燥濕之虐者，形苑而神壯。高注曰：苑，枯病也。本經篇



則身無患。百節莫苑。高注曰。苑。病也。倣真篇。五藏無蔚氣。高注曰。蔚。病也。是苑蔚皆病也。荀子哀公篇。富有天下。而無怨財。楊倞注引禮運。事大積焉而不苑。是苑與怨通。莊子盜跖篇。貪財而取慰。貪權而取竭。可謂疾矣。疾亦病也。淮南繆稱篇曰。侏儒瞽師。人之困慰者也。是蔚與慰通。故高注云。慰。病也。後人不通古訓。而改慰爲懟。其失甚矣。不失其所以自樂。不字涉上下文而衍。不爲愁悴怨慰而失其所以自樂也。作一句讀。

生之充 二者

夫形者。生之舍也。氣者。生之充也。神者。生之制也。一失位則二者傷矣。念孫案。充本作元。此涉下文氣不當其所充而誤也。元者。本也。言氣爲生之本也。文選養生論注。引此正作元。文子九守篇亦作元。王冰注素問刺禁論云。氣者。生之原。語卽本於淮南。原與元同。一失位則二者傷。謂此三者之中。一者失位。則二者皆傷也。各本二作三。因下文此三者而誤。文子亦誤作三。惟道藏本朱本作二。莊刻依諸本作三。非也。文選注引此正作二。

漠曙

貪饕多欲之人。漠曙於勢利。誘慕於名位。高注曰。漠曙猶鈍曙。不知足類。類與貌同。各本類誤作類。今改正。念孫案。漠曙皆當爲演眠。字之誤也。諫書真字作真。莫字作莫。二形相似而誤。史記高祖功臣侯者表。甘泉戴侯莫瑒。漢表莫瑒作真。粘。朝鮮傳。警略屬真。番條廣曰。真一作莫。新序雜事篇。黃帝學乎

大異路史疏佗紀曰大異或作大莫非皆漢音顛眠音莫賢反漢眠或作顛冥文子九守篇作顛冥乎勢其例也眠之爲曙則涉注文鈍曙而誤漢音顛眠音莫賢反漢眠或作顛冥文子九守篇作顛冥乎勢利是其證也莊子則陽篇顛冥乎富貴之地釋文冥音眠司馬云顛冥猶迷惑也言其交結人主情馳富貴卽此所云漢眠於勢利誘慕於名位也高以漢眠爲不知足司馬以顛冥爲迷惑迷惑與不知足義相因也又案高云漢眠猶鈍曙曙讀齊潛王之潛見集韻漢眠鈍曙皆疊韻也鈍曙或爲鈍閔或爲頓愒方言頓愒惛也江湘之間謂之頓愒淮南修務篇精神曉洽鈍閔條達高彼注曰鈍閔猶鈍惛也此注云鈍曙不知足貌鈍曙與不知足義亦相因也

### 植於高世

冀以過人之智植於高世念孫案植於高世當作植高於世故高注曰植立也庶幾立高名於世也今本高於二字誤倒則文不成義文子作位高於世位亦立也周官小宗伯注鄭司農云古者立位同字

### 淮南內篇第二

#### 倣真

#### 垠埤

垠埤未發萌兆牙孽未有形埤垠念孫案覽冥篇不見朕垠高注朕兆朕也垠形狀也繆稱篇道之有

篇章形埒者。高注。形埒。兆朕也。是垠埒與形埒同義。旣言形埒。無庸更言垠埒。疑垠埒是形埒之注。而今本誤入正文也。且此三句。以發槩埒爲韻。若加垠埒二字。則失其韻矣。

藿蘆

言萬物摻落。根莖枝葉。青蔥荅龍。藿蘆炫煌。高注曰。藿蘆炫煌。采色貌也。藿讀曰唯。蘆讀曰扈。念孫案。藿音灌。與唯字聲不相近。藿皆當爲確。字之誤也。確讀若唯。諾之唯。字從艸唯聲。確蘆者。草木之榮華也。後漢書馬融傳。廣成頌。說植物云。鋪于布濩。確扈薺葵。李賢曰。確音以揆反。郭璞注爾雅云。草木華初出爲芽。爾雅芽。華榮也。說文芽。艸之皇榮也。芽與確通。扈音戶。以上後漢書注。此言根莖枝葉。青蔥荅龍。確扈炫煌。義與彼同也。高注讀確爲唯。李賢音以揆反。正與高讀合。劉績不知藿爲確之誤。而改藿爲荏。斯爲謬矣。諸本及莊本同。又案藿蘆之蘆。當依後漢書作扈。注當作扈。讀曰戶。正文作蘆者。因確字而誤加艸耳。後人不達。又改注文爲蘆。讀曰扈。以從已誤之正文。則其謬益甚矣。說文玉篇廣韻集韻類篇。皆無蘆字。

閒於無有

若允燿之閒於無有。退而自失也。陳氏觀樓曰。閒當作問。允燿問於無有。事見莊子知北遊篇。

衡杓

機槍衡杓之氣。莫不彌靡。而不能爲害。高注曰。機槍。彗星也。杓。北斗柄第七星。引之曰。北斗之星。不聞爲

害高說非也。衡當爲衝。字形相似而誤。衝杓皆妖氣也。晉書天文志引河圖曰。歲星之精。流爲天槍。天衝。熒惑散爲天機。呂氏春秋明理篇曰。其雲狀有若人。蒼衣赤首不動。其名曰天衝。今本衝字。亦誤作衡。據太平御覽。咎徵部四引。改。開元占經。妖星占篇。引劉向洪範傳曰。天衝其狀如人。蒼衣赤首不動。史記天官書曰。五星蚤出者爲贏。晚出者爲縮。必有天應。見於杓星。漢書天文志曰。太歲在寅。歲星正月晨出。在斗牽牛。失次杓。早水晚旱是也。機槍衝杓。皆妖氣之名。故並言之。

### 茫茫沈沈 渾渾沉沉

茫茫沈沈。是謂大治。高注曰。茫茫沈沈。盛貌也。茫讀王莽之莽。沈讀水出沈沈白之沈。念孫案沈皆當爲沈。玉篇何黨切。沈廣韻又音杭。茫茫沈沈。疊韻也。說文。沈字注云。莽沈大水。一曰大澤。風俗通義山澤篇云。沈者。莽也。今本沈誤作沉。辭見漢書刑法志。沈斥下。言其平望莽莽無涯際也。莽與茫古同聲。茫茫沈沈。即莽莽沈沈。故高注以爲盛貌也。莽沈或作潏沈。張衡西京賦。滄池潏沈。是也。倒言之則曰沈潏。馬融廣成頌。瀼瀼沈潏。是也。又作沈茫。楊雄羽獵賦。鴻濛沈茫。是也。顏師古曰。沈茫即沈莽。故曰。茫讀王莽之莽。漢書禮樂志。西顛沈碣。顏師古曰。沈碣。白氣之貌。故曰。沈讀水出沈沈白之沈。若作沈沈。則與正文注文皆不合矣。又兵略篇。天化育而無形象。地生長而無計量。渾渾沉沉。孰知其藏。沉亦當爲沈。渾渾沈沈。廣大貌也。爾雅。沄。沄也。說文。沄。轉流也。讀若混。一曰沄。舊本脫此三字。今據爾雅釋文補。沄渾混古同聲。渾渾沈沈。即沄沄沈沈。沄之轉爲沈。猶渾之轉爲沄。



也。且沆與象量藏爲韻。若作沉沉。則義既不合。而韻又不諧矣。太平御覽兵部二引此已誤。凡從亢之字。隸或作亢。故沆字或作沆。一誤而爲沉。再誤而爲沈。散見羣書。而學者莫之能辨也。詳見漢書。

炊以鑪炭

譬若鍾山之玉。炊以鑪炭。三日三夜。而色澤不變。念孫案炊當爲灼。字之誤也。玉可言灼。不可言炊。藝文類聚寶部上。太平御覽珍寶部四。引作炊。皆後人依誤本改之。其御覽地部三。引此正作灼。白帖七同。呂氏春秋士容篇注。作燔。以鑪炭燔亦灼也。

唯體道能不敗

孟門終隆之山。不能禁也。舊本脫也。字。今據下文補。唯體道能不敗。淵瀨旋淵。呂梁之深。不能留也。太行石澗。飛狐句注之險。舊本句注作句望。劉績曰。當作句注。今依劉注改。莊氏伯鴻曰。句望今漢書地理志作句注。以義考之。注應即注字也。古注望同聲。凡古字通者。皆以聲同相通。若注與注。乃字之誤耳。古注字作注。注字作注。後人但識注。不識古字。注。因之傳譌矣。念孫案莊說非也。句注之爲句望。草書之誤耳。漢書文帝紀。屯句注。師古曰。句音章。句之。凡昆侖空桐。薄落。岫嶠。之屬。皆山名。之。疊韻者。句注亦如是也。若作文。則失其讀矣。諸書及本書地形篇。皆作注。注。無作句望者。乃反以本書偶誤之字爲是。而以諸書之注。作句注者爲非。且以注爲注之誤。望爲注之通。見異思遷。展轉附會。此近日學者之公患也。諸不能難也。念孫案唯體道能不敗六字。與上下文義不相屬。乃上文休於天鈞而不僞之注。誤衍於此。上注云。天鈞。北極之地。積寒之野。休之。輒敗。唯體道能不敗也。

臺簡 引楮

其所居神者。臺簡以游太清。引楯萬物。羣美萌生。高注曰。臺猶持也。引楯拔擢也。錢氏獻之曰。臺當作臺。說文。臺古文握字。故注訓爲持。臺與臺形近致譌耳。莊氏伯鴻曰。注訓引楯爲拔擢。則楯當作楯。從手旁。無一橈。無一幅。

若夫墨楊申商之於治道。猶蓋之無一橈。而輪之無一幅。有之可以備數。無之未有害於用者。念孫案蓋之無一橈。輪之無一幅。本作蓋之一橈。輪之一幅。此但言一橈一幅。下乃言其有無之無關於利害。若先言無一橈。無一幅。則下文不必更言有無矣。此兩無字。皆因下文無字而衍。

### 彭薄

譬若周雲之蘊從遼巢彭薄而爲雨。高注曰。彭薄。蘊積貌也。念孫案彭薄本作彭薄。道藏本作彭薄。注薄。卽薄之誤。後人不知。而改爲薄。莊本從之。斯爲謬矣。彭古讀若旁。說見唐韻正下文云。渾渾蒼蒼。純樸未散。旁薄爲一。司馬相如封禪文。旁魄四塞。義並與此同。故高注以彭薄爲蘊積貌。若彭薄則爲水聲。見上林賦而非雲氣蘊積之貌。與正文注文皆不合矣。舊本北堂書鈔天部二。引此正作彭薄。陳禹謨刪去太平御覽天部八同。

### 所得

今夫善射者有義表之度。如工匠有規矩之數。如讀爲而此皆所得以至於妙。陳氏觀樓曰。所得上脫有字。高

注。有所得規矩儀表之巧也。是其證。

翺翔

雲臺之高。墮者折脊碎腦。而蟲蟲適足以翺翔。高注曰。蟲蟲微細。故翺翔而無傷毀之患。念孫案。適足以翺翔。當作適足以翺。高注。翺翔而無傷毀之患。當作翺飛而無傷毀之患。說文。翺。許緣反。小飛也。原道篇曰。跂行喙息。蠓飛蠕動。蠓與翺同。下文曰。飛輕微細者。猶足以脫其命。飛輕二字。正承翺字言之。若翺翔則爲鳥高飛之貌。蟲蟲之飛。可謂之翺。不可謂之翺翔也。又下文雖欲翺翔。高注曰。翺翔。鳥之高飛。翼上下曰翺。直刺不動曰翔。而此注不釋翺翔之義。則正文本無翺翔二字明矣。隸書翺字或作翺。見漢唐公房碑。形與翺相近。故翺誤爲翺。後人不知翺爲翺之誤。因妄加翔字耳。藝文類聚蟲豸部。引此正作蟲蟲。適足以翺。

夫受形於一圈

夫與蚊虻同乘天機。夫受形於一圈。飛輕微細者。猶足以脫其命。又况未有類也。也與邪同。念孫案。下夫字因上夫字而衍。夫與蚊虻同乘天機。受形於一圈。二句連讀。不當更有夫字。

使知之

今夫積惠重厚。累愛襲恩。以聲華嘔苻。嫗掩萬民百姓。使知之。訢訢然人樂其性者。仁也。念孫案。使下不當有知字。此因上文所謂知之而誤衍也。劉本無知字是。

樗木色青翳而羸瘰蛄眊

夫樗木色青翳而羸瘰蛄眊。此皆治目之藥也。高注曰：樗木，苦歷木名也。生於山，剝取其皮，以水浸之，正青用洗眼，瘰人目中膚翳，故曰色青翳。青色象也。此句內有脫文，蓋謂樗木色青，象目中青翳之色，故以同色者治之也。羸，蠶薄羸蛄眊，目疾也。引之曰：色青翳，當作已青翳。註內色青翳同。已與瘰相對爲文，已亦瘰也。言樗木可以瘰青翳也。瘰，今作愈。呂氏春秋至忠篇：王之疾必可已也。高注曰：已，猶愈也。故此注云：用洗眼，瘰人目中膚翳，故曰已青翳也。今正文及注皆作色青翳者，涉注內青色而誤耳。羸瘰蛄眊，當作羸蠶瘰蛄眊。註內蛄眊同。據高注云：羸蠶薄羸，羸則羸下原有蠶字明矣。太平御覽鱗介部十三引此作羸蠶瘰蛄眊。又引注云：羸附羸蠶，細長羸也。蛄眊，目中疾。一切經音義二十引許慎注云：蛄眊，目內白翳病也。名醫別錄曰：蛄離味甘無毒，主蛄館明目。羸蠶蛄離並與羸蠶同。士冠禮：羸蠶，今文羸爲蛄，內則作蛄離。蛄館與蛄眊同。羸蠶聲相亂，故羸下脫蠶字。蛄蛄草書相似，故蛄誤爲蛄。宋證類本草引此已誤。

尺之鯉 丈之材 營宇狹小

夫牛蹏之涔，無尺之鯉。塊阜之山，無丈之材。所以然者，何也？皆其營宇狹小，而不能容巨大也。莊氏伯鴻校本自敍云：太平御覽三部引作牛蹄之涔，無徑尺之鯉。魁父之山，無營宇之材。無下營宇二字，足證今本之脫謬。念孫案此御覽誤，非今本誤也。尺之鯉，丈之材，相對爲文。若作營宇之材，則文不成義，且與上



句不對。營字狹小，所以不能容巨大。若無營字二字，則文義不明。鈔本御覽作牛蹄之涔，無徑尺之鯉。魁父之山，無丈之材。營字狹小，而不能容巨大也。尺上有徑字，乃後人不識古文辭而妄加之。後人以尺之故加一徑字，此未識古人句法也。原道篇曰：聖人不貴尺之璧而重寸之陰。呂氏春秋舉難篇曰：尺之木必有節目，寸之玉必有瑕適，屬句並與此同。加一徑字，則與下句不對矣。御覽鱗介部八引此，又作無盈尺之鯉，盈字亦後人所加。其無丈之材及營字狹小，則皆與今本同。刻本御覽作無營字之材，而下文無營字二字，此皆後人妄改，不足爲據。藝文類聚山部上引作牛蹄之涔，無尺之鯉。題府之山，無丈之材，皆其營字狹小而不能容巨大也。正與今本同。足證刻本御覽之誤。劉晝新論觀量篇：蹄窟之內不生蛟龍，培塿之上不植松柏。營字隘也。意皆本於淮南。彼言營字隘，猶此言營字狹小耳。亦足證刻本御覽無營字二字之誤。尺上無徑字，并足證鈔本御覽之誤。

有命在於外

使我可係羈者，必其有命在於外也。念孫案：有命在於外，當作命有在於外。言既爲人所係羈，則命在人而不在我也。今本命有二字誤倒，則文義不明。文子精誠篇：正作必其命有在外者矣。莊子山木篇：物之所利乃非已也。吾命有在外者也。卽淮南所本。

吟德

吟德懷和高注曰：吟詠其德。含懷其和氣。念孫案：吟非吟詠之吟，乃含字也。原道篇：含德之所致也。高彼注曰：含，懷也。此云含德懷和，本經篇云：含德懷道。含懷一聲之轉。其義一也。含字從口，今聲移口於旁，字

體小異耳。若訓爲吟詠之吟，則與懷和不類矣。漢書禮樂志：靈安留吟青黃。服虔曰：吟音含，是含字古或作吟也。

### 琳琳

昧昧琳琳，皆欲離其童蒙之心而覺視於天地之間。高注曰：昧昧，欲明而未也。琳琳，欲所知之貌也。念孫案：說文玉篇廣韻集韻皆無琳字。琳琳當爲琳琳。注：昧昧琳琳，一聲之轉，皆欲知之貌也。說文云：倫，文子上禮篇作昧昧懋懋。懋與琳古字通。奉陶謨懋還無化居。漢書食貨志懋作琳。今作琳琳者，琳誤爲林，又因昧字而誤加日旁耳。楊慎古音餘乃於侵韻收入琳字。吳志伊字彙補又云：琳音林，並引淮南子昧昧琳琳，皆爲俗本所惑也。

### 乃至 非乃

乃至神農黃帝，念孫案乃當爲及，字之誤也。文子上禮篇正作及。又汜論篇：故聖人之見存亡之迹，成敗之際也，非乃鳴條之野。甲子之日也，乃亦當爲及。言夏殷之將亡，聖人早已知之，非及鳴條之野。甲子之日而後知之也。道藏本劉本並作乃，朱本改乃爲待，而莊本從之，義則是而文則非矣。

### 九勑

襲九敼，重九勑。高注曰：勑，形也。念孫案說文玉篇廣韻集韻皆無勑字。勑當爲壑，字之誤也。玉篇：壑，古文

垠字。文。字從土。秋聲。說文。秋讀若銀。九垠。即九垠也。上文曰。蘆苻之厚。通於無垠。無垠。即無垠也。兵略篇。不見朕垠。覽其篇作朕垠。彼注云。垠。形狀也。故此注亦云。垠。形也。

周室之衰

施及周室之衰。引之曰。之衰二字。後人所加也。尋繹上文。自伏羲氏以下。皆為衰世。則方其盛時。亦謂之衰。不待其衰而後為衰也。下文周室衰而王道廢。始言周室之衰耳。若此句先言周室之衰。則下文不須更言衰矣。文子上禮篇。作施及周室。無之衰二字。

雜道以偽

澆淳散樸。雜道以偽。儉德以行。而巧故萌生。高注曰。雜。紐。念孫案。雜。常為離。字之誤也。儉。讀為險。險。儉。古字通。說見經義述聞大戴禮。惠而不儉。下。莊子繕性篇。德又下衰。澆淳散樸。離道以善。險德以行。郭象注。有善而道不。此正淮南所本。文子作離道以偽。險德以為行。又本於淮南。然則原文作離道明矣。高注訓雜為紐。則所見本已誤作雜。又案偽。古為字。說見史記淮南。衡山傳。為偽。下。為。亦行也。齊俗篇。矜偽以惑世。伉行以違衆。矜偽。猶伉行耳。上文趨舍行偽者。為精求於外也。荀子儒效篇曰。離道以偽。險德以行。言所為非大道。所行非至德也。與詐偽其衣冠行偽。已同於世俗矣。行偽。即行為。之偽不同。下句巧故萌生。始言詐偽耳。文子改作以為偽。以為行。失之。

疑聖

於是博學以疑聖。華誣以脅衆。高注曰。博學楊墨之道。以疑孔子之術。引之曰。疑讀曰擬。博學以擬聖。謂博學多聞。以自比於聖人也。鄭注周官司服曰。疑之言擬也。史記平準書。人徒之費。擬於南夷。漢書食貨志。擬作疑。文子作狙學以擬聖。是其證。莊子天地篇。博學以擬聖。於于以蓋衆。卽淮南所本也。高說失之。

### 眞清

水之性眞清。而土汨之。人性安靜。而嗜欲亂之。念孫案眞字於義無取。疑後人所加。太平御覽方術部一。引此作夫水之性清而土汨之。人之性安而欲亂之。於義爲長。呂氏春秋本生篇云。夫水之性清。土者汨之。故不得清。人之性壽。物者汨之。故不得壽。汨與汨同。

### 芳臭

耳目之於聲色也。口鼻之於芳臭也。念孫案下句本作口鼻之於臭味。謂口之於味。鼻之於臭也。後人誤讀臭爲腐臭之臭。而改臭味爲芳臭。則與口字義不相屬矣。太平御覽引此。正作鼻口之於臭味。

### 淵清

是故神者。智之淵也。淵清則智明矣。智者。心之府也。智公則心平矣。念孫案以下二句例之。則淵清當爲神清。此涉上句淵字而誤也。太平御覽引此。正作神清。文子九守篇同。

### 流沫 沫雨



人莫鑑於流沫而鑑於止水者以其靜也。高注曰：沫雨，雨潦上沫起覆甌也。舊本脫一雨字，今據說山篇注補。又說山篇：人莫鑑于沫雨而鑑于澄水者，以其休止不蕩也。注曰：沫雨，雨潦上覆盆也。沫雨或作流潦。念孫案：流沫本作沫雨，故高注及說山篇俱作沫雨。又太平御覽服用部十九方術部一，並引淮南子：人莫鑑於流沫而鑑於止水。今本作流沫者，後人以意改之耳。又案沫雨者，流雨之譌也。水動則濁，靜清，故曰人莫鑑於流雨而鑑於止水者，以其靜也。動與靜相對，流與止相對，流隸或作沝。見魯相史晨碑。形與沫相似，因譌爲沫。高以爲雨潦上覆甌，非也。據高云：沫雨或作流潦。文子九守篇亦作流潦。文選江賦注引作流潦。又引許慎注云：楚人謂水暴溢爲潦。則沫爲沝字之譌明矣。莊子德充符篇：人莫鑑於流水而鑑於止水。崔譔本流作沫，亦是沝字之譌。

以觀其易也 形物之性也

莫窺形於生鐵而窺於明鏡者，以觀其易也。夫唯易且靜，形物之性也。念孫案：以觀其易也，以下本無觀字，以其靜也，以其易也，相對爲文，則不當有觀字。太平御覽服用部十九方術部一，引此並無觀字。夫唯易且靜，形物之性也。語意未明。御覽方術部引作夫唯易且靜，故能形物之性情也。高注：形，較今本爲善。文子作神清意平，乃能形物之情也。

用也必假之於弗用也

由此觀之用也，必假之於弗用也。念孫案：用也二字，文不成義。太平御覽方術部引此作用者，必假之於

弗用者是也。今本兩者字皆作也。涉上文而誤耳。文子作故用之者。必假於不用者。莊子知北遊篇曰。是用之者。假不用者也。皆其證。

然而不免於僇身。猶不能行也。

孔墨之弟子。皆以仁義之術。教導於世。然而不免於僇。身猶不能行也。又况所教乎。高以僇身二字連讀。云僇身。身不見用。僇僇然也。念孫案。高說非也。僇字上屬爲句。不免於僇。謂躬行仁義而不免於疲也。言僇也。廣雅曰。僇。疲也。說文曰。僇。勞兒。亦疲憊之意。玉藻。喪容。僇。并字異而義同。身字下屬爲句。呂氏春秋。有度篇曰。孔墨之弟子。徒屬充滿天下。皆以仁義之術。教導於天下。然而無所行教者。術猶不能行。又况乎所教。句法正與此同。

真人之道

若夫神無所掩。心無所載。通洞條達。恬漠無事。無所疑滯。虛寂以待。此真人之道也。念孫案。道本作遊。此後人以意改之也。文子九守篇。正作遊。遊者行也。言真人之所行如此也。上文曰。心有所至。而神喟然在之。反之於虛。則銷燦滅息。此聖人之游也。高注曰。游行也。精神篇。是故真人之所游。高注亦曰。游行也。莊子天運篇。古之至人。假道於仁。託宿於義。以遊逍遙之虛。食於苟簡之田。立於不貸之圃。古者謂是采真之遊。並與此真人之遊同意。

澤潤玉石

不通此者。雖目數千羊之羣耳。分八風之調。足蹠陽阿之舞。而手會綠水之趨。智終天地。明照日月。辯解連環。澤潤玉石。猶無益於治天下也。高注曰。澤潤澤也。念孫案。澤潤玉石。本作辭潤玉石。高注。澤潤澤也。本作潤澤也。此解潤字之義。非解澤字之義。辭潤玉石。謂其辭潤澤如玉石也。目數千羊二句。以耳目言之。足蹠陽阿二句。以手足言之。智終天地二句。以心言之。辯解連環二句。以口言之。若云澤潤玉石。則文不成義矣。今案正文澤字。涉注文潤澤也而誤。太平御覽人事部一百五引此已誤後人不達。又於注內加一澤字。以從已誤之正文耳。文子九守篇。正作辭潤玉石。

知不能平

蜂蠆螫指。而神不能憺。高注。憺。定也。蚊蟲嚙膚。而知不能平。念孫案。知不能平四字。義不相屬。知本作性。性猶體也。呂氏春秋壘塞篇。牛之性不若羊。羊之性不若豚。高注。性。猶體也。少儀曰。受立授立。不坐。性之直者。則有之矣。楚語曰。制城邑。若體性焉。有首領股肱。至于手拇毛脈。月令。安形性。後漢書。陳寵傳。作安形。平。靜也。鬼谷子。摩篇。謂體不能靜也。莊子。天運篇。蚊虻嚙膚。則通管不寐。是也。後人不知性之訓。爲體。故妄改之耳。太平御覽蟲豸部二。引此正作性不能平。

一人養之十人拔之

今夫樹木者。一人養之。十人拔之。則必無餘梓。與。疑。同。念孫案。一當爲十。十當爲一。此言養之者雖有十人。

而一人拔之。則木必死也。下文曰。今盆水在庭。清之終日。未能見眉睫。濁之不過一撓。而不能察方員。意與此同。魏策亦云。十人樹楊。一人拔之。則無生楊矣。今本十一二字互誤。則非其指矣。太平御覽資產部三。所引與今本同。亦後人依誤本改之。其方術部一。引此正作十人養之。一人拔之。

### 草木不夭九鼎重味

當此之時。風雨不毀折。草木不夭。九鼎重味。珠玉潤澤。太平御覽皇王部二。引此天下有死字。念孫案風雨不毀折。草木不夭死。相對爲文。則有死字者是也。文子道德篇。亦有死字。九鼎重味。味字於義無取。蓋即下文珠字之誤而衍者也。御覽引此。作九鼎重。又引注云。王者之德。休明則鼎重。此蓋許引則無味字明矣。

## 淮南內篇第三

### 天文

#### 太昭 道始於虛霫

天墜地字未形。馮馮翼翼。洞洞濶濶。故曰太昭。道始於虛霫。引之曰。書傳無言天地未形。名曰太昭者。馮翼洞濶。亦非昭明之貌。太昭當作太始。字之誤也。易乾鑿度曰。太始者。形之始也。太平御覽天部一。引張衡元圖曰。元者。無形之類。自然之根。作於太始。莫之與先。是太始無形。故天地未形。謂之太始也。道始於



虛霫當作太始生虛霫。即承上文太始而言。王逸注楚辭天問曰：太始之元，虛廓無形。廓與霫同。正所謂太始生虛霫也。後人以老子言道先天地生，故改太始生虛霫爲道始於虛霫，而不知與故曰太始句，文不相承也。御覽引此作道始生虛霫，太字已誤作道，而生字尙不誤。

宇宙生氣氣有漢垠

宇宙生氣，氣有漢垠。念孫案：此當爲宇宙生元氣。元氣有涯垠。下文清陽爲天，重濁爲地，所謂元氣有涯垠也。今本脫去兩元字。涯字又誤爲漢。太平御覽天部一元氣下，引此正作宇宙生元氣。元氣有涯垠。

積陽之熱氣生火 積陰之寒氣爲水 日月之淫爲

積陽之熱氣生火，火氣之精者爲日。積陰之寒氣爲水，水氣之精者爲月。日月之淫爲精者爲星辰。引之曰：積陽之熱氣生火，積陰之寒氣爲水。本作積陽之熱氣，久者生火，積陰之寒氣，久者爲水。言熱氣積久則生火，寒氣積久則爲水。今本無久者二字。後人刪之也。初學記天部上，太平御覽天部四，並引此云：積陰之寒氣，久者爲水。隋蕭吉五行大義辨體性篇，引此云：積陽之熱氣，反者爲火，積陰之寒氣，反者爲水。藝文類聚天部上，引此云：積陰之寒氣，大者爲水，反與大皆久字之誤。則原有久者二字明矣。日月之淫爲本作日月之淫氣。此因上下文爲字而誤。廣韻星字注，引此云：日月之淫氣，精者爲星辰。日月之淫氣，與積陽之熱氣，積陰之寒氣，文正相對。精者爲星辰，與精者爲日，精者爲月，文亦相對。下文天地之偏氣，

怒者爲風。天地之合氣和者爲雨。句法亦相同。

天之偏氣怒者爲風。天地之合氣和者爲雨。

天之偏氣怒者爲風。天地之合氣和者爲雨。劉本刪去下句天字。而莊本從之。念孫案大戴禮曾子天圓篇陰陽之氣偏則風。和則雨。藝文類聚天部下引曾子曰。天地之氣和則雨。是風雨皆天地之氣。豈得以風屬之天。雨屬之地乎。下句當依道藏本作天地。上句當補地字。又案含氣當爲合氣。合含字相似。又涉上文含氣而誤也。合氣與偏氣正相對。作含則非其指矣。

月虛

月虛而魚腦滅。念孫案虛當爲虧。字之誤也。虧字脫去。右半因誤而爲虛。埤雅引此已誤。月可言盈虧。不可言虛實。太平御覽鱗介部十三引此正作月虧。藝文類聚天部上御覽天部四引此並作月毀。蓋許慎本。毀亦虧也。

鳥飛

故鳥飛而高。魚動而下。念孫案飛本作動。此後人妄改之也。同一動也。而有高下之殊。故曰鳥動而高。魚動而下。猶睽象傳言火動而上。澤動而下也。若鳥言飛則魚當言游矣。太平御覽鱗介部七引此正作鳥動而高。

五億萬里

天去地五億萬里。念孫案開元占經天占篇引此作億五萬里。太平御覽地部一引詩含神霧亦云天地相去億五萬里。然則億五二字今本誤倒也。

二十八宿 凡二十八宿也

天有九野五星八風二十八宿五官六府。注曰：二十八宿，東方角亢氐房心尾箕，北方斗牛女虛危室壁，西方奎婁胃昂畢觜參，南方井鬼柳星張翼軫也。引之曰：二十八宿四字及注二十八宿云云，皆後人所加也。下文於九野五星八風五官六府皆一一釋之，而不及二十八宿，但於所說九野中附以其星角亢氐云云，使有二十八宿四字，下文不應不為解釋，且不應以二十八宿併入九野條內，使綱目不相當也。然則此處原文無二十八宿四字明矣。注於牽牛須女營室東壁觜觿東井與鬼七星皆省一字稱之，文義苟簡，決非漢人所為。天文時則二篇於牽牛須女等名皆不從省，月令爾雅及呂氏春秋十二紀有始覽史記天官書漢書天文地理二志無不皆然，唯此篇所列圖於營室東壁觜觿皆不省，說四方星度於牽牛婺女東壁觜觿東井與鬼七星各省一字，而營室獨不省，此則後人改之而未盡者也。七星但稱星，則無以別於他星。牽牛謂之牛，營室謂之室，觜觿謂之觜，皆文不成義。又案下文星分度角十二亢九氐十五房五心五尾十八箕十一四分一斗二十六牽牛八須女十二虛十危十七營室十六東壁九奎十六婁十二胃十四昂十一畢十六觜嚙二參九東井三十三與鬼四柳十五七星七。道藏本脫上七字，今補正。張翼各十八軫十七，凡二十八宿也。凡二十八宿句，亦後人所加，此說星之分度。

非說星之全數也。無緣得有此句。

#### 四守 天阿 太一之庭

紫宮、太微、軒轅、咸池、四守、天阿。阿當作河。高注曰：皆星名。下自解。又太微者，太一之庭也。太一當作五。紫

宮者，太一之居也。軒轅者，帝妃之舍也。咸池者，水魚之囿也。天阿者，羣神之闕也。四守者，各本守作宮，涉

今據上文四守及北堂書鈔天部二初學所引改正。所以司賞罰。各本以下衍爲字。今據舊本北堂

軒轅咸池。天阿引之曰：據前注則四守亦星名。據後注則四守乃總括四星之稱。非星名也。前後注意迥

殊。今細釋原文。前注是也。紫宮、太微、軒轅、咸池、四守、天阿。列其名也。太一之庭、太一之居、帝妃之舍、水魚

之囿、羣神之闕。及所以司賞罰。則明其職也。故前注曰：皆星名。下自解。後注以四守爲紫宮、軒轅、咸池、天

阿。其不可通有三。太微、紫宮並舉。何以數紫宮而不數太微。其不可通一也。四守若爲紫宮、軒轅、咸池、天

阿之總稱。則上文四守二字當別於紫宮前。爲統下之詞。或別於天阿後。爲統上之詞。其義乃通。何以雜

廁諸星之間。而云紫宮、太微、軒轅、咸池、四守、天阿邪。其不可通二也。軒轅、帝妃之舍、咸池、水魚之囿。皆與

賞罰之事無涉。其不可通三也。初學記、太平御覽並引許慎注曰：四守、紫宮、軒轅、咸池、天阿也。然則此乃

許注。後人移入高本。而前後遂相矛盾矣。

天阿本作天河。後人以天河非星名。故改爲天阿也。案開元占經、甘氏中官占引甘氏曰：天阿一星在昴



西以察山林之妖變也。與門闕之義無涉。且天阿非黃道所經。不得言羣神之闕也。北堂書鈔。太平御覽。引此並作天河。又引高注曰。天河星名。闕猶門也。各本脫天河星名四字。又初學記。太平御覽引許注。以天河爲四守之一。是許本亦作天河。天河蓋卽北河南河也。夾河之南北。故總謂之天河。天官書曰。鉞北北河。南南河。兩河天闕。開爲關梁。開元占經石氏中官占。引郝萌曰。兩河成與戊。卽鉞字。俱爲帝闕。又占曰。兩成開爲天門。日月五星常出其門中。故曰天河者。羣神之闕也。高注訓闕爲門。正合郝萌之說。羣神卽日月五星之神也。韓子飾邪篇曰。豐隆五行太一王相攝提六神五括。天河殷槍歲星。所謂天河。蓋卽指此。天官書曰。中官天極星。其一明者。太一常居也。環之匡衛十二星。藩臣皆曰紫宮。開元占經石氏中官占。引春秋合誠圖曰。紫微者。太一之常坐。太一在紫宮之中。非太微中所有。不得言太微太一之庭。諸書亦無言太一之庭者。此太一二字。蓋因下文太一之居而誤。太平御覽引此已誤。太一之庭。當作五帝之庭。天官書曰。太微匡衛十二星。藩臣其內五星。五帝坐。太平御覽引天官星占曰。紫宮太一坐也。太微之宮。天子之庭。五帝之坐也。卽此所云太微五帝之庭。紫宮太一之居也。續漢書天文志注。引張衡靈憲曰。紫宮爲皇極之居。太微爲五帝之庭。庭庭古字通。又其一證矣。注內太一天神也。亦當爲五帝天神也。蓋正文旣誤爲太一。後人又改注以從之耳。

歲鎮行一宿

鎮星以甲寅元始建斗歲鎮行一宿念孫案行字因上下文而衍既云歲鎮一宿則無庸更言行開元占經填星占引此無行字史記天官書亦無

太白元始以正月甲寅與熒惑晨出東方

太白元始以正月甲寅與熒惑晨出東方引之曰此本作太白元始以甲寅正月與營室晨出東方甲寅正月者甲寅年之正月也下文太陰元始建於甲寅開元占經填星占篇引舊注曰甲寅元始麻起之年也大衍麻議引洪範傳曰麻記始於顓頊上元太始闕蒙攝提格之歲畢陬之月朔月己巳立春七曜俱在營室五度闕蒙與闕逢同太歲在甲曰闕逢在寅曰攝提格闕逢攝提格之歲者甲寅之歲也正月爲陬畢陬之月者正月也七曜者日月及太白歲星辰熒惑鎮星也上元太始闕逢攝提格之歲畢陬之月太白在營室故曰太白元始以甲寅正月與營室晨出東方也天官書說太白日其紀上元以攝提格之歲與營室晨出東方開元占經太白占篇引甘氏亦曰太白以攝提格之歲正月與營室晨出於東方皆其明證後人不審其義遂改甲寅正月爲正月甲寅又改營室爲熒惑不知甲寅者甲寅年也若云正月甲寅則是甲寅日矣顓頊麻元所起之日爲己巳非甲寅也其謬一也甲寅正月先年而後月若云正月甲寅則不知在何年矣其謬二也莊本改甲寅爲建寅尤非太白與營室晨出東方猶下文歲星與營室東壁晨出東方皆以所在之宿言之若云與熒惑晨出東方則不知在何宿矣其謬三也漢書天文志晉灼注太白常以正月甲寅與熒惑晨

出東方亦後人依  
誤本淮南改之

當出而不出

當入而不入。當出而不出。天下興兵。念孫案。當出而不出。已見上文。此當作未當出而出。太自主兵。故當出而不出。未當入而入。則天下偃兵。見上文當入而不入。未當出而出。則天下興兵也。史記天官書。漢書天文志。及開元占經。太白占。引石氏星經。並云未當出而出。當入而不入。天下起兵。是其證。

祀四郊 決刑罰

景風至。則爵有位。案有位則有爵。此言爵有位。於義不可通。太平御覽時序。賞有功。涼風至。則報地德。祀四郊。閭闔風至。則收縣壘。琴瑟不張。不周風至。則脩宮室。繕邊城。廣莫風至。則閉關梁。決刑罰。念孫案。祀四郊。本作祀四鄉。四鄉。四方也。越語。皇天后土。四鄉地主。正之。韋注曰。鄉。方也。故高注云。祀四方神。即月令所謂命主祠祭。禽于四方也。易通卦驗曰。涼風至。報土功。祀四鄉。白虎通義曰。涼風至。報地德。祀四鄉。皆其明證也。若作四郊。則失其義矣。且鄉與功。張爲韻。助字合韻。讀若光。月令。神農將持鋤。與昌殃爲韻。與行明彰。長行爲韻。韓子主道篇。去賢而有功。與明若作郊。則失其韻矣。決刑罰。本作決罰刑。故高注曰。強常常爲韻。楚辭惜賢。惜傷身之無功。與狂長爲韻。若作郊。則失其韻矣。決刑罰。本作決罰刑。故高注曰。罰刑疑者。於是順時而決之。下文曰。斷罰刑。時則篇曰。休罰刑。又曰。斷罰刑。皆其證也。太平御覽時序部十二。引此亦作斷罰刑。刑與城爲韻。若作刑罰。則失其韻矣。

大終日月星辰復始甲寅之元

天一元始正月建寅日月俱入營室五度天一以始建七十六歲日月復以正月入營室五度無餘分名曰一紀凡二十紀千五百二十歲各本千上有一字開元大終日月星辰復始甲寅之元引之曰大終下常有二終二字下文曰一終而建甲戌二終而建甲午三終而復得甲寅之元蓋一終而建甲戌積千五百二十歲二終而建甲午積三千四十歲三終而復得甲寅之元積四千五百六十歲劉績謂每終二十年三終共六十年大終故曰千五百二十歲大終句三終日月星辰復始甲寅之元也千五百二十歲一終但至甲戌不得復始甲寅之元故知脫三終二字也日月五星起於營室乃顓頊厯元見太歲考開元占經古今厯積篇曰黃帝厯元法四千五百六十顓頊厯同則顓頊厯以四千五百六十歲爲一元若非三終不得有此數矣漢書律厯志曰三終而與元終續漢志曰三終歲復復青龍爲元是其例也開元占經日占篇引此已脫三終二字

日行一度而歲有奇

日行一度而歲有奇四分度之一引之曰日行一度本作日行危一度後人刪去危字耳日行危一度而歲有奇四分度之一者言每歲日行至危之一度而有四分一之奇零也蓋四分度之一微茫難辨其所任本無定處推步者視周天之度起於何宿則附餘數於度所止之宿如殷厯以冬至日躔起度則度起



牽牛而以四分度之一附於斗。開元占經北方七宿占篇引石氏曰：斗二十六度四分度之一，是也。斗牽牛爲星紀，度起星紀，則以四分度之一附於析木。下文曰：星分度箕十一四分一，是也。尾箕析木也。顓頊麻以立春日躔起度，則度起營室，而以四分度之一附於危。卽此所云日行危一度，而歲有奇四分度之一，是也。廣雅說七耀行道曰：日月五星行黃道，始營室東壁，又曰：行須女虛危，復至營室，是度起營室而止於危。月令所謂日窮于次也，故以四分度之一附於危焉。危不止一度，而獨附於一度者，星度多少，古今不同，唯第一度不異，故附於此耳。開元占經日占篇引此，正作日行危一度，又引注曰：危，北方宿也，則有危字明矣。若如今本作日行一度，則所謂四分度之一者，不知附於何宿矣，甚矣其不可通也。

鑿地

陰氣極，則下至黃泉，北至北極，故不可以鑿地穿井。念孫案：太平御覽地部三十二池下，引此作鑿池穿井，於義爲長。

十二月

十二月，德居室三十日。念孫案：十二月當爲十一月。上文云：冬至德在室，是。

升日行一度 熱升 升勺

兩維之間，九十一度也。道藏本此下有高注：自東北至東南爲兩維，云云。凡二十九字。十六分度之五，而升日行一度，十五日爲一節，以

生二十四時之變。念孫案九十一度十六分度之五。作一句讀。其高注自東北至東南云云。本在十六分度之五下。道藏本誤入九十一度下。度下又衍也字。遂致隔斷上下文義。劉績本刪去也字。是也。乃又移高注於下文而升二字之下。而莊本從之。則其謬益甚矣。升當爲斗字之誤也。諫書斗字作升。形與升相似。傳寫往往譌潤。而斗日行一度。作一句讀。言斗柄左旋。日行一度。而以十五日爲一節也。上文云。紫宮執斗而左旋。日行一度。以周於天。下文云。斗指子則冬至。加十五日指癸。則小寒。皆其明證也。又齊俗篇。糟邱生乎象樁。炮格生乎熱升。炮格謂爲銅格。布火其下。置人於上也。格音如字。俗作烙音洛。非。此段氏若齊說。見鍾山札記。升亦當爲斗。北堂書鈔服飾部四。太平御覽服用部十四。並引淮南炮格始於熱斗。又引許慎注曰。熱斗。熨斗也。紂見熨斗爛人手。遂作炮格之刑。是也。又兵略篇。章華之臺。燒以升勺。沃而救之。升亦當爲斗。鄭注少牢饋食禮曰。料。料水器也。料與斗同。

冬至以後十二律 日冬至音比林鍾 雨水驚蟄 清明穀雨

冬至音比黃鍾。小寒音比應鍾。大寒音比無射。立春音比南呂。雨水音比夷則。驚蟄音比林鍾。春分音比蕤賓。清明音比仲呂。穀雨音比姑洗。立夏音比夾鍾。小滿音比太簇。芒種音比大呂。夏至音比黃鍾。小暑音比大呂。大暑音比太簇。立秋音比夾鍾。處暑音比姑洗。白露音比仲呂。秋分音比蕤賓。寒露音比林鍾。霜降音比夷則。立冬音比南呂。小雪音比無射。大雪音比應鍾。又下文曰。日冬至音比林鍾。浸以濁。日夏至音比黃鍾。浸以清。以十二律應二十四時之變。引之曰。冬至音比黃鍾。當爲音比應鍾。下當云小寒音

比無射。大寒音比南呂。立春音比夷則。雨水音比林鍾。驚蟄音比蕤賓。春分音比仲呂。清明音比姑洗。穀雨音比夾鍾。立夏音比太簇。小滿音比大呂。芒種音比黃鍾。其日冬至音比林鍾。亦當爲音比應鍾。蓋音以數小者爲清。數多者爲濁。冬至以後。逆推十二律。由清而濁。夏至以後。順推十二律。由濁而清。冬至應鍾。其數四十二。爲最清。小寒無射。其數四十五。則濁於應鍾矣。大寒南呂。其數四十八。則又濁於無射矣。立春夷則。其數五十一。則又濁於南呂矣。雨水林鍾。其數五十四。則又濁於夷則矣。驚蟄蕤賓。其數五十七。則又濁於林鍾矣。春分仲呂。其數六十。則又濁於蕤賓矣。清明姑洗。其數六十四。則又濁於仲呂矣。穀雨夾鍾。其數六十八。則又濁於姑洗矣。立夏太簇。其數七十二。則又濁於夾鍾矣。小滿大呂。其數七十六。則又濁於太簇矣。芒種黃鍾。其數八十一。則最濁矣。故曰。日冬至音比應鍾。浸以濁也。夏至以後。與此相反。故曰。日夏至音比黃鍾。浸以清也。夏至音比黃鍾。爲音之最濁者。則冬至之音。當爲最清者。最清者非應鍾而何。後人但知月令仲冬律中黃鍾之文。遂改冬至音比應鍾。爲音比黃鍾。而移應鍾於小寒。且并無射以下。遞移其次。高注亦遞移而不知月令所言者。十二月之律。此所言者。二十四時之律。本不相同也。至改日冬至音比應鍾。爲音比林鍾。則謬益甚矣。宋書律志引此已誤又案驚蟄本在雨水前。穀雨本在清明前。今本驚蟄在雨水後。穀雨在清明後者。後人以今之節氣改之也。漢書律厯志曰。詠管中。驚蟄。今日雨水。降婁初雨水。今日驚蟄。大梁初穀雨。今日清明。中清明。今日穀雨。是漢初驚蟄在雨水前。穀雨在清明前也。桓

五年左傳正義引釋例曰漢太初以後更改氣名以雨水爲正月中驚蟄爲二月節月令正義引劉歆三統麻雨水正月中驚蟄二月節又易引通卦驗清明三月節穀雨三月中藝文類聚歲時部上引孝經緯曰斗指寅爲雨水指甲爲驚蟄指乙爲清明指辰爲穀雨三書皆出太初以後故氣名更改三統麻與緯末不應淮南王書先已如是其爲後人所改明矣逸周書周月篇春三月中氣驚蟄春分清明今本雨水在驚蟄前清明在穀雨前皆後人所改詳見盧氏紹弓校定本日知錄謂淮南子已先雨水後驚蟄失之

### 陽氣凍解

距日冬至四十六日而立春陽氣凍解引之曰陽氣凍解文不成義當作陽凍解陽凍地上之凍也陰凍地中之凍也立春之日地上之凍先解故曰陽凍解管子臣乘馬篇曰日至六十日而陽凍釋七十日而陰凍釋是也今本陽下有氣字因注內陽氣而衍

### 雷戒

秋分雷戒蟄蟲北鄉念孫案戒當爲臧字之誤也臧古藏字春分雷藏與上文春分雷行相應時則篇云八月雷不藏是其證也且臧與鄉爲韻若作戒則失其韻矣藏字古皆作臧故說文無藏字今書傳中作藏者多作臧者少大抵皆後人所改也此臧字若不誤爲戒則後人亦必改爲藏矣

### 太歲



咸池爲太歲。錢氏曉徵答問曰。問淮南以咸池爲太歲。與他書所言太歲異。何故。曰。淮南書云。斗杓爲小歲。咸池爲大歲。大時者。咸池也。小時者。月建也。皆以大小相對。初未嘗指咸池爲太歲。其作太歲者。乃後人轉寫之譌。吳斗南兩漢刊誤。謂淮南不名天一爲太歲。又自以咸池名之。則南宋本已誤矣。念孫案。錢說是也。

之大周。淮南王時，未有歲星超辰之說，亦無大周小周之分。上文曰：歲星歲行三十度十六分度之七，旬十二歲而周，無大字。

### 太一在丙子

淮南元年冬，漢初以十月爲歲首，故言元年冬。太一在丙子。高注曰：淮南王安卽位之元年，引之曰：太一乃北極之神，與紀歲無涉。太一當作天一，此因天字脫去上畫，後人又加點於下耳。廣雅曰：天一，太歲也。漢元封七年，太歲在丙子，上推至文帝十六年，下距元封七年，凡六十年。爲淮南王安始封之年，太歲亦當在丙子，故曰天一在丙子也。古者天一太歲太陰，名異而實同，詳見太歲考。

### 冬至甲午立春丙子

潛研堂文集曰：淮南天文訓，冬至甲午，立春丙子，必有譌。蓋冬至與立春相去四十五日，有奇，古今不易。自甲午訖丙子，僅四十三日，此理之所必無者。以術推之，是年冬至蓋己酉日，立春則甲午日耳。引之曰：錢說非也。下文曰：冬至子午，夏至卯酉，冬至加三日，則夏至之日也。歲遷六日，終而復始。高注曰：遷六日，今年以子冬至，後年以午冬至也，則冬至之日，非子卽午明矣。下文壬午冬至，甲子受制，謂立春也。與此冬至甲午，立春丙子，其法正同，不得以甲午爲己酉之譌也。立春丙子，與上文始起，始子爲韻。若作立春甲午，則失其韻矣。冬至甲午，至立春丙子，四十三日，與後人麻法不同者，古法多疏故也。下文壬午冬至，

至甲子受制亦四十三日以是明之。

### 二陰一陽

二陰一陽成氣二。二陽一陰成氣三。引之曰。二陰當作一陰。一陰一陽。所以成氣二也。高注曰。陰羸牝。故得氣少。陽精微。故得氣多。正以一陰與一陰爲二。一陽與二陽爲三。陰數少而陽數多也。續漢書天文志引律術曰。陽性動。陰性靜。動者數三。靜者數二。是也。二陰而分言之。則各爲一陰矣。

### 七十二日而歲終庚子受制 七十歲而復至甲子

七十二日而歲終。庚子受制。歲遷六日。以數推之。七十歲而復至甲子。引之曰。上文言壬午冬至。甲子受制。由甲子受制。以歲遷六日推之。一日乙丑。二日丙寅。三日丁卯。四日戊辰。五日己巳。六日庚午。則當作庚午受制。今本作庚子。涉上文庚子而誤也。由甲子受制。每歲以遷六日推之。至十歲而六十甲子終而復始。則當作十歲而復至甲子。今本十上有七字。涉上文七十二日而衍也。

### 養老鰥寡

戊子受制。則養老鰥寡。行糴鬻。施恩澤。念孫案。養老鰥寡。當作養長老。存鰥寡。今本脫長存二字。則句法與上下文不協。時則篇曰。季夏存視長老。行糴鬻。仲秋養長老。行糴鬻。飲食。春秋縣露治水五行篇曰。土用事。則養長老。存幼孤。矜寡獨。施恩澤。開元占經填星占篇引巫咸曰。填星受制。則養老。蓋脫長字。存鰥寡。行

饘粥施恩澤皆其證。

大剛魚不爲

壬子干庚子大剛魚不爲引之曰大剛二字義不可通大字蓋因上文大旱而衍剛當爲則字之誤也則魚不爲四字連讀高注不爲魚春秋經露治亂五行篇曰水干金則魚不爲是其證。

收其藏

以至於仲春二月之夕夕謂月之下旬也書大傳月之朝月之中月之夕鄭注曰上旬爲朝中旬爲乃收其藏而閉其寒高注曰收斂其所藏而閉之念孫案太平御覽時序部四引此本作乃布收其藏而閉其寒引高注本作收斂其所藏而出布之閉其陰寒令不得發泄後人既不解布收二字之義而削去布字又刪改高注以滅其迹甚矣其妄也又案布收其藏者布讀爲敷敷與布古字通舉陶謨數同曰奏罔功顧命敷重蔑席說文引作布商頌長發篇敷政優優成二周頌賁篇箋云敷猶徧也堯典敷奏以言史記年左傳引作布聘禮管人布幕于寢門外今文布作敷敷猶徧也五帝紀作徧告以言言徧收其藏而閉其寒也上文云至秋三月地氣下藏百蟲蟄伏故此言仲春之夕乃布收其藏而閉其寒布字在收其藏之上本謂徧收其藏非謂收其所藏而出布之也高氏誤解布字後人求其說而不得遂以布爲衍文而削之矣

禽鳥



女夷鼓歌以司天和以長百穀禽鳥草木念孫案禽鳥當爲禽獸藝文類聚歲時部上引作以養百穀禽獸草木太平御覽時序部四百穀部一並引作以長百穀禽獸草木是其證

小還 大還

日至於昆吾是謂正中至於鳥次是謂小還至於悲谷是謂鋪時至於女紀是謂大還念孫案小還大還當爲小遷大遷字之誤也遷之爲言西也日至于昆吾謂之正中至鳥次則小西矣故謂之小遷至女紀則大西矣故謂之大遷漢書律歷志曰少陰者西方西遷也陰氣遷落物白虎通義曰西方者遷方也萬物遷落也是遷與西同義若作小還大還則義不可通矣舊本北堂書鈔天部一及藝文類聚初學記天部上太平御覽天部三引此並作小遷大遷陳禹謨依俗本改爲小還大還

淵虞

至於淵虞是謂高春念孫案淵虞當作淵隅注隅虞聲相亂又涉下文虞淵而誤也桓五年公羊傳疏舊本北堂書鈔及藝文類聚初學記太平御覽引此並作淵隅陳禹謨改爲虞淵大謬楚辭天問補註引此亦作淵隅則南宋本尚不誤

至於

至於蒙谷是謂定昏念孫案至本作淪此涉上文諸至字而誤也淪入也見原道精神本經三篇沒也見注及漢書敘傳應劭注

其篇注楚辭九歌注及說文廣雅淪於蒙谷與上出於扶桑相對舊本北堂書鈔及藝文類聚初學記太平御覽引此並作淪陳禹謨依俗本改淪爲至楚辭補注同

禹以爲朝晝昏夜

日行九州七舍有五億萬七千三百九里禹以爲朝晝昏夜念孫案禹字義不可通禹當爲離俗書離字作離漢北海相景君碑陰當離墓側魯相韓勅造孔廟禮器碑離敗聖輿字並作離其左畔與禹相似因誤爲禹顏氏家訓書證篇論俗書曰離則配禹正謂此也脫去右畔而爲禹耳離者分也言分爲朝晝昏夜也精神篇別爲陰陽離爲八極文義與此同

十二月指丑

帝張四維運之以斗月徙一辰復反其所正月指寅十二月指丑一歲而而終而復始引之曰十二月指丑本作十一月指子後人改之也指寅指子皆厯元所起故以二者言之晉書律厯志引董巴議曰顓頊厯以今之孟春正月爲元其時正月朔旦立春五星會於天廬營室也湯作殷厯更以十一月朔旦冬至爲元首下至周魯及漢皆從其節是顓頊厯起寅月殷厯起子月也故下文指寅寅則萬物蟄蟄然也先言指寅顓頊厯之遺法也上文斗指子則冬至先言指子殷厯之遺法也指寅指子皆言其始一歲而而乃言其終蓋起於寅者至丑而而起於子者至亥而而也後人不知古厯有二法而改爲十二月指丑非也指丑則一歲已而而不須更言一歲而而矣且子與始爲韻若作丑則失其韻矣太平御覽時序部一引

此正作十一月指子。

則萬物蟪

指寅則萬物蟪。念孫案此當作指寅。句寅句則萬物蟪蟪然也。寅則萬物蟪蟪然者。猶云寅者言萬物蟪蟪然。故高注曰動生貌。史記律書亦曰寅者言萬物始生蟪然也。今本寅下脫一寅字。蟪下又脫蟪然也三字。則文不成義。且句法與下文不協矣。太平御覽時序部一引此正作寅則萬物蟪蟪然也。

未昧也

未昧也。念孫案未下脫者字。自午者忤也。至丑者紐也。皆有者字。昧本作昧。後人以漢書律厯志云昧夔於未。故改昧爲昧。不知淮南自訓未爲昧。與漢書不同也。五行大義論支幹名篇及太平御覽引淮南並云未者昧也。白虎通義及廣雅並云未昧也。說文未昧也。六月滋味也。六月下脫文。史記律書未者昧也。言萬物皆成有滋味也。義並與淮南同。

其加卯酉三句

其加卯酉則陰陽分。日夜平矣。引之曰此三句不與上文相承。尋繹文義當在前日短而夜修之下。云其加卯酉者。王弼注老子曰加當也。承夏日至冬至言之。彼言冬夏至此言春秋分也。言陰陽分日夜平者。承陽勝陰勝日夜修短言之。言至春秋分則陰陽無偏勝。日夜無修短也。寫者錯亂在此。今更定其文如左。

夏日至則陰乘陽。是以萬物就而死。冬至則陽乘陰。是以萬物仰而生。晝者陽之分。夜者陰之分。是以陽氣勝則日修而夜短。陰氣勝則日短而夜修。其加卯酉則陰陽分。日夜平矣。

引而止也。呻之也。

林鍾者。引而止也。指申。申者。呻之也。念孫案之。字當在上文引而止下。今本誤在呻字下。則文不成義。自者。忤也。至丑者。紐也。也。上皆無之字。五行大義論律呂篇。論支榦名篇。及太平御覽引此。並云林鍾者。引而止之也。申者。呻也。是其證。

曰規

道曰規。始於一念。孫案曰。規二字。與上下文義不相屬。此因上文故曰。規生矩殺而誤衍也。宋書律志。作道始於一。無曰規二字。

兵重三罕

故祭祀三飯以爲禮。喪紀三踊以爲節。兵重三罕以爲制。念孫案。重罕二字。義不可通。重當爲革。祭祀喪紀兵革。皆相對爲文。革字古文作革。隸省作革。與重相似而誤。罕當爲軍。言兵革之事。以三軍爲制也。軍字草書作罕。與罕相似而誤。

徵生宮宮生商



徵生宮。宮生商。劉續曰：當作宮生徵。徵生商。念孫案：劉說是也。上文曰：黃鍾爲宮，太簇爲商，林鍾爲徵。又曰：黃鍾下生林鍾，林鍾上生太簇。所謂宮生徵，徵生商也。宋書律志：晉書律厯志並作宮生徵，徵生商。地形篇亦曰：變宮生徵，變徵生商。高注：變猶化也。

角生姑洗

角生姑洗，引之曰：音律相生，皆非同位者。上文言姑洗爲角，則角與姑洗爲一，不得云角生姑洗也。生當爲主。上文黃鍾主十一月，角主姑洗，猶言姑洗爲角耳。主與生相似，又因上下文生字而誤。宋書律志亦云：與此主字同義。誤作生。秦氏五禮通考改作角爲姑洗，非是。五音爲六律之綱，可言姑洗爲角，不可言角爲姑洗也。

比於正音

姑洗生應鍾，比於正音，故爲和。高注：與正音比，故爲和。應鍾生蕤賓，不比於正音，故爲繆。各本脫於字，劉續曰：以序論之，黃鍾爲宮，以次而商角徵羽，姑洗生應鍾，變宮在南呂羽之後，故曰比於正音爲和。應鍾生蕤賓，變徵，開入正音角羽之間，故曰不比正音爲繆。引之曰：劉說非也。七音之序，周回相次，變宮在羽之後，宮之前，變徵在角之後，徵之前。唐武后樂書要錄說：七聲次第曰：假令十一月黃鍾爲宮，隔一月以正月太簇爲商，又隔一月以三月姑洗爲角，又隔一月以五月蕤賓爲變徵，即以其次之。月六月林鍾爲徵，又隔一月以八月南呂爲羽，又隔一月以十月應鍾爲變宮，周迴還與十一月相比也。其道相同，豈有順逆之分乎？比讀如易比卦之比，比入也，合也。閔元年左傳曰：屯固比入，又曰：合而能固，是也。說林篇：黃鍾比宮，太簇比商，與此比字同義。比於正音，故爲和。本作

不比於正音。故爲和。注內與正音比。本作不與正音比。不比於正音者。不入於正音也。言應鍾是宮之變音。故不入於正音。不入於正音。則命名當有以別之。故謂之曰和。和者。言其調和正音也。蕤賓是徵之變音。故亦不入於正音。不入於正音。則命名當有以別之。故謂之曰繆。繆之言穆。穆亦和也。大雅烝民。繆之。言其調和正音也。變宮變徵。繆樂無之。聲或不合。而以律調和其聲。使與五音諧會。是應鍾蕤賓二字通。言其調和正音也。周語以七同其數。而以律和其聲。於是乎有七律。昭二十年左傳正義釋其義曰。律皆所以調和其聲也。漢書揚雄傳甘泉賦說風聲曰。陰陽清濁。穆羽相和。今若夔牙之調琴。穆與繆同。穆在變音之末。言穆而和可知矣。羽在正音之末。言羽而宮商角徵可知矣。變聲與正聲相調和。故曰穆羽相和。張曰。穆然相和。殆未達穆字之義。以律管言之。則變宮爲和。變徵爲穆。以琴弦言之。則當以少宮爲和。少商爲穆。琴亦有和穆二音。故曰穆羽相和。若夔牙之調琴也。然則變音之繆。本與穆同。而繆之命名。正取相和之義明矣。後人誤讀繆爲紕繆之繆。以爲和與繆相反。宋書引舊注曰。繆者相干也。亦誤解繆字。遂於應鍾不比於正音句。刪去不字。以別於蕤賓。并注中不字而亦刪之。古訓之不通。其勢必至於妄改矣。宋書律志。正作姑洗生應鍾。不比於正音。故爲和。載注文正作不與正音比。晉書律厯志引淮南王安曰。應鍾不比正音。故爲和。足證今本之繆。

### 脫文二句

黃鍾之律修九寸。物以三生。三九二十七。故幅廣二尺七寸。引之曰。物以三生下。本有三三九一句。後人  
以上文已言三三如九。故刪去此句。不知上文三三如九。九九八十一。與此文三三九。三九二十七。皆上

下相承爲義。物以三生。故必先以三自乘而得九。然後以三乘九而得二十七。且上文與此相離甚遠。不得因彼而省此也。宋書正作三三九三九二十七。幅廣二尺七寸下。本有古之制也。四字故高注曰。古者幅皆然也。各本皆上衍比字今刪脫去此句。則注文爲贅設矣。宋書正作故幅廣二尺七寸。古之制也。

人修八尺。有形則有聲。匹者中之度也。

音以八相生。故人修八尺。尋自倍。故八尺而爲尋。有形則有聲。音之數五。以五乘八。五八四十。故四丈而爲匹。匹者中之度也。一匹而爲制。引之曰。此文多不可通。人修八尺。尋自倍。則丈六尺矣。而云人修八尺。尋自倍。故八尺而爲尋。其不可通一也。音以八相生。音卽聲也。何須更云有形則有聲。其不可通二也。匹長四丈。人之長安得有此。而云匹者中之度。其不可通三也。蓋寫者譌舛失次。兼有脫文。宋書已與今本同。則後人以誤本淮南改之也。今更定其文而釋之如左。

有形則有聲。音以八相生。故人臂修四尺。尋自倍。故八尺而爲尋。尋者中之度也。音之數五。以五乘八。五八四十。故四丈而爲匹。一匹而爲制。云有形則有聲者。有形謂上文黃鍾之律修九寸也。有聲謂音以八相生也。云人臂修四尺者。一切經音義卷十七引淮南云。人臂四尺。尋自倍。故八尺曰尋。是也。云尋者中之度也者。考工記曰。人長八尺。是也。

秋分纂定

秋分藁定。藁定而禾熟。藁與秒同。秒禾也。說見主術。念孫案隋書律厯志引此作秋分而禾藁定。藁定而禾熟是也。宋書律志同。今本脫而禾二字。則文義不明。

十二藁而當一粟十二粟而當一寸

律之數十二。故十二藁而當一粟。十二粟而當一寸。律以當辰。音以當日。日之數十。故十寸而爲尺。十尺而爲丈。引之曰。十二藁當一粟。十二粟當一寸。則百四十四藁而當一寸也。主術篇寸生於標。藁與秒同。今本標誤作粟。辯見主術。高注曰。十二標爲一分。今本脫二字。十分爲一寸。十寸爲一尺。十尺爲一丈。說文亦曰。律數十二。秒而當一分。十分而寸。則是百二十藁而當一寸。與此不同也。許高二家之說。俱本於此篇。使原文作十二藁而當一粟。十二粟而當一寸。則二家之說。何以並言十二標爲分。十分爲寸乎。且主術篇明言寸生於標。不得又以粟參之也。然則今本爲後人所改明矣。宋書律志與今本同。則其誤已久。今依主術篇及許高二家之說。而更定之如左。

律之數十二。故十二藁而當一分。律以當辰。音以當日。日之數十。故十分而爲寸。十寸而爲尺。十尺而爲丈。

其以爲量

其以爲量。十二粟而當一分。十二分而當一銖。念孫案量當爲重。重量字相近。又因上文度量而誤也。自



十二翼以下皆言其重之數。非言其量之數。說文禾部注及宋書律志並作其以爲重。

蒼龍在辰

太陰在寅。朱鳥在卯。句陳在子。元武在戌。白虎在酉。蒼龍在辰。引之曰。下文天神之貴者。莫貴於青龍。或曰天一。或曰太陰。是太陰卽蒼龍也。旣云太陰在寅。不當復云蒼龍在辰矣。下文凡徙諸神。朱鳥在太陰前。一鉤陳在後。三元武在前。五白虎在後。六而不言蒼龍所在。正以太陰卽蒼龍也。蒼龍在辰四字。蓋淺人所加。

子爲開主太歲丑爲閉主

道藏本。子爲開主太歲。丑爲閉主。下有脫文太陰在寅。歲名曰攝提格。引之曰。太陰二字。乃下屬爲句。與下文太陰在卯之屬相同。主下當別有所主之事。而今脫去。王應麟小學紺珠始誤讀主太陰爲句。劉本遂重太陰二字。而各本及莊本從之。非也。上文云。太陰在寅。何得又言主太陰乎。且下文曰。天神之貴者。莫貴於青龍。或曰天一。或曰太陰。而無太歲之名。天一元始太陰元始之屬。皆太歲也。而謂之天一太陰。不謂之太歲。咸池爲太歲。則又大歲之譌。說見上然則天文篇無稱太歲者也。此太歲亦當作大歲。寫者誤加點耳。斗杓爲小歲。咸池爲大歲。見上文西爲危主杓。杓小歲也。此文子爲開主大歲。大歲咸池也。太歲月從右行四仲。與歲從左行之太陰迥殊。若作大歲。則與太陰無異。上言太陰在寅。下言子主太歲。是太陰

主太陰矣。義不可通。開元占經歲星占篇引此篇舊注曰：太陰謂太歲也。蓋許慎注廣雅太陰太歲也本此使篇內太歲太陰分爲二注者，必不爲此注矣。可見太歲乃大歲之譌，而太歲太陰之未嘗分也。徧考書傳，亦無分太歲太陰爲二者。或據淮南譌脫之文，以爲太歲太陰不同之證，非也。

歲星晨出東方之月

太陰在寅，歲星舍斗牽牛，以十一月與之晨出東方。太陰在卯，歲星舍須女虛危，以十二月與之晨出東方。太陰在辰，歲星舍營室東壁，以正月與之晨出東方。太陰在巳，歲星舍奎婁，以二月與之晨出東方。太陰在午，歲星舍胃昂畢，以三月與之晨出東方。太陰在未，歲星舍觜參，以四月與之晨出東方。太陰在申，歲星舍東井輿鬼，以五月與之晨出東方。太陰在西，歲星舍柳七星張，以六月與之晨出東方。太陰在戌，歲星舍翼轸，以七月與之晨出東方。太陰在亥，歲星舍角亢，以八月與之晨出東方。太陰在子，歲星舍氐房心，以九月與之晨出東方。太陰在丑，歲星舍尾箕，以十月與之晨出東方。引之曰：十一月當爲正月，十二月當爲二月，正月當爲三月，二月當爲四月，三月當爲五月，四月當爲六月，五月當爲七月，六月當爲八月，七月當爲九月，八月當爲十月，九月當爲十一月，十月當爲十二月。史記天官書曰：歲陰左行在寅，歲星右轉居丑，以正月與斗牽牛晨出東方。歲星在卯，星居子，以二月與婺女虛危晨出。歲陰在辰，星居亥，以三月與營室東壁晨出。歲星在巳，星居戌，以四月與奎婁晨出。歲星在午，星居酉，以五月與胃昂

畢晨出。歲星在未。星居申。以六月與觜觿參晨出。歲陰在申。星居未。以七月與東井輿鬼晨出。歲星在酉。星居午。以八月與柳七星張晨出。歲陰在戌。星居巳。以九月與翼軫晨出。歲星在亥。星居辰。以十月與角亢晨出。歲陰在子。星居卯。以十一月與氏房心晨出。歲陰在丑。星居寅。以十二月與尾箕晨出。漢書天文志曰。太歲在寅。歲星正月晨出東方。在卯。二月出在辰。三月出在巳。四月出在午。五月出在未。六月出在申。七月出在酉。八月出在戌。九月出在亥。十月出在子。十一月出在丑。十二月出在寅。開元占經歲星占篇引甘氏曰。攝提在寅。此攝提謂太陰歲星在丑。以正月與建星牽牛婺女晨出於東方。皆其證也。後人以太初麻太歲在子。歲星十一月出在建星牽牛。見天文志故改正月爲十一月。以合太初之法。而自此以下。皆遞改其所出之月。不知太陰在寅。則歲星亦以寅月出。樂動聲儀所謂歲星常應太歲月建以見也。見前太一在丙子下若以十一月出。則是子而非寅。與太陰所在不相應矣。太初麻之太歲。始建於子。故以歲星與日同次之十一月定之。所謂子年應子月也。淮南之太歲。始建於寅。故以歲星晨出之正月定之。所謂寅年應寅月也。豈得以建子之法。雜入於建寅之法乎。况太陰在寅以下。俱本於石氏。天文志太歲在寅。歲星正月晨出東方。石氏在斗牽牛。天官書案隱亦云。又豈有用其說而改其月者乎。開元占經引淮南。已與今本同。則其誤改在唐以前矣。錢氏曉徵謂史記歲星正月晨出。以天正言之。其實與淮南無別。見潛研堂文集今案天官書曰。歲陰左行在寅。歲星右轉居丑。以正月與斗牽牛晨出。色蒼蒼有光。歲陰在子。星居卯。以十一月與氏房心晨出。元

色甚明。正月德在木，故星色蒼。天官書凡言正月者，十一月德在水，故星色元。若以正月爲天正，則是夏正之十一月矣。何以不云色元而云色蒼乎？且寅年正月，日在姬管，歲星在星紀中隔元枵一次，故歲星晨見有光。若十一月，則與日同次，其光不能見矣。安得云蒼蒼有光乎？此由不知淮南之十一月爲後人所改，故曲爲之說，而終不可通也。

日德 綱目 以至於癸 左前刑右背德

太陰所居。句日德。句辰爲刑。句德。句綱目自倍因。句柔日徙所不勝。句凡日。甲剛乙柔。丙剛丁柔。以至於癸。引之曰：日德日下脫爲字，日爲德，辰爲刑，相對爲文也。綱當爲剛，剛日柔日，甲剛乙柔是也。癸上當有壬字，此以剛柔對言，不當但言癸也。

凡用太陰，左前刑，右背德。案此當爲右背刑，左前德。寫者顛倒耳。五行大義論配支幹篇曰：從甲至癸爲陽，從寅至丑爲陰。陽則爲前，爲左，爲德；陰則爲後，爲右，爲刑。右背刑，左前德者，所以順陰陽也。史記天官書曰：太白出東爲德，舉事左之迎之吉；出西爲刑，舉事右之背之吉。是其例矣。

十二月日所建之星

星。正月建營室。不言日所建者，承上文兩日字，而省高注以星爲日之誤，非也。二月建奎婁，三月建胃，四月建畢，五月建東井，六月建張，七月建翼，八月建亢，九月建房，十月建尾，十一月建牽牛，十二月建虛。引之曰：二月建奎婁，備舉是月日



所在之星也。由此推之，則正月當云建營室東壁，三月當云建胃昂，四月當云建畢觜參，五月當云建東井輿鬼，六月當云建柳七星張，七月當云建翼軫，八月當云建角亢氏，九月當云建房心，十月當云建尾箕，十一月當云建斗牽牛，十二月當云建須女虛危。蓋月令日在某星，但舉一月之首言之，而此則舉其全也。後人妄加刪節，每月但存一星之名，獨二月建奎婁，尚仍其舊。學者可以考見原文矣。不然，豈有月令季夏日在柳，而此言建張；仲秋日在角，而此言建亢；仲冬日在斗，而此言建牽牛；季冬日在婺女，而此言建虛者乎？

斗牽牛越須女吳

斗牽牛越須女吳，引之曰：諸書無言斗，但主越須女，但主吳者。斗牽牛越須女吳，當作斗牽牛須女吳越。開元占經分野略例曰：淮南子曰：斗吳越也。斗下脫牽牛須女四字高誘注呂氏春秋曰：斗吳也。牽牛越也。以上開元占經然則呂氏春秋注分言吳越，而淮南則合言之也。蓋分野之說，鄭魏趙並列。戰國時多謂韓爲鄭則在三家分晉之後，其時吳地已爲越有，故但可合言吳越。若分言某星主越，某星主吳，則當時豈有吳國乎？後人以吳越二國不應同分野，故移越字於斗牽牛下，而不知其不可分也。晉書天文志引費直說周易蔡邕月令章句曰：起斗至須女，吳越之分野。又引陳卓范蠡鬼谷先生張良諸葛亮譙周京房張衡並曰：斗牽牛須女吳越，足證今本之謬。

十二歲而一康

故三歲而一饑六歲而一衰十二歲而一康今本高注曰康盛也念孫案盛當爲虛此淺學人改之也康之爲言荒也康荒皆虛也小雅實之初筵篇酌彼康爵鄭箋康虛也爾雅康虛也方言康空也並字異而義同郭璞爾雅音義曰康本或作荒大雅桑柔篇具贅卒荒毛傳荒虛也泰九二包荒鄭讀爲康云襄二十四年穀梁傳一穀不升謂之嗛二穀不升謂之饑三穀不升謂之饉四穀不升謂之康范寧曰康虛也法篇內年無穀曰穰穰虛也並字異而義同康與荒古字通故韓詩外傳作四穀不升謂之荒史記貨殖傳曰十二歲一大饑鹽鐵論水旱篇曰六歲一饑十二歲一荒義與此同也自三歲一饑以下皆年穀不登之名但有小大之差耳太平御覽時序部二引此作十二歲而一荒是康卽荒也若訓康爲盛則與正文顯相違戾矣且四穀不升謂之康乃春秋古訓十二年一荒亦漢時舊語是之不知而訓康爲盛明是淺學人所改漢人無此義也

癸越

甲齊乙東夷丙楚丁南夷戊魏己韓庚秦辛西夷壬衛癸越開元占經日辰占邦篇引此越作趙念孫案齊近東夷楚近南夷魏近韓秦近西夷衛近趙則作趙者是也若作越則與南夷相複矣

以勝擊殺

以勝擊殺勝而無報引之曰上文子生母曰義母生子曰保子母相得曰專母勝子曰制子勝母曰困其

名有五。下文以專從事以義行理以保育養以困舉事分承專義保困四字不應於制字獨不相承。然則此句當作以制擊殺明矣。今本制作勝者因上下文勝字而誤制爲母勝子之名。若作勝何以別於子勝母乎。

月從一辰

北斗之神有雌雄。十一月始建於子。月從一辰。念孫案從當爲徙。字之誤也。上文云帝張四維運之以斗。月徙一辰復反其所是其證。

太陰所居辰爲厭日

太陰所居辰爲厭日。引之曰太陰所居辰當作雌所居辰。雌北斗之神。右行者也。月徙一辰太陰則左行而歲徙一辰兩者各不相涉。太陰二字因下文太陰所居而誤也。爲厭日本無日字。此因下句厭日而衍也。厭者鄭注周官占夢曰天地之會建厭所處之日辰。疏曰建謂斗柄所建謂之陽建。故左還於天。厭謂日前一次謂之陰建。故右還於天。是也。今人猶謂陰建爲月厭。是雌所居辰名爲厭。不名爲厭日也。

庚申 戊戌 己亥

甲戌燕也。乙酉齊也。丙午越也。丁巳楚也。庚申秦也。辛卯戎也。壬子代也。癸亥胡也。戊戌己亥韓也。己酉已卯魏也。戊午戊子錢氏答問曰庚申當作庚辰。八合猶八會也。今依堪輿天老說推衍之。天老說見周官占夢疏所

引鄭志內。正月。陽建寅破於申。陰建戌破於辰。二月。陽建卯破於酉。陰建酉破於卯。乙近卯。故二月乙酉爲八會之一。三月。陽建辰破於戌。陰建申破於寅。甲近寅。故三月甲戌爲八會之二。四月。陽建巳破於亥。陰建未破於丑。癸近丑。故四月癸亥爲八會之三。五月。陰陽建俱在午。而破於子。壬近子。故五月壬子爲八會之四。六月。陽建未破於丑。陰建巳破於亥。七月。陽建申破於寅。陰建辰破於戌。八月。陽建酉破於卯。陰建卯破於酉。辛近酉。故八月辛卯爲八會之五。九月。陽建戌破於辰。陰建寅破於申。庚近申。故九月庚辰爲八會之六。十月。陽建亥破於巳。陰建丑破於未。丁近未。故十月丁巳爲八會之七。十一月。陰陽建俱在子。而破於午。丙近午。故十一月丙午爲八會之八。十二月。陽建丑破於未。陰建亥破於巳。此建厭所在及八會之名也。淮南所列甲戌至癸亥。蓋大會之日。其下又有戊戌己亥己酉己卯戊午戊子。當是小會之日。而尙缺其二。以例推之。當是戊辰己巳也。念孫案錢說是也。戊辰當在戊戌上。己巳當在己亥上。堪輿家所謂小會。三月戊辰。四月己巳。九月戊戌。十月己亥也。又戊辰戊戌及戊午戊子下。皆當有所主之國。而今脫之。地在天下之中者。韓魏而外。更有趙宋衛中山及周。未知以何國當之也。

數來歲 五十日 一斗

以日冬至數來歲正月朔日。五十日者。民食足。不滿五十日。日減一斗。有餘日。日益一升。念孫案太平御覽時序部三十四。引此數下有至字。數色主反。五十日上有滿字。一斗作一升。皆是也。



有其歲司也

有其歲司也。引之曰。此本作其爲歲司也。今本衍有字。因上文有餘日而衍脫爲字。太平御覽時序部十三。引此正作其爲歲伺也。又引注曰。伺。候也。伺。司。古。爲歲司者。爲歲候豐凶也。尋繹文義。其爲歲司也。乃起下之詞。下文攝提格之歲。歲早水晚旱云云。正謂候歲也。當直接此句下。作圖者誤列圖於此句之後。隔絕上下文義。遂使此句成不了之語。且自上文以日冬至。至下文民食一升。皆言占歲之事。中間不應有圖。圖蓋後人所爲。故置之非其所耳。劉續不能是正。又移上文帝張四維一段於此句之下。大誤。

麥不爲昌

掩茂之歲。麥不爲昌。念孫案。昌上脫菽字。麥不爲爲句。上文曰禾不爲菽。昌爲句。昌。上文曰菽麥。開元占經歲星占引此。正作麥不爲菽昌。

蠶稻 三斗

困敦之歲。蠶稻菽麥昌。民食三斗。念孫案。蠶下脫登字。稻下脫疾字。蠶登爲句。上文曰蠶登。稻疾爲句。稻。有疾也。上文曰稻疾。又曰菽疾。又曰民疾。菽麥昌爲句。民食三斗。斗當爲升。開元占經引此。正作蠶登。稻疾。菽麥昌。民食三升。

# 讀書雜誌

## 淮南內篇第四

### 地形

#### 地形之所載

地形之所載。六合之間。四極之內。念孫案此篇皆言地之所載。地下不當有形字。此因篇名而誤衍耳。高釋篇名云。紀東西南北山川藪澤。地之所載。萬物形兆所化育也。則正文本作地之所載明矣。海外南經云。地之所載。六合之間。四海之內云云。此卽淮南所本。

#### 八極

天地之間。九州八極。今本此下有注云。八極。八方之極也。念孫案八極當爲八柱。柱與極草書相近。故柱誤爲極。玉海地理部。初學記地部上。太平御覽地部一。及白帖一。引此並作天有九部八紀。地有九州八柱。又太平御覽州郡部三。引作天地之間。九州八柱。楚辭天問曰。八柱何當。東南何虧。初學記引河圖括地象曰。地下有八柱。柱廣十萬里。皆其證也。又案文選張協雜詩注云。淮南子曰。八紘之外有八極。高誘曰。八極。八方之極也。是高注云云。本在下文八紘之外。乃有八極下。後人不知此處八極爲八柱之譌。又

移彼注於此，以曲爲附會，甚矣其謬也。

通谷其

水道八千里，通谷其名川六百。陳氏觀樓曰：呂氏春秋有始篇，作通谷六，名川六百，此其字當爲六之誤。

三百仞 五十里 九淵

凡鴻水淵藪，自三百仞以上，二億三萬三千五百五十里，有九淵。念孫案：三百仞之百，五十里之里，九淵之淵，皆衍文。此言鴻水淵藪，自三仞以上者，共有二億三萬三千五百五十九也。廣雅曰：漳、潭、淵也。自三仞以上，二億三萬三千五百五十有九，卽用淮南之文。

丹水

是謂丹水，飲之不死。念孫案：丹水本作白水，此後人妄改之也。水經河水注引此作丹水，亦後人依俗本改之。楚辭離騷：朝吾將濟於白水兮。王注曰：淮南言白水出崑崙之原，飲之不死。文選思元賦：斟白水以爲漿。李善卽引王注。太平御覽地部二十四亦云：淮南子曰：白水出崑崙之原，飲之不死。則舊本皆作白水明矣。又案楚辭惜誓：涉丹水而馳騁兮。王注曰：丹水，猶赤水也。淮南言赤水出崑崙也。此是引下文赤水出東南陬之語。若此文本作丹水，則王注當引以爲證，何置此不引而別指赤水以當之乎？

赤水之東，弱水出自窮石，至於合黎，餘波入於流沙。

赤水之東。弱水出自窮石。高注窮石山名也。在張掖北塞外。至於合黎。餘波入於流沙。絕流沙南至南海。引之曰。崑崙四隅爲四水所出。說本海內西經。上文言東北陬。東南陬。下文又言西北陬。無獨缺西南陬之理。此處原文當作弱水出其西南陬。絕流沙南至南海。其弱水出窮石。入於流沙。及注窮石山名云云。則當在下文江出岷山諸條間。王逸注離騷。引淮南子。弱水出於窮石。入於流沙。郭璞注海內西經。引淮南子。弱水出窮石。正與江出岷山諸條文義相同也。蓋弱水本出窮石。而海內西經言出崑崙西南陬。故兩存其說。此河出崑崙東北陬。下文又言河出積石。亦是兩存其說。後人病其不合。則從而合併之。於是取下文之弱水出窮石入於流沙。及注文皆移置於此處。而刪去弱水出其西南陬七字。又妄加赤水之東四字。弱水出下又加一自字。至於合黎餘波六字。而淮南原文遂錯亂不可復識矣。今案上文。赤水次於河水。而不言在河水之某方。下文泮水次於弱水。而不言在弱水之某方。則弱水二字前。安得有赤水之東四字乎。括地志曰。蘭門山一名合黎。一名窮石山。引淮南子。弱水源出窮石山。見史記夏本紀正義。使淮南原文弱水出窮石下。有至於合黎之文。則合黎非窮石矣。志何得言合黎一名窮石山乎。其爲後人取禹貢之文附入。較然甚明。况既言絕流沙。則弱水入其中可知。何必又言入於流沙。區區餘波。又安能絕流沙而過乎。後人但知取下文入於流沙句。增入餘波二字。而不知其與本文相抵牾也。高注絕流沙曰。絕猶過也。流沙。流行也。流行下當有之沙二字。如有餘波入於流沙句在前。則注當先釋流沙。後釋絕字。不當先釋絕字。後釋流沙也。然則絕流沙前。本無餘波入於流沙句。



而弱水出窮石入於流沙當在江出岷山諸條閒明矣。

縣圃

或上倍之。是謂縣圃。念孫案上文縣圃涼風樊桐。高注云皆崑崙之山名。上文又云崑崙之邱。或上倍之。是謂涼風之山。則此縣圃下亦當有之山二字。水經河水注引此作是謂元圃之山。是其證。洪興祖楚辭補注引此亦有之山二字。

元澤

東南方曰具區。曰元澤。高注曰元讀常山人謂伯爲元之元也。莊氏伯鴻曰案古讀元爲兀。故說文元從一從兀爲聲。又髡一作髡其從兀從元皆爲聲。是此讀元爲元之證。古聲兀元相同也。念孫案莊說非也。元澤當爲元澤字之誤也。元與沆同。水經巨馬河注曰督元溝水東逕督元澤風俗通爾雅沆沆也郭璞曰水流潏沆說文曰沆莽沆大水一曰大澤風俗通義引傳曰沆者莽也言其平望莽莽無涯際也沆爲本作沆。今據水經注改。此言元澤亦取大澤之義。初學記地部上太平御覽地部一引此並作沆澤是其證也。高注常山人謂伯爲元。元亦元字之誤。伯古阡陌字也。管子四時篇曰脩封疆正千伯史記酷吏傳置伯格長徐廣曰街陌屯落皆設督長也又漢書食貨志地理志阡陌字並作元與沆同。廣雅曰沆陌道也釋名曰鹿兔之道曰元行不說文曰趙魏謂伯爲沆漢之常山郡戰

國時趙地也。此云常山人謂伯爲元正與說文相合。沆沆古同聲而並通作元。故曰元讀常山人謂伯爲

亢之亢。

各以其類生

土地各以其類生。念孫案此本作土地各以類生人。今本衍其字。脫人字。陳祥道禮書史記天官書正義藝文類聚水部上白帖六。太平御覽天部十五。地部二十三。疾病部一。疾病部三。引此並無其字。有人字。

障氣

是故山氣多男。澤氣多女。障氣多暗。風氣多聾。念孫案障氣本作水氣。後人以水與澤相複。故妄改爲障耳。禮書引此已誤不知凡水皆謂之水。而水鍾乃謂之澤。見周官大司徒注且澤氣與山氣相對。水氣與風氣相對。義各有取。改水爲障。則義不可通矣。太平御覽天部十五。疾病部一。疾病部三。此篇內兩引引此並作水氣。酉陽雜俎廣知篇同。

腫

岸下氣多腫。念孫案腫本作燠。此亦後人妄改之也。禮書引此已誤腫音諸勇反。燠音市勇反。凡腫疾皆謂之腫。而腫足則謂之燠。燠字從亢。亢讀若汪。跛曲脛也。見下故燠字從之。岸下氣下濕。故有腫足之疾。小雅巧言篇。居河之麋。既微且燠。鄭箋曰。居下濕之地。故生微燠之疾。爾雅曰。既微且燠。肝瘍爲微。腫足爲燠。是也。若作腫則非其指矣。太平御覽天部十五。引此正作燠。又引高注云。岸下下濕。腫足曰燠。今脫此注又疾病

部一疾病部三引此並同。

狂

谷氣多痺。邱氣多狂。念孫案狂當爲尪。說文尪跛曲脛也。從尪象偏曲之形。古文作尪。一切經音義十八引蒼頡篇曰痺手足不仁也。痺與尪皆肢體之疾。故連類而及之。若狂則非其類矣。篆書尪狂二字相似。隸書亦相似。故尪誤爲狂。天官書正義太平御覽引此作狂亦傳寫之誤。西陽雜俎正作尪。呂氏春秋盡數篇輕水所多禿與癯人。重水所多尪與僂人。苦水所多尪與僂人。癯尪尪僂四字皆與此篇同。

食葉

食葉者有絲而蛾。高注曰蠶是也。念孫案食葉本作食桑。後人以蟲之食葉者多化爲蛾。故改食桑爲食葉。不知正文本作食桑。故高注專訓爲蠶。若作食葉則與高注不合矣。爾雅蠶羅郭璞曰蠶蛾。說文蠶蠶化飛蟲。或作蠶。是古人言蛾者多專指蠶蛾言之。故曰食桑者有絲而蛾。故高注專訓爲蠶也。大戴禮易本命篇家語執轡篇並作食桑。太平御覽資產部五蠶下引淮南亦作食桑。意林及藝文類聚蟲豸部並同。

陰屬於陽

鳥魚皆生於陰。陰屬於陽。念孫案下陰字蒙上而衍。此謂鳥魚皆屬於陽。非謂陰屬於陽也。大戴禮家語。

並作鳥魚皆生於陰而屬於陽。盧辯曰：生於陰者，謂卵生也；屬於陽者，謂飛游於虛也。則無下陰字明矣。文選辯命論注：太平御覽羽族部一引淮南皆無下陰字。

### 中濁

河水中濁而宜菽。念孫案：中濁二字，義不相屬。濁本作調。中調，猶中和也。上文曰：濟水通和而宜麥。義與此相近。今作中濁者，涉上文汾水濛濁而誤。禮書引此已誤。後漢書馮衍傳注引此作河水調宜菽。太平御覽百穀部五引此作河水中調而宜菽。

### 宜竹

漢水重安而宜竹。念孫案：太平御覽地部二十三、二十七引此竹下皆有箭字。今本脫之。禮書引此已無箭字。古人言物產者，多並稱竹箭。故曰：漢水重安而宜竹箭。周官職方氏曰：其利金、錫、竹、箭。楚語曰：楚有藪曰雲連徒洲，金、木、竹、箭之所生，皆是也。

### 決眦

其人脩形。太平御覽引此作脩形。兌上：大口決眦。念孫案：眦當爲眦，字之誤也。說文：眦，目厓也。鄭注鄉射禮曰：決，猶開也。開眦，謂大目也。大口決眦，意相近。曹植擊鼓歌曰：張目決眦。太平御覽人事部四引此正作眦。

### 寒水



北方寒水之所積也。念孫案寒水當爲寒冰。字之誤也。上文北方曰積冰。高注曰。北方寒冰所積。因名爲積冰。是也。太平御覽引此正作寒冰。

其人憊愚禽獸而壽

其人禽形短頸大肩下尻竅通於陰。骨幹屬焉。黑色主腎。其人憊愚禽獸而壽。本各本皆誤作憊。唯道藏本不誤。說文。憊。亂也。從心。春聲。引昭二十四年左傳。王室日憊。憊焉。玉篇。音充。九切。今左傳。憊作憊。杜注曰。憊。憊動擾貌。又說文。憊。愚也。從心。春聲。玉篇。音丑。江舒容二切。是。憊。亂之。憊字從春。春。憊愚之。憊字從春。聲義絕不相同。周官司刺。三教曰。憊。愚。鄭注曰。憊。愚。生而。疑。驂。童。昏者。士昏禮。記曰。某之子。憊。愚。哀公問曰。寡人。憊。愚。冥。煩。表。記曰。其民之。敝。憊。而。愚。其字皆從。憊。不從。春。音丑。江。書。容。二。反。不。音。充。允。反。此。言。憊。愚。而。壽。則。其。字。亦。從。憊。故。高。注。曰。憊。讀。人。謂。憊。然。無。知。之。憊。也。又。本。經。汜。論。二。篇。皆。言。愚。夫。憊。婦。義。亦。與。此。同。又。道。應。篇。憊。乎。若。新。生。之。犢。其。字。亦。從。春。故。莊。子。知。北。遊。篇。作。瞳。焉。如。新。生。之。犢。而。藏。本。及。各。本。憊。字。皆。誤。作。憊。蓋。俗。讀。憊。愚。之。憊。聲。如。春。故。其。字。遂。誤。爲。憊。他。書。且。有。誤。爲。蠢。者。今。人。動。言。愚。蠢。其。念。孫。案。自。禽。形。短。頸。以。下。六。句。皆。誤。實。由。於。此。唯。三。禮。憊。愚。字。皆。不。誤。則。賴。有。經。典。釋。文。唐。石。經。故。也。承上其人二字言之。則憊愚上不當更有其人二字。上文東方南方西方皆無此二字。此即因上文其人禽形而誤衍也。太平御覽又案禽獸二字。妄人所加也。憊愚而壽。與上文早知而不壽。文正相對。加入禽獸二字。則文不成義矣。太平御覽引無此二字。

中夏

薺冬生。中夏死。念孫案此本作薺冬生而夏死。後人以薺死於中夏。因改爲中夏。不知上文禾春生秋死。菽夏生冬死。麥秋生夏死。皆但言其時。而不言其月。薺亦然也。藝文類聚草部下。太平御覽百穀部一。菜

部五引此並作齊冬生而夏死。

### 三十六國

凡海外三十六國引之曰論衡無形談天二篇並作三十五國今歷數下文自脩股民至無繼民實止三十五國六字誤也。

### 華邱

崑崙華邱在其東南方爰有遺玉青鳥舊本作青鳥劉據山海經改爲青鳥今依劉本視肉楊桃甘櫨甘華百果所生劉績曰華邱疑騷邱之誤騷音嗟山海經騷邱爰有遺玉青鳥視肉楊柳甘相甘華百果所生念孫案此海外東經文也騷與華形聲皆不相近若本是騷字無緣誤爲華今案華字當是萃字之誤萃與平古字通魏東作馬融本平作萃周官車僕萃車之萃故書萃作平海外北經曰平邱在三桑東爰有遺玉青鳥視肉楊柳說文華蒲子可以爲平席王肅注顧命作萃席甘相甘華百果所生此淮南所本也隸書華字或作萃見漢北海相景君碑陰又作華見桐柏淮源廟碑並與萃相似故萃誤爲華矣說文華蒲子可以爲平席文選秋賦注引作華席亦是平通作萃因誤爲華也史記禮書大路越席正義越席謂蒲爲華席亦是萃席之誤

### 耽耳

夸父耽耳在其北方高注曰耽耳耳垂在肩上耽讀褶衣之褶舊本衣上脫褶字今補或作攝以兩手攝耳尻海中舊本海譌作之今據海外北經改念孫案褶攝二字聲與耽不相近耽字無緣讀如褶亦無緣通作攝也耽皆

當爲耳。今作耽者，後人以意改之耳。說文：耳垂也。從耳下垂象形。春秋傳曰：秦公子耳。耳者其耳下垂，故以爲名。玉篇：豬涉切。是耳下垂謂之耳。故高注云：耳耳垂在肩。上廣韻：耳耳國名，正謂此也。春秋鄭公字耳義與耳字相近。字或作聶。海外北經云：聶耳之國，在無腸國東，爲人兩手聶其耳。縣居海水中，卽高注所云以兩手聶耳居海中者也。耳與聶聲相近，故海外北經作聶。耳與褶攝聲亦相近，故高讀耳如褶，而字或作攝。後人多見耽，少見耳，又以說文云：耽耳大垂也，故改耳爲耽，而不知其與高注大相抵牾也。

### 睢出荆山

睢出荆山。睢音睢鳩之睢。字從佳，且聲。舊本作睢，非。睢音雖。高注曰：荆山，禹貢北條荆山，在左馮翊懷德縣之南，下有荆漂原。地理志：作下有彌梁原。水經：沮水注曰：沮水出東汶陽郡沮陽縣西北景山，卽荆山首也。中山經：荆山之首曰景山。故淮南子曰：沮出荆山。高誘云：荆山在左馮翊懷德縣，蓋以洛水有漆沮之名故也。斯繆證耳。念孫案：此所謂沮水，乃江漢睢漳之睢，非漆沮之沮。所謂荆山，乃禹貢南條荆山，非北條荆山。故酈氏以高注爲繆證。莊伯鴻欲改睢爲洛，以合高注，不知洛水過荆山入渭。地理志：左馮翊懷德縣，禹貢北條荆山在渭南，下有彌梁原。洛水東南入渭。則不得言洛出荆山，且下文明言洛出獵山，何不察之甚也。

### 汶出弗其西流合於濟

汶出弗其西流合於濟。各本脫四字。今補。高注曰：弗其山在北海朱虛縣東。水經汶水注曰：按誘說是乃東汶出弗其西流合於濟。

汶。非經所謂入濟者也。蓋其誤證爾。引之曰。漢書地理志。琅邪郡朱虛有東泰山。汶水所出。東至安邱入維。此高注所本也。其水入維不入濟。故酈氏以爲誤證。地理志又曰。泰山郡萊蕪有原山。禹貢汶水出西南。句入沛。古濟字。此則淮南之汶矣。汶出原山。而此云出弗其者。弗其蓋原山之別名。淮南與地理志似異而實同也。禹貢雖指因高注誤證。而並以淮南爲誤。則過矣。弗其卽是原山。在萊蕪縣。與不其縣之不其山名相似而地則不同。漢萊蕪故城在今淄川縣東南。不其故城在今即墨縣西南。二縣相去甚遠。莊氏伯鴻以爲卽不其山。謬矣。

### 丹水出高褚

丹水出高褚。高注曰。高褚一名冢領山。在京兆上雒。丹水所出。東至均入沔也。劉績曰。冢領山在陝西西安府商縣南。丹水出於此。東流至河南內鄉縣。與浙水合流入漢江。非此所謂丹水也。高褚恐高都之譌。漢上黨高都縣莞谷。丹水所出。東南入絕水。見地理志。今山西澤州高平。卽高都。有丹水。源出仙公山。南流合白水入沁河。此丹水是。念孫案。劉說是也。北山經曰。沁水之東有林焉。名曰丹林。丹水出焉。舊本作丹林。二字。今依水經注。刪。南流注于沁。舊本作注于河。涉上文沁注。水經沁水注曰。丹水出上黨高都縣故城東北阜下。東會絕水。又東南流。白水注之。又東南流注於沁。竹書紀年。晉出公五年。丹水三日絕不流。皆謂此丹水也。漢高都故城。在今澤州府鳳臺縣東北。此作高褚。豈都字古通作諸。因誤爲褚與。

### 股出嶠山



股出嶠山。高無注。引之曰。徧考地理書。無股水之名。股疑當爲般。隸書舟字多作月。故般誤爲股。漢巴郡太守張納功德敘。般桓弗就。司隸校尉魯峻碑陰。平原般。並作般。與股相似。爾雅釋水。鉤般。釋文。般李本作股。漢書地理志。濟南郡般陽。應劭曰。在般水之陽。水經濟水注曰。般水出般陽縣東南龍山。俗亦謂之爲左阜。龍山。蓋嶠山也。古今異名耳。

鎬出鮮于

鎬出鮮于。北山經郭注引此鎬作薄。劉績曰。鎬薄必有一誤。引之曰。北山經薄水注。引此文。則薄非誤字。可知。鎬與薄形聲皆不相似。薄字亦無緣誤爲鎬。蓋鎬字下有出某山之文。而今脫之。薄出鮮于。又脫薄字。故混爲一條耳。

晉出龍山結紉

晉出龍山結紉。高注曰。給結合一名也。龍山在晉陽之西北。晉水所出。東入汾。引之曰。晉出龍山結紉。當作晉出結紉。龍山二字因注而衍。紉字右畔作合。則因下句合出封羊而誤。注當作結紉山。一名龍山。今本作結紉。亦隨正文而誤。又脫山字。衍合字也。字耳。水經晉水注曰。晉書地道記及十三州志。並言晉水出龍山。一云出結紉山。在晉陽縣西北。太平御覽地部十。引郡國志曰。懸壺山一名龍山。亦名結紉山。晉水出焉。是結紉山乃晉水所出。故曰晉出結紉。結紉疊韻字。結古讀若吉。若作結紉。則失其韻矣。且龍山卽是結紉。不得並言龍山結紉也。注言結紉山一名龍山者。猶上注言發包山一名鹿谷山。薄落之山一名箕

頭山、猛山一名高陵山。其云一名某山，乃高以當時山名釋之，不得闌入正文。

### 脫文

引之曰：說山篇，江出岷山，河出崑崙，濟出王屋，潁出少室，漢出蟠冢。高注云：已說在地形也。今地形篇無潁出少室之文，蓋寫者脫去。

### 根拔

凡根拔木者，生於庶木。念孫案：根拔二字，涉下文根拔草而誤衍也。下文言根拔草者，對後浮生、不根、拔者而言。若木則皆有根，不必別言之曰根拔木也。凡木者生於庶木，與上文凡羽者生於庶鳥、凡毛者生於庶獸、凡鱗者生於庶魚、凡介者生於庶龜，文同一例，不當有根拔二字也。又下文根拔生程若，程若生元玉，元玉生醴泉，醴泉生皇辜，皇辜生庶草。凡根拔草者，生於庶草。高注：根拔生程若曰：根拔，根生草之先也。今本草之二字誤倒，據下注浮生草之先改。案：根拔皆當作招搖，今作根拔者，亦因下文根拔草而誤。根拔草生於庶草，由庶草而上溯之，至於程若，是程若爲根拔草之先，不得言根拔生程若也。酉陽雜俎廣動植篇作招搖生程若，以下六句皆本淮南，則根拔爲招搖之誤明矣。

### 萍藻

稟生萍藻，萍藻生浮草。凡浮生、不根、拔者，生於萍藻。念孫案：三萍字皆後人所加。埤雅引：蕒一作藻，萍一

作萍。呂氏春秋季春篇注曰：萍，水藻也。今本誤作藻。爾雅釋草注曰：水中浮萍，江東謂之藻，則藁卽是萍，不得言藁生萍藻。且萍藻爲二物，又不得言萍藻生浮草也。酉陽雜俎正作藁生藻，藻生浮草。

正土之氣也

正土之氣也。御乎埃天。念孫案也字衍。下文偏土之氣四段，氣下皆無也字。太平御覽地部三十五引此亦無。

生黃埃黃埃五百歲

埃天五百歲生缺，缺五百歲生黃埃，黃埃五百歲生黃澗。念孫案此本作埃天五百歲生缺，缺五百歲生黃澗。其生黃埃黃埃五百歲八字，皆因上下文而誤衍也。上文有埃天，下文有黃泉之埃。下文青天八百歲生青曾，青曾八百歲生青澗，與此文同一例。後二段並同。則不當有生黃埃以下八字明矣。初學記寶器部：太平御覽珍寶部九引此並云：缺五百歲生黃澗。又引注云：缺，石也。御覽地部二十五引此云：埃天五百歲生缺。又引注云：缺，石名也。玉篇：缺音也。缺五百歲生黃澗，是其證。

清天 清泉

偏土之氣，御乎清天。清天八百歲生青曾。念孫案清天當爲青天，謂東方天也。下清泉同。太平御覽地部引此正作青天。清泉。

八百歲

青金八百歲生青龍。念孫案八百歲當爲千歲。上文黃金千歲生黃龍。卽其證也。後二段並同。高注云。東方木色青。其數八。故八百歲而一化。此注本在上文青瀕八百歲生青金之下。後誤入此句下。讀者因改千爲八百耳。太平御覽引此。正作青金千歲生青龍。

壯土

壯土之氣。御乎赤天。太平御覽引注云。壯土。南方土也。念孫案壯土當爲牡土。此對下文北方土爲牝土而言。壯字俗書作牡。與牡相似而誤。

淮南內篇第五

時則

桃李始華

始雨水。桃李始華。倉庚鳴。引之曰。次句內本無始字。今本有者。後人據月令旁記始字。因誤入正文也。高注曰。自冬冰雪。至此春分穀雨。案春分穀雨四字。乃後人所改。逸周書時訓篇。雨水之日。桃始華。故曰始雨水。是首句有始字也。又曰。桃李於是皆秀華。是次句無始字也。月令。桃始華。倉庚鳴。皆三字爲句。若無



始字則句法參差矣。此文桃李華倉庚鳴亦三字爲句。若加一始字則句法又參差矣。故桃李華不言始而桃李華則言始。倉庚鳴不言始而蟬鳴則言始。蟬鳴言始而寒蟬鳴則不言始。皆變文協句也。呂氏春秋仲春篇正作桃李華。

角斗稱

角斗稱高注曰斗稱量器也。念孫案稱皆當爲桶。桶稱字相近。又涉注內衡石稱也而誤。說文桶木方受六升。廣雅曰方斛謂之桶。斗桶爲一類。故高注以桶爲量器。若作稱則非量器矣。月令作角斗甬。鄭注曰甬今斛也。呂氏春秋作角斗桶。高彼注與此注同。史記商君傳平斗桶義亦同也。下文仲秋之月角斗桶桶字亦誤作稱。

撲曲

具撲曲筥筐高注曰撲持也。三輔謂之撲。撲讀南陽人言山陵同。曲薄也。呂氏春秋季春篇作挾曲。高注曰挾讀曰朕。三輔謂之挾。關東謂之得。月令作曲植。鄭注曰植槌也。念孫案撲與挾皆扶字之誤。扶字本與撲相近。挾字隸書作扶。形與撲亦相近。扶讀若朕。架蠶薄之木也。持陟革反。呂氏春秋注關東謂之得。乃得字之誤。得與持同。見玉篇。說文扶槌之橫者也。方言作檝云。槌宋魏陳楚江淮之間謂之植。自關而西謂之槌。其橫關西曰檝。齊部謂之持。郭璞曰槌縣蠶薄柱也。朕字古音本在蒸部。讀若澄清之澄。說文朕勝十一字並從朕聲。

淮南要略形埒之朕與應為韻又兵略篇說文朕字從人朕聲或作凌從人菱聲是朕菱古同聲故呂氏凡物有朕唯道無朕文子自然篇朕作勝說文朕字從人朕聲或作凌從人菱聲是朕菱古同聲故呂氏春秋注云桼讀曰朕此注云桼讀南陽人言山陵同

### 以雉嘗黍

天子以雉嘗黍高注曰雉新雞也念孫案古無謂新雞為雉者雉皆當為雞字之誤也廣雅釋言云雞雞也曹憲音而絹郭注爾雅釋言云今呼少雞為鷄雞與少雞即新雞故高注云雞新雞也月令謂以雞嘗黍其義一也左思蜀都賦巖穴無狎蹤翳蒼無羈鷄羈鹿子也義與雞亦相近茅一桂不知雉為雞之誤而改雉為雞同莊本義則是而文則非矣

### 馬政

班馬政高注曰馬政掌馬官也念孫案馬政本作馬正同故高以為掌馬官呂氏春秋仲夏篇班馬正高彼注亦云馬正掌馬之官是其證月令作馬政鄭注云馬政謂養馬之政教引周官廋人職曰掌十有二閑之政教鄭說是也高不知正為政之借字故訓為掌馬之官若字本作政則亦當訓為政教矣後人依月令改正為政而不知其戾於高注也

### 白鍾

孟秋之月西宮御女白色衣白采撞白鍾念孫案白鍾之白因上文而衍春鼓琴瑟夏吹竽笙秋撞鍾冬

擊磬石鍾上不宜有白字而北堂書鈔歲時部二藝文類聚歲時部上太平御覽時序部九引此皆有白字則其誤久矣。

其兵戈

其兵戈。念孫案戈當爲戍。字之誤也。說文。戍。大斧也。從戈。ㄚ聲。ㄚ音厥。司馬法曰。夏執玄戍。殷執白戍。周左杖黃戍。右把白髦。徐鍇曰。今作鉞。說文。鉞。車鑿聲也。從金。戍聲。詩曰。鑿聲。鉞。鉞。今詩作戍。藝文類聚太平御覽引此並作其兵鉞。是其證也。四時之兵。春用矛。夏用戟。季夏用劍。秋用戍。冬用鎧。五者皆不同類。戈與戟同類。夏用戟。則秋不用戈矣。莊二十五年穀梁傳。天子救日。陳五兵。徐邈曰。矛在東。戟在南。鉞在西。楯在北。弓矢在中央。彼言鉞在西。正與此秋用戍同義。又案說文引司馬法作戍。今經傳皆作鉞。未必非後人所改。此戍字若不誤爲戈。則後人亦必改爲鉞矣。史記周本紀。斬以玄鉞。太平御覽皇親部一。引作玄戈。戈亦戍之誤。

迎秋

天子親率三公九卿大夫。以迎秋於西郊。念孫案迎秋本作迎歲。後人依月令改之耳。上文孟春孟夏。及下文孟冬。並作迎歲。高注曰。迎歲。迎春也。又曰。迎歲。迎夏也。則此亦當云迎歲迎秋也。後人既改迎歲爲迎秋。又刪去高注。斯爲妄矣。孟冬下亦刪去迎歲迎冬也。五字。而正文迎歲尙未改。

戴荏

命太僕及七驕咸駕戴在。劉續曰：戴在記作戴施旄，疑在乃旌字之誤。念孫案：劉說是也。隸書旌字或作旌，與在相似而誤。載戴古字通。

### 至國而后已

通路除道，從境始至國而后已。念孫案：后字後人所加。季春言從國始，至境止；季秋言從境始，至國而已，已亦止也。無庸加后字。

### 鵲加巢

鵲加巢。高注曰：鵲，咸陽而動，上加巢也。念孫案：加讀爲架，謂構架之也。召南鵲巢箋曰：鵲之作巢，冬至架之，至春乃成。釋文：架之，俗本或作加功。案：之作功者，非架作加，則古字通用。劉昌宗讀爲架是也。匡謬正俗：謂加功力作巢，非是。本經篇：大夏曾加高注，謂以材木相乘架，是加架古字通。此言鵲加巢，卽鄭箋所謂冬至架之者，非謂增加其巢也。天文篇曰：日冬至，鵲始加巢。月令曰：季冬之日，鵲始巢。義並與此同。召南正義引推度災云：鵲以復至之月始作室家，是也。

### 青土

東方之極，自竭石。竭，水石下有山字，後人所加也。太平御覽地部二引此無山字，尙書大傳亦無。今據刪。竭，古字通。道藏本茅本並作竭石。史記貨殖傳：龍門竭石，字亦如此。劉本改竭爲竭。而莊本從之。皆過朝鮮，貫大人之國，東至日出之次，搏木之地，青土樹木之野。引之曰：青土當爲青邱，字未達假借之義。



之誤也。此御覽引本經篇繳大風於青邱之野。今本野誤作澤。辯見本經。高注曰：青邱，東方之邱名，卽此所云東至青邱之野也。呂氏春秋求人篇亦云：禹東至搏木之地，日出之野，青邱之鄉。海外東經云：青邱國在朝陽北。逸周書王會篇：青邱狐九尾。孔晁曰：青邱，海東地名。服虔注漢書司馬相如傳云：青邱國在海東三百里。

閉關閭

閉關閭，大接客。念孫案古書無以關閭二字連文者。關當爲門，此涉上文關梁而誤也。上文及天文篇並云：閉門閭，大接客。春秋繁露五行順逆篇云：閉門閭，大接客。太平御覽時序部十二引此作守門閭。

以塞姦人已德

蚤閉晏開，以塞姦人，已德，執之必固。念孫案塞本作索，此後人以意改之也。蚤閉晏開，以索姦人，卽上文所謂閉門閭大接客也。下句姦人已得，正謂索而得之。若改索爲塞，則與下句義不相屬矣。姦人下當更有姦人二字。德讀爲得。蚤閉晏開，以索姦人，姦人已得，執之必固，皆以四字爲句。若第三句無姦人二字，則文不成義矣。太平御覽時序部十二地部二引此塞作索，德作得是也。但無姦人二字，則所見本已誤。

格

夏行冬令，格，高注曰：格，竝也。象冬斷刑，恩澤竝格，不流下。引之曰：高說非也。格讀爲落，謂夏行冬令，則草木零落也。格字從木各聲，古讀如各。說見唐韻正。格與落聲相近，而字相通。史記酷吏傳：置伯格長。徐廣曰：古

村落字亦作格。村落之落通作格。猶零落之落通作格也。月令云。仲夏行秋令。則草木零落。管子幼官篇。夏行冬政。落四時篇同。尹知章曰。寒氣肅殺。故凋落也。春秋繁露五行五事篇云。秋行冬政則落。又云。夏行冬政則落。皆其明證矣。

### 淮南內篇第六

覽冥

尙菟

夫瞽師庶女位賤尙菟。權輕飛羽。高注曰。尙主也。菟。菟耳。菟。廣雅。菟名也。主是官者。至微賤也。引之曰。主泉耳之官。書傳未聞。尙泉。蓋卽周官典泉下士二人者。典亦主也。見周官典。言典泉本賤官。瞽師庶女則又賤於典泉。泉謂麻泉。非謂泉耳也。

右秉白旄 余任

武王伐紂。渡於孟津。陽侯之波。逆流而擊。疾風晦冥。人馬不相見。於是武王左操黃鉞。右秉白旄。瞋目而搗之曰。余任天下。誰敢害吾意者。念孫案。右秉白旄。秉本作執。此後人依牧誓改之也。論衡感虛篇引此。正作執。論衡稱傳書言武王伐紂。渡孟津云云。共十二句。皆與此同。是所引卽淮南之文也。太平御覽地部二十六。三十六。皇王部九。引此亦作執。



旱雲煙火。涔雲波水。引之曰。煙當爲標。字之誤也。高注說文。標。火飛也。讀若標。一切經音義十四。引三倉曰。標。迸火也。旱雲標火。涔雲波水。猶言旱雲如火。涔雲如水耳。標火與波水對文。若作煙火。則與下句不類矣。又齊俗篇。譬若水之下流。煙之上尋也。煙亦當爲標。標之上尋。猶言火之上尋。故與水之下流對文。天文篇曰。火上尋。水下流。是其證也。若以煙火相對。則非其旨矣。藝文類聚。聚火部。煙下。引此作煙之上尋。則此字之誤已久。又人閒篇。百尋之屋。以突隙之煙焚。煙亦當爲標。突隙之煙。不能焚屋。明是標字之誤。說林篇曰。一家失標。百家皆燒。是其證也。太平御覽。蟲豸部四。引此正作突卻之標。世人多見煙。少見標。故諸書中。煙字多誤作煙。說見呂氏春秋煙火下。

### 夫陽燧

夫陽燧取火於日。方諸取露於月。念孫案。夫陽燧。本作夫燧。今本有陽字者。後人所加也。彼蓋誤以夫爲語詞。又以天文篇。陽燧見日則然。而爲火。方諸見月則津。而爲水。故加入陽字。不知夫燧卽陽燧也。夫燧與方諸相對爲文。周官司烜氏。掌以夫遂取明火於日。遂與燧同鄭注曰。夫遂。陽遂也。下文云。夫燧之取火。慈石之引鐵。並以夫燧二字連文。故高注云。夫讀大夫之夫。則夫非語詞明矣。

故召遠者使無爲焉。親近者使無事焉。

故召遠者使無爲焉。親近者使無事焉。惟夜行者爲能有之。高釋上四句曰。欲致化四夷者。當以無爲。無



爲則夷荒自至。欲親近者。當以無事。無事則近人自親附之。念孫案高說非也。親近者使無事焉。使當作言。無爲無事。猶今人言無用也。此言使不足以召遠。言不足以親近。惟誠足以動之耳。今本言作使者。涉上句使字而誤。高云。欲親近者當以無事。以字正釋使字。則所見本已誤作使。管子形勢篇曰。召遠者使無爲焉。親近者言無事焉。唯夜行者獨有之也。形勢解曰。民利之則來。害之則去。故欲民者。先起其利。雖無爲焉。親近者言無事焉。唯夜行者獨有之也。不召而民自至。殷其所惡。雖召之而民不來也。故曰召遠者使無爲焉。道之純厚。遇之有實。雖不言曰吾親民而民親矣。道之不厚。遇之無實。雖言曰吾親民而民不親也。故曰親近者言無事焉。所謂夜行者。心行也。能心行行德。天下莫能與之爭矣。故曰唯夜行者獨有之也。此卽淮南所本文子精誠篇曰。夫召遠者使無爲焉。親近者言無事焉。唯夜行者能有之。又本於淮南也。或謂文子所用。乃管子之文。非淮南之文。今知不然者。淮南唯此五句與管子同。其上下文。皆管子所無也。文子上下文。皆與淮南同。則皆本於淮南明矣。又管子作唯夜行者獨有之。淮南作惟夜行者爲能有之。文子與淮南同。是此五句亦本於淮南。非本於管子也。

欲以生殊死之人

是猶王孫綽之欲倍偏枯之藥而欲以生殊死之人。念孫案下欲字因上欲字而衍。欲倍偏枯之藥。而以生殊死之人。作一句讀。不當更有欲字。高注曰。欲倍其劑。以生已死之人。則無下欲字明矣。

取火於日

夫燧之取火於日。念孫案於日二字。因上文取火於日而衍。夫燧之取火。慈石之引鐵。蟹之敗漆。葵之鄉日。各相對爲文。則此處不當有於日二字。

近之則遠 延之則疏

夫道之與德若韋之與革遠之則邇近之則遠不得其道若觀鯀魚念孫案近之則遠遠當作疏此涉上句遠字而誤也德革爲韻疏魚爲韻若作遠則失其韻矣秦族篇遠之則邇延之則疏亦與除虛餘爲韻秦族篇之延字當作近今據秦族之疏字以正此篇遠字之誤并據此篇之近字以正秦族延字之誤文子精誠篇正作近之卽疏

### 聖若鏡

故聖若鏡不將不迎應而不藏念孫案聖下脫人字意林及太平御覽人事部四十二服用部十九引此並有人字莊子應帝王篇至人之用心若鏡文子精誠篇是故聖人若鏡亦皆有人字

### 非乃得之也

其得之乃失之其失之非乃得之也念孫案非字義不可通衍文也高注云自謂失道未必不得道也則無非字明矣劉本作其失之也乃得之也此依文子精誠篇改

### 玄雲之素朝

若乃至於玄雲之素朝陰陽交爭降扶風雜凍雨高注凍雨暴雨也字從冫不從雨各本皆誤作凍今改雨離騷云使凍雨兮灑念孫案玄雲之素朝衍之字高注曰玄黑素白也是玄雲素朝相對爲文雲下不塵是也凍音東西之東

當有之字。且兩句皆以四字爲句。加一之字。則句法參差矣。文選南都賦魏都賦注。引此皆無之字。

蛇鰥著泥百仞之中。熊羆匍匐邱山。磐巖。

蛇鰥著泥百仞之中。熊羆匍匐邱山。磐巖。虎豹襲穴而不敢咆。獫狁顛蹶而失木枝。又况直蛇鰥之類乎。

念孫案。下言又况直蛇鰥之類。則上文著泥百仞之中者。非謂蛇鰥也。且蛇鰥在淺水之中。亦不得言百

仞。蛇當作虺。虺與鼃同。史記太史公自序。鼃鰥與處。索隱本作虺。鰥與鼃同。說文。鰥。魚也。皮可以爲鼓也。

呂氏春秋古樂篇。鰥乃鼃。以其尾鼓其腹。言虺鰥反。何且伏於深淵而不敢出。况蛇鰥音善之類乎。今本虺作蛇者。涉上下文

蛇鰥而誤。

引之曰。磐巖乃高峻貌。龍乘風雨。而熊羆畏避。則當伏於幽隱之地。山顛高峻。非所以藏身也。磐巖當作

之巖。王逸注。七諫曰。巖穴也。莊子山木篇。豐狐文豹。伏於巖穴。言熊羆匍匐於邱山之穴。而不敢出也。下文虎豹襲穴而

不敢咆。正與此同義。且虺鰥著泥百仞之中。熊羆匍匐邱山之巖。二句相對爲文。若作磐巖。則義不明。而

句亦不協矣。磐字蓋出後人所改。後人誤讀巖爲磐。巖故以意改之。

燕雀佼之。

鳳皇之翔。至德也。燕雀佼之。以爲不能與之爭於宇宙之間。高注曰。燕雀以爲能佼健於鳳皇也。念孫案

高說非也。佼讀爲姣。廣雅曰。姣。侮也。言燕雀輕侮鳳皇也。上文云。赤螭青蚪之游冀州也。蛇鰥輕之。以爲

不能與之爭於江海之中。是其證也。作佼者。借字耳。佼侮之。佼通作佼。猶佼好之。佼通作佼。陳風月出篇。佼人僚兮。是也。

### 羽翼

羽翼弱水。暮宿風穴。念孫案。羽翼弱水四字。文不成義。羽翼當爲濯羽。故高注云。濯羽翼於弱水之上。今本作羽翼。卽涉注內羽翼而誤也。舊本北堂書鈔地部二穴下。引此正作濯羽弱水。暮宿風穴。陳禹謨文選辯命論注。白帖九十四並同。說文。鳳濯羽弱水。莫宿風穴。卽用淮南之文。

### 歸忽

騁若飛。驚若絕。縱矢躡風。追焱歸忽。高注曰。縱。履也。足疾及箭矢。躡。蹈也。追焱及之。焱。光中有影者。忽然便歸。皆言疾也。念孫按。高謂焱爲光中有影者。於古無據。又言忽然便歸。亦失之。焱。忽。皆謂疾風也。爾雅。扶搖謂之焱。郭璞曰。暴風從下上也。說文。飈。扶搖風也。飈。疾風也。飈。通作焱。忽。張衡思元賦曰。乘焱忽兮。馳虛無是也。追焱歸忽。卽承上躡風而申言之。歸忽。猶言歸風。說林篇曰。以兔之走。使大如馬。則逮日歸風是也。縱矢躡風。追焱歸忽。二句相對爲文。若以歸忽爲忽然便歸。則與上文不類矣。

### 日入

朝發櫓桑。日入落棠。高注曰。櫓桑。日所出也。落棠。山名。日所入也。念孫案。日入當爲入日。今本作日入。蓋涉高注日所入三字而誤。不知高注自謂落棠山爲日所入。非正釋入日二字也。入日者。及日於將入也。



朝發搏桑。謂與日俱出。入日落棠。謂與日俱入。上言追焱。此言入日。皆狀其行之疾也。若云日入落棠。則非其指矣。上文云。鳳皇徑躡都廣。入日抑節。正與此入日落棠同意。海外北經。夸父與日逐走。入日。郭璞曰。言及日於將入也。意亦與此同。

蹶於六馬

嗜欲形於胷中。而精神蹶於六馬。陳氏觀樓曰。蹶當爲喻。字之誤也。喻曉也。言馬曉人意也。太平御覽獸部八。引此正作喻。

律治陰陽之氣

以治日月之行律。今本此下有高注云。律度也。治陰陽之氣。節四時之度。陳氏觀樓曰。律下本無治字。律陰陽之氣。與上下相對爲文。讀者誤以律字上屬爲句。則陰陽之氣四字。文不成義。故又加治字耳。高注律度也三字。本在律陰陽之氣下。傳寫誤在律字之下。陰陽之上。隔斷上下文義。遂致讀者之惑。念孫案。文子精誠篇。作調日月之行。治陰陽之氣。此用淮南而改其文也。後人不知律字之下屬爲句。故依文子加治字耳。

熾炎 浩洋

火熾炎而不滅。水浩洋而不息。念孫案。炎當爲焱。字之誤也。說文。焱。火華也。玉篇。弋瞻切。廣韻。熾。力驗切。熾。焱。火延也。太平御覽皇王部三。引此作熾。焱。與廣韻合。洋當爲滌。亦字之誤也。玉篇。滌。弋沼切。司馬相

如上林賦灝漾潢漾郭璞曰皆水無涯際貌也左思魏都賦河汾浩沔而皓漾李善注引廣雅曰皓漾大也灝皓並與浩通御覽地部二十四引此作浩漾皇王部三引此作皓漾灝焱浩漾皆疊韻浩洋則非疊韻蓋後人多見炎洋少見焱漾故焱誤爲炎漾誤爲洋矣

### 陰陽之所壅沈不通者

陰陽之所壅沈不通者竅理之逆氣戾物傷民厚積者絕止之念孫案陰陽之所壅沈不通者當依文子精誠篇作陰陽所擁擁壅古字通沈滯不通者今本所上衍之字沈下脫滯字則句法參差且與下文不對以若壅沈二字連讀則文不成義

### 眊眊

當此之時臥倨倨與眊眊俗書眊字如此高注曰倨倨臥無思慮也眊眊然視無智巧貌也念孫案眊眊當爲盱盱字本作眊形與眊相近故誤爲眊脩務篇以身解於陽盱之河今本盱誤作眊晉書陸機傳豪士賦序偃仰眊眊文選盱作眊莊子應帝王篇其臥徐徐其覺于于司馬彪曰于于無所知貌正與高注無智巧之意相合盜跖篇曰臥居居起于于于與盱聲近而義同也說文盱張目也倣眞篇曰萬民睢睢盱盱然莫不竦身而載聽視魯靈光殿賦鴻荒朴略厥狀睢盱張載曰睢盱質朴之形劇秦美新曰天地未祛睢睢盱盱故高云盱盱然視無智巧貌也若眊爲邪視則與無智巧之意不合矣且莊子以徐于爲韻居于爲韻此以倨盱爲韻若作眊則失其韻矣

蝮蛇

當此之時禽獸蝮蛇無不匿其爪牙藏其螫毒。念孫案蝮蛇本作蟲蛇。此後人妄改之也。禽獸蟲蛇相對爲文所包者甚廣。改蟲蛇爲蝮蛇則舉一漏百。且與禽獸二字不類矣。文子精誠篇正作禽獸蟲蛇。韓子五蠹篇亦云人民不勝禽獸蟲蛇。

重萬物 服駕應龍 援絕瑞

名聲被後世。光輝重萬物。乘雷車。服駕應龍。驂青蚪。援絕瑞。念孫按重字義不可通。爾雅釋魚疏引此作光輝熏萬物。是也。熏猶熏炙也。謂光輝熏炙萬物。韓詩外傳曰名聲足以薰炙之。薰與熏同。故高注曰使萬物有輝光也。服應龍驂青蚪相對爲文。故高注曰在中爲服。在旁爲驂。服下不當有駕字。此後人據高注旁記駕字。因誤入正文也。不知高注駕應德之龍。是解服應龍三字。非正文內有駕字也。一切經音義一。太平御覽鱗介部二。及爾雅疏引此俱無駕字。援絕瑞本作援絕應。此亦涉注文而誤也。案正文作絕應。故注釋之曰殊絕之瑞應。若正文本作絕瑞。則無庸加應字以釋之矣。爾雅疏引此作絕瑞。則所見本已誤。御覽引此正作絕應。

墻裂

植社槁而墻裂。念孫案說文玉篇廣韻集韻皆無墻字。墻當爲墻。隸書之誤也。隸書墻字或作墻。墻字或作墻。二形相近。故墻誤爲墻。

零漢書王子侯表庫葭康侯澤史記作零殷又匈奴傳郎中係康淺史記說文罅裂也又曰墟圻也墟罅作係零淺說文罅木也今作罅玉篇罅胡故切好兒或作罅皆其例也

古字通賈子耳痹篇作置社槁而分裂

莎蘋 無理

田無立禾路無莎蘋金積折廉壁襲無理磬龜無腹蓍策日施高解路無莎蘋曰莎蘋讀猿猴蹠蹠之蹠

案爾雅曰狸狐貓狗醜其足蹠其蹠瓜瓜與蹠同故曰猿猴蹠蹠各本蹠誤作蹠今改正狀如葳莎草名也引之曰莎蘋本作蘋莎故高注先釋蘋後

釋莎道藏本誤作莎蘋補注引此已誤注內蘋上又衍一莎字劉績不能是正反移莎字之注於前以

就已誤之正文斯爲謬矣同本莎與禾贏施爲韻各本贏作理乃後人所改辯見下施若作莎蘋則失其

韻矣

高解壁襲無理曰壁文襲重言用之煩數皆鈍無復文理也文子上禮篇無理作無贏引之曰贏當作贏

淮南原文當亦是贏字非理字本經篇冠無觚贏之理高彼注云贏讀指端贏文之贏今本贏字皆誤爲

也晏子春秋諫篇觚觚作觚贏字古亦讀若贏故與贏通也本經篇又曰觚觚離

孫說文回波贏鏤亦謂轉刻如贏文也故彼注云贏鏤文章鏤今本贏字亦誤爲贏指端贏文今人猶有

此語謂其文之旋轉如贏也壁形圓故謂其文曰贏久而漫滅故曰無贏此注壁文上當有贏字贏壁文

是釋贏字之義襲重是釋襲字之義言用之煩數皆鈍無復文理也是統釋壁襲無贏四字之義文子作

無贏而此注言無文理故知其字之本作贏也後人不解贏字之義又見注內有無文理之語遂改贏爲



理而不知注內璧文二字。正釋羸字也。且羸與禾莎施爲韻。改羸爲理。則失其韻矣。

高重京

大衝車。高重京。高注曰。古者伐不敬。取其鯨鯢。收其骸尸。聚土而瘞之。以爲京觀。故曰高重壘。京觀也。念孫案。高重京。京當爲壘。注云。故曰高重壘。卽其證也。注京觀也。上當更有一壘字。壘京觀也。四字卽承上注言之。今本正文壘作京。涉注文京觀而誤。注內又脫一壘字。文子上禮篇作高重壘。是其明證矣。高以上文言濫殺。故謂重壘爲京觀。今案衝車所以攻。重壘所以守。此二句別爲一義。高重壘。卽所謂深溝高壘。非京觀之謂也。

枕格

廝徒馬圉。駟車奉饌。道路遼遠。霜雪亟集。短褐不完。人羸車弊。泥塗至膝。相攜於道。奮首於路。身枕格而死。高注曰。奮首。民疲於役。頓仆於路。僅能搖頭耳。言疲困也。格。榜牀也。言收民役賦不畢者。榜之於格上。不得下。故曰枕格而死。念孫案。高說枕格之義。非也。格音胡格反。與輅同。謂挽車之橫木也。晏子春秋外篇曰。擁輅執輅。漢書婁敬傳。敬脫輅輅。應劭曰。輅謂以木當胸以輅輦也。見文選四京賦注孟康音胡格反。身枕格而死。謂困極而仆。身枕輅車之木而死也。兵略篇曰。百姓之挽輅首路死者。一旦不知千萬之數。高彼注曰。輅輅輦橫木也。挽輅首路而死。卽此所謂奮首於路。身枕格而死也。人間篇又曰。羸弱服格於道。病

者不得養。死者不得葬。兵略篇作輅。此及人間篇作格。字異而義同也。奮首於路。身枕格而死。皆承上人羸車弊而言。若以身枕格。句爲死於撈掠。則與上文全不相屬矣。

天而不天於人虐。合而爲一家。

故自三代以後者。天下未嘗得安其情性。而樂其習俗。保其脩命。天而不天於人虐也。所以然者何也。諸侯力征天下。合而爲一家。念孫案。天而不天於人虐也。天字與上下文義不相屬。此因上文天下而誤衍也。太平御覽兵部七十。引此無天字。天下合而爲一家。合上脫不字。太平御覽引此有不字。文子上禮篇同。

鑿竇而出水。毀瀆而止水。

是猶抱薪而救火。鑿竇而出水。念孫案。出當爲止。字之誤也。欲止水而鑿竇。則水從竇入。而愈不可止。若鑿竇而出水。則固其宜耳。文子精誠篇。鑿渠而止水。抱薪而救火。即用淮南之文。又說林篇。若被蓑而救火。毀瀆而止水。毀當爲鑿。太平御覽火部一。引此已誤。俗書鑿字或作鑿。因誤而爲毀。顏氏家訓書證篇。說俗字云。鼓外股皮。鑿頭生毀。瀆與竇同意。林引此。正作被蓑救火。鑿瀆止水。今據說林之止水。以正出字之誤。并據此篇之鑿竇。以正說林毀字之誤。

井植生梓。林無柘梓。

夫井植生梓而不容蠶。溝植生條而不容舟。又本經篇。山無峻幹。林無柘梓。高注曰。梓。滋生也。念孫案。梓皆當爲梓。梓。古槩字也。說文。櫟。伐木餘也。商書曰。若顛木之有鬲櫟。或作擘。古文作梓。梓字從木。拿聲。說文。拿。小羊也。從羊。大聲。或作擘。爾雅。擘。餘也。李巡曰。擘。槁木之餘也。釋文。擘。本或作梓。盤庚。若顛木之有由擘。釋文。擘。本又作棼。馬云。顛。木而肆生曰棼。魯語。山不槎棼。韋注曰。以株生曰棼。棼。棼。櫟。並與梓同。是梓爲伐木更生之名。故高注曰。梓。滋生也。又說文。鬲。木生條也。商書曰。若顛木之有鬲棼。是條與梓義相近。故此篇云。井植生梓。溝植生條。俶真篇。百事之莖葉條梓。高注云。梓。讀詩頌苞有三棼同。是其明證矣。又俶真篇。十人養之一人拔之。今本十誤作一。一誤作十。辯見假真。則必無餘梓。高注亦讀梓爲棼。梓字篆文作棼。隸變作梓。形與梓相似。因誤爲梓矣。

河九折注於海 崑崙之輸也

河九折注於海。而流不絕者。崑崙之輸也。念孫案。藝文類聚水部上。初學記地部中。太平御覽地部二十六。及文選海賦注。引此並云。河水九折注海。而流不絕者。有崑崙之輸也。較今本爲長。

淮南內篇第七

精神

二日而腠三月而胎四月而肌

一月而膏二月而腠三月而胎四月而肌念孫案文子九守篇作一月而膏二月而脈三月而胚四月而胎廣雅釋親作一月而膏二月而脂三月而胎四月而胞與此或同或異又爾雅釋詁釋文及文選江賦注引此竝作三月而胚亦與今本異

脫三字

是故肺主目腎主鼻膽主口肝主耳念孫案文子作肝主目腎主耳脾主舌肺主鼻膽主口說肝腎肺之所主與此互異而多脾主舌一句案此言五藏之主五官不當獨缺脾與舌下文膽爲雲肺爲氣脾爲風腎爲雨肝爲雷卽承此文言之則此當有脾主舌一句但未知次於何句之下耳白虎通義亦曰脾繫於舌

三百六十六日 三百六十六節

天有四時五行九解三百六十六日人亦有四支五藏九竅三百六十六節念孫案三百六十六日三百六十六節本作三百六十日三百六十節後人以堯典言葦三百有六旬有六日故於上句加六字因併下句而加之也不知三百六十日但舉大數言之繫辭傳曰乾坤之策凡三百有六十當期之日是也若人之骨節則諸書皆言三百六十呂氏春秋本生篇曰則三百六十節皆通利矣達鬱篇曰三百六十節



九竅五藏六府。太平御覽人事部一引公孫尼子曰。人有三百六十節。當天之數也。皆其證矣。春秋緯露人副天數篇曰。天以終歲之數。成人之身。故小節三百六十分。今本分作六。亦是後人所改。上文云。人有三百六十節。偶天之數也。即其證。今依上改。副日數也。大節十二分。副月數也。淮南天文篇亦曰。天有十二月。以制三百六十日。人亦有十二肢。以改。使三百六十節。此皆以十二統三百六十。猶十二律之統三百六十音也。見天不得言三百六十六明矣。太平御覽引此已誤。文子九守篇正作三百六十日。三百六十節。

肝爲風 脾爲雷

故膽爲雲。肺爲氣。肝爲風。腎爲雨。脾爲雷。高注曰。肝。木也。木爲風生。故爲風。念孫案。肝爲風。本作脾爲風。注肝木也。本作脾木也。脾爲雷。本作肝爲雷。皆後人改之也。上注曰。肝。金也。是高不以肝爲木也。時則篇。春祭先脾。注引一說曰。脾屬木。自用其藏也。是脾爲木也。說詳經義。迷聞月令。脾屬木。而木爲風生。故曰脾爲風。脾爲風。則肝爲雷矣。上四句皆有注。而肝爲雷。下獨無注者。後人改肝爲脾。則與注不合。故刪之耳。五行大義論人配五行篇。及太平御覽人事部一。引此竝作脾爲風。肝爲雷。文子九守篇同。

氣志

夫孔竅者。精神之戶牖也。而氣志者。五藏之使候也。念孫案。氣可言五藏之使候。志不可言五藏之使候。氣志當爲血氣。此涉下文氣志而誤也。上文曰。血氣能專於五藏而不外越。則胃腹充而嗜欲省矣。下文

曰五藏搖動而不定則血氣滔蕩而不休矣故曰血氣者五藏之使候文子九守篇正作血氣

### 使口爽傷

是故五色亂目使目不明五聲謬耳使耳不聰五味亂口使口爽傷趣舍滑心使行飛揚高注曰爽病病傷滋味也念孫案使口爽傷本作使口厲爽注本作厲爽病傷滋味也大雅思齊箋曰厲病也逸周書諡法篇曰爽傷也廣雅同故曰厲爽病傷滋味也後人以韻書爽在上聲與明聰揚三字音不相協故改厲爽爲爽傷不知爽字古讀若霜正與明聰揚爲韻衛風氓篇女也不爽與湯藥行爲韻小雅蓼蕭篇其德不若霜毛詩楚辭而外不煩覲繹故老子五味令人口爽亦與盲聾狂妨爲韻而莊子天地篇五色亂目使目不明五聲亂耳使耳不聰五味濁口使口厲爽趣舍滑心使性飛揚即淮南所本也且爽卽是傷若云使口爽傷則是使口傷傷矣文子九守篇作使口爽乃既改正文之厲爽爲爽傷又改注文之厲爽爲爽病甚矣其謬也諸書無訓爽爲病者又高注不明視而昏也不聰聽無聞也厲爽病則與上下注文不類矣

### 孰知

或者生乃徭役也而死乃休息也天下茫茫孰知念孫案孰知下有脫文劉本作孰知之哉此以意補不可從諸本及莊本同

### 心之曩

夫悲樂者。德之邪也。而喜怒者。道之過也。好憎者。心之暴也。念孫案。暴當依文子九守篇作累。字之誤也。上文曰。好憎者。使入之心勞。故曰好憎者。心之累也。作暴則非其指矣。原道篇曰。喜怒者。道之邪也。憂悲者。德之失也。好憎者。心之過也。嗜欲者。性之累也。語意略與此同。

靜則與陰俱閉。動則與陽俱開。

其生也。天行。其死也。物化。靜則與陰俱閉。動則與陽俱開。念孫案。與陰俱閉。與陽俱開。本作與陰合德。與陽同波。後人以原道篇云。與陰俱閉。與陽俱開。故據彼以改此也。不知波與化爲韻。自其生也。天行。至不若如後人所改。則失其韻矣。文子九守篇。靜即與陰合德。動即與陽同波。即用淮南之文。莊子天道篇。其生也。天行。其死也。物化。靜而與陰同德。動而與陽同波。刻意又淮南所本也。

正肝膽

正肝膽。遺耳目。念孫案。正當爲亡。字之誤也。亡與忘同。邨風緣衣箋。亡之言忘也。荀子勸學篇。怠慢忘身。而不知恤。吾來也。韓子十過篇。作亡。又韓子難二。晉文公慕於齊女。而亡歸。齊策。老婦已亡矣。趙策。秦之欲伐韓。梁東陶於周室。甚惟寐亡之。並與忘同。忘肝膽。遺耳目。遺亦忘也。若云正肝膽。則義與下句不類矣。莊子大宗師篇。忘其肝膽。遺其耳目。即淮南所本。俶真篇又云。忘肝膽。遺耳目。

如景之放

如光之耀。如景之放。劉續依文子九守篇。改放爲效。念孫案。劉改是也。如景之效。謂如景之效形也。效與耀爲韻。若作放。則失其韻矣。

石礫 顛醜

是故視珍寶珠玉。猶石礫也。視至尊窮寵。猶行客也。視毛嬙西施。猶顛醜也。今本注曰。顛頭也。方相氏黃金四目。衣赭。稀世之顛。貌非生人也。但其象耳目。顛醜言極醜也。此注既經後人妄改。引之曰。石礫本作礫石。說文。礫。小石也。逸周書文傳篇云。礫石不可穀。楚辭惜誓。相與貴夫礫石。王注云。相與貴重小石也。韓詩外傳云。太山不讓礫石。江海不辭小流。皆其證也。石與客醜爲韻。若作石礫。則失其韻矣。古韻石在藥部。兩部絕不相通。此非精於三代秦漢之音者。不能辯也。顛醜本作俱醜。此醜誤爲醜。醜與醜草書相似。後人又改俱爲顛耳。後人以荀子非相篇。面如蒙俱。楊倞曰。俱。方相也。周官方相氏注云。如今魃頭。魃與俱同。遂誤以俱爲俱頭之俱。又以說文俱頭字作顛。故改俱爲顛。不知俱醜本作俱醜。乃請雨之士人。非逐疫之顛頭也。俱醜一作欺醜。又作欺顛。列子仲尼篇。若欺醜焉。而不可與接。張湛曰。欺醜。土人也。釋文曰。醜片各反。字書作欺顛。文選應璩與岑文瑜書注曰。淮南子曰。視西施毛嬙。猶俱醜也。高誘曰。俱醜。請雨土人也。皆其明證矣。視毛嬙西施如俱醜者。謂視如土偶。非謂視如顛頭也。且醜與石客爲韻。若作顛醜。則失其韻矣。集韻俱字注云。淮南新雨土偶人曰俱。但言俱而不言俱醜。似所見本。醜字已誤作醜。然俱字尙未改作顛。且高氏請雨土人



之注亦未嘗改也。今則正文既改，而高注亦非其舊矣。

生時于心

使神滔蕩而不失其充，日夜無傷而與物爲春，則是合而生時于心也。高注曰：若是者合於道，生四時，化其心也。言不干時害物也。劉績曰：案文子作則是合而生時於心者也。九守篇莊子作是接而生時於心者也。德充符篇則干乃于字之誤。念孫案高注：生四時化其心也，當作生四時之化于其心也。此是釋生時于心之義。生時于心而與物爲春，則是順時以養物，故注又云：言不干時害物也。今本正文于字作干，卽涉注文干時而誤。

無損於心

且人有戒形而無損於心，有綴宅而無耗精。念孫案：無損於心，於衍字也。戒形與損心，綴宅與耗精，皆相對爲文。則損下不當有於字。莊子大宗師篇：且彼有駭形而無損心，有旦宅而無情死。卽淮南所本。

樸桷

今高臺層榭，人之所麗也，而堯樸桷不斲，素題不枿。高注曰：樸，采也。念孫案：如高注，則樸爲樣之誤也。隸書樸或作樣，樣或作樣，二形相近，故樣誤爲樸，樣卽今橡栗字也。說文曰：樣，桷實也。又曰：桷，柔也。其實草。僭用早字，一曰樣。又曰：草斗，樣實。一曰樣斗。高注呂氏春秋恃君篇曰：橡，早斗也。其狀似栗。應劭注漢書司

馬相如傳曰櫟采木也。韓子五蠹篇曰堯之王天下也，茅茨不剪，采椽不斲。史記太史公自序索隱引韋昭漢書注曰：采椽，櫟榱也。合觀諸說，櫟一名栲，一名柔，一名采，其實謂之早，亦謂之櫟，是櫟爲采實而非采也。然司馬彪注莊子齊物論篇云：「茅，椽子也。」柔與同則采亦謂之櫟矣。故韓子言采椽不斲，此言櫟榱不斲，而高注亦訓櫟爲采也。又案說文櫟字，今書傳皆作椽，蓋後人所改也。此櫟字若不誤爲櫟，則後人亦必改爲椽矣。

### 奇異

珍怪奇異，人之所美也。而堯糲粢之飯，藜藿之羹，莊氏伯鴻曰：奇異本皆作奇味。唯藏本作異，念孫案作味者是也。上文高臺層榭，指宮室言之；與櫟榱素題相對。下文文繡狐白，指衣服言之；與布衣鹿裘相對。此文珍怪奇味，指飲食言之；與糲粢藜藿相對。若云珍怪奇異，則不專指飲食，失其指矣。藝文類聚帝王部一：太平御覽皇王部五百穀部六：文選劉琨荅盧諶詩注，引此竝作奇味。

### 天下之細

故觀堯之道，乃知天下之輕也。觀禹之志，乃知天下之細也。念孫案：天下之細，天下當爲萬物，此涉上天下之輕而誤也。上文云：輕天下則神無累矣。細萬物則心不惑矣。又云：堯舉天下而傳之於舜，若解重負然。此輕天下之具也。禹視龍猶螭，龍乃弭耳掉尾而逃。禹之視物亦細矣。此文知天下之輕，承上堯輕

天下而言。知萬物之細。則承上禹細萬物而言。今本萬物作天下。則與上文不合。

獨住

輕舉獨住。忽然入冥。念孫案。住當爲往。謂輕舉而獨行也。若作住。則與忽然入冥句義不相屬矣。隸書從才。從亼。從圭。從主之字多相亂。故往誤爲住。莊子養生主篇郭注不在理上往釋文往一本作住

乃性 乃使始

今夫窮鄙之社也。叩盆拊瓠。相和而歌。自以爲樂矣。嘗試爲之擊建鼓。撞巨鐘。乃性仍仍然。知其盆瓠之足差也。念孫案。性字義不可通。性當爲始。古人多以乃始二字連文。童蒙之心而覺視於天地之間又曰儒墨乃始別道而議分徒而訟管子版法篇曰外之有德禍乃始牙莊子馬蹄篇曰民乃始踳跂好知爭歸於利在宥篇曰之八者乃始僞卷僞圖而亂天下也而天下乃始尊之惜之荀子儒效篇曰狂惑慙陋之人乃始率其羣徒辯其談說明其辟稱韓子外儲說右篇曰王乃始猶然後也藝文類聚禮部中太平自聽之亂乃始生呂氏春秋禁塞篇曰雖欲幸而勝禍乃始長乃始猶然後也。藝文類聚禮部中。太平御覽人事部一百二十七。禮儀部十一。樂部二十二。器物部三。引此竝作乃始。又本經篇。愚夫蠢婦。皆有流連之心。悽愴之志。乃使始爲之撞大鐘。擊鳴鼓。吹竽笙。彈琴瑟。失樂之本矣。案乃始二字之間。不當有使字。此因始使聲相亂而誤衍也。主術篇曰。故民至於焦唇沸肝。有今無儲。而乃始撞大鐘。擊鳴鼓。吹竽笙。彈琴瑟。失樂之所由生矣。是其證。

夫以天下爲者

藏詩書脩文學而不知至論之旨。則拊盆叩缶之徒也。夫以天下爲者。學之建鼓矣。念孫案夫以天下爲者。以上當有無字。無以天下爲者。承上文許由而言。莊子逍遙遊篇許由曰予無所用天下爲者可以託天下爲者。對拊盆叩缶而言。言無以天下爲者。其於世俗之學者。猶建鼓之於盆缶也。今本以天下上脫無字。則義不可通。文子九守篇。正作無以天下爲者。

### 尊于天下

由此觀之。生尊于天下也。念孫案尊本作貴。此涉上文尊執厚利而誤也。此言生貴而天下賤。非言生尊而天下卑。高注故曰生貴於天下。卽其證。呂氏春秋知分篇注。引此亦作貴。秦族篇亦云身貴於天下。

### 若昧

故覺而若昧。道藏本如是。尙存昧字。左畔別本作昧。尤非。生而若死。舊本生上衍以字。今刪。終則反本。未生之時。而與化爲一體。高注曰昧暗也。厭也。厭於昧反。俗作覺。楚人謂厭爲昧。引之曰。昧與厭義不相近。昧皆當爲昧。音字之誤也。注中暗也一字。乃後人所加。說文寢寐而厭也。字通作昧。西山經鵠鵠服之。使人不昧。郭璞曰。不厭夢也。引周書王會篇云。服者不昧。莊子天運篇。彼不得夢。必且數昧焉。司馬彪曰。昧厭也。是昧與厭同義。故高注亦云。昧厭也。楚人謂厭爲昧。後人不知昧爲昧之譌。而誤讀爲暗昧之昧。遂於注內加暗也二字。何其謬也。且昧與死體爲韻。若作昧。則失其韻矣。



內總其德

外束其形。內總其德。鉗陰陽之和。而迫性命之情。念孫案。總字義不可通。總當爲愁。愁與摯同。秋飲酒義。爲愁也。鄭注。愁讀爲摯。摯斂也。說文。摯。束也。外束其形。內摯其德。其義一也。俶真篇。內愁五藏。外勞耳目。義亦與此同。俗書總字或作摯。又作愁。與愁相似。愁誤爲摯。後人因改爲總耳。文子上禮篇。正作外束其形。內愁其德。

無益情者四句

無益情者。不以累德。而便於性者。不以滑和。念孫案。便於性二句。義不可通。且與上文不對。劉績依文子九守篇。改爲無益於情者。不以累德。不便於性者。不以滑和。當是也。

貪富貴 直宜

推此志。非能貪富貴之位。不便侈靡之樂。直宜迫性閉欲。以義自防也。高注曰。宜猶但也。念孫案。貪上當有不字。直下不當有宜字。宜卽直之誤。而衍者也。高注宜字。亦當爲直。直之言特也。祭義曰。參直養者也。惠王篇曰。直不百步耳。是亦走也。莊子德充符篇曰。某也直後而未往耳。齊策曰。衍非有怨於儀。直所以爲國者不同耳。義並與特同。呂氏春秋忠廉篇。特王子慶忌爲之賜而不殺耳。高注曰。特猶直也。鄭風柏舟篇。實維我特。韓子特作直。史記言子夏非能不貪富貴。不樂侈靡。特以義自強耳。特但一聲之轉。故云。叔孫通傳。吾直戲耳。漢書直作特。直猶但也。

淮南內篇第八

本經

太清之始

太清之始也。和順以寂寞。質真而素樸。高注曰。太清無爲之始者。謂三皇之時。念孫案太清之始。始當爲治字之誤也。自和順以寂寞以下二十三句。皆言太清之治如此也。高注當云太清。句無爲之治也。句今本作太清無爲之始者。文不成義。後人所改也。文選東都賦注。後漢書班固傳注。引此並作太清之化。又引高注曰。太清無爲之化也。治字作化。避高宗諱也。則其字之本作治明矣。太平御覽天部十五。引作太清之始。亦後人依誤本改之。其竹部一引。正作太清之治。文子下德篇。作清靜之治者。和順以寂寞。質真而素樸。是其明證矣。

電霰

雷霆毀折。電霰降虐。念孫案電霰不同類。且電亦不得言降虐。電當爲雹。草書之誤也。雷霆爲一類。雹霰爲一類。呂氏春秋仲夏篇云。雹霰傷穀。故言降虐也。文子上禮篇。作雹霜爲害。是其證。

野莢

變野莢。長苗秀。高注曰。莢。草也。引之曰。野草多矣。不應獨言莢。莢當爲莽。隸書莽字作美。漢仙人唐公房碑。王莽居攝二

年成陽靈臺碑除仲與莢極相似故誤爲莢說文作莽飛草也故野草謂之野莽下文野莽白素楚辭九  
莽字叔武並作美野同注莢草也亦當作莽草也秦族篇注莽草也正與此同若莢則當訓爲藪不  
歎遵莢莽以呼風是也  
得汎訓爲草矣

縣聯

夏屋宮駕縣聯房植高注曰縣聯聯受雀頭箸柄者念孫案縣皆當爲縣字之誤也說見原道旋縣一條  
下說文檣屋檣聯也又曰楣秦名屋檣聯也齊謂之檣楚謂之柎方言屋柎謂之檣郭璞曰卽屋檣也亦  
呼爲連縣語之轉耳釋名柎旅也連旅旅也或謂之檣檣縣也縣連樓頭使齊平也上入曰爵頭形似  
爵頭也皆足與高注相證檣與縣聯與連並字異而義同太平御覽人事部一百三十四引此正作縣聯

夏稿

是以松柏箇露夏稿藝文類聚治政部上引此夏稿上有宛而二字念孫案松柏箇露宛而夏稿江河三  
川絕而不流四句相對爲文則有宛而二字者是也宛與苑同倣真篇形傷於寒暑燥溼之虐者形苑而  
神壯高注曰苑枯病也苑讀南陽宛之宛莊子天地篇釋文云苑本亦作宛是苑宛古字通素問四氣調  
神大論惡氣不發風雨不節白露不下則苑稿不榮苑亦與苑同唐風山有樛篇宛其死矣毛傳曰宛死  
號義與此宛字亦相近

賢不肖

異貴賤。差賢不肖。經誹譽。行賞罰。念孫案差賢不下本無肖字。不與否同。貴賤賢不。誹譽賞罰。皆相對爲文。後人不知不爲否之借字。故又加肖字耳。

一人之制 乘衆人之制

天地宇宙。一人之身也。六合之內。一人之制也。念孫案制字。義不可通。制當爲刑。字之誤也。刑與形同。淮南多以刑爲形。一人之形。卽承一人之身言之。文子下德篇。正作一人之形。又主術篇。是故任一人之力者。則烏獲不足恃。乘衆人之制者。則天下不足有也。制亦當爲刑。刑與形同。文子自然篇。作乘衆人之勢。勢亦形也。劉績依文子改制爲勢。義則是而文則非矣。

慶賀

無慶賀之利。刑罰之威。陳氏觀樓曰。賀當爲賞。字之誤也。慶賞與刑罰相對。不當言慶賀。

雷震

天地之大。可以矩表識也。星月之行。可以曆推得也。雷震之聲。可以鼓鐘寫也。風雨之變。可以音律知也。念孫案雷震當爲雷霆。字之誤也。天地星月。雷霆風雨。相對爲文。太平御覽天部十三。引此正作雷霆。文子下德篇同。



有能治之者也

及偽之生也。飾智以驚愚。設詐以巧上。天下有能持之者。有能治之者也。高注曰。有能持之者。桀紂之民。有能治之者。湯武之君也。念孫案。有能治之者也。當作未有能治之者也。言詐僞並起。天下有能以法持之者。未有能以道治之者也。其能治之者。必待至人。下文至人之治也。云云是也。文子下德篇。作天下有能持之。而未有能治之者。也是其證。高所見本。蓋脫未字。

能愈多

昔者倉頡作書。而天雨粟。鬼夜哭。伯益作井。而龍登玄雲。神棲崑崙。能愈多而德愈薄矣。太平御覽鱗介部一。引此能愈多。作智愈多。念孫案。當作智能愈多。智能二字。總承上文言之。今本脫智字。御覽脫能字。文子下德篇。作智能彌多。而德滋衰。是其證。

充忍

德交歸焉。而莫之充忍也。高注曰。忍。不忍也。念孫案。高蓋誤讀忍也二字爲句。訓忍爲不忍。於正文無當也。今案充忍二字。當連讀。忍讀爲物。大雅靈臺篇。於物魚躍。毛傳曰。物。滿也。德交歸焉。而莫之充滿。所謂六盈若虛也。鄭風將仲子。大雅抑。及周官山虞。釋文忍字。竝音刃。忍有刃音。故又與物通。史記殷本紀。充切宮室。後漢書章八王傳。充切其第。物切忍。並同聲而通用。物切之通作忍。忍之通作物。忍字節辭。爲冬不切。寒夏不切。暑切。忍字。

鑿齒

契獮鑿齒。九嬰大風。封豨脩蛇。皆爲民害。念孫案漢書揚雄傳應劭注。文選辯命論注。太平御覽皇王部五。兵部三十六。引此鑿齒皆在封豨下。各本誤在契獮下。又案道藏本劉本朱本。契獮以下六者之注文。本分見於下文六句之下。文選王融曲水詩序注。辯命論注。太平御覽皇王部五。兵部三十六。羽族部十四。所引皆如是。故鑿齒獸名云云。本在下文誅鑿齒於疇華之澤之下。自茅本始移六者之注於此文下。而次鑿齒之注於契獮之下。九嬰之上。則是以已誤之正文。改不誤之注文也。莊本從之。謬矣。

疇華之野 青邱之澤

堯乃使羿誅鑿齒於疇華之野。殺九嬰於凶水之上。繳大風於青邱之澤。高注曰。疇華南方澤名。青邱東方澤名也。念孫案疇華之野。野本作澤。故高注云。南方澤名。青邱之澤。澤本作野。時則篇云。東至青邱樹木之野是也。今本邱誤作土。辯見時則。高注本作青邱東方邱名也。今本正文澤野二字互誤。高注東方邱名。邱字又誤作澤。文選王融三月三日曲水詩序注。引此作青邱之澤。亦後人依誤本改之。辯命論注。引此正作疇華之澤。青邱之野。又舊本北堂書鈔地部一。及太平御覽地部十八。皇王部五。兵部三十六。資產部十二。引此竝作疇華之澤。青邱之野。又皇王部五。資產部十二。引高注竝作青邱東方邱。論衡感類篇亦云。堯繳大風於青邱之野。

爲璇室瑤臺象廊玉牀

晚世之時帝有桀紂爲璇室瑤臺象廊玉牀紂爲肉圃酒池念孫案爲璇室上脫桀字大戴禮少閒篇注北堂書鈔帝王部二十太平御覽皇王部七引此爲上皆有桀字

拘無窮之智

今至人生亂世之中含德懷道拘無窮之智念孫案拘字義不可通劉本作抱是也含懷抱三字同意

成之迹

取成之迹相與危坐而說之鼓歌而舞之故博學多聞而不免於惑陳氏觀樓曰取成之迹當依文子精誠篇作取成事之迹

乘太一者

帝者體太一王者法陰陽霸者則四時君者用六律乘太一者牢籠天地彈壓山川含吐陰陽伸曳四時紀綱八極經緯六合念孫案乘太一者乘字後人所加下文體太一者云云是釋上文體太一之義此文太一者云云是專釋太一二字之義太一者之上不當有乘字也且下文陰陽者四時者六律者皆與此文同一例加一乘字則與下文不合矣藝文類聚帝王部一引此作體太一者亦與下文相複文選魏都賦文賦注引此皆作太一者無乘字亦無體字

無原

羸縮卷舒。淪於不測。終始虛滿。轉於無原。高注曰。轉化歸於無窮之原本也。念孫案。正文言無原。不言無窮之原。高說非也。原。度也。量也。言陰陽之化。轉於無量也。廣雅。量。源。度也。源與原通。宋玉神女賦。志未可乎得原。韓子主道篇。掩其跡。匿其端。下不能原。皆謂不可量度也。漢書王莽傳。功亡原者。賞不限。言有無量之功。則有不限之賞也。顏師古注。無原。謂不可測其本原。失之。是古謂無量爲無原。淪於不測。轉於無原。其義一也。

有時

四時者。春生夏長。秋收冬藏。取予有節。出入有時。念孫案。有時。本作有量。此涉上文四時而誤也。取予有節。出入有量。量與節義相近。若作時。則非其指矣。且量與長藏爲韻。若作時。則失其韻矣。文子正作出入有量。

外能得人

戴圓履方。抱表懷繩。內能治身。外能得人。發號施令。天下莫不從風。念孫案。外能得人。本作外得人心。高注。能得人之歡心。正釋得人心三字。今本作外能得人。卽涉注內能得人而誤。此文以繩心風爲韻。二部。古或相通。秦風小戎篇。以繩與音爲韻。大雅大明篇。以林與心爲韻。生民篇。以登升與今爲韻。魯頌閟宮篇。以乘勝弓。緩增齊。慈承爲韻。管子小匡篇。子大夫受政。寡人勝任。子大夫不受政。寡人恐崩。心術篇。專於意。一於心。耳目端知遠之證。淮南本經篇。上下離心。氣乃上蒸。說山篇。欲學歌謳者。必先敬羽樂風。欲美和者。始於陽阿采菱。皆其證也。古音風字在侵部。弓字在蒸部。說見唐韻正。若作外能



得人則失其韻矣。文子正作內能治身，外得人心。

精神

是故神明藏於無形，精神反於至真。念孫案：精神與神明意相複。神字即涉上句而誤。精神當爲精氣。淮南一書多以神與氣對文也。文子下德篇正作精氣反於至真。

身無患

故閉四關，則身無患。百節莫苑，莫死莫生。莫虛莫盈。念孫案：身無患當依文子下德篇作終身無患。終身無患，百節莫苑，相對爲文。下二句亦相對爲文。脫去終字，則句法參差不協矣。

菱杼

木巧之飾，盤紆刻儼，羸鏤雕琢。羸當作羸，羸鏤謂轉刻如羸文。故下句即云詭文回波。洵游漢滅菱杼紆抱。高注曰：洵游漢滅，皆文贅擬象水勢之貌。菱杼，采實紆戾也。抱，轉也。皆壯采相銜持貌也。引之曰：菱杼皆水草也。杼讀爲芋，字亦作芋。漢書司馬相如傳：上林賦：蔣芋青蘋。張揖曰：芋三稜也。文選：芋作芋。張衡南都賦曰：其草則蘼芋蘋莞。蔣蒲兼葭。藻茝菱芡。芙蓉含華。是芋爲水草也。作芋者或字作杼者，借字耳。莊子山水篇：食杼栗。徐無鬼篇作芋栗。是芋與杼通。畫爲菱杼，在水波之中，故曰洵游漢滅。菱杼紆抱也。高以杼爲采實，采實即橡栗，與菱爲不類矣。

接徑歷遠直道夷險 蹟陷

脩爲竊垣。甬道相連。殘高增下。積土爲山。接徑歷遠。直道夷險。終日馳驚而無蹟陷之患。高注曰。接疾也。徑行也。道之阨者。正直之夷。平也。念孫案。接徑歷遠。當在直道夷險之下。此以垣連山遠。患爲韻。若移直道夷險於下。則失其韻矣。高注。接疾也。徑行也。亦當在夷平也之下。蓋正文爲寫者誤倒。後人又改注以從之耳。文選謝惠連秋懷詩注。引此已作接徑歷遠。直道夷險。則其誤久矣。又案蹟陷。當爲蹟陷。字之誤也。因蹟字而誤從足。蹟與蹟同。高注原道說山說林脩務。竝云蹟蹟也。楚人爲蹟爲蹟。玉篇。陷蹟也。原道篇曰。先者蹟陷。則後者以謀。又曰。蹟陷。於汚壑。非陷之中。皆其證也。

歌舞節

樂斯勳勳斯蹈。蹈斯蕩蕩斯歌。歌斯舞。歌舞節。則禽獸跳矣。念孫案。歌舞節。當作歌舞無節。

非強而致之

夫三年之喪。非強而致之。高注曰。非強行致孝子之情也。情自發於中。念孫案。非強而致之。強下當有引字。高注當作非強引致孝子之情。今本正文脫引字。注內引字又誤作行。羣書治要引此。正作非強引而致之。

血流

血流千里，暴骸滿野。念孫案：血流當爲流血，流血與暴骸相對爲文。羣書治要引此正作流血。兵略篇亦云：流血千里，暴骸盈場。

淮南內篇第九

主術

謀無過事

是故慮無失策，謀無過事。念孫案：謀本作舉，此後人以意改之也。舉猶動也。慮無失策，以謀事言之。舉無過事，以行事言之。若改舉爲謀，則與無過事三字義不相屬，且與上句相複矣。羣書治要引此正作舉無過事。賈子保傅篇是以慮無失計而舉無過事，即淮南所本。大戴禮保傅篇同。文子自然篇：謀無失策，舉無過事，又本於淮南也。

所守者少

故所理者遠，則所在者邇；所治者大，則所守者少。念孫案：少當爲小，字之誤也。羣書治要引此正作小。

通於天道

太一之精，通於天道。念孫案：通於天道，本作通合於天。今本脫合字，衍道字。道字涉下句天文子自然篇。

正作通合於天。天與精爲韻。天字合韻。讀若汀。小雅南山篇。不弔昊天。與定生寧。醒成。政姓爲韻。大雅雲乃統天。時樂六龍以御天。與形成命。貞寧爲韻。坤蒙傳。乃順承天。與生爲韻。乾文言。時乘六龍以御天也。與精情平爲韻。楚辭九章。瞰沓沓而薄天。九辯。瞰冥冥而薄天。並與名爲韻。凡周秦用韻之文。天字多有入精部者。詩易楚辭而外。不可枚舉。若作通於天道。則失其韻矣。此文上下十八句皆用韻。

不殺

是故威厲而不殺。刑錯而不用。念孫案。殺本作試。此後人以意改之也。荀子議兵宥坐二篇。及史記禮書。並云。威厲而不試。刑錯而不用。不試。猶不用也。若云不殺。則非其指矣。太平御覽皇王部三。引此正作不試。文子精誠篇同。

撈稅

無以異於執彈而來鳥。撈稅而狎犬也。陳氏觀樓曰。說山篇作執彈而招鳥。揮稅而呼狗。則撈字當爲揮字之譌。說文揮。奮也。

害其鋒 明有不害

昔孫叔敖恬臥而郢人無所害其鋒。高注曰。但恬臥養德。折衝千里之外。敵國不敢犯。句害。此害字因上馬彪注莊子曰。言叔敖安寢恬臥。以養德於廟堂之上。折衝於千里之外。敵國不敢犯。即用高注語。則犯下無害字。明矣。故郢人不舉兵出伐。無所害其鋒於四方也。念孫案。害其鋒三字。義不相屬。害當爲用字之誤也。上鍊書害字作害。其高注亦當作故郢人不舉兵出伐。



無所用其鋒於四方也。莊子徐無鬼篇作孫叔敖甘寢棄羽而郢人投兵投兵亦謂無所用之也。又繆稱篇夜行瞑目而前其手事有所至而明有不害案不害二字義不可通害亦當爲用夜行者瞑目而前其手是不用目而用手故曰明有不用也。說林篇曰夜行者掩目而前其手涉水者解其馬載之舟事有所宜而有所不施施亦用也。見原道脩務二篇注

往觀

簡子欲伐衛使史黯往觀焉。高注曰觀觀之也。念孫案觀訓爲見不訓爲觀觀皆當爲覲。廣雅曰覲覲視也。玉篇覲七亦切觀也。義皆本於高注後人多見觀少見覲故觀誤爲覲矣。

民之化也

故民之化也不從其所言而從其所行。念孫案民之化也本作民之化上也。下句其字正指上而言。脫上字則義不相屬。文子精誠篇正作民之化上。

樂聽其音

故曰樂聽其音則知其俗。見其俗則知其化。念孫案樂字與下文義不相屬當有脫文。文子精誠篇作聽其音則知其風。觀其樂即知其俗。見其俗即知其化。

案賈

業貫萬世而不墜。橫局四方而不窮。高注曰：貫，通也。墜，塞也。念孫案：業當爲葉，聲之誤也。葉，聚也。積也。貫，累也。言積累萬世而不墜塞也。方言曰：葉，聚也。廣雅楚通語也。楚辭離騷：貫薜荔之落蕊。王注曰：貫，累也。同。廣雅荀子王霸篇：貫日而治。詳楊倞曰：貫日，積日也。是葉貫皆積累之意也。俶真篇曰：枝解葉貫。萬物百族，義與此葉貫同。原道篇曰：大渾而爲一，葉累而無根。葉累猶葉貫也。俶真篇曰：橫廓六合，揲貫萬物。揲貫猶葉貫也。彼言橫廓六合，猶此言葉貫萬物，故廣雅云：揲，積也。高注訓貫爲通，失之矣。

不與焉

故爲治者不與焉。念孫案：不與，上當有智字。老子曰：以智治國，國之賊；不以智治國，國之福。故曰爲治者智不與焉。脫去智字，則文不成義。高注曰：治在道不在智，故曰不與焉。不與，上亦當有智字。則有智字明矣。文子下德篇：正作知不與焉。

幹舟

湯武聖主也，而不能與越人乘幹舟而浮於江湖。高注曰：幹舟，小船也。越人習水，自能乘之。念孫案：古無謂小船爲幹者。幹當爲幹，字之誤也。幹與舠同，字或作艦。廣雅曰：艦，舟也。玉篇：舠，與艦同。小舟有屋也。楚辭九章：乘舠船余上沅兮。王注曰：舠船，船有牕牖者。俶真篇：越舠蜀艇，不能無水而浮。高注曰：舠，小船也。越人所便習，正與此注相同。藝文類聚：舟車部，太平御覽：舟部，引此竝作舠舟。御覽又引高注：舠舟，小船。

也。皆其證矣。

入榛薄險阻

伊尹賢相也。而不能與胡人騎驢馬而服騶駼。孔墨博通。而不能與山居者入榛薄險阻也。念孫案險阻上脫出字。入榛薄。出險阻。與騎驢馬服騶駼相對爲文。羣書治要引此有出字。

道之數 不達

不因道之數。而專己之能。則其窮不達矣。念孫案道之數本作道理之數。此後人以意刪之也。下文曰。不循道理之數。又曰。拂道理之數。說自然之性。原道篇曰。循道理之數。因天地之自然。皆其證也。羣書治要引此正作道理之數。文子下德篇同。則其窮不達矣。達當爲遠。字之誤也。其窮不達。謂其窮可立而待也。文子下德篇正作遠。汜論篇人章道息。則危不遠矣。語意略與此同。

勇力

由此觀之。勇力不足以持天下矣。念孫案力字因勇字而衍。勇不足以持天下。與上文智不足以治天下。相對爲文。不當有力字。羣書治要及太平御覽人事部七十六。引此皆無力字。下文勇不足以爲強。亦無力字。

豺狼

夫華騶綠耳。一日而至千里。然其使之搏兔。不如豺狼。伎能殊也。太平御覽獸部八。引此豺狼作狼契。引之曰。狼契皆犬名也。廣雅曰。狼狐狂獫犬屬也。玉篇獫公八切。雜犬也。廣韻同。獫與契通。犬能搏兔。而馬不能。故曰。搏兔不如狼契也。後人不知狼契爲犬名。而改爲豺狼。豺狼可使搏兔。所未聞也。

撮蚤蚊 顛越

鷓鴣夜撮蚤蚊。察分秋豪。晝日顛越。不能見邱山。形性詭也。高注曰。鷓鴣。鷓鴣也。謂之老菟。夜鳴人屋上也。夜則目明。合聚人爪。以著其巢中。故曰。察分秋毫。晝則無所見。故曰。形性詭也。引之曰。莊子秋水篇。鷓鴣夜撮蚤。察豪末。晝出。瞋目而不見邱山。司馬本蚤作蚤。云鷓鴣夜取蚤食。崔本作爪。云鷓鴣夜聚人爪於巢中也。爪蚤通用。故崔本作爪。蚤蚤字形相似。故司馬本作蚤。然則蚤蚤二字不得而並存矣。淮南作蚤。故高氏但言合聚人爪。而不言食蚤。後人乃取司馬本之蚤字。增於此處蚤字之下。其失甚矣。秋水篇釋文曰。淮南子鷓鴣夜聚蚤。察分豪末。晝出。瞋目而不見邱山。高誘曰。鷓鴣。謂之老菟。據二書所引。則許高本俱無蚤字明矣。顛越二字。與不見邱山意不相屬。且高注但言晝無所見。而不言顛越。文選注引此。正作瞋目而不見邱山。與莊子同。疑瞋目二字。譌作顛目。而後人遂改爲顛越也。撮蚤之說。許高異義。揆之事理。則許注爲雅馴耳。

游霧而動



夫騰蛇游霧而動。應龍乘雲而舉。念孫案上句本作騰蛇游霧而騰。後人以騰與騰同音。因妄改爲動耳。不知騰是蛇名。而騰爲升義。本不相複。騰與舉亦同義。故下句云。應龍乘雲而舉。改騰爲動。則文不成義矣。太平御覽鱗介部一。引此正作騰。說苑說叢篇同。說苑作騰。蛇遊霧而騰。龍乘雲而舉。今本騰上有升字。此後人誤以騰字屬下句讀。因妄加升字也。大戴禮勸學篇亦云。騰蛇無足而騰。

不爲醜飾不爲僞善

是故得道者。不爲醜飾。不爲僞善。念孫案此本作不僞醜飾。不僞善極。僞卽爲字也。古爲字多作僞。說見史記淮南衡山傳爲僞。不僞醜飾。不僞善極。相對爲文。故高注云。不飾爲美。亦不極爲善也。是莊改不極爲不枉。謬甚。後人誤讀僞爲詐僞之僞。而改上句僞字作爲。又改下句作不爲僞善。則既與上句不對。而又與高注不合矣。且極與飾爲韻。若作不爲僞善。則失其韻矣。

重爲惠若重爲暴

是故重爲惠若重爲暴。則治道通矣。念孫案重爲惠若重爲暴。本無若字。後人以詮言篇云。重爲善若重爲非。故加若字也。不知彼文是言爲善者必生事。故曰重爲善若重爲非。此言惠暴俱不可爲。則二字平列。不得云重爲惠若重爲暴也。下文爲惠者生姦。爲暴者生亂。卽承此文言之。則惠暴平列明矣。文子自然篇。作是故重爲惠重爲暴。卽道達矣。無若字。

以避姦賊

人主深居隱處。以避燥溼。閨門重襲。以避姦賊。念孫案。下避字當作備。俗讀備避聲相亂。又涉上避字而誤也。呂氏春秋節喪篇。奸邪盜賊寇亂之患。慈親孝子。備之者。得葬之情矣。俗本備作避。亦因上文而誤。重門所以防賊。故言備作避。則義不可通矣。文選西京賦注。引此正作備。

員者運轉而無

主道員者。運轉而無端。化育如神。虛無因循。常後而不先也。臣道員者。運轉而無方者。劉本刪去下者字。而莊本從之。非是。既見論是而處當。爲事先倡。守職分明。以立成功也。念孫案。臣道員者。運轉而無方者。本作臣道方者。其員者。運轉而無六字。則因上文而誤衍也。羣書治要引無此六字。文子上義篇亦無。主道員。臣道方。方員不同道。故下文云。君臣異道則治。同道則亂也。呂氏春秋園道篇亦云。主執。圖臣執方。方圖不易。其國乃昌。

推而不可爲之勢

夫推而不可爲之勢。而不循道理之數。今本循誤作脩。辭見原道。雖神聖人不能以成其功。高注曰。推行也。念孫案。推而不可爲之勢。而字涉下文而衍。

不可使言

聾者可令嚙筋。嚙筋未詳。易林蒙之離。亦云。抱關傳音。聾跛摧筋。而不可使有聞也。瘖者可使守圉。而不可使言也。念孫案不可使言本作不可使通語。今本語誤作言。又脫通字。筋聞爲韻。圉語爲韻。如今本則失其韻矣。太平御覽疾病部三引此正作不可使通語。

營事

人主貴正而尙忠。忠正在上位。執正營事。正與政同。則讒佞姦邪無由進矣。高注曰。營典引之曰。諸書無訓營爲典者。營當爲管字之誤也。隸書管字或作管。俗書營字作營。二形相似而誤。管事與執政義相近。史記李斯傳曰。管事二十餘年是也。管典皆主也。故訓管爲典。秦策淖齒管齊之權。高彼注曰。管典也。見史記范雎傳索隱。正與此注同。

不可同羣

夫鳥獸之不可同羣者。其類異也。虎鹿之不同游者。力不敵也。念孫案不可同羣。可字後人所加。鳥獸不同羣。虎鹿不同游。相對爲文。則上句內不當有可字。後人熟於鳥獸不可與同羣之文。因加可字耳。

一舉

是故人主之一舉也。不可不慎也。念孫案此謂舉賢不可不慎。舉上不當有一字。蓋因下文一舉不當而衍。

抓

夫人之所以莫抓玉石而抓瓜瓠者何也。無得於玉石弗犯也。高注曰。玉石堅。抓不能入。故不抓。念孫案。抓皆當爲振。字之誤也。廣雅。振裂也。曹憲音必麥反。字從手辰聲。辰匹卦反。振之言劈也。瓜瓠可劈。而玉石不可劈。故曰玉石堅。振不能入也。方言。鉞規裁也。梁益之間。裁木爲器曰鉞。裂帛爲衣曰規。郭璞音劈歷之劈。義亦與振同。若作抓則非其義矣。玉篇。振。古華切。引也。擊也。字從瓜。此字各本皆誤爲抓。茅一桂不得其解。乃讀爲抓痒之抓。其失甚矣。玉篇。抓。側交切。抓痒也。字從爪。

### 其以移風易俗矣

權勢之柄。其以移風易俗矣。念孫案。其以移風易俗矣。文義未足。下文曰。攝權勢之柄。其於化民易矣。則此亦當曰權勢之柄。其以移風易俗矣。蓋上易爲變易之易。下易爲難易之易。漢書禮樂志。其感人深。其移風易俗易。今樂記脫下易字。辭見經義述聞。顏師古曰。易音弋豉反。是其證也。今本無下易字者。後人誤以爲複而刪之耳。

### 而被甲兵不隨南畝 非所以都於國也

且夫不治官職而被甲兵。不隨南畝而有賢聖之聲者。非所以都於國也。騏驥騄駼。天下之疾馬也。驅之不前。引之不止。雖愚者不加體焉。念孫案。而被甲兵。而當爲不。與上下兩不字。文同一例。作而者。字之誤耳。不隨南畝。隨當爲脩。謂不治南畝也。隸書隨字或作隋。見漢司隸校尉楊渙石門頌。其右畔與脩相似。故脩誤爲隨。



史記趙世家。脩下而馮。脩或作隋。李斯傳。隨俗雅化。隨俗一作脩使。皆以右畔相似而誤。非所以都於國也。都字義不可通。當是教字之誤。教都尊韓子外儲說右篇曰。不服兵革而顯。不親耕耨而名。非所以教於國也。今有馬於此。如驥之狀者。天下之至良也。然而驅之不前。卻之不止。則臧獲雖賤。不託其足。卽淮南所本也。

疾風

夫疾風而波興。木茂而鳥集。相生之氣也。念孫案疾風當爲風疾。風疾木茂。相對爲文。意林引此。正作風疾。

不斷

是故茅茨不剪。采椽不斷。念孫案斷當爲斲。字之誤也。精神篇作樣槲不斲。高注。樣。採也。槲。椽也。晉語曰。天子之室。斲其椽而鑿之。加密石焉。諸侯鑿之。大夫斲之。士首之。以采爲椽。而又不斲。儉之至也。太平御覽皇王部五。引此正作斲。韓子五蠹篇。史記李斯傳。竝同。

不安其性

人主急茲無用之功。百姓黎民顛頓於天下。是故使天下不安其性。高注曰。不得安其正性。僞詐生也。念孫案此注後人所改。性之言生也。性與生義同。而字亦相通。說見經義述聞周語。不安其生。卽承上黎民顛頓言之。昭八年左傳曰。今宮室崇侈。民力彫盡。怨亂並作。莫保其性。義與此同。高注當云性生也。後人熟於性卽理也之訓。故

妄改高注耳。下文近者安其性。高注曰：性生也。故知此注爲後人所改。

### 楫楔

大者以爲舟航柱梁。小者以爲楫楔。念孫案：楫楔本作接櫓。此後人以意改之也。接楫竝在葉韻。櫓在緝韻。楔在薛韻。接櫓疊韻字也。楫楔則非疊韻矣。接櫓謂梁之小者。對上文大者爲柱梁而言。莊子在宥篇。吾未知聖知之不爲桁楊接櫓也。釋文崔云：接櫓，桎梏梁也。淮南曰：大者爲柱梁，小者爲接櫓也。案小梁謂之接櫓，故桎梏之梁亦謂之接櫓。集韻：接櫓，梁也。淮南子：大者爲柱梁，小者爲接櫓。蓋高注以接櫓爲梁，而今本脫之也。據集韻引此作接櫓，則北宋本尙未誤。

### 脫文二句

無大小脩短，各得其所宜。駢書治要作大小脩短，皆得所宜。規矩方員，各有所施。念孫案：羣書治要引此各有所施下，有殊形異材，莫不可得而用也二句。今本脫去。下文天下之物，莫凶於奚毒，然而良醫囊而藏之，有所用也。卽承莫不可得而用言之，則原有此二句明矣。凡治要所引之書，於原文皆無所增加，故知是今本遺脫也。

### 雞毒

天下之物，莫凶於雞毒。念孫案：雞毒當爲奚毒。注同。此涉上文注內枿讀如雞而誤也。廣雅本草竝作奚毒。

羣書治要意林及太平御覽藥部七引淮南亦爲奚毒。急就補注引作奚毒則南宋本尙不誤無作雞毒者。

并方外

或欲平九州并方外存危國繼絕世引之曰并本作從從猶服也。注從猶服也言使方外之國服從也原道篇曰從裸國納肅慎人閒篇曰王若欲從諸侯不若大城城父而令太子建守焉以來北方司馬相如難蜀父老曰朝并從驢定筭存耶皆是也後人不達從字之義遂改從爲并不知平九州從方外存危國繼絕世皆謂撫柔中外非謂吞并之也羣書治要引此正作從方外

以刀抵木

是猶以斧斲毛。高注斲以刀抵木也皆失其宜矣此言刀可以斲毛斧可以伐木易之則皆失其宜矣知爲何物道藏本茅本並作刀莊從劉本作刃失之矣。念孫案木當言伐不當言抵蓋伐誤爲氏伐氏字形相似後人因加手旁耳說山篇云刀便剃毛至伐大木非斧不尅是其證羣書治要引此正作以刀伐木

以天下之力爭

人主者以天下之目視以天下之耳聽以天下之智慮以天下之力爭念孫案爭本作動動謂舉事也慮則用羣策動則用羣力故曰以天下之智慮以天下之力動今本動作爭者後人依文子上仁篇改之耳藝文類聚帝王部一太平御覽皇王部二引此竝作動

脩通

百官脩通羣臣幅湊。劉本作脩同。云同一作通。莊本從劉本作同。念孫案作通者是也。藝文類聚引此作脩道。道卽通之誤。太平御覽引此。正作脩通。文子上仁篇同。韓子難篇。百官脩通羣臣幅湊。卽淮南所本。管子任法篇。亦云羣臣脩通幅湊。以事其主。

先而不弊

聰明先而不弊。弊與蔽同。高注曰。弊。闇。秦策。南陽之弊。高彼注曰。弊。隱也。是蔽。弊古字通。齊語。使海於。有蔽。管子小匡篇。作弊。是其證。道藏本朱本茅本並作弊。劉本改弊爲蔽。而莊本從之。皆未達假借之義。念孫案先與不弊義不相屬。先當爲光字之誤也。光明也。太平御覽皇王部二。引此正作光。

志達

然而羣臣志達效忠者。希不因其身。念孫案志達當爲達志。寫者誤倒耳。達志效忠。相對爲文。汜論篇。不能達善效忠。卽其證。

其主言可行

明主之聽於羣臣。其計乃可用。不羞其位。其主言可行。不責其辯。劉本作其言可行而不責其辯。念孫案此當作其言而可行。不責其辯。其計乃可用。其言而可行。相對爲文。乃而皆如也。道藏本作其主言可行。主字因上下文而衍。又脫而字。劉本而字在可行下。皆非也。文子上仁篇。作其言可行。不責其辯。



縣法者法不法也

縣法者法不法也。設賞者賞當賞也。念孫案縣法者法不法也。上二法字皆當爲罰。與設賞者賞當賞也。相對爲文。下文中程者賞。謂賞當賞也。缺繩者誅。謂罰不法也。今本二罰字作法。後人依文子上義篇改之耳。

以其言

無爲者。非謂其疑滯而不動也。以其言莫從己出也。念孫案以其言當作以言其。與非謂其相對爲文。今本言其二字誤倒。則文不成義。文子上義篇正作言其。

稌

夫寸生於稌。稌生於日。日生於形。形生於景。此度之本也。高注曰。稌禾穗。稌字榆頭芒也。十稌爲一分。下當有二字。十分爲一寸。十寸爲一尺。十尺爲一丈。故爲度之本也。引之曰。說文玉篇廣韻集韻皆無稌字。稌當爲標。字之誤也。標與秒同。說文秒禾芒也。字或作藥。通作漂。又通作翹。天文篇曰。秋分而禾藥定。藥定而禾孰。律之數十二。故十二藥而當一分。今本誤作十二藥而當一寸。辯見天文。律以當辰。音以當日。日之數十。故十分而爲寸。十寸而爲尺。十尺而爲丈。彼注云。藥禾穗。藥字榆之芒也。古文作秒。宋書律志曰。秋分而禾標定。標定而禾孰。注云。標禾穗芒也。玉篇標芒紹切。集韻秒禾芒也。或作標。皆其明證矣。又齊策曰。象牀之直千金。傷此若髮。

漂。賣妻子不足償之。史記太史公自序。開不容翫忽。正義曰。翫字當作秒。秒禾芒表也。然則稊稊漂翫四字。竝與秒同。而稊爲稊之誤明矣。字彙補乃於禾部增入稊字。音栗。引淮南子寸生於稊。稊生於日。甚矣其謬也。莊以稊爲古累黍字。尤不可解。

#### 所謂亡國 有法者

所謂亡國。非無君也。無法也。變法者。非無法也。有法者而不用。與無法等。念孫案。有法者而不用。者字當在上文所謂亡國下。與變法者相對爲文。今誤入此句內。則文不成義。

#### 先自爲檢式儀表

是故人主之立法。先自爲檢式儀表。故令行於天下。念孫案。先自爲檢式儀表。當作先以身爲檢式儀表。言以身爲度。則令無不行也。下文引孔子曰。其身正。不令而行。是其明證矣。上下文見。今本身誤爲自。自上又脫以字。文子上義篇。作先以自爲檢式。自亦身之誤。唯以字未脫。

#### 心中

內得於心中。外合於馬志。念孫案。心中當爲中心。中心與馬志相對爲文。太平御覽治道部五。獸部八。引此竝作中心。列子湯問篇。文子上義篇。皆同。

#### 據除

夫據除而窺井底。雖達視而不能見其睛。引之曰。階除不得有井。除當爲榦。字之誤也。莊子秋水篇。吾眺梁乎井榦之上。司馬彪曰。井榦。井欄也。漢書枚乘傳。單極之航。斷榦。晉灼曰。榦。井上四交之榦。說文作榦。云井垣也。此言據井之欄。以窺井底耳。

觀其象 遠者治也

物至而觀其象。事來而應其化。近者不亂。遠者治也。念孫案。物至而觀其象。象當爲變。草書之誤也。變與化同義。觀其變。亦謂觀其變而應之也。作象則非其指矣。文子上義篇。正作物至而觀其變。汜論篇亦曰。物動而知其反。事萌而察其變。近者不亂。遠者治也。文子作近者不亂。卽遠者治矣。亦於義爲長。

美者正於度 建於用

美者正於度。而不足者建於用。故海內可一也。念孫案。美當爲羨。正當爲止。建當爲逮。皆字之誤也。文選陸雲爲願。彦先贈婦詩。佳麗良可羨。今本羨。謂才有餘也。羨者止於度。而不足者逮於用。謂人主有一定之法。陸雲誤作美。玉璽新詠。載此詩。正作羨。則才之有餘者。止於法度之中。而不得過。其不足者。亦可逮於用。而不患其不及也。羨與不足正相反。文子上義篇。作有餘者止於度。不足者逮於用。是其明證矣。

與臣下爭

君人者。釋所守而與臣下爭。則有司以無爲持位。守職者以從君取容。是以人臣藏智而弗用。反以事轉

任其上矣。念孫案與臣下爭當作與臣下爭事。唯君與臣爭事是以臣藏智弗用而以事轉任其上也。脫去事字則文義不明。文子上仁篇正作與臣爭事。

### 與天下交

智不足以爲治威不足以行誅則無以與天下交也。念孫案與天下交當作與下交。下謂羣臣也。下字上見上文曰法律度量者人主之所以執下舍是則智不足以爲治威不足以行誅矣故曰無以與下交大學曰與國人不交下上不當有天主文子上仁篇有天主亦後人依誤本淮南加之羣書治要引文子無天主

### 者欲

喜怒形於心者欲見於外。念孫案者當爲者字之誤也。者欲與喜怒相對爲文。文子上仁篇作嗜欲是其證。

### 馬死於衡下

與馬競走筋絕而弗能及上車執轡則馬死於衡下。陳氏觀樓曰死字義不可通。文子上仁篇作馬服於衡下是也。死本作臥服或作服下半相似而誤。

### 有爲

是故君人者無爲而有守也有爲而無好也。念孫案有爲與無爲正相反且下二句云有爲則讒生有好



則諛起。則不當言有爲明矣。有爲本作有立。有立而無好。謂有所建立而無私好也。高注無所私好。今本作有爲者。涉下句有爲而誤。文子上仁篇正作有立而無好。

言建之無形也

故善建者不拔。今本此下有注云。言建之無形也。念孫案此六字乃正文。非注文也。故善建者不拔者。引老子語也。言建之無形也者。釋其義也。精神篇曰。故曰。其出彌遠者。其知彌少。以言夫精神之不可使外淫也。亦是引老子而釋之。後人誤以此六字爲注文。故改入注耳。文子正作故善建者不拔。言建之無形也。

謂之塞

故中欲不出。謂之屬。外邪不入。謂之塞。莊氏伯鴻曰。呂覽作外欲不入。謂之閉。君守。據下中屬外閉云云。則此句疑當如呂覽。念孫案屬與閉皆以門爲喻。閉字是也。文子上仁篇亦作閉。

不伐之言 使自司

故有道之主。滅想去意。清虛以待。不伐之言。不奪之事。循名責實。使自司。念孫案不伐之言。伐當爲代。不代之言。不奪之事。謂臣所當言者。君不代之言。臣所當行者。君不奪之事也。呂氏春秋知度篇。代字亦誤作伐。案上文云。是猶代庖宰剝牲。而爲大匠斲也。呂氏春秋云。是君代有司爲有司也。則皆當作代明矣。

使自司道藏本如是當從呂氏春秋作官使自司謂使百官自司其事而君不與也故下文云如此則百官之事各有所守此文上下皆以四字爲句脫去官字則不成句矣劉本作使有司文子上仁篇作使自有司皆於義未安莊從劉本作使有司非也

景桓公 魯昭公 荆平王

衛君役子路權重也景桓公臣管晏位尊也念孫案公字後人所加衛君役子路景桓臣管晏相對爲文景桓下加公字則文不成義矣又人閒篇故蔡女蕩舟齊師侵楚今本侵楚上衍大字辯見人閒兩人構怨廷殺宰子簡公遇殺身死無後陳氏代之齊乃無呂兩家鬪雞季氏金距邱公作難魯昭公出走案魯昭公之公亦後人所加自蔡女蕩舟以下皆四字爲句魯昭下加公字則累於詞矣又秦族篇闔閭伐楚五戰入郢燒高府之粟破九龍之鍾鞭荆平王之墓舍昭王之宮案荆平王之王亦後人所加燒高府之粟以下皆五字爲句荆平下加王字則累於詞矣呂氏春秋晉時篇鞭荆平之墳亦無王字

則輕重小大有以相制也

故枝不得大於幹末不得強於本則輕重小大有以相制也若五指之屬於臂搏援攫捷莫不如志言以小屬於大也念孫案則輕重小大有以相制也本作言輕重小大有以相制也此釋上之詞與下言以小屬於大也文同一例後人不達而改言爲則上言不得下言則則文義不相承接矣文子上義篇正作言

輕重大小有以相制也。

其存

所持甚小其存甚大所守甚約所制甚廣念孫案其存甚大本作所任甚大所持甚小所任甚大即下文所謂十圍之木持千鈞之屋也今本所任作其存者其字因與上下三甚字相似而誤任誤爲在後人因改爲存耳文子作所在甚大在亦任之誤羣書治要引文子正作所任甚大

制開闔

是故十圍之木持千鈞之屋五寸之鍵制開闔念孫案制開闔三字文義未足說苑說叢篇作而制開闔文子作能制開闔能亦而也而字古通作能說見經義述聞能不我知下二書皆本於淮南則淮南原文本作五寸之鍵而制開闔明矣道藏本脫而字劉績不能考正乃於制開闔下加之門二字而諸本及莊本皆從之謬矣上言持千鈞之屋若無之屋二字則文不成義此言制開闔則其義已明無庸加之門二字

離

故握劍鋒以離北宮子司馬蒯黃不使應敵操其觚招其末則庸人能以制勝念孫案握劍鋒以之下脫去一字離字與上下文皆不相屬當是離字之誤隸書離字或作離說見天文篇禹以爲朝晝昏夜下形與雖相近故離誤爲離漢書衛青霍去病傳大當戶離離史記作銅離不使應敵使上當有可字言手握劍鋒則雖北宮

司馬劇蕢亦不可使應敵。若操其本而舉其末，則庸人亦能以制勝也。可使與能以文正相對。

### 饒饒

人主租歛於民也。之賦歛於民也。必先計歲收，量民積聚，知饒饒有餘不足之數，然後取車與衣食供養其欲。羣書治要引此，饒饒作饒饒。念孫案作饒饒者，原文作饒饒者，後人所改也。饒與饒有餘與不足，皆相對爲文。饒饒論通有饒多者，不獨饒，少者不獨饒。若作饒饒，則與有餘不足之文不類矣。此言人主必知民積聚之多寡，然後可以取於民。若上言饒饒，則下不得言取車與衣食供養其欲矣。後人熟於饒饒之文，遂以意改之，而不知其與下文相抵牾也。

### 掘穴

高臺層榭，接屋連閣，非不麗也。然民無掘穴狹廬，所以託身者，則明主弗樂也。各本脫則字，今據下文及羣書治要太平御覽引補。念孫案掘穴本作掘室，掘古窟字。昭二十七年左傳，吳公子光伏甲於掘室而享王。史記吳世家作窟室，是也。因堀誤爲掘，後人遂妄改爲掘穴耳。窟室與狹廬事相類。若云掘穴狹廬，則文不成義矣。羣書治要引此正作窟室，又引注云，窟室土室。太平御覽木部七引此亦作窟室。又案民無掘穴狹廬，所以託身者，道藏本如是。劉本作民有掘穴狹廬，無所託身者。此依下文改也。案下文云，民有糟糠菽粟，不接於口者。又云，民有處邊城，犯危難，澤死暴骸者。此云民無掘室狹廬，所以託身者，文與下二條異，不當據彼以改此。且



既有狹廬。則不得言無所託身。羣書治要太平御覽引此。竝作民無窟室狹廬。則劉改非也。莊依劉本作。民有掘穴狹廬。又依道藏本作所以託身者。兩無所據矣。

效善

故古之爲金石管弦者。所以宣樂也。兵革斧鉞者。所以飾怒也。觴酌俎豆酬酢之禮。所以效善也。高注。效致也。衰經菅屨。辟踊哭泣。所以諭哀也。念孫案效善當爲效喜。字之誤也。此以喜怒哀樂相對。作善則義不可通。羣書治要引此正作喜。

有以

一人跼末而耕。不過十畝。中田之獲。卒歲之收。不過畝四石。妻子老弱。仰而食之。文子上仁篇。作仰之而食。時有澤旱災害之患。有以給上之徵賦。車馬兵革之費。念孫案有以之有。各本多作無。惟道藏本及茅本作有。有字是也。有讀爲又。淮南通以有爲又。皮記漢書及諸子並同。言終歲之收。僅足供一家之食。既時有水旱之災。而又以此給上之徵賦也。後人不知有爲又之借字。而改有爲無。斯爲謬矣。莊刻仍從諸本作無。故特辯之。

人君者

是故人君者。念孫案君字當在人字上。羣書治要引此正作君人者。

以火燒田

昆蟲未蟄不得以火燒田。高注曰：不得用燒田也。道藏本劉本朱本並如是。莊本作用不得燒田也。非。念孫案正文燒字，因注內燒田而衍，不得以火田。謂田獵不得用火。爾雅曰：火田爲狩是也。高注不得用燒田，燒讀去聲。管子輕重甲篇：齊之北澤燒，尹知章注曰：獵而行火曰燒。式照反是也。燒字正釋火字。若云以火燒田，則不詞矣。王制及賈子容經篇，竝云昆蟲未蟄，不以火田。說苑脩文篇同。此卽淮南所本文。子上仁篇亦作不得以火田。

### 王皆坦然天下而南面焉

堯舜禹湯文武，句王皆坦然天下而南面焉。念孫案次句當作皆坦然南面而王天下焉。今本顛倒不成文理。劉本刪去王字，尤非。莊本同。

### 鼗鼓

鼗鼓而食，奏雍而徹，已飯而祭竈。高注曰：鼗鼓，王者之食樂也。詩云：鼓鍾伐鼗。念孫案鼗鼓而食，當爲伐鼗而食。今作鼗鼓者，涉注文而誤也。周官大司樂曰：王大食三侑，皆令奏鍾鼓。奏鍾鼓而食，故曰伐鼗而食。高注引詩鼓鍾伐鼗，正釋伐鼗二字之義。若云鼗鼓而食，則文不成義矣。且伐鼗而食，奏雍而徹，相對爲文。荀子正論篇曰：曼而饋，伐皋而食。今本伐誤作代。辯見荀子。皋與鼗同。考工記：鑼人爲皋鼓是也。雍而徹乎五祀，卽淮南所本也。玉海音樂部樂器類，引此正作伐鼗而食。

### 伐紉

武王伐紂。發鉅橋之粟。散鹿臺之錢。封比干之墓。表商容之闕。朝成湯之廟。解箕子之囚。念孫案伐紂本  
作克殷。此後人妄改之也。下文解箕子之囚。高注武王伐紂。下文所述六事。皆在克殷以後。若改克殷爲  
伐紂。則自孟津觀兵以後。皆是伐紂之事。與下文不合矣。羣書治要引此。正作武王克殷。又齊俗篇。昔武  
王執戈秉鉞。以伐紂勝殷。摺笏杖笏。以臨朝。伐紂二字。亦後人所加。執戈秉鉞。以勝殷。摺笏杖笏。以臨朝。  
相對爲文。加入伐紂二字。則文不成義。且與下句不對矣。太平御覽兵部八十四。引此無伐紂二字。蓋後  
人熟於武王伐紂之語。遂任意增改。而不顧文義。甚矣其妄也。

其所事者多

夫聖人之智。固已多矣。其所守者有約。故舉而必榮。愚人之智。固已少矣。其所事者多。故動而必窮矣。念  
孫案其所事者多。多上亦當有有字。其所守者有約。其所事者有多。兩有字皆讀爲又。又與固已。文義相  
承。羣書治要引此。正作其所事者又多。荀子王霸篇。引孔子曰。知者之知。固已多矣。有以守少。能無察  
乎。愚者之知。固已少矣。有以守多。能無狂乎。此卽淮南所本。

捨其易成者

夫以正教化者。易而必成。以邪巧世者。難而必敗。凡將設行立趣於天下。捨其易成者。而從事難而必敗  
者。愚惑之所致也。念孫案捨其易成者。當作捨其易而必成者。今本脫而必二字。則與上文不合。文子微  
明篇。正作捨其易而必成。

仁智錯

故仁智錯有時合。合者爲正。錯者爲權。念孫案故仁智錯有時合。當作故仁智有時錯。有時合。

事可權者多。愚之所權者少。此愚者之所多患。

人之情不能無衣食。衣食之道必始於耕織。萬民之所容見也。容與公古字通。劉本非。物之若耕織者。始初

甚勞。終必利也。衆句。愚人之所見者寡。事可權者多。愚之所權者少。此愚者之所多患。念孫案事可權者

多二句。當作事之可權者多。對上文物之若耕織者。愚人之所權者少。對上文愚人之所見者寡。各本脫之字。人字。則

文義不明。此愚者之所多患。劉本作此愚者之以多患也。案當作此愚者之所以多患也。對下文此智者

道藏本脫以字也。字。劉本脫所字。

遲利

仁以爲質。智以行之。兩者爲本。而加之以勇力辯慧。捷疾劬錄。巧敏遲利。聰明審察。盡衆益也。念孫案遲

利二字。義不相屬。遲當爲犀。字之誤也。犀亦利也。漢書馮奉世傳。器不犀利。如淳曰。今俗刀兵利爲犀。自

勇力以下。皆兩字同義。

懷給 棄驥而不式

故不仁而有勇力果敢。則狂而操利劍。不智而辯慧懷給。則棄驥而不式。高注曰。不智之人。辯慧懷給。不



知所裁之。猶乘驥而或。道藏本如是。棄字雖誤。而或字尚未誤。各本或作乘驥而式。或作棄驥而式。皆後人據已誤之正文。改未誤之注文也。辯見下。不知所詣也。懷佞也。念孫案懷與佞義不相近。懷皆當爲懷字之誤也。懷與儼同字。或作讓。方言曰。儼。慧也。說文同。又曰。讓。讓。慧也。廣雅曰。辯。儼。慧也。卽此所云辯。慧。懷。給也。楚辭九章。忘儼媚以背衆兮。王注曰。儼。佞也。正與高注同。棄驥而不式。本作乘驥而或。因乘誤爲棄。或作棄。二形相似。或誤爲式。草書或後人遂於式上加不字耳。或與惑同。故高注云。不智之人。辯。慧。懷。給。不知所裁之。猶乘驥而或。不知所詣也。呂氏春秋當務篇曰。辯而不當論。信而不當理。勇而不當義。法而不當務。或而乘驥也。狂而操吳干將也。春秋繁露必仁且知篇曰。不仁而有勇力材能。則狂而操利兵也。不知而辯。慧。懷。給。則迷而乘良馬也。是皆其明證矣。儼亦與儼同。

專誠

誠身有道。心不專一。不能專誠。念孫案以上文例之。則不能專誠。當作不能誠身。據高注云。不脩其本。而欲得悅親誠身之名。皆難也。則正文本作不能誠身明矣。今作不能專誠者。涉上文心不專一而誤。中庸作誠身有道。不明乎善。不誠乎身矣。次句雖異義。而首句三句則同。

淮南內篇第十

釋義

從天之道

黃帝曰。芒芒昧昧。從天之道。與元同氣。念孫案。道本作威。今作道者。後人不解威字之義。而妄改之也。文選注。引此已誤。案威者。德也。言從天之德也。廣雅曰。威。德也。周頌有客篇。既有淫威。降福孔夷。正義曰。言有德故易福。風俗通義十反篇曰。書曰。天威棗謚。言天德輔誠也。是古謂德爲威也。後秦族篇及呂氏春秋應同篇。並云黃帝曰。芒芒昧昧。因天之威。與元同氣。文子上仁篇。因天之威。與元同氣。用秦族篇文也。上下文皆符言篇。從天之威。與元同氣。用此篇文也。下文故至德言同略事。然則秦族作因天之威。此作出秦族篇。同指云云。皆出此篇。從天之威。雖因與從不同。而威字則同矣。

仁義

君子非仁義無以生。失仁義則失其所以生。小人非嗜欲無以活。失嗜欲則失其所以活。故君子懼失仁義。小人懼失利。念孫案。三仁字。皆原文所無。此後人依上文加之也。不知此八句與上異義。上文是言仁義不如道德。此文是言君子重義。小人重利。故以義與利欲對言。而仁不與焉。太平御覽人事部六十二義下。引此無三仁字。文子微明篇同。

致尊

聖人之道。猶中衡而致尊邪。過者製酌。多少不同。各得其所宜。念孫案致尊當爲設尊。字之誤也。藝文類聚雜器物部。太平御覽居處部二十三。器物部六。引此竝作設尊。

得賢

己未必得賢。而求與己同者。而欲得賢。亦不幾矣。念孫案己未必得賢。得字因下文得賢而衍。羣書治要引此無得字。

物莫無所不用

物莫無所不用。念孫案此當作物莫所不用。莫卽無也。無字蓋涉下文無所不用而衍。

意而不戴

勇士一呼。三軍皆辟。其出之誠也。舊本誠字誤在也字下。今據文子精誠篇改正。故倡而不和。意而不戴。中心必有不合者也。高說意而不戴云。意。悲聲也。戴。嗟也。念孫案高說非也。戴讀爲載。鄭注堯典曰。載。行也。言上有其意。而不行於下者。誠不足以勸之也。下文云。上意而民載。誠中者也。高注曰。上有意而未言。則民皆載而行之。是其證矣。文子精誠篇。正作意而不載。

王天下

故舜不降席而王天下者。求諸己也。念孫案王當爲匡。字之誤也。匡。正也。正己而天下自正。故曰舜不降

席而匡天下者。求諸己也。己不正則不能正人。故下文曰。身曲而景直者。未之聞也。下文又曰。故舜不降  
席而天下治。彼言天下治。此言匡天下。其義一也。今本作王天下。則非其指矣。文子精誠篇。作不下席而  
匡天下。韓詩外傳及新序雜事篇。竝作不降席而匡天下。

### 感忽

說之所不至者。容貌至焉。容貌之所不至者。感忽至焉。念孫案。感忽者。精誠之動人者也。故下文曰。感乎  
心。明乎智。發而成形。精之至也。可以形勢接。而不可以昭認。廣雅。認。告也。荀子議兵篇曰。善用兵者。感忽悠閑。  
莫知其所從出。義與此相近。道藏本茅本竝作感忽。文子精誠篇同。劉本誤爲感或。而莊本從之。謬矣。

### 克不能及

中行繆伯。手搏虎而不能生也。高注。力能殺虎。而德不能服之。蓋力優而克不能及也。猶能也。念孫案。克不能及。當爲克  
不及。克能也。言搏虎之力雖優。而服虎之能則不及也。優與不及。義正相對。則及上不當有能字。高注。克  
猶能也。是指上句能字而言。正文能字。卽因上句能字而衍。

### 行斯乎其所結 釋近斯遠

終年爲車。無二寸之鏐。不可以驅馳。匠人斲戶。無一尺之榱。不以可閑藏。故君子行斯乎其所結。道藏本  
本斯作思。乃後人以意改之。莊從各本作思。非。念孫案。斯當爲期。字之誤也。言君子行事。必期其所終也。高注。結。要終也。又下文釋近斯



遠塞矣。斯亦當爲期。釋近期遠塞矣。謂道在邇而求諸遠。則必塞也。文子精誠篇。作舍近期遠。是其證。

遠害

故禹執干戚。舞於兩階之間。而三苗服。鷹翔川魚鼈沈。飛鳥揚。必遠害也。念孫案。遠害本作遠實。此後人以意改之也。據高注云。鷹懷欲矣。與肉同。欲肉者欲食肉也。各本實字皆誤作害。辯見原道篇欲寅之心下。之心。鳥魚知其情實。故遠之。則本作遠實明矣。太平御覽鱗介部四。引此正作遠實。此承上文忠信行於內。感動應於外而言。言禹有忠信之實。故舞干戚而三苗服。鷹有欲肉之實。故魚鳥皆遠之。若無其實而能動物者。則未之有也。後人改遠實爲遠害。失其指矣。

苟簡易

故君之於臣也。能死生之。不能使爲苟簡易。念孫案。簡字後人所加。高注云。君不能使臣爲苟合易行之義。則無簡字明矣。下文曰。父之於子也。能發起之。不能使無憂尋。與此相對爲文。加一簡字。則文不成義。且與下文不對矣。

慙乎景

夫察所夜行。周公慙乎景。故君子慎其獨也。念孫案。慙上當有不字。方與下意相屬。文子精誠篇。作聖人不慙於景。晏子春秋外篇。君子獨立不慙于景。獨寢不慙于寢。

至至

故至至不容。高注曰：至道之人，不飾容也。劉本改至至爲至人。各本及莊本同。又下文故至至之人，不可遏奪也。高注曰：言至道之人，其心先定，不可隨以利奪其志也。劉本又改至至爲至道。各本及莊本同。念孫案：劉不解至至二字之意。又見高注兩言至道之人，故或改爲至人，或改爲至道。不知至至卽至道也。至至之人，卽至道之人也。下文云：故聖人栗栗乎其內，而至乎至極矣。至乎至極，卽所謂至至也。本經篇未可與言至也。高注亦曰：至，至德之道也。是道之至極，卽謂之至。至乎道之至極，卽謂之至至。故此兩注皆以至至爲至道也。劉不曉注意，而以注文改正文，謬矣。下文又云：至至之人。唯此至至二字，劉本未改。不慕乎行，不慚乎善。至至二字前後三見，何不察之甚也。

不身遁

不身遁，斯亦不遁人。高注曰：遁，隱也。已不自隱身之行，亦不隱之於人也。念孫案：不身遁，身當爲自。字之誤也。據高注云：不自隱身之行，則所見本已誤作身。上文非自遁也。高注云：遁，欺也。廣雅同。遁字亦作遜。俗務篇：密於形者，不可遜以狀。高注曰：遜，欺也。此言自遁，亦謂自欺也。不自欺，斯不欺人。故下二句云：若行獨梁，不爲無人，不兢其容，謂不自欺也。古者謂欺爲遁。管子法禁篇曰：遁上而遁民者，聖王之禁也。謂上欺君而下欺民也。賈子過秦篇曰：姦僞竝起而上下相遁。史記酷吏傳序曰：姦僞萌起，其極也。上下相遁，皆謂上下相欺也。

夫子曰弦則是也其聲非也

故心哀而歌不樂心樂而哭不哀夫子曰弦則是也其聲非也高注曰閔子騫三年之喪畢援琴而彈其弦是也其聲切切而哀事見拾風引之曰上文申喜遇母及艾陵之戰皆直敘其事此未敘其事而忽云夫子曰弦則是也其聲非也則不知所指為何事矣疑閔子騫三年之喪畢援琴而彈十二字本是正文在夫子曰上而寫者誤入注也

矜怛

矜怛生於不足高注曰怛驕也念孫案慘怛之怛無訓為驕者但皆當為怛字之誤也說文怛驕也字從且不從旦玉篇秦呂子御二切廣雅曰驕通作怛傲侮慢傷通作也高注汜論篇曰驕驕怛也竝與此注同義怛訓為驕故言矜怛也又呂氏春秋審應篇使人戰者嚴駟也高注曰嚴尊也駟驕也說文又云驕驕也文選嵇康幽憤詩恃愛肆姐不訓不師怛嬗姐駟竝字異而義同

理詘倨侂

容貌顏色理詘倨侂劉續云後有倨句詘伸見兵略篇疑此作詘伸倨句衍理字念孫案劉說是也倨句猶曲直也樂記曰倨中矩句中鈎伸誤為倨句誤為侂因倨字而理字因下文循理而衍各本侂字又誤為侂而莊本從之謬矣

### 刑於寡妻

刑於寡妻。至於兄弟。禪於家國。念孫案刑於寡妻。本作施於寡妻。此後人依大雅改之也。不知施於寡妻。禪於家國。皆用詩意。而小變其文。與直引詩詞者不同。無煩據彼以改此也。文選漢高祖功臣頌注。引此正作施於寡妻。施讀若施于孫子之施。

### 大而章

君子之道。近而不可以至。卑而不可以登。無載焉而不勝。大而章。遠而隆。念孫案大而章。大當爲久。字之誤也。此言君子之道。始於卑近。而終於高遠。是以久而彌章。遠而彌隆。上文云。聖人之爲治。漠然不見賢焉。終而後知其可大也。意正與此同。若云大而章。則義與下句不類矣。文選答賓戲。時暗而久章者。君子之真也。李善注引此文云。君子之道。久而章。遠而隆。是其明證矣。

### 漂池

鑿地漂池。非止以勞苦民也。各從其蹠而亂生焉。高注曰。人或有鑿穿。或有填池。言用心異也。念孫案如高注。則漂池當作湮池。湮訓爲塞。故注言填池也。非止以勞苦民也。止疑當作正。上文曰。故人之甘甘。非正僞蹠也。僞與爲同。而蹠焉往。君子之惜恒。非正僞形也。而諭乎人心。語意與此相似。

### 循性而行指



太公何力比于何罪循性而行指或害或利念孫案循性而行指謂率其性而行其志也呂氏春秋行論篇布衣行此指於國高注曰指猶志也劉本改指爲止而諸本從之莊本謬矣

必其得福

故君子能爲善而不能必其得福不忍爲非而未能必免其禍念孫案必其得福當依文子符言篇作必得其福與必免其禍相對爲文

厚膊

故同味而嗜厚膊者必其甘之者也高注曰厚膊厚切肉也念孫案說文膊薄脯膊之屋上也非切肉之義膊皆當爲膊字之誤也說文膊切肉也玉篇旨竟切廣雅膊膊也說文膊切肉也字從專不從專膊之言割也鄭注文王世子曰割割也故高注以膊爲切肉鍾山札記以膊爲野字之誤非也

分分

福之萌也縣縣禍之生也分分福禍之始萌微故民嫚之念孫案分分當爲介介字之誤也俗本作介形相似故傳寫多譌莊三十年穀梁傳燕周之分子也釋文分本或作介周官內宰注介介次也釋文介或作分非大宗伯注雉取其守介而死釋文介或作分莊子庚桑楚篇介而離山釋文介一本作分春秋繁露立元神篇介障險阻介介微也豫六二介于石繫辭傳憂悔吝者存乎介虞注並云介纖也齊策曰無纖介之禍是介爲微小之稱禍之生也介介與憂悔吝者存乎介意正相近縣縣介介皆微也故曰福禍

之始萌微。父子微明篇作禍之生也紛紛。則後人妄改之耳。

行政善善未必至也

周政至。殷政善。夏政行。行政善。善未必至也。至至之人。不慕乎行。不慙乎善。念孫案行政善善未必至也。當作行政未必善。善政未必至也。今本上句脫未必二字。下句脫政字。則文義不明。高注夏政行曰。行尙粗也。是行政未必善也。又注殷政善曰。善施教未至於道也。是善政未必至也。又注周政至曰。至於道也。故曰至至之人。不慕乎行。不慙乎善。至至即至道。既見上文至至下。

矣鐸

義之所加者淺。則武之所制者小。句矣鐸以聲自毀。膏燭以明白鑠。梁氏處素曰。矣當爲吳。字之誤也。吳鐸二字連讀。故高注云。鐸大鈴。出於吳。鹽鐵論利議篇。吳鐸以其舌自破。是其證。太平御覽人事部一百。引此正作吳鐸以聲自毀。

舉以大政 后稷爲大田師奚仲爲工

寧戚擊牛角而歌。桓公舉以大政。念孫案舉以大政。本作舉以爲大田。此後人以意改之也。舉以大政四字。舉後人不知大田爲官名。故妄改之耳。文選江淹雜體詩注。引此作舉以爲大田。又引高注曰。大田。官也。當作大田。田官也。今則既改正文。又刪去高注矣。高注詮言篇曰。寧戚疾商歌以干桓公。桓公舉以爲大田。晏子春秋問篇曰。桓公

聞寧戚歌舉以爲大田此皆其明證也。管子小匡篇曰：藝草入邑，辟土聚粟，盤地之利，臣不如寧戚。請立大田以爲大司田。呂氏春秋勿躬篇：作諸置以爲大田。韓子外儲說左：作大田。又齊俗篇：后稷爲大田師。奚仲爲工師。字當在工字下。田後人不知大田爲官名，故又移師字於大田。田官之長也。工師，工官之長也。文子自然篇：作后稷爲田師，奚仲爲工師，是其證。

大弦組 小弦急

治國辟若張瑟。大弦組則小弦絕矣。高注曰：組，急也。念孫案：組皆爲組，字之誤也。組讀若互，字本作組。又作組。說文：組，引急也。又曰：組，急也。楚辭九歌：組瑟兮交鼓。王注曰：組，急張弦也。組卽組之省文。馬融長笛賦云：組瑟促柱，是也。意林及太平御覽治道部五引此，並作大弦組。是其證。秦族篇云：故張瑟者，小弦組而大弦緩，義與此同也。高注亦云：組，急也。今本則依文子改爲小弦急，并刪去高注矣。藝文類聚治道部上，文選長笛賦注，引此並作小弦組。又引高注：組，急也。是正今本之謬。

積恨而成怨 桀紂之謗

壹快不足以成善，積快而爲德，壹恨不足以成非，積恨而成怨。桀紂之謗，謗亦本作惡。皆後人妄改之也。壹快不足以成善，歲之積毀也。念孫案：積恨而成怨，怨本作惡。桀紂之謗，謗亦本作惡。皆後人妄改之也。壹快不足以成善，積快而爲德者，德亦善也。言一爲善而快於心，不足以成善，多爲善則積快而爲德矣。壹恨不足以成非，積恨而成惡者，恨，悔也。大雅雲漢傳：悔，恨也。漢書李廣傳：將軍非亦惡也。言一爲不善而悔於心，不足以成非，多爲不善則積悔而成惡矣。快與恨對，善與非對，德與惡對，皆謂己之善惡，非謂人之恩怨也。後人

誤以德爲恩德。恨爲怨恨。故改惡爲怨耳。三代之善。千歲之積譽也。桀紂之惡。千歲之積譏也。善與惡對。譽與毀對。改惡爲謗。則既與善字不對。又與毀字相複矣。文選運命論注。引此正作桀紂之惡。

### 二鳳凰

昔二鳳凰至於庭。劉本作昔二皇鳳凰至於庭。念孫案此本作昔二皇鳳至於庭。文選注。藝文類聚。太平御覽。玉海。並引高注。二皇。必義神農也。今本脫之。原道篇。泰古二皇。高注與此注同。道藏本皇字。倒在鳳字下。因誤而爲鳳。劉本補皇字而未刪鳳字。各本及皆非也。文選長笛賦注。藝文類聚祥瑞部下。太平御覽羽族部二。及爾雅翼。玉海祥瑞部。引此並作二皇鳳至於庭。無鳳字。

### 兼覆蓋 度伎能 兼覆而并之 技能其才

兼覆蓋而并有之。度伎能而裁使之者。聖人也。高注曰。裁制也。度其技能而裁制使之。念孫案正文本作兼覆而并有之。伎能而裁使之。注本作度其能而裁制使之。伎之言支也。支度也。大雅。禮保。傳篇。燕文。地。注。支猶計也。賈子。胎。教篇。作度地計。衆。注。言度其能而裁制使之。度字正釋伎字。今本注文作度其技能者。涉正文而衍伎字也。太平御覽。正文作度伎能者。又涉注文而衍度字也。此御覽引。因正文衍度字。後人又於上句加蓋字。以對下句。兼覆蓋而并有之。斯爲不詞矣。太平御覽人事部一。引此正作兼覆而并有之。技能而裁使之。伎與。文子符言篇同。又齊俗篇。若以聖人爲之中。則兼覆而并之。案彼文并下當有有字。兼覆而并有之。



文與此同也。又兵略篇必擇其人。技能其才。使官勝其任。人能其事。案技能其才能字。涉下文能其事而衍。技其才亦謂度其才也。擇其人。技其才。官勝其任。人能其事。皆相對爲文。則技下不當有能字。且能卽是才。若云技能其才。則是技能其能矣。

淮南內篇第十一

齊俗

僞匿之本

夫水積則生相食之魚。土積則生自突之獸。突與肉同。各本突誤作犬。辯見原道欲寅之心下。禮義飾則生僞匿之本。太平御覽禮儀部二引此僞匿之本。作僞隱之儒。又引注曰。僞詐隱姦。念孫案隱匿古字通。說見泰族民無匿情下。本當爲士。僞匿之士。與相食之魚。自肉之獸。相對爲文。若云僞匿之本。則與上文不類矣。御覽作僞隱之儒。儒亦士也。赫書士字或作本。見漢仙人唐公房碑陰。與本相似。又涉上文禮義之本而誤。

致煖 兵戈

其衣致煖而無文。其兵戈銖而無刃。高注。楚人謂刃爲銖。念孫案此本作其衣煖而無文。其兵銖而無刃。後人於煖上加致字。於義無取。戈爲五兵之一。言兵而戈在其中。不當更加戈字。且其衣致煖。與其兵戈銖不對。

抽算扣墳墓

悔惡

讀 齋 雜 志 十三 卷 內篇第十一

鵲水中蠶蟲化為蟪蟪者。蟪蟪也。此蓋說林篇水蠶為蟪高注曰水蠶化為蟪蟪青蛭也皆其明證矣今本作水蠶為蟪忘者蟪為蟪之誤蟪字從虫思聲諫書思或作慧又作慧其上半與每相近蟪或作蟪因證也皆其忘為忘之誤忘俗書蔥字也與蟪同音校書者記忘字於蟪字之旁而寫者因誤合之耳又案高注青蛉也下各本皆有音矛音務四字蓋蟪忘二字既誤為蟪忘後人遂妄加音釋耳字彙補乃於虫部收入蟪字音矛又於草部忘字下注云音務引淮南子水蠶為蟪忘甚矣其惑也

筐

柱不可以摘齒。摘讀若剔筐不可以持屋。高注曰筐小簪也。太平御覽居處部十五引作蓬不可以持屋。念孫案筐與蓬皆筵字之誤也。筵讀若庭。又讀若挺。庭挺皆直也。爾雅庭直也考工記弓人注曰挺直也小簪形直故謂之筵。謂之筵小折竹謂之筵草莖謂之筵杖謂之挺皆以直得名柱與筵大小不同而其形皆直故類舉之。若筐與蓬則非其類矣。玉篇筵從丁切小簪也。義即本於高注。此言大材不可小用小材不可大用故柱可以持屋而不可以摘齒小簪可以摘齒而不可以持屋也。筵字隸書或作筵。諫書從竹之字或從草形與蓬相似筐與筵草書亦相似故筵誤為筐又誤為蓬矣。

函食不如簠 筴軍

夫明鏡便於照形其於以函食不如簠。念孫案函食不如簠本作承食不如竹算。算博計反今本承誤為函算。

誤爲簞。簞誤爲簞。又脫去竹字耳。說文算蔽也。所以蔽甑底。承讀爲烝之浮浮之烝。謂用以烝食也。漢地理志長沙國承陽師古曰承音烝續漢書郡國志作烝陽是烝與承通太平御覽器物部引此作烝食今人猶謂甑中蔽爲算子世說云客詣陳太邱宿太邱使元方季方炊二人委而竊聽炊忘箸算飯落釜中是也說山篇云弊算甑甑在旃茵之上雖貪者不搏是算爲物之賤者然明鏡雖貴若用以蔽甑底則氣不上升而食不熟竹算雖賤而可以烝食故下文云物無貴賤因其所貴而貴之物無不貴因其所賤而賤之物無不賤也鏡形圓算形亦圓故連類而及之若簞筭之屬則儻之不於其倫矣且算與螟爲韻若作簞則失其韻矣太平御覽服用部鏡下引淮南子明鏡便於照形承食不如竹簞雖承字不誤而簞字已與今本同然器物部算下又引淮南子明鏡可鑑形蒸食不如竹算。是則服用部作簞者後人據誤本淮南改之耳北堂書鈔服飾部鏡下引作承食不如竹簞簞亦算之誤又案說山篇弊算甑甑今本算作簞非也說文算蔽也所以蔽甑底從竹界聲玉簞博計切急就篇云筭筭篋算筭是也說文又云筭筭筭也從竹卑聲玉簞必匙必是二切急就篇云筭筭筭筭筭是也此言蔽算甑甑則是甑算之筭非筭筭之筭字不當從卑

### 代爲常

見雨則裘不用升堂則裘不御此代爲常者也陳氏觀樓曰常當爲帝字之誤也太平御覽服章部代爲帝謂裘與裘迭爲主也說林篇曰旱歲之士龍疾疫之歲龍是時爲帝者也莊子徐無鬼篇曰董也枯槁



也。雞離也。豕零也。是時爲帝者也。義竝與此同。

肆

譬若舟車楯肆窮廬。故有所宜也。高注曰。沙地宜肆。修務篇。水之用舟。沙之用肆。泥之用輶。山之用藁。念孫案肆當作肆。玉篇乃字相似而誤。文子自然篇。正作沙用肆。朱本茅本莊本依呂氏春秋。篇。肆作沙之用鳩。非也。鳩與肆形聲皆不相近。若是鳩字。不得誤爲肆矣。或又因說文無肆字。而以肆爲槩。槩與肆形聲亦不相近。且修務篇明言沙用肆。山用藁。與槩同。肆藁不同物。何得以肆爲槩乎。

過簫

若風之過簫。忽然感之。各以清濁應矣。陳氏觀樓曰。各本過字皆誤作遇。莊本唯道藏本不誤。文子自然篇正作若風之過簫。

以物

凡以物治物者。不以物。句以睦。句治睦者。不以睦。以人治人者。不以人。以君念孫案凡以物治物者。以物二字。因下文而衍。呂氏春秋貴當篇。文子下德篇。皆無此二字。

哀可樂者

夫載哀者。聞歌聲而泣。載樂者。見哭者而笑。哀可樂者。笑可哀者。載使然也。念孫案哀可樂者。者字因下

句而衍。

水擊 智昏

故水擊則波興。氣亂則智昏。智昏不可以爲政。與正同。波水不可以爲平。念孫案水擊當爲水激。聲之誤也。羣書治要引此正作激。汜論篇亦云。水激與波。智昏不可以爲政。智昏當爲昏智。昏智與波水相對。謂既昏之智。不可以爲正。已波之水。不可以爲平也。今本作智昏者。蒙上句而誤。文子下德篇。正作昏智。不可以爲正。

萬物之情既矣

故聖王執一而勿失。萬物之情既矣。四夷九州服矣。高注曰。既盡也。各本脫此。注對本有。念孫案既本作測。高注本作測盡也。今本正文注文皆作既。後人以意改耳。羣書治要引此正作測。原道篇。水大不可極。深不可測。主術篇。天道大不可極。深不可測。呂氏春秋下賢篇。昏乎其深而不測也。高注竝云。測。盡也。詳見經義述深。厚下。後人但知既之訓爲盡。而不知測之訓爲盡。遂以其所知改其所不知。謬矣。且測與服爲韻。字服既見。唐韻正。若作既。則失其韻矣。

人之所能已

不強人之所不能爲。不絕人之所能已。陳氏觀溪曰。能已上亦當有不字。文子上仁篇。正作不絕人所不

能已。

樂優以淫

禮飾以煩。樂優以淫。念孫案文子上仁篇。優作擾。於義爲長。擾亦煩也。俗書擾字作擾。與優相似而誤。

義者宜也。禮者體也。

義者。循理而行宜者也。下者字據下文及太平御覽禮儀部二補。禮者。體情而制文者也。而字據上文及太平御覽禮部二補。義者。宜也。禮者。體也。引之曰。上二句卽是訓義爲宜。訓禮爲體。不須更云義者宜也。禮者體也矣。疑後人取中庸禮器之文配於旁。而寫者因誤入正文也。

有虞氏之祀

有虞氏之祀。其社用土。祀中霤。葬成畝。念孫案有虞氏之祀。祀當爲禮。此涉下文祀中霤而誤也。有虞氏之禮。總下三事而言。不專指祭祀。下文夏后氏之禮。今本脫之禮二字。據下文補。殷人之禮。周人之禮。皆其證。

遂反於樸

已淫已失。與佚同。復揆以一。既出其根。復歸其門。已雕已琢。遂反於樸。念孫案遂當爲還。字之誤也。還字與上文兩復字同義。作遂則非其指矣。原道篇及說苑說叢篇。竝云已雕已琢。還反於樸。是其明證也。莊子山木篇云。既雕既琢。復歸於朴。韓子外儲說左篇云。既雕既琢。還歸其樸。還亦復也。此皆淮南所本。

草薺

譬若芻狗土龍之始成。文以青黃。絹以綺繡。太平御覽引作飾以綺繡。莊子天運篇作巾以文繡。縹以朱絲。尸祝裨苴。大夫端冕。以送迎之。及其已用之後。則壤土草薺而已。各本薺下有音出二字。莊曰。太平御覽薺作芥。韋王芥正字。薺部二。奇字。念孫案音出二字。後人所加。高注皆言讀某字。無言音某者。考說文玉篇廣韻集韻。皆無薺字。或音出。或以爲芥之奇字。皆不知何據。余謂薺者薺之壞字也。草薺卽草芥。史記賈生傳。細故懲薺兮。今本薺作薺。文選薺鳥賦注。引薺冠子。作細故薺。又云。薺薺與薺芥。古字通。玉篇薺。薺俗薺字。索隱曰。薺音介。漢書作薺芥。是芥薺古字通。故此作薺。御覽作草芥也。

大雨

故當舜之時。有苗不服。於是舜修政。偃兵。執干戚而舞之。禹之時。天下大雨。禹令民聚土積薪。擇邱陵而處之。念孫案。天下大雨。雨本作水。此後人妄改之也。唯天下大水。是以令民聚土積薪而處邱陵。若作大雨。則非其指矣。後人改水爲雨者。以與舞處二字爲韻耳。不知此文但以舞處爲韻。餘皆不入韻也。要略正作禹之時。天下大水。

故不爲三年之喪始

武王伐紂。載尸而行。海內未定。故不爲三年之喪始。禹有洪水之患。各本有作遭。乃後人以意改之。文選海賦注。應璩與從弟君苗君胃書注。



太平御覽禮儀部三十四引此並作有今據改陂塘之事故朝死而暮葬道藏本不爲三年之喪始下注云三年之喪於武王念孫案故不爲三年之喪始當作故爲三年之喪高注當作三年之喪始於武王藏本始字誤入正文正文爲三年之喪上又衍不字則正文注文皆不可讀矣且上文以舞處爲韻此以行喪葬爲韻若喪下有始字則失其韻矣此言武王爲三年之喪而禹則朝死暮葬與武王不同非謂武王不爲三年之喪也下文云修干戚而笑鏹插知三年而非一日今本非上脫而字據上句補干戚二字承上文舜舞干戚而言鏹插二字承禹令民聚土而言一日二字承禹朝死暮葬而言三年二字則承武王爲三年之喪而言若云不爲三年之喪則與下文相反矣要略云武王誓師牧野以踐天子之位天下未定海內未輯武王欲昭文王之令德使夷狄各以其賄來貢遼遠未能至故治三年之喪殯文王於兩楹之間以俟遠方彼言武王治三年之喪正與此同若云不爲三年之喪則又與要略相反矣道應篇述武王之事亦云爲三年之喪令類不蕃以上三篇皆謂武王始爲三年之喪故高注云三年之喪始於武王也藏本作三年之喪於武王者始字誤入正文耳劉績不知是正又改注文爲三年之喪於武王廢朱本又改爲言始廢於武王也莊本皆由同正文誤作不爲三年之喪故又改注文以從之耳

爲人

是故不法其以成之法以與已同而法其所以爲法所以爲法者興化推移者也夫能興化推移爲人者至貴

在焉爾。念孫案夫能與化推移者。乃復舉上文之詞。推移下不當有爲人二字。蓋涉下文與造化爲人而衍。

### 鉗且

鉗且得道以處崑崙。莊氏伯鴻曰。莊子太宗師篇。堪坏得之以襲崑崙。陸德明釋文云。堪坏神名。人面獸形。司馬彪注。淮南作欽負。是唐本鉗且作欽負也。字形近。故誤耳。程文學據山海經云。是與欽鴟殺祖江于崑崙之陽。西山經。後漢書注引作欽駮。張衡傳。皆古字通用。錢別駕云。古丕與負通。故尙書丕子之責。史記作負子。丕與負通。因之從丕之字。亦與負通也。堪欽亦同聲。念孫案程錢莊說皆是。

### 齊味

今屠牛而烹其肉。或以酸。或以甘。言或用酸。或用甘也。舊本作或以爲酸。或以爲甘。兩爲字皆後人所加。北堂書鈔酒食部四。太平御覽資產部八。飲食部十一。引此皆無兩爲字。今據刪。煎敖燎炙。齊味萬方。念孫案齊味當爲齊味。字之誤也。齊讀若劑。味卽今和字也。讀若甘受和之和。舊本北堂書鈔及太平御覽。引此竝作齊和萬方。陳禹謨改齊和萬方。爲有萬方。謬甚。和與齊義相近。鄭注周官鹽人云。齊事和五味之事。又注少儀云。齊謂食羹醬飲有齊和者也。高注呂氏春秋本味篇云。齊和分也。本經篇云。煎熬炙炙。調齊和之適。鹽鐵論通有篇云。庖宰烹殺胎卵。煎炙齊和。窮極五味。新序雜事篇云。管仲善斷割之。隰朋善煎熬之。賓胥無善齊和之。漢書藝文志云。調百藥齊和之所宜。皆其證也。又案和字說文本

作咏。今經傳皆作和。從隸變也。此咏字若不誤爲咏。則後人亦必改爲和矣。

撥棹

伐楸桺豫樟而剖梨之。或爲棺槨。或爲柱梁。披斷撥棹。所用萬方。高注曰。撥。析理也。遂順也。念孫案。如高注。則棹字本作遂。故訓爲順也。今作棹者。因上文棺槨柱梁等字而誤耳。茅本并注文亦改爲棹。而莊本從之。謬矣。

一體

故百家之言。指奏相反。其合道一體也。譬若絲竹金石之會樂同也。念孫案。體字因下文不失於體而衍。合道一與會樂同。文正相對。則一下不當有體字。下文又云。其知馬一也。其得民心鈞也。皆與此文同一例。

刀以剃毛

屠牛坦一朝解九牛。而刀以剃毛。念孫案。刀下當有可字。刀可以剃毛。賈子所謂芒刃不頓也。脫去可字。則文義不明。白帖十三。太平御覽兵部七十七。資產部八。引此皆有可字。

刀如新割

庖丁用刀十九年。而刀如新割。劉本於割下增剛字。念孫案。劉增是也。據高注云。礪磨刀石。則有礪字明。

矣。下刀字當作刃。刃刀字相似。又涉上刀字而誤也。刃如新剖。言刀刃不頓也。莊子養生主篇。今臣之刀十九年矣。而刀刃若新發於硯。呂氏春秋精通篇。宋之庖丁好解牛。用刀十九年而刃若新磨。研皆其證也。太平御覽資產部八。引此作刃如新砥。砥雖砥與剖不同。而字亦作刃。

### 所以巧

若夫規矩鉤繩者。此巧之具也。而非所以巧也。念孫案。巧也。上當有爲字。下文云。故弦。悲之具也。而非所以爲悲也。與此相對爲文。太平御覽工藝部九。引此正作非所以爲巧。文子自然篇同。

### 心手衆虛之間

游乎心手衆虛之間。念孫案。衆虛二字。因上文游乎衆虛之間而誤衍也。上文說庖丁解牛。批卻導竅。游刃有餘。故曰游乎衆虛之間。此是說工匠爲連鑣之事。不當言衆虛也。且心手之間。謂心與手之間也。則不當有衆虛二字。明矣。文子作遊於心手之間。無衆虛二字。

### 不知孰是孰非

今吾欲擇是而居之。擇非而去之。不知世之所謂是非者。不知孰是孰非。陳氏觀樓曰。不知孰是孰非。不知二字。因上句而衍。念孫案。羣書治要。引此無不知二字。

### 趣舍合



故趣舍合。卽言忠而益親。身疏。卽謀當而見疑。念孫案趣謂志趣也。七句反。趣合與身疏相對爲文。則趣下不當有舍字。蓋卽合字之誤而衍者也。文子道德篇正作趣合。

不能致

常欲在於虛。則有不能爲虛矣。若夫不爲虛而自虛者。此所慕而不能致也。念孫案此所慕而不能致也。義不可通。不能致當作無不致。上文欲在於虛。則不能爲虛。高注以爲爲者敗之。執者失之是也。聖人無爲故無敗。無執故無失。故曰若夫不爲虛而自虛者。此所慕而無不致也。所慕無不致。猶言所欲無不得。精神篇曰。達至道者。性有不欲。無欲而不得。義與此同也。今本作不能致者。涉上文不能爲虛而誤。文子道德篇正作此所欲而無不致也。

然忽不得

不通於道者。若迷惑。告以東西南北。所居聆聆。一曲而辟。然忽不得。復迷惑也。念孫案然忽不得。當作忽然不得。

倪

辟若倪之見風也。無須臾之間定矣。高注曰。倪。候風雨也。世所謂五兩者也。莊氏伯鴻曰。文選注引倪作統。玉篇平官。統。平管二切。許慎注云。統。候風也。楚人謂之五兩。攷古完與見字形相近。本多譌別。故論語莞爾之莞。陸

德明又作覓。此字義當作統爲是。念孫案莊以覓爲統之譌是也。道藏本朱本注竝作覓。候風雨也。雨乃羽字之譌。劉本改爲候風雨者。茅本又改爲候風者也。而莊本從之。誤矣。廣韻統船上候風羽。北堂書鈔舟部二十引注云。統者候風之羽也。太平御覽舟部四引許注云。統候風羽也。今本羽則高注雨字明是羽字之譌。文選江賦注引許注作候風也者。傳寫脫羽字耳。

### 治世之體

治世之體易守也。其事易爲也。其禮易行也。其責易償也。念孫案治世之體。羣書治要引此體作職。是也。俗書職字作職。體字作體。職誤爲體耳。職易守。事易爲。禮易行。責易償。四者義竝相近。若作體則與守字義不相屬。且與下三句不類矣。文子下德篇亦作職易守。下文云。甚宏師曠。不可與衆同職。又其一證矣。

### 跣鐻

故伊尹之興土功也。脩脛者使之跣鐻。高注曰。長脛以踢插者。使入深。太平御覽地部二。器物部九。引此鐻竝作鐻。念孫案鐻字是也。鐻卽舌也。跣踢也。文選舞賦注如此。淮南許注如此。故高注言踢插。說文。𦓐。玉篇。胡兩刀舌也。宋魏曰。𦓐。或作𦓐。玉篇云。今爲鐻。方言云。舌。宋魏之間謂之鐻。高注精神篇云。舌鐻也。青州謂之鐻。釋名云。鐻或曰鐻。鐻。剗也。剗地爲坎也。𦓐。𦓐。鐻字異而義同。亦同。今人謂舌爲鐻。鐻是也。使長脛者踢舌。則

入地深而得土多。故高注曰：長脰以蹋插者，使入深也。後人不識鑿字，遂妄改爲鑿。則所見本已然。案說文：鑿，大鉏也。鉏以手揮，非以足蹋，不得言跣鑿。且高注明言蹋插，不言蹋鑿。

毛嫱

待西施毛嫱而爲配，則終身不家矣。高注曰：西施毛嫱，古好女也。羣書治要引此，作西施絡慕。又引注，作西施絡慕。古好女也。太平御覽獸部八，引作落慕。念孫案廣韻及元和姓纂，絡落皆姓也。慕蓋其名。治要御覽所引者原文也。今本作毛嫱者，後人不知絡慕所出，又見古書多言毛嫱西施，故改之耳。不知他書自作毛嫱，此自作絡慕，不必同也。

竝用

然非待古之英俊而人自足者，因所有而竝用之。念孫案羣書治要引此，竝作遂。於義爲長。遂卽也。言因所有而卽用之，故不待古之英俊而人自足也。今本作竝者，後人依文子下德篇改之耳。

危爲禁

亂世之法，高爲量而罪不及，重爲任而罰不勝。危爲禁而誅不敢。念孫案危爲禁，本作危爲難。危爲難而誅不敢者，危猶高也。見緇衣鄭注難爲艱難之事，而責之以必能，及畏難而不敢爲，則從而誅之，正與上二句同意。後人不察，而改難爲禁，禁之正欲其不敢，何反誅之乎？文子下德篇，王作危爲難而誅不敢。莊子則

陽篇。匿爲物而愚不識。大爲難而罪不敢。重爲任而罰不勝。遠其塗而誅不至。呂氏春秋適威篇。煩爲教而過不識。數爲令而非不從。巨爲危而罪不敢。重爲任而罰不勝。文義竝與此同。

### 易其處

道德之論。譬猶日月也。江南河北。不能易其指。馳驚千里。不能易其處。念孫案。下易字本作改。此因上易字而誤也。意林及文選月賦注。鮑照觀月城西門解中詩注。引此下易字竝作改。

### 處世

故六騏驎。四馱驪。以濟江河。不若窾木便者。處世然也。高注曰。窾。空。念孫案。處世本作處勢。古者謂所居之地曰處勢。窾木謂舟也。言乘良馬濟江河。不若乘舟之便者。處勢使然也。莊子山木篇曰。王獨不見夫騰猿乎。得柘棘枳枸之間。危行側視。振動悼慄。處勢不便。未足以逞其能也。新序雜事篇曰。元媛在枳棘之中。恐懼而悼慄。危視而蹟行。處勢不便故也。史記蔡澤傳曰。翠鵠犀象。其處勢非不遠死也。漢書陳湯傳曰。故陵因天性。據真土。處勢高敞。又史記楚世家曰。處旣形便。勢有地利。有與淮南僞真篇曰。處使而勢利。處勢或曰勢居。逸周書周祝篇曰。勢居小者。不能爲大。賈子過秦篇曰。秦地被山帶河以爲固。自繆公以來。至於秦王。二十餘君。常爲諸侯雄。其勢居然也。淮南原道篇曰。故橘樹之江北。則化而爲橙。今本紀乃後人據考工。鵠鵠不過濟。辨渡汶而死。形性不可易。勢居不可移也。或言處。或言勢。或言處勢。或言



勢居其義一也。後人不識古義，而改處勢爲處世，其失甚矣。

箕子

王子比干，非不知箕子被髮佯狂，以免其身也。然而樂直行盡忠以死節，故不爲也。念孫案：箕子二字，因下文從箕子視比干而衍。下文曰：伯夷叔齊，非不能受祿任官，以致其功也。許由善卷，非不能撫天下，寧海內，以德民也。豫讓要離，非不知樂家室，安妻子，以偷生也。皆與此文同一例。若有箕子二字，則文不成義，且與下文不對矣。

不足以論之

故其爲編戶齊民，無以異。然貧富之相去也，猶人君與僕虜，不足以論之。念孫案：論當爲諭，字之誤也。諭或作喻。太平御覽人事部一百二十六，引此作不足以喻之。又引注云：喻猶方也。是其證。

由是

夫乘奇技，僞邪施者，僞與爲同自足乎一世之間，守正循理，今本循誤作脩，辯見原道不苟得者，不免乎飢寒之患。而欲民之去末反本，由是發其原而壅其流也。念孫案：由是當爲是由，由與猶同。羣書治要引此正作是猶。

仕鄙

故仕鄙在時不在行，利害在命不在智。陳氏觀樓曰：仕鄙當爲仁鄙，字之誤也。仁與鄙相反，利與害相反。

論衡命祿篇引此正作仁鄙。本經篇曰：毀譽仁鄙不立。漢書董仲舒傳曰：性命之情，或夭或壽，或仁或鄙。

決沈 先升

故江河決沈，一鄉父子兄弟相遺而走，爭升陵阪，上高邱，輕足先升，不能相顧也。念孫案沈當爲流，字之誤也。荀子勸學篇：瓠巴鼓瑟而流，魚出聽之。大戴禮作沈，魚而。江河決流爲句，一鄉二字下屬爲句，非以沈一鄉爲句。江河之決，所沈非止一鄉也。羣書治要引此，正作江河決流，又輕足先升，升字與上文相複。羣書治要引作輕足者，先無升字，於義爲長。

求水

扣門求水，莫弗與者，所饒足也。念孫案此用孟子語，則水下當有火字。羣書治要意林引此皆作求水火。



# 讀書雜誌

淮南內篇第十二

道應

無爲知 弗知之深

若是則無爲知與無窮之弗知孰是孰非。無始曰。弗知之深而知之淺。弗知內而知之外。弗知精而知之粗。念孫案。弗知之深之字。當在上文。無爲下。無爲之知與無窮之弗知相對爲文。今本無爲下脫之字。則文不成義。弗知下衍之字。則與下二句不對。莊子知北遊篇。作若是則無窮之弗知與無爲之知孰是而孰非乎。無始曰。弗知深矣。知之淺矣。弗知內矣。知之外矣。是其證。

形之不形

孰知形之不形者乎。念孫案。形之不形。當依莊子作形。形之不形。郭象曰。形自形耳。形形者。竟無物也。少一形字。則義不可通。劉子天瑞篇亦云。形之所形者實矣。而形形者未嘗有。

誰知

白公曰。然則人固不可以微言乎。道藏本如是。案詩箋儀禮注多云。以猶與也。上文人可以微言乎。即其證。劉本改以爲與。而諸本及莊本皆從之。蓋未達古訓也。孔子



曰何謂不可。謂也。誰知言之謂者乎。念孫案誰當爲唯。字之誤也。言唯知言之謂者。乃可與微言也。呂氏春秋精諭篇作唯知言之謂者爲可耳。劉子說符篇作唯知言之謂者乎。文子微明篇同。是其證。

先生

惠子爲惠王爲國法已成而示諸先生。先生皆善之。太平御覽治道部五引此同。念孫案先生二字。於義無取。呂氏春秋淫辭篇先生皆作民人。集韻類篇民字古作𠂔。人字唐武后作𠂔。疑𠂔誤爲先。𠂔誤爲生也。宋策吾欲藉子殺人。今本人作王亦至之誤。

曰善

以示翟煎曰善。念孫案曰善上當更有翟煎二字。以示翟煎。翟煎曰善。與上文示諸先生。先生皆善之。奏之惠王。惠王甚說之。文同一例。今本翟煎二字不重寫者。脫之也。太平御覽引此已誤。羣書治要引此作以示翟煎。翟煎曰善。呂氏春秋作以示翟煎。翟煎曰善也。皆其證。

有禮

治國有禮。不在文辯。念孫案有禮當爲在禮。字之誤也。在與不在。相對爲文。羣書治要引此正作在禮。

石乙

石乙入。念孫案石乙當爲石乞。字之誤也。乞卽乞之古文。非從乙聲。不得通作乙。人間篇及哀十六年左傳。史記楚世家五

子胥傳。墨子非儒篇。呂氏春秋分職篇。皆作石乞。

### 來附

攝女知。正女度。神將來舍。德將來附。若美。而道將爲女居。懇乎若新生之贖。而無求其故。懇各本誤作懇。見地形篇其  
人。下。念孫案德將來附若美。本作德將爲若美。此後人因上句神將來舍而妄改之也。若亦女也。德將爲  
若美。道將爲女居。相對爲文。若改爲德將來附。則若美二字。文不成義矣。此文以度舍居故爲韻。後人不  
知舍字之入韻。舍古讀若庶。故與度居故爲韻。後人讀舍爲始夜反。故不入韻。故改此句爲德將來附。以與度爲韻。不知古音度在御部。  
附在候部。說見六書音均表。附與度非韻也。莊子知北遊篇。作德將爲女美。而道將爲女居。文子道原篇。作德將  
爲女容。道將爲女居。皆其證。

### 直實知

直實知。不以故自持。念孫案直實知三字。文不成義。當從莊子文子作眞其實知。今本眞誤爲直。又脫其  
字。主術篇注曰。故巧也。眞其實知。不以故自持。莊子所謂去智與故。循天之理也。漢魏叢書本。改爲直實  
不知。以故自持。而莊本從之。斯爲謬矣。

### 攻翟 左人終人

趙襄子攻翟而勝之。左人終人。道藏本劉本朱本。左字並作尤。俗書左字作尤。因誤而爲尤。茅本改尤爲  
尤。而莊本從之。斯爲謬矣。呂氏春秋慎大篇作老人。亦左人之誤。晉語劉

子並作左人水經滹水注滹水東逕左人城南應劭曰左人城在唐縣西北四十里是也今改正念孫案攻翟上當有使字襄子使新稚狗攻翟而未親往故下文言使者來謁也羣書治要引此有使字晉語曰趙襄子使新稚穆子伐狄劉子說符篇同是其證左人終人句與上句義不相屬莊據劉子於句首加取字理或然也

今一朝兩城下

今趙氏之德行無所積今一朝兩城下亡其及我乎念孫案今一朝兩城下本作一朝而兩城下此後人嫌其與上文相複而改之也不知此是復舉上文之詞當與前同不當與前異若云今一朝兩城下則與上句今字相複矣羣書治要引此正作一朝而兩城下列子呂氏春秋並同

勝非其難者也下脫六字

勝非其難者也劉本於此下增入持之其難者也一句云舊本無此句非念孫案劉子呂氏春秋皆有此句羣書治要引淮南亦有此句則劉增是也莊本作持之者其難也則與上句不對非是

杓國門之關

孔子勁杓國門之關而不育以力關注杓引也古者縣門下從上杓引之者難也念孫案劉子釋文引此作許注今高注有之者蓋後人以許注竄入也又案杓當爲杓字從手不從木玉篇杓甫遙都歷二切斗柄也又市恭切杓丁激切引也廣韻杓音遙切北斗柄杓都歷切引也許注訓杓爲引則其字當從手玉

篇廣韻訓杓爲引。卽本於許注。其證一也。史記天官書。用唇建者杓。索隱。說文杓。斗柄。音匹遙反。又下文杓。雲如繩者。索隱。杓。說文音了。了反。許慎注淮南云。杓。引也。是杓音了。了反。而訓爲引。與杓字不同。其證二也。晉書天文志。杓。雲如繩。何超音義。杓音烏。烏與了。了同音。其證三也。而今本淮南及劉子釋文。史記漢書。杓字皆誤作杓。漢書作杓。又與玉篇廣韻不合。世人多見杓。少見杓。遂莫有能正其失者矣。

### 蹠足醫欬疾言

惠孟見宋康王。蹠足醫欬疾言曰。寡人所說者。勇有功也。不說爲仁義者也。念孫案蹠足。上當更有康王二字。今本脫去。則文義不明。劉子黃帝篇。作惠孟見宋康王。康王蹠足醫欬疾言。是其證。有功當爲有力字之誤也。勇有力。對下句仁義而言。若作有功。則非其指矣。下文皆言有力。不言有功。劉子及呂氏春秋。順說篇。竝作勇有力。是其證。

### 人雖勇 雖巧有力

臣有道於此。人雖勇。刺之不入。雖巧有力。擊之不中。念孫案人雖勇上。當有使字。下文曰。臣有道於此。使人雖勇。弗敢刺。雖有力。不敢擊。又曰。使人本無其意。又曰。使天下丈夫女子。莫不歡然。皆欲愛利之。皆其證也。今本脫使字。則與上句義不相屬。劉子呂氏春秋皆有使字。又案有力上。本無巧字。此後人以文子道德篇加之也。案文子云。雖巧。擊之不中。此云。雖有力。擊之不中。文各不同。加巧字於有力之上。則文不



成義矣。下文云。雖有力不敢擊。亦無巧字也。劉子呂氏春秋皆無巧字。

愛利之心

臣有道於此。使天下丈夫女子。莫不歡然。皆欲愛利之心。念孫案愛利之下。不當有心字。此因上文未有愛利之心而誤衍也。文子劉子呂氏春秋皆無心字。下文云。天下丈夫女子。莫不延頸舉踵而願安利之。亦無心字。

故老子曰下脫五字

故老子曰。勇於不敢則活。念孫案老子曰下脫勇於敢則殺一句。兩句相對爲文。單引一句。則文不成義。文子道德篇亦有此句。

文君

杜赫以安天下說周昭文君。文君謂杜赫曰。念孫案文君謂杜赫曰上脫昭字。當依上句及呂氏春秋務大篇補。

爲人妾

魯人爲人妾於諸侯。念孫案呂氏春秋察微篇。說苑政理篇。家語致思篇。妾上俱有臣字。於義爲長。

受教順

夫聖人之舉事也可以移風易俗而受教順可施後世念孫案教順上本無受字此因上文不受金而誤衍也教順卽教訓也訓順古多通用不煩引證教訓上有受字則與下四字義不相屬矣說苑家語竝作教導可施於百姓是其證

### 知禮

孔子亦可謂知禮矣故老子曰見小曰明念孫案知禮本作知化謂知事理之變化也見子贛之不受金而知魯人之不復贖人達於事變故曰知化齊俗篇曰唯聖人知其化呂氏春秋驕恣篇曰智短則不知化知化篇曰凡智之貴也貴知化也非謂其知禮也俗書禮字或作札與化相近化誤爲札後人因改爲禮耳齊俗篇述此事而論之曰孔子之明以小知大以近知遠卽此所謂知化也故下文引老子見小曰明之語呂氏春秋論此事曰孔子見之以細觀化遠也說苑曰孔子可謂通於化矣此皆其明證

### 及至

桓公及至念孫案及當爲反字之誤也反至謂桓公反而至於朝也呂氏春秋舉難篇新序雜事篇竝作反至

### 難合

且人固難合也權而用其長者而已矣念孫案合當爲全言用人不可求全也全合字相近又因上文合

其所以而誤呂氏春秋新序竝作全

所自來者

今受其先人之僞祿則必重失之所自來者久矣其輕失之豈不惑哉念孫案所自來者上當有生之二字此承上文保生而言言人皆重爵祿而輕其生也脫去生之二字則文不成義莊子讓王篇呂氏春秋審爲篇文子上仁篇皆有生之二字

本任於身

臣未嘗聞身治而國亂者也未嘗聞身亂而國治者也故本任於身不敢對以末念孫案任當爲在字之誤也覽冥篇余在天下誰敢害呂氏春秋執一篇作爲國之本在於爲身劉子說符篇作故本在身皆其證

輪人 其人在焉

桓公讀書於堂輪人斲輪於堂下釋其椎鑿而問桓公曰君之所讀書者何書也桓公曰聖人之書輪扁曰其人在焉高注曰輪扁人名問作書之人何在也念孫案輪人當依莊子天道篇作輪扁輪扁之名當見於前不當見於後也高注輪扁人名四字本在此句之下因扁誤爲人後人遂移置於下文輪扁曰云云之下耳陳氏觀樓曰其人在焉當作其人焉在故高注云問作書之人何在

却宋君 却以危

子罕遂却宋君而專其政。念孫案却當爲却。字之誤也。韓詩外傳作去。去亦却之誤。韓子外儲說右篇作却。宋君而奪其政。是其證。二柄篇又云。宋君失刑。而子罕用之。故宋君見却。史記李斯傳亦云。司城子罕却其君。又說林篇。知己者不可誘以物。明於死生者不可却以危。却亦當爲却。繆稱篇曰。有義者不可欺以利。有勇者不可却以懼。是其證。

藏書 焚書

王壽負書而行。見徐馮於周。徐馮曰。事者應變而動。變生於時。故知時者無常行。書者言之所出也。言出於知者。知者藏書。於是王壽乃焚書而舞之。念孫案知者藏書。本作知者不藏書。與知時者無常行相對爲文。今本脫不字。則與上下文不相屬矣。太平御覽學部十三引此有不字。韓子喻老篇同。焚書而舞之。御覽引焚下有其字。韓子同。據高注云。自喜焚其書。故舞之也。則正文本有其字。

莊王許諾下脫文

令尹子佩請飲莊王。莊王許諾。子佩既揖北面立於殿下。脫今本誤作跪。高注。跪。徒。脫也。誤作跪。徒。脫也。太平御覽引正文作跪。與高注徒脫合。今據改。曰。昔者君王許之。今不果往。意者臣有罪乎。念孫案太平御覽人事部一百九引莊王許諾下有子佩具於京臺。莊王不往。明日共十二字。今本脫去。當補入。文選應璩與滿寵書注引此子佩作子瑕。亦云子瑕。



具於京臺。莊王不往。京強二字。古同聲而通用。故今本京臺作強臺。

爲吳兵先馬走

越王句踐請身爲臣。妻爲妾。親執戈。爲吳兵先馬走。當作爲吳王先馬。今本吳王作吳兵。涉下文襄子起兵而誤。其走字則涉注文而衍也。據注云。先馬。句走先馬前。道藏本劉本朱本並走也三字。蓋誤以先馬走絕句故也。莊本同。則正文無走字明矣。爲吳王先馬。卽上文所謂身爲臣也。若作吳兵。則非其指矣。越語曰。其身親爲夫差前馬。韓子喻老篇曰。身執戈。爲吳王洗馬。先洗古字通。皆其證。

攻圍之未合

趙簡子死。未葬。中牟入齊。已葬五日。襄子起兵攻圍之。未合。而城自壞者十丈。念孫案。此當作襄子起兵攻之。句圍未合。而城自壞者十丈。今本之圍二字誤倒。則文不成義。太平御覽兵部四十九引此不誤。韓詩外傳作襄子與師而攻之。圍未市而城自壞者十丈。新序雜事篇作襄子率師伐之。圍未合。而城自壞者十堵。

若亡其一

相天下之馬者。若滅若失。若亡其一。若此馬者。絕塵弭微。高讀若滅。若失。若亡。爲句。云。若滅。其相不可見也。若失。乍入乍出也。若亡。髣髴不及也。引之曰。此當以若亡其一爲句。莊子徐無鬼篇。天下馬有成材。若

錦若失。若喪其一。陸德明曰。言喪其耦也。齊物論篇。嗒焉似喪其耦。司馬彪曰。耦。身也。身與神爲耦。此言若亡其一。亦謂精神不動。若亡其身也。高讀至若亡爲句。則其一二字。上下無所屬矣。且一與失徹爲韻。如高讀則失其韻矣。

### 供儻纏 纏索

臣有所以供儻纏采薪者。道藏本如是。案以猶與也。劉本改以爲與。而高注曰。纏索也。念孫案。供當爲共。此因儻字而誤。加人旁也。蜀志。郤正傳注。引此正作共。劉子說符篇同。纏字之義。諸書或訓爲繞。或訓爲束。廣雅。無訓爲索者。纏當爲纏。字之誤也。說文作縲。云索也。字或作纏。坎上六。係用徽纏。馬融曰。徽。纏索也。劉表曰。三股曰徽。兩股曰纏。故高注云。纏索也。若作儻纏。則義不可通矣。劉子及郤正傳注。白帖九十六。纏字亦誤作纏。蓋世人多見纏。少見纏。故傳寫多誤耳。管子乘馬篇。縲得入焉。今本縲字亦誤作纏。唯宋本不誤。韓子說疑篇。或在罔罔縲。縲索之中。今本亦誤作纏。唯道藏本。劉子釋文作縲。音墨。足正今本之誤。又說林篇。龜紐之璽。賢者以爲佩。土壤布在田。能者以爲富。予溺者金玉。今本溺上有拯字。乃涉注文而衍。此謂與溺者金玉。不如與之繩索。使得拯之也。太平御覽珍寶部九。引此有拯字。文子上德篇亦無。今據刪。不若尋常之纏索。案尋常之纏索。本作尋常之纏。其索字則後人所加也。高注此文以佩富纏爲韻。若作纏索。則失其韻矣。文子作不如與之尺索。太平御覽人事部三十七。珍寶部九。引此竝作尋常之纏。雖纏誤爲纏。而纏下俱無索字。

求者

敗矣子之所使求者念孫案求下脫馬字卻正傳注及白帖引此竝有馬字劉子同

在內

得其精而忘其粗在內而忘其外念孫案在下本有其字後人以意刪之也爾雅曰在察也察其內即得其精也忘其外即忘其粗也後人不知在之訓爲察故刪去其字耳卻正傳注引此正作在其內而忘其外劉子同白帖引作見其內而忘其外雖改在爲見而其字尙存

屈宜若

吳起爲楚令尹適魏問屈宜若注屈宜若楚大夫亡在魏者也念孫案此許注也宜若當爲宜咎字之誤也辭書咎字或作咎與若相似史記六國表韓世家竝作宜白案解引淮南許注云屈宜白楚大夫亡在魏者也正與此注同說苑指武篇亦作屈宜白權謀篇作屈宜咎是曰咎古字通屈宜白之爲宜咎亦猶平王宜白之爲宜咎矣晉語及小雅小弁傳白華箋竝作宜咎

爲人

王不知起之不肖而以爲令尹先生試觀起之爲人也念孫案爲人本作爲之此後人以意改之也爲之謂爲楚國之政也下文將衰楚國之爵而平其制祿云云正承此句言之若作爲人則與上下文全不相

涉矣說苑指武篇正作爲之

### 時爭利

砥礪甲兵時爭利於天下念孫案時上當有以字謂因時而動與天下爭利也脫去以字則文義不明說苑有以字

### 子章

是寡人之命固已盡矣子章無復言矣念孫案章字因上下文而衍呂氏春秋制樂篇新序雜事篇論衡變虛篇皆作子無復言矣無章字

### 必有三賞君

君有君人之言三天必有三賞君念孫案次句有字因下文故有三賞而衍呂氏春秋新序論衡皆作天必三賞君無有字

### 七里

星必三徙舍舍行七里三七二十一故君移年二十一歲念孫案七里當爲七星字之誤也古謂二十八宿爲二十八星七星七宿也呂氏春秋新序論衡皆作舍行七星又新序論衡舍行七星下皆有星當一年四字於義爲長舍行七星三舍則行二十七星當一年故延年二十一歲也呂氏春秋亦云星一徙



當七年。

故曰

故曰聖人之處世。不逆有技能之士。念孫案故下曰字。因下文故老子曰而衍。此因述公孫龍納善呼者一事。而言聖人不棄技能之士。非引古語爲證。不當有曰字。下文故老子曰云云。方引老子之言以證之耳。下文曰。故伎無細而能無薄。在人君用之耳。今本故下有曰字。設與此同。又曰。故人主之嗜欲見於外。則爲人臣之所制。又曰。故周鼎著倭而使訖其指。先王以見大巧之不可爲也。又曰。故大人之行。不掩以繩。至所極而已矣。其下皆引書爲證。與此文同一例。而故下皆無曰字。

是以

吾爵益高。吾志益下。吾官益大。吾心益小。吾祿益厚。吾施益博。是以免三怨可乎。念孫案是以當依劉子說符篇作以是。

使之時 其度安至

成王問政於尹佚曰。吾何德之行。而民親其上。對曰。使之時而敬順之。王曰。其度安至。曰。如臨深淵。如履薄冰。念孫案使之時而敬順之。順與慎同。時上當有以字。說苑政理篇。文子上仁篇。竝作使之以時。是其證。其度安至。劉本改至爲在。而莊本從之。案其度安至者。謂敬慎之度何所至。猶言當如何敬慎也。下文如臨

深淵如履薄冰。正言敬慎之度所至也。若云其度安在。則謬以千里矣。太平御覽皇王部九引此。正作其度安至。說苑同。

### 奚適其無道也

跖之徒問跖曰。盜亦有道乎。跖曰。奚適其無道也。夫意而中藏者。聖也。入先者。勇也。出後者。義也。分均者。仁也。知可否者。智也。念孫案。奚適其無道也。本作奚適其有道也。適與音同。孟子告子篇則口腹豈適爲適三人。適並與音同。史記甘茂傳作疑臣者非特三人。言豈特有道而已哉。乃聖勇義仁智五者皆備也。後人不知適之讀爲音。而誤以爲適齊適楚之適。故改有爲無耳。莊子胠篋篇。本作何適其有道邪。適亦與音同。今本作何適而無有道邪。而無二字。亦後人所改。唯有字尙存。呂氏春秋當務篇。正作奚適其有道也。

### 偷也

楚將子發。好求伎道之士。楚有善爲偷者。往見曰。聞君求伎道之士。臣偷也。願以伎齋一卒。念孫案。臣偷也。本作臣楚市偷也。下文市偷進請曰。卽承此句言之。今本脫楚市二字。太平御覽人事部一百十六。一百四十。引此。竝作臣楚市偷也。

### 何爲之禮

左右諫曰。偷者。天下之盜也。何爲之禮。念孫案。之禮當爲禮之。上文出見而禮之。卽其證。蜀志郤正傳注。

引此正作何為禮之

夜解齊將軍之幃帳

偷則夜解齊將軍之幃帳而獻之。念孫案郤正傳注及北堂書鈔衣冠部一。太平御覽人事部一百十六。一百四十。服章部五。服用部九。引此夜下俱有出字。於義為長。

明又 明日又

明又復往取其枕。子發又使人歸之。明日又復往取其簪。子發又使歸之。念孫案明又明日又。兩又字皆當為夕。夕又字相近。又因下句又字而誤。則明字又復二字連讀。後人不知又為夕之誤。故又加日字耳。偷以夜往故言夕。上文曰偷則夜出是也。舊本北堂書鈔衣冠部一。引此作明夕取枕。明夕取簪。陳馮誤依俗本於取夕字上加又字。而太平御覽四。引皆作明夕復往取其枕。明夕復往取其簪。

楚君 則還師

將軍與軍吏謀曰。今日不去。楚君恐取吾頭。則還師而去。念孫案楚君當為楚軍。聲之誤也。郤正傳注。太平御覽。引此竝作楚軍。則還師而去。道藏本如是。則與即同。郤正傳注。太平御覽。引此竝作即還師。即則古多通用。劉續不曉則字之義。改則為乃。而諸本從之。莊本斯為謬矣。

故曰無細而能薄

故曰無細而能薄。在人君用之耳。念孫案故曰無細而能薄。本作故伎無細而能無薄。言人君能用人。則細伎薄能。皆得效其用也。今本衍曰字。曰字因下文故。老子曰而衍。說見前。故曰下。又脫伎字及下無字。遂致文不成義。太平御覽兩引此文。竝作故伎無細能無薄。

尊重

齊王大說遂尊重薛公。念孫案遂尊重薛公。本作遂重薛公重。卽尊也。秦策請重公於齊。高注重尊也。又  
喪二篇注禮記祭統注竝同。古書無以尊重二字連用者。戰國策史記漢書及諸子書皆但言重無言尊重者。唯俗語有之。羣書治要引此無尊  
 字。蓋後人所加也。

意欲

故人主之意欲見於外。則爲人臣之所制。念孫案古書無以意欲二字連用者。此涉上文欲中王之意而誤也。意欲本作嗜欲。主術篇曰。君人者喜怒形於心。嗜欲見於外。嗜與則守職者離正而阿上。是其證。羣書治要引此正作嗜欲。

溟注

深目而元鬢淚注而戴肩。今本高注云淚水。念孫案淚注當爲渠頸。高注淚水當爲渠大。皆字之誤也。渠字或作源。淚字或作源。二形相似。故渠誤爲淚。廣韻。渠。魚切。引方言云。杞宋魏之間謂之渠。渠字。玉篇云。源。俗淚字。皆其證也。頤誤爲注者。注字右邊主。爲頤字左邊至之殘文。又因淚字而誤加水。



旁耳。若高注內大字今作水。則後人以淚字從水而妄改之。渠頸大頸也。渠之言巨也。史記蔡澤傳。先生曷鼻巨肩。徐廣曰。巨一作渠。彼言渠肩。猶此言渠頸矣。杜子春注周官鍾師。引呂叔玉云。肆夏樊遏渠。皆周頌也。渠大也。言以后稷配天王道之大也。荀子彊國篇。是渠衝入穴而求利也。楊倞曰。渠大也。渠衝。攻城之大車也。漢書吳王濞傳。膠西王膠東王爲渠率。顏師古亦云。渠大也。是渠與大同義。故高注訓渠爲大也。太平御覽地部二。引作淚注而貳肩。則所見本已誤。蜀志郤正傳注。引作戾頸而貳肩。戾亦傳寫之誤。論衡道虛篇。作鴈頸而貳肩。鴈字則後人以意改之。唯頸字皆不誤。藝文類聚靈異部上。引作渠頸而貳肩。又引注云。渠大也。斯爲確據矣。

遜逃乎碑

慢然下其臂。遜逃乎碑。念孫案碑下脫去下字。碑或作啤。太元增上九。崔嵬不崩。賴彼峽啤。玉篇。峽。於兩切。啤。方爾切。范望曰。峽啤山足也。下者後也。見大雅下武箋。周語注。謂遜逃乎山足之後。故高注曰。匿於碑陰也。太平御覽引此已脫下字。藝文類聚引作啤下。蜀志注引作碑下。論衡同。

不渝

敖幼而好遊。至長不渝。念孫案此本作至長不渝解。今本無解字者。後人不曉渝解二字之義而削之也。不知渝與解同義。太元格次三。裳格鞶鉤渝。范望曰。渝解也。字亦作愉。呂氏春秋勿躬篇。百官慎職而莫

敢愉綖。高注曰：愉，解也。綖，緩也。又方言：愉，揗也。解，輸脫也。郭璞曰：揗，猶脫耳。文選七發：揗，弃恬怠。輸，寫。渙濁。李善注：引方言：愉，脫也。脫，亦解也。愉，揗輸。竝聲近而義同。太平御覽引作至長不渝解。蜀志注引作長不渝解。論衡作至長不渝解。字雖不同而皆有解字。

### 東開鴻濛之光 無眴

若我南游乎罔竄之野。舊本罔誤作岡。考論衡對志注：太平御覽及北息乎沈墨之鄉。西窮宵冥之黨。東開鴻濛之光。鴻濛為景柱。高注曰：鴻濛，東方之野。日所出。故以為景柱。是也。且光與鄉為韻。若作先，則失其韻矣。論衡補注：竝作光。太平此其下無地而上無天。聽焉無聞。視焉無眴。本皆作視。焉無眴。念孫案：東開鴻濛之光。開當為關。關字俗書作開。唐顏元孫千祿字書：開字俗書作開。二形相似，故關誤為開。水篇：今吾無所開。吾，喉。釋文：開本亦作關。楚策：大關天下之音。物關地而牙。故謂之管。今本亦誤作開。此關與貫同。國而關。蜀故史記：關誤作開。說文：管，十二月之音。物關地而牙。故謂之管。今本亦誤作開。此關與貫同。雜記：輪人以其杖關轂而輟輪。關，轂即貫。轂，漢書王嘉傳：大臣括髮關械，關械即貫械。今人言關通，即貫通。鄉射禮：不貫不釋。古文貫作關。大戴禮：子張問入官篇：察一而關於多。家語：入官篇：關作貫。史記：儒林傳：履雖新，必關於足。漢書：關作貫。東貫鴻濛之光，謂東貫日光也。見上。司馬相如大人賦：貫剝缺之倒景。義與此貫字同。太平御覽：楚辭補注引此作東開鴻濛之光。則所見本已誤。論衡作東貫鴻濛之光。蜀志注引此作東貫鴻濛之光。貫，關古字通。則開為關之誤明矣。視焉無眴。本作視焉則眴。眴與眩同。司馬相如大人賦云：視眩泯而亡見。揚雄甘泉賦云：目冥眴而亡見。其義一也。楚辭遠遊云：下蟬嶸而無地兮，上寥廓而無天。視

條忽而無見兮。聽恂悅而無聞。此云下無地而上無天。聽焉無聞。視焉則眴。義本遠遊也。蜀志注引此。正作視焉則眴。論衡作視焉則營。營與眴古字通也。眴字從目旬聲。大雅江漢。來旬來宣。鄭曰。旬當作營。史記天官書。旬始。徐廣曰。旬一作營。旬之通作營。猶眴之通作營矣。道藏本作視焉無眴者。涉上句無字而誤。太平御覽所引已與道藏同。後人不知無眴爲則眴之誤。遂改眴爲囑。而莊本從之。案廣韻。囑視也。是囑與視同義。視焉無視。斯爲不詞矣。且眴與天爲韻。若作囑。則失其韻矣。

九垓之外 久駐

吾與汗漫期於九垓之外。吾不可以久駐。高注曰。九垓。九天之外。念孫案。九垓之外。本作九垓之上。高注本作九垓九天也。倣真篇。徒倚於汗漫之宇。高注引此文云。吾與汗漫期於九垓之上。漢書禮樂志郊祀歌。專精厲意遊九閼。如淳曰。閼亦陔也。淮南子曰。吾與汗漫期乎九垓之上。陔重也。謂九天之上也。司馬相如傳封禪文。上暘九垓。如淳注所引亦與前同。又論衡及蜀志注。太平御覽。文選郭璞遊仙詩注。張協七命注。並引作九垓之上。李白廬山謠。先期汗漫九垓上。願接盧敖遊太清。即用此篇之語。則李所見本亦作九垓之上。御覽又引高注云。九垓。九天也。此皆其明證矣。後人既改九垓之上爲九垓之外。復於注內加之外二字。以曲爲附會。甚矣其妄也。又案吾不可以久駐。駐字亦後人所加。論衡作吾不可久。蜀志注文選注。太平御覽。並引作吾不可以久。則久下原無駐字明矣。

止桮治

乃止駕。止桮治。悖若有喪也。念孫案止桮治之止。當爲心。隸書心字作心。止字或作止。二形相似。又涉上句止字而誤也。乃止駕爲句。心桮治爲句。悖若有喪也爲句。桮治疊韻字。言其心桮治然也。高注。楚人謂也。論衡作乃止喜。喜當爲嘉。嘉駕古字通。心不怠。悵若有喪。不怠。卽桮治之借字。則止爲心字之誤明矣。莊本刪去止字。非是。

朝菌

故莊子曰。朝菌不知晦朔。蟪蛄不知春秋。高注曰。朝菌。朝生暮死之蟲也。生水上。狀若蠶蛾。一名華母。念孫案朝菌本作朝秀。同。今作朝菌者。後人據莊子逍遙遊篇改之也。文選辯命論。朝秀晨終。李善注引淮南子。朝秀不知晦朔。太平御覽蟲豸部茲母下。引淮南子朝秀不知晦朔。又引高注云。朝秀。朝生暮死之蟲也。生水上。似蠶蛾。一名茲母。廣雅釋蟲。朝蟬。音秀。華母也。義本淮南注。是淮南自作朝秀。與莊子異文。不得據彼以改此也。

季子

季子治豈父三年。羣書治要引此。季子作宓。音伏。子。呂氏春秋具備篇同。念孫案諸書無謂宓字賤爲季子者。季當爲孚。字之誤也。孚與宓聲相近。宓字之爲孚。子猶宓犧之爲庖犧也。伏犧字。漢書皆作宓。庖字古讀若浮。故呂氏春秋本味篇。



庖人作焗人浮宓聲相近故宓機或作庖機齊俗篇賓有見人於宓子者太平御覽人事部四十六引作孚子羣書治要作季子故知宓通作孚孚誤作季也

見夜魚釋之

見夜魚釋之朱本改爲見得魚釋之莊本同太平御覽鱗介部七引作見夜魚者釋之羣書治要引作見夜漁者得魚則釋之念孫案羣書治要所引是也呂氏春秋作見夜魚者得則舍之家語屈節篇作見夜斂者得魚輒舍之是其證秦族篇亦云見夜漁者得小即釋之

誠於此

誠於此者刑於彼念孫案各本及莊本誠字皆誤作誠唯道藏本不誤羣書治要引此正作誠呂氏春秋家語竝同

就視

光燿不得問而就視其狀貌念孫案就視當依莊子知北遊篇作執視字之誤也執與熱同

師望之謂之

明日往朝師望之謂之曰念孫案望之謂之當作望而謂之今本而作之因下謂之而誤太平御覽工藝部三引此正作望而謂之呂氏春秋搏志篇同今本搏誤作博辯見呂氏春秋

瞑目敦然攘臂拔劍

於是飲非瞑目敦然攘臂拔劍。念孫案瞑目二字與攘臂拔劍事不相類。瞑目當爲瞋目。隸書眞或作真。冥或作冥。二形相似而誤。莊子秋水篇瞋目而不見邱山釋文瞋本或作瞋管子小問篇桓公瞋目而視祝魚已疵韓子守道篇瞋目切齒傾耳今本瞋字竝誤作瞋又案敦然二字當在瞋目之上而以敦然瞋目攘臂拔劍作一句讀。

失從心志

失從心志而有不能成衡之事。道藏本劉本皆如是念孫案失從心志當作失從之志。今本之作心者因志字而誤。有與又同。此言魏王既不能合從又不能連衡也。呂氏春秋離謂篇作失從之意。又失橫之事是其證。漢魏叢書本改有爲又而莊本從之則昧於假借之義矣。

不可

故周鼎著倭而使齧其指。先王以見大巧之不可也。念孫案不可下脫爲字。呂氏春秋作先王有以見大巧之不可爲也。是其證。本經篇亦云。故周鼎著倭使銜其指以明大巧之不可爲也。

予之將軍之節

墨者有田鳩者欲見秦惠王。約車申轅留於秦。周年不得見。客有言之楚王者。往見楚王。楚王甚說之。予以節使於秦。至因見予之將軍之節。惠王而說之。陳氏觀樓曰。呂氏春秋首時篇云。楚王說之與將軍之

節以如秦。至因見惠王。則此亦當云。至因見惠王而說之。其子之將軍之節六字。乃是上文予以節句注語。今誤入此句中。文義遂不可曉。念孫案陳說是也。莊本又加見字於而說之之上。非是。

此所謂筦子梟飛而維繩者

故大人之行。不掩以繩。至所極而已矣。此所謂筦子梟飛而維繩者。高注曰。言爲士者。上下無常。進退無恆。不可繩也。以喻飛梟。從下繩維之。而欲翱翔。則不可也。陳氏觀樓曰。此所謂筦子當作此筦子所謂梟飛而維繩。當作鳥飛而準繩。案管子宙合篇曰。鳥飛準繩。此言大人之義也。云云。大意謂鳥飛雖不必如繩之直。然意南而南。意北而北。總期於還山集谷而後止。則亦與準於繩者無異。所謂苟大意得。不以小缺爲傷也。故此云大人之行。不掩以繩。至所極而已矣。此筦子所謂鳥飛而準繩者。今本鳥誤作梟。準誤作維。準字俗省作准。又因下繩字而誤從系。則義不可通。注內梟字亦鳥字之誤。而云從下繩維之。則高所見本已誤作維矣。

金鐵鍼

豐水之深千仞。而不受塵垢。投金鐵鍼焉。則形見於外。念孫案金鐵下不當有鍼字。鍼卽鐵之誤也。鍼或鐵形與鍼相近。今作金鐵鍼者。一本作鐵。一本作鍼。而後人誤合之耳。文選沈約貽京邑游好詩注。太平御覽珍寶部十二。引此皆無鍼字。文子上禮篇。作金鐵在中。形見於外。羣書治要所引如是。今本文子金鐵作金石。乃後人所改。

陰蔽隱

是故石上不生五穀。禿山不游麋鹿。無所陰蔽隱也。陰與蔽同。念孫案隱字蓋蔽字之注。而誤入正文者。廣雅蔽隱也。文子無隱字。是其證。

房心

昔吾見句星在房心之間。地其動乎。高注曰。房星。句星守房心。則地動也。劉本注文。房心作駟房。漢本並同。念孫案正文本作句星在駟心之間。注本作駟。句星守房心。則地動也。道藏本注文。房星上脫駟字。劉本房下脫星字。若正文之駟心作房心。則涉注文守房心而誤也。莊伯鴻不知正文房爲駟之誤。又改注文之駟房爲房駟以就之。斯爲謬矣。駟爲房之別名。故須訓釋。若房心爲二十八宿之正名。則不須訓釋。爾雅天駟房也。以房釋天駟。不以天駟釋房。高注釋駟而不釋心。卽其證也。晏子春秋外篇作昔吾見鈎星在四心之間。卽淮南所本。鈎與句同。四與駟同。

揖而損之

子貢在側曰。請問持盈曰。揖而損之。念孫案揖與挹同。集韻挹或作揖。荀子議兵篇。拱挹指摩。富國篇作拱揖。文選爲幽州牧與彭寵書注。引蒼頡篇云。挹損也。挹與損義相近。故曰挹而損之。作揖者。借字耳。劉續不達。而改揖爲益。莊本從之。斯爲謬矣。後漢書杜篤傳注。引此正作挹而損之。荀子宥坐篇。說苑敬慎篇。並同。韓詩外傳作抑而



乏抑與挹聲亦相近故諸書或言抑損或言挹損也

儉陋

多聞博辯守之以儉富貴廣大守之以陋劉本改儉爲陋陋爲儉而莊本從之念孫案說文儉約也廣雅儉少也正與多聞博辯相對不當改爲陋說文陋陝也俗作狹楚辭七諫注曰陋小也亦與富貴廣大相對不當改爲儉杜篤傳注引此正作多聞博辯守之以儉富貴廣大守之以陋與道藏本同文子九守篇作多聞博辯守以儉富貴廣大守以狹狹亦陋也

供其情

彼皆樂其業供其情念孫案供當爲佚佚與逸同安也逸樂義相近若云供其情則與上句不類矣隸書佚或作佚與供相似而誤

載之木

於是乃去其脊而載之木解其劍而帶之笏高注曰脊被髮也木驚鳥冠也知天文者冠鶖各本脫天字今據爾雅翼補引之曰載與戴同木當爲朮字之誤也朮卽鶖字也高注當作朮鶖鳥冠也知天文者冠鶖今本鶖作鶖者鶖鶖字相近又涉上文脊字而誤也爾雅翼引此已誤說文鶖知天將雨鳥也禮記曰知天文者冠鶖莊子天地篇皮弁鶖冠摺笏紳脩釋文鶖尹必反徐音述玉篇及爾雅釋文漢書五行志注鶖字並聿述二

音匡謬正俗曰案鵠水鳥天將雨卽鳴古人以其知天時乃爲冠象此鳥之形使掌天文者冠之鵠字音聿亦有術音故禮之衣服圖及蔡邕獨斷謂爲術氏冠亦因鵠音轉爲術耳以上匡謬正俗莊子釋文曰鵠又作邇續漢書輿服志引記曰知天者冠述說苑脩文篇作冠鉤蓋鵠字本有述音故其字或作邇或作述或作鉤又通作朮耳朮與笏爲韻若作木則失其韻矣鵠卽翠鳥故古人以其羽飾冠冠鵠帶笏皆所以爲飾故莊子亦言鵠冠搢笏若鶩無文采則不可以爲飾矣且鵠知天雨故使知天文者冠之若鶩則義無所取矣諸書皆言知天文者冠鵠無言冠鶩者

### 淮南內篇第十三

#### 汜論

#### 不辱

古者有整而綰領以王天下者矣其德生而不辱予而不奪念孫案不辱本作不殺故高注云刑措不用今作辱者後人妄改之也殺與生相對奪與予相對若改殺爲辱則非其指矣且殺與奪爲韻若作辱則失其韻矣太平御覽皇王部二引此已誤作辱張載魏都賦注及舊本北堂書鈔衣冠部三引此竝作殺陳禹謨依俗本改爲辱文子上禮篇同晏子春秋諫篇古者嘗有紕衣纓領而王天下者矣其義好生而惡殺荀子

哀公篇古之王者有務而拘領者矣其政好生而惡殺此皆淮南所本

作爲之宮室

聖人乃作爲之築土構木以爲宮室高讀聖人乃作爲句注云作起也念孫案高說非也作爲之三字連讀下文曰而作爲之揉輪建輿駕馬服牛又曰而作爲之鑄金鍛鐵以爲兵刃皆其證也又案以爲宮室本作以爲室屋淺學人多聞宮室寡聞室屋故以意改之也案月令曰毋發室屋管子八觀篇曰宮營大而室屋寡荀子禮論篇曰墉墉其頽象室屋也呂氏春秋懷寵篇曰不焚室屋史記周本紀曰營築城郭室屋俗本亦有改爲宮室者天官書曰城郭室屋門戶之潤澤則室屋固古人常語且此二句以木屋爲韻下三句以宇雨暑爲韻若作宮室則失其韻矣太平御覽居處部二引此正作室屋

綖麻

伯余之初作衣也綖麻索縷手經拊挂高注曰綖銳索功也念孫案高訓綖爲銳則與麻字義不相屬今案綖者縷也緝而縷之也方言縹縹也廣雅同秦晉縹折木謂之縹郭璞音剡人間篇曰婦人不得剡麻考縹縹剡竝與縹通索如宵爾索綯之索謂切撚之也高云索功也功卽切字之誤顏師古注急就篇曰索謂切撚之令緊者也廣雅曰紉索也紉與切通

乃爲鞮蹠而超千里肩負擔之勤也

乃爲靽蹻而超千里肩負擔之勤也。而作爲之揉輪建輿。駕馬服牛。民以致遠而不勞。高注曰。靽蹻。靽報也。念孫案。靽皆當爲靽。字從旦不從且。說文。靽。柔革也。玉篇多達之列二切。屨。屨也。報。小兒屨也。釋名云。報。韋屨深頭者之名也。今正文言靽蹻。與同。注文言靽報。皆是韋屨之名。則字當從旦。廣韻。靽則古切。靽勒名。字從且。兩字聲義判然。茅一桂不知靽爲靽之誤。輒加音祖二字。其失甚矣。下文蘇秦靽蹻羸蓋。靽亦靽字之誤。又案爲靽蹻之爲。音于僞反。爲靽蹻而超千里肩負擔之勤也。乃起下之詞。非承上之詞。爲上不當有乃字。此因上文乃爲審木方版而誤衍也。下文云。爲鷙禽猛獸之害傷人而無以禁御也。而作爲之鑄金鍛鐵以爲兵刀。爲上無乃字。是其證。肩負擔之勤。道藏本劉本及諸本竝同。漢魏叢書本於負擔上加荷字。而莊本從之。斯爲謬矣。

### 所知

人各以其所知。去其所害。就其所利。念孫案。人各以其所知。當作人各以其知。知與智同。言各用其智。以去害而就利也。今本知上有所字者。涉下兩所字而衍。文子上禮篇。正作各以其智。去其所害。就其所利。

### 音有本主於中

故通於禮樂之情者能作。句音有本主於中。而以知綴轡之所周者也。念孫案。音當爲言。此承上句而釋其義也。今作音者。涉上文中音而誤。



詩書 聞得其言

誦先王之詩書。不若聞得其言。聞得其言。不若得其所以言。念孫案誦先王之詩書。詩字因上文詩春秋而衍。先王之書。泛指六藝而言。非詩書之書也。不若聞得其言。兩得字皆因下句得字而衍。高注云。聞聖人之言。不如得其未言時之本意。則聞下無得字明矣。文子上義篇。正作誦先王之書。不若聞其言。聞其言。不若得其所以言。

天子之籍 屬籍 圖籍 貌冠

履天子之籍。聽天下之政。高注曰。籍。圖籍也。念孫案籍猶位也。言周公履天子之位也。若圖籍。則不可以言履矣。下文云。成王既壯。周公屬籍致政。亦謂屬位於成王也。荀子儒效篇曰。周公履天子之籍。今本天天下。據宋本改。楊倞注。以籍為圖籍。誤與高注同。聽天下之斷。又曰。周公歸周。反籍於成王。此皆淮南所本。彊國篇曰。夫桀紂聖王之後子孫也。有天下者之世也。執籍之所存。天下之宗室也。執籍。即執位。是籍與位同義也。韓詩外傳。作履天子之位。聽天下之政。尤其明證矣。又下文履天子之圖籍。造劉氏之貌冠。本作履天子之籍。造劉氏之冠。史記高祖紀曰。高祖為亭長。以竹皮為冠。及貴。常冠。所謂劉氏冠。乃是也。故曰造劉氏之冠。漢書高祖紀。謂曰。爵非公。乘以上。毋得冠。劉氏冠。今本作履天子之圖籍。造劉氏之貌冠者。貌字涉高注委貌冠。而衍。後人又誤以籍為圖籍。遂於籍上加圖字。以與貌冠相對。而不知貌為衍文。且圖籍不可以言履也。

### 供嗜欲

人以其位達其好憎。以其威勢供嗜欲。念孫案供嗜欲當作供其嗜欲。與達其好憎相對。

### 治人之具

故法制禮義者。治人之具也。而非所以爲治也。念孫案人字後人所加。高注云。言法制禮義可以爲治之基耳。非所以爲治。則無人字明矣。文子上義篇無人字。泰族篇曰。故法者治之具也。而非所以爲治也。亦無人字。

### 鏑銜鏑

是猶無鏑銜。鏑策鑿而御馭馬也。念孫案銜下本無鏑字。高注曰。鏑銜。口中央鐵。言鏑銜而不言鏑。則無鏑字明矣。鏑銜下有鏑字。則文不成義。此後人熟於銜鏑之語而妄加之耳。

### 槽柔

槽柔無擊。脩戟無刺。莊依漢魏叢書本。改柔爲矛。念孫案各本皆作柔。太平御覽兵部二引此亦作柔。說苑說叢篇言人之惡。痛於柔戟。字亦如此。蓋矛柔聲相近。故古書有借柔爲矛者。不宜輒改也。

### 獨聞之耳

必有獨聞之耳。獨見之明。念孫案劉本耳作聰。是也。文子上義篇正作獨聞之聰。

道而先稱古

夫存危治亂非智不能道而先稱古雖愚有餘念孫案道字當在而字下道先稱古與存危治亂相對羣書治要引此正作道先稱古

卷而伸

夫繩之爲度也可卷而伸也引而伸之可直而晞念孫案可卷而伸劉本作可卷而懷是也此言繩之爲物可曲可直故先言卷而懷後言引而伸且懷與晞爲韻若作伸則失其韻矣文子上仁篇正作可卷而懷

大臣將相

昔者齊簡公釋其國家之柄而專任大臣將相各本任下衍其字莊本從之非是今從道藏本攝威擅勢私門成黨而公道不行高讀大臣絕句注曰大臣陳成子也而以將相屬下讀引之曰大臣將相四字當連讀將相卽大臣也釋其國家之柄專任大臣將相皆以六字爲句攝威擅勢私門成黨公道不行皆以四字爲句若以將相屬下讀則句法參差不齊矣且柄相黨行四字爲韻柄古讀若方行古讀若杭並見唐韻正讀大臣絕句則失其韻矣

陳成田常 陳成子恒

故使陳成田常臨夷子皮得成其難引之曰陳成田常本作陳成常陳其氏也成其諡也常其字也恒其

名也。人間篇正作陳成常。呂氏春秋慎勢篇同。吳越春秋夫差內傳作陳成恒。韓子外儲說右篇作田成恒。田與陳古字通。言陳則不言田矣。後人又加田字。謬甚。又說山篇。陳成子恒之刼子淵捷也。子字亦後人所加。

矜爲剛毅 矜於爲柔懦

今不知道者。見柔懦者侵。則矜爲剛毅。見剛毅者亡。則矜於爲柔懦。念孫案。矜皆當爲務。務矜二字。隸書往往譌潤。管子小稱篇。務爲不久。韓子難篇。作矜爲不長。呂氏春秋。勿躬篇。務服性命之情。務誤作矜。言不知道者。中無定見。故見柔懦者侵。則務爲剛毅。見剛毅者亡。則務爲柔懦也。主術篇曰。爲智者務爲巧詐。道藏本劉本茅本並同。朱本改爲作於。非莊本同。爲勇者務於鬪爭。是其證也。又案此文本作見柔懦者侵。則務爲剛毅。見剛毅者亡。則務於柔懦。於下本無爲字。於亦爲也。爲亦於也。務爲剛毅。務於剛毅也。務於柔懦。務爲柔懦也。僖二十年穀梁傳曰。謂之新宮。則近爲禰宮。言近於禰宮也。秦策曰。魏爲逢澤之遇。朝爲天子。言朝於天子也。是爲與於同義。郊特牲曰。郊之祭也。埽地而祭。於其質也。言爲其質。不爲其文也。又曰。祭天。埽地而祭焉。於其質而已矣。大戴禮曾子本孝篇曰。故孝子之於親也。生則有義以輔之。死則哀以莅焉。祭祀則莅之以敬。如此而成於孝子也。言如此而後成爲孝子也。晉語曰。祁奚辭於軍尉。言辭爲軍尉也。文六年穀梁傳曰。閏月者。附月之餘日也。積分而成於月者也。言積分而成爲月也。是於與爲亦同義。爲於同義。故二字可以互用。晉語曰。稱爲前世。韋注曰。言見稱譽於前世。義於諸



侯韓詩外傳曰民不親不愛而求於已用爲已死不可得也皆以爲於互用此云見柔懦者侵則務爲剛毅見剛毅者亡則務於柔懦亦以爲於互用主術篇曰爲智者務爲巧詐爲勇者務於鬪爭卽其明證也又史記孟嘗君傳君不如令弊邑深合於秦西周策於作爲張儀傳韓梁稱爲東藩之臣趙策爲作於蓋爲於聲近而義同故字亦相通也然則務於柔懦卽務爲柔懦道藏本於下復有爲字者後人不知爲於之同義故又加爲字耳劉本朱本同茅本不刪爲字而刪於字斯爲謬矣莊本同

本無主

此本無主於中而見聞舛馳於外者也陳氏觀樓曰本無主於中當作無本主於中上文云有本主於中而以知渠襲之所周正與此無本主於中相對下文亦云中有本主以定清濁

不謳

譬猶不知音者之歌也濁之則鬱而無轉清之則樵而不謳各本憊誤作憊依注改高注曰謳和也陳氏觀樓曰謳當作調故注訓爲和今作謳者因下句謳字而誤

無不霸王者 無不破亡者

今謂彊者勝則度地計衆富者利則量粟稱金若此則千乘之君無不霸王者而萬乘之國無不破亡者矣念孫案無不霸王無不破亡兩不字皆後人所加此言千乘小而萬乘大若彊者必勝富者必利則是

千乘之君。必無霸王。萬乘之國。必無破亡者矣。而不知國之興亡。在得道與失道。不在大與小也。故下文曰。存在得道。而不在於大。亡在失道。而不在於小。後人不曉文義。而妄加兩不字。其失甚矣。

### 處彊大勢位 何謀之敢當

二君處彊大勢位。脩仁義之道。湯武救罪之不給。何謀之敢當。念孫案處彊大勢位。本作處彊大之勢。與脩仁義之道。相對爲文。今本脫之字。衍位字。高其位而衍。位字因上文務。則與下句不對。高注云。當其居彊大之勢。本各居誤作君。君下又衍也字。今改正。不能自知所行之非。則勢下無位字明矣。羣書治要引此。正作處彊大之勢。又案何謀之敢當。當字義不可通。羣書治要引作何謀之敢慮。是也。慮字隸書或作𢀛。因誤而爲當。

### 溺死

直躬。其父攘羊而子證之。尾生與婦人期而死之。直而證父。信而溺死。雖有直信。孰能貴之。念孫案信而溺死。本作信而死女。言信而爲女死。則信不足貴也。今本死女作溺死者。涉上注水至溺死而誤。直而證父。信而死女。相對爲文。且女與父爲韻。若作溺死。則文既不對。而韻又不諧矣。文子道德篇。正作信而死女。

### 局曲直

是故聖人論事之局曲直。與之屈伸偃仰。無常儀表。念孫案此言屈伸偃仰。皆因乎事之曲直。曲直上不

當有局字。蓋衍文也。文子道德篇無局字。

卑弱柔 本矜

時屈時伸。卑弱柔如蒲韋。非攝奪也。剛強猛毅。志厲青雲。非本矜也。念孫案本當爲夸。夸矜與攝奪相對。爲文。夸字或書作夸。形與本相似。因誤爲本。文選甘泉賦注引此正作夸。又案蒲韋皆柔弱之物。故曰時屈時伸。弱柔如蒲韋。弱柔上不當有卑字。此涉下文屈膝卑拜而誤衍也。荀子不苟篇云。言己之光美。擬於舜禹。參於天地。非夸誕也。與時屈伸。柔從若蒲韋。非攝怯也。剛彊猛毅。靡所不信。非驕暴也。語意略與此同。柔從若蒲韋之上。亦無卑字。

車裂

昔者萇宏。周室之執數者也。天地之氣。日月之行。風雨之變。律曆之數。無所不通。然而不能自知。車裂而死。太平御覽刑法部十一引此同。念孫案左傳國語皆言周殺萇宏。而不言車裂。他書亦無車裂之事。案莊子胠篋篇。萇宏脰。釋文。崔云。脰。裂也。淮南子曰。萇宏鉞裂而死。據此則古本本作鉞裂。今作車裂者。涉下文蘇秦車裂而誤也。注內車裂同。

無問

故人有厚德。無問其小節。而有小譽。無疵其小故。念孫案問當爲閒。方言曰。閒。非也。蓋十五年左傳。且不敢閒。論語先進篇。人

不聞於其父母昆弟之言。孟子離婁篇。政不疵。讀爲訾。莊子山木篇。無訾。無訾。呂氏春秋。必已。篇作疵。無足聞也。趙岐陳羣孔穎達諸儒。皆訓聞爲非。疵。讀爲訾。荀子不苟篇。正義直指。舉人之過。非毀疵也。無聞與無訾同義。故廣雅曰。閒訾。證也。證與同。今本閒誤爲問。則非其指矣。文子上義篇。正作無閒。其小節。

### 顏喙聚

夫顏喙聚。梁父之大盜也。而爲齊忠臣。念孫案。喙當爲啄。字之誤也。顏啄聚。左傳哀二十七年。呂氏春秋尊師篇。韓子十過篇。竝作顏啄聚。韓詩外傳作顏斲聚。說苑正諫篇作顏燭趨。漢書古今人表作顏燭。雖晏子春秋外篇作顏燭鄒。竝字異而義同。啄與啄斲燭。聲竝相近。喙則遠矣。喙喙二字。書傳往往相亂。

### 季襄

季襄陳仲子。立節抗行。不入滂君之朝。不食亂世之食。遂餓而死。高注曰。季襄魯人。孔子弟子。念孫案。孔子弟子無季襄。襄皆當爲哀。字之誤也。史記仲尼弟子傳。公皙哀。字季次。索隱引家語作公皙克。克亦哀之誤。此言季哀。卽季次也。故高注云然。弟子傳載孔子之言曰。天下無行。多爲家臣。仕於都。唯季次未嘗仕。游俠傳曰。季次原憲。懷獨行君子之德。義不苟合當世。終身空室蓬戶。褐衣疏食。不厭。此云立節抗行。不入滂君之朝。不食亂世之食。說與史記略同。

### 一人

求於一人。則任以人力。自脩。則以道德。念孫案。求於一人。劉本無一字。是也。道藏本有一字者。因上文賁



備於一人而誤求於人與自脩相對爲文。人上不當有一字。下文責人以人力。自脩以道德。卽其證。文子上義篇作於人以力。自脩以道。

得其賢

今志人之所短而忘人之所脩。而求得其賢乎天下。則難矣。念孫案得其賢乎天下。衍其字。藝文類聚寶部上引此無其字。

美之與惡 此皆相似

使人之相去也。若王之與石。美之與惡。則論人易矣。夫亂人者。若芎藭之與藁本也。各本脫若字。今據上索隱。爾雅疏。本草圖經。蛇床之與麋蕪也。此皆相似。高注曰。言其相類。但其芳臭不同。猶小人類君子。但坤雅。續博物志。引補。其仁與不仁異也。念孫案美之與惡。本作葵之與莧。葵與莧不相似。故易辨。此言物之不相似者。下言物之相似者。皆各舉二物以明之。若云美之與惡。則不知爲何物矣。蓋俗書美字作莧。葵字作葵。葵之上半與莧相似。因誤而爲美。後人不解其故。遂改爲美之與惡耳。羣書治要及爾雅疏。埤雅。續博物志。引此竝作葵之與莧。是其證。又案上旣言亂人。則下不必更言相似。且正文旣言相似。則注文不必更言其相類矣。爾雅疏引許注云。此四者藥草臭味之相似。然則此皆相似四字。蓋後人約記許注於正文之旁。而寫者因誤合之也。茅本又於相似下加者。字。而莊本從之。謬矣。史記司馬相如傳索隱。爾雅疏。本草圖經。埤雅。續博物志。所引皆

無此四字

天下爲忠之臣者 賞少而勸善者衆

故賞一人而天下爲忠之臣者莫不終忠於其君。終盡也。言莫不盡忠於其君也。茅一桂不曉終字之義。改終忠爲願忠。而莊本從之。謬矣。道藏本劉本朱本。

並作終忠。此賞少而勸善者衆也。念孫案天下爲忠之臣者當作天下之爲臣者。呂氏春秋義賞篇引孔子曰。

賞一人而天下之爲人臣者莫敢失禮。卽淮南所本也。今本之爲二字誤倒。又衍一忠字。此賞少而勸善

者衆也。當作此賞少而勸衆者也。上文云古之善賞者費少而勸衆。正與此句相應。下文曰此刑省而姦

禁者也。此用約而爲德者也。此入多而無怨者也。句法竝與此同。今本衆者二字誤倒。又衍一善字。善字涉下

文勸善而衍。

右服失馬 獲之

秦穆公出遊而車敗。右服失馬。高注曰服中央馬。鄭風叔于田箋兩服中央夾轡者。義與高注同。各本中央作失。因正文而誤。今改正。念孫案右服

失馬。馬字因注文而衍。服爲中央馬。則不須更言馬矣。呂氏春秋愛士篇正作右服失。失與佚同。又梁由靡扣

穆公之驂。獲之。高注云將獲穆公。則正文獲上有將字也。將獲未獲。故人得而救之。若已爲晉所獲。則不

能救矣。

管金

越城郭踰險塞。姦符節盜管金。高注曰。金印封。所以爲信。念孫案如高注則金字當爲璽字之誤。然金與璽字不相似。璽字無緣誤爲金。蓋俗書璽字或作奎。因誤爲金矣。五音集韻云。璽俗作奎。

法令者

夫法令者罔其姦邪。勒率隨其蹤跡。無愚夫蠢婦。各本蠢誤作懸。辯見地。形篇其人懸愚下。皆知爲姦之無脫也。犯禁之不得免也。念孫案法令下衍者字。法令罔其姦邪。勒率隨其蹤跡。相對爲文。

然而立秋之後

然而不材子不勝其欲。蒙死亡之罪。而被刑戮之差。然而立秋之後。司寇之徒。繼踵於門。而死市之人。血流於路。念孫案下然而二字。因上然而而衍。立秋之後五句。卽承上死亡之罪。刑戮之差言之。不當更有然而二字。

夫今 斬首拜爵

夫今陳卒設兵。兩軍相當。將施令曰。斬首拜爵。而屈撓者要斬。念孫案夫今當爲今夫。斬首下脫者字。斬首者拜爵。屈撓者要斬。相對爲文。羣書治要引此有者字。

隊階

然而隊階之卒。皆不能前途斬首之功。而後被要斬之罪。念孫案隊階二字。義不可通。當從羣書治要所

引作隊伯字之誤也。左畔作下因隊字而誤右畔作皆則因下文皆字而誤逸周書武順篇曰五五二十五曰元卒四卒成衛曰伯是百人爲伯也。兵略篇曰正行五連什伯史記秦始皇紀曰躡足行伍之閒而偏起什伯之中通典兵一引司馬穰苴曰五人爲伍十伍爲隊是隊爲伯之半故曰隊伯之卒

### 波至而自投於水

楚人有乘船而遇大風者波至而自投於水念孫案波至而下當有恐字下文惑於恐死而反忘生也卽承此句言之羣書治要意林藝文類聚舟車部白帖六十三太平御覽地部三十六舟部二引此皆作波至而恐

### 患弗過

夫動靜得則患弗過也念孫案過當從劉本朱本作遇字之誤也

### 可傳於後世

世俗言曰葬死人者裘不可以藏裘不可以藏者非能具綈繇曼帛溫煖於身也世以爲裘者難得貴賈之物也而可傳於後世無益於死者而足以養生故因其資以襲之念孫案裘無益於死者而足以養生故曰可傳於後世劉本作不可傳於後世不字因上文不可以藏而衍諸本與劉本同莊本亦同唯道藏本無不字



不待戶牖之行

使鬼神能元化。則不待戶牖之行。念孫案之當作而。太平御覽居處部十二。引此正作不待戶牖而行。

故馬免人於難者六句內脫文

故馬免人於難者其死也葬之牛其死也葬以大車爲薦。念孫案藝文類聚獸部上。太平御覽禮部三十四。獸部八。引此竝作故馬免人於難者其死也葬之以帷爲衾。牛有德於人者其死也葬之以大車之箱爲薦。今本葬之下脫去以帷爲衾四字。牛下脫去有德於人者五字。葬下脫去之字。大車下脫去之箱二字。當補入。

炎帝於火 禹勞天下 后稷作稼穡

故炎帝於火死而爲竈。各本死而皆誤作而死。惟道藏本作死而。與禹勞天下死而爲社。后稷作稼穡死而爲稷。念孫案炎帝於火本作炎帝作火。於字或書作於。形與作相似而誤。太平御覽火部二。引作於。亦後人依誤本改之。其居處部十四。引此正作作。史記孝武紀索隱。藝文類聚火部。廣韻竈字注。引此竝作作。禹勞天下。勞下本有力字。故高注曰。勞力天下。謂治水之功也。道藏本劉本皆如是。各本無力字者。據各本刪力字。非是高注脩務篇。今本無力字者。後人誤以爲衍文而刪之耳。古者謂勤爲力。大雅烝民箋。亦云禹勞力天下。不避風雨。勞力天下。猶言勤勞天下。秦族篇曰。夙興夜寐而勞力之。是也。倒言之則曰力勞。主術篇曰。民貧苦而忿

爭事力勞而無功是也。藝文類聚禮部中引此無力字。亦後人依誤本刪之。太平御覽禮儀部十一引正文注文竝作勞力。論衡祭意篇或曰炎帝作火死而爲竈。禹勞力天下死而爲社。所引卽淮南之文。后稷作稼穡。后稷本作周棄。此亦後人以意改之也。昭二十八年左傳曰周棄亦爲稷。自商以來祀之。魯語曰夏之與也。周棄繼之。故祀以爲稷。此皆淮南所本。藝文類聚禮部中太平御覽禮儀部十一引此竝作周棄。高注當云周棄。后稷也。今本云稷。周棄也。此亦後人所改。

#### 淮南內篇第十四

詮言

及宗

分而爲萬物。莫能及宗。高注曰。謂及己之性宗。念孫案及皆當爲反。字之誤也。宗者本也。言莫能反其本也。下文云能反其所生。卽反宗之謂。故高注曰反己之性宗也。說山篇曰吾將反吾宗矣。又曰牆之壞愈其立也。冰之泮愈其凝也。以其反宗。高注竝云宗本也。是其證。分而爲萬物。文選演連珠注引作分爲萬殊。案上文旣云物以羣分。此無庸復言分爲萬物。疑作萬殊者是也。今本殊作物。蓋涉下文萬物而誤。

亡乎萬物之中

物物者亡乎萬物之中。高注曰：物物者，造萬物者也。此不在萬物之中。念孫案：莊本改亡爲存，正與此義相反。

動有章則詞

星列於天而明，故人指之。義列於德而見，故人視之。人之所指，動則有章。人之所視，行則有迹。動有章則詞行有迹，則議引之曰：詞當爲訶。凡隸書可字之在旁者，或作可。漢魯相史晨龔孔廟後碑，雅歌吹笙歌作歌，冀州從事郭君碑，洞柯霜榮，柯作訶。故訶字或作詞，形與詞相似，因誤爲詞。訶謂相譏訶也。動有章則人訶之，行有迹則人議之也。說林篇曰：有爲則議，多事固苛。高注曰：蘇秦爲多事之人，故見議見苛也。苛與訶同。議字古讀若俄。小雅北山篇，與爲爲韻。爲讀若譌。淮南淑真篇，立而不議，與和爲韻。史記太史公自序，王人是議，與禾爲韻。故此及說林篇皆以訶議爲韻。若作詞，則失其韻矣。

貴其所有

人莫不貴其所有，而賤其所短。念孫案：貴與賤相反，長與短相反。若有與短，則非相反之名。有當爲脩，字之誤也。隸書脩字或作脩，脩長也。言人皆貴其所長，而賤其所短也。淮南王避父諱，故不言長而言脩。

物莫不足滑其調，獨盡其調。五行異氣而皆適調，六藝異科而皆同道。其美在調。日引

邪欲而澆其身夫調

故通性之情者，不務性之所無以爲。通命之情者，不憂命之所無奈何。通於道者，物莫不足滑其調。念孫

案物莫不足滑其調。當作物莫足滑其和。滑亂也。見原道。倣真精神三篇注。及周語。晉語注。言通於道者。物莫能亂其天和也。今本莫下衍不字。因上文兩不字而衍。和字又誤作調。原道篇曰。不以欲滑和。倣真篇曰。不足以滑其和。精神篇曰。何足以滑和。莊子德充符篇曰。不足以滑和。諸書皆言滑和。無言滑調者。且和與爲何爲韻。爲古讀若講。說見唐韻正。若作調。則失其韻矣。又兵略篇。敵若反靜。爲之出奇。彼不吾應。獨盡其調。若動而應。有見所爲。彼持後節。與之推移。彼有所積。必有所虧。精若轉左。陷其右陂。敵潰而走。後必可移。案獨盡其調。調亦當爲和。注和與奇爲移。虧陂爲韻。奇爲移。虧陂古音皆在歌部。說見唐韻正。若作調。則失其韻矣。又秦族篇。五行異氣而皆適調。六藝異科而皆同道。本作五行異氣而皆和。六藝異科而皆通。因和誤爲調。通誤爲道。後人遂於道上加同字。又於調上加適字。以成對句。而不知其謬也。太平御覽學部二。引作五行異氣而皆和。六藝異科而皆道。道字雖誤。而和字不誤。且上句無適字。下句無同字。舊本北堂書鈔藝文部一。引此正作五行異氣而皆和。六藝異科而皆通。秦族又云。聖人兼用而財制之。失本則亂。得本則治。其美在調。其失在權。水火金木土穀。異物而皆任。規矩權衡準繩。異刑而皆施。丹青膠漆。不同而皆用。各有所適。物各有宜。案其美在調。調亦當爲和。之治爲韻。和權施宜爲韻。和施宜古音在歌部。權在元部。歐元二部古或相通。說見秦族陰陽化一條下。若作調。則失其韻矣。文子上禮篇。正作其美在和。其失在權。秦族又云。今日悅五色。口嚼滋味。耳淫五聲。七竅交爭。以害其性。日引邪欲而澆其身。夫調身弗能治。奈天下何。案日引邪欲而澆其身。夫調本作日引邪欲而澆其天和。即原道所



云以欲滑和也。文子下德篇作日引邪欲竭其天和身且不能治奈天下何是其明證矣。今本澆其下衍身字。因下文而衍天誤爲夫和誤爲調遂致文不成義且聲爭性爲韻和何爲韻若作調則失其韻矣和調二字形聲皆不相近無因致誤而以上五段和字皆誤作調殊不可解。

以欲用害性

不貪無用則不以欲用害性。念孫案劉本無下用字是也。此因上用字而衍。

所無 所有

聖人守其所以有。已與同不求其所未得。求其所無則所有者亡矣。脩其所有則所欲者至。念孫案求其所無本作求其所未得。脩其所有本作脩其所已有。此皆承上文而申言之。不當有異文。今本作求其所無脩其所有皆後人以意改之也。羣書治要引此正作求其所未得脩其所已有。文子符言篇同。下文亦云。不知道者釋其所已有而求其所未得。

勸而就利者

故道不可以勸而就利者。而可以寧避害者。念孫案勸下而字。因下句而衍。文子符言篇無而字。

不爲善

故不爲善。不避醜。導天之道。不爲始。不專己。循天之理。不豫謀。不棄時。與天爲期。不求得。不辭福。從天之

則念孫案善當爲好。不爲好。不避醜。遵天之道。猶洪範言無有作好。遵王之道也。今作不爲善者。後人據文子符言篇改之耳。好醜道爲韻。始已理爲韻。謀時期爲韻。得福則爲韻。若作善。則失其韻矣。

旁禍 旁福

內無旁禍。外無旁福。念孫案旁字義不可通。文子符言篇作奇禍奇福。是也。俗書奇字作奇。旁字作旁。二形相似而誤。

生貴

爲善則觀。爲不善則議。觀則生貴。議則生患。引之曰。貴當爲責。字之誤也。此言爲善則觀之者多。觀之者多。則責之者必備。下文曰。責多功鮮。無以塞之。正謂此也。文子符言篇作爲善卽勸。勸卽生責。

受名 唯能勝理而爲受名。名興則道行。

名與道不兩明。人受名則道不用。道勝人則名息矣。念孫案受當爲愛。字之誤也。愛名則不愛道。故道不用也。文子符言篇正作愛。又下文喜德者必多怨。喜予者必善奪。唯滅跡於無爲。而隨天地自然者。唯能勝理而爲受名。名興則道行。道行則人無位矣。案此當作唯滅迹於無爲。而隨天地自然者。爲能勝理而無愛名。名興則道不行。道行則人無位矣。人如人。心道心之人。上文高注云。無位。無所立也。卽上文所謂人愛名則道不用。道勝人則名息也。今本爲能誤作唯能。無愛名誤作爲受名。道不行又脫不字。則上下文皆不可通矣。韓詩外

傳云唯滅跡於人能與而隨天地自然爲能勝理而無愛名名興則道不用道行則人無位矣是其證勝理二字說見後勝心一條下

貨數

欲尸名者必爲善欲爲善者必生事事生則釋公而就私貨數而任己引之曰貨當爲背字之誤也背數而任己謂背自然之數而任一己之私與上句釋公而就私同意文子符言篇作倍道而任己倍與背同下文又云君好智則倍時而任己乘數而用慮

立名於爲質 忘爲質 不忘其容

欲見譽於爲善而立名於爲質則治不循故而事不順時今本循作脩順作須並誤說見原道循誤爲脩下念孫案質當爲賢賢質草書相似故賢誤爲質逸周書官人篇有隲於仁賢者大哉禮賢誤作質爲賢與爲善義正相承文子作見譽而爲善立名而爲賢是其證又下文無須臾忘爲質者必困於性百步之中不忘其容者必累其形案此當作無須臾忘其爲賢者必困於性百步之中不忘其爲容者必累其形今本上二句內脫其字下二句內脫爲字爲容與爲賢相對百步之中而必爲儀容則形不勝勢故曰必累其形脫去爲字則文義不明賢字又誤爲質此卽承上欲立名於爲賢則治不循故事不順時言之故高注曰常思爲賢不循自然則性困也今本高注賢字亦誤爲質文子作夫須臾無忘其爲賢者必困其性百步之中無忘其爲容者必累其形是其證

不足以斃身

功之成也。不足以更責。高注：更，償也。事之敗也。不足以斃身。念孫案：不足以斃身，不字涉上文而衍。此言功成則不足以償其責。事敗則適足以斃其身也。文子符言篇：作事敗足以滅身，是其證。

### 善說而亡國

公孫龍察於辭而賈名，鄧析巧辯而亂法。蘇秦善說而亡國。念孫案：亡國當作亡身。故高注曰：蘇秦死於齊也。今本身作國者，涉下文治國而誤。又案高注本在蘇秦善說而亡身之下。今本在亡字之下。國字之上，則是以亡字絕句，而以國字下屬爲句。大謬。此句與上二句相對爲文。若讀蘇秦善說而亡爲句，則與上二句不對。下文由其道則善無章，循其理則巧無名，亦相對爲文。若讀國由其道爲句，則文不成義。

### 外釋交

若誠外釋交之策，而慎脩其境內之事。陳氏觀樓曰：外釋交之策，當爲釋外交之策。上文外交而爲援，是其證。

### 不以位爲患

智者不以位爲事，勇者不以位爲暴，仁者不以位爲患。可謂無爲矣。劉本：患作惠。念孫案：劉本是也。不以位爲惠，謂不假位以行其惠也。爲惠與爲暴相對。主術篇曰：重爲惠，重爲暴，則治道通矣。義與此同。



圍

一人之力以圍強敵。念孫案圍當爲圉。字之誤也。圉與禦同。劉績改圉爲禦。而莊本從之。義則是而文則非矣。

勝心 勝欲 勝理

聖人勝心。衆人勝欲。念孫案勝任也。言聖人任心。衆人任欲也。耳目之官不思而蔽於物。心之官則思。聖人先立乎其大者。則其小者不能奪。故曰聖人任心也。若衆人則縱耳目之欲而不以心制之。故曰衆人任欲也。下文曰食之不寧於體。聽之不合於道。視之不便於性。三關交爭。高注三關謂食視聽今本正文則惑口妄言則亂夫三關者不可不慎守也今據以訂正以義爲制者心也。又曰耳目鼻口不知所取。去心爲之制。各得其所。皆其證矣。說苑說叢篇曰聖人以心導耳目。小人以耳目導心。卽此所謂聖人勝心。衆人勝欲也。說文勝任也。任與勝聲相近。任心任欲之爲勝心。勝欲猶戴任之爲戴勝。呂氏春秋季春篇作戴高解聖人勝心曰心者欲之所生也。聖人止欲故勝其心。則誤以勝爲勝敗之勝矣。如高說則是心與耳目口無以異。下文何以言三關交爭以義爲制者心乎。又解衆人勝欲曰心欲之而能勝止也。心欲之而能勝止。則是賢人矣。安得謂之衆人乎。且下文言欲不可勝則勝之訓爲任明矣。文子符言篇作聖人不勝其心。衆人不勝其欲。此亦未解勝字之義。而以意改之也。又下文唯滅迹於無爲而隨天地自然

者爲能勝理而無愛名。此如今本多誤字。辯見前受名下。勝亦任也。言任理而不愛名也。隨天地自然。卽所謂任理也。呂氏春秋適音篇。勝理以治身。則生全矣。亦謂任理爲勝理也。高注曰。理事理情欲也。勝理去之以事理爲情欲。義不可通。皆由誤以勝爲勝敗之勝。故多抵牾矣。

### 從事於性

故聖人損欲而從事於性。念孫案此本作故聖人損欲而從性。上文曰。欲與性相害。不可兩立。故此言損欲而從性也。後人改從性爲從事於性。則似八股中語矣。文子符言篇。正作損欲而從性。太平御覽方術部一。引此作損欲而存性。雖存與從不同。而皆無事於二字。

### 因而不生

凡治身養性。節寢處。適飲食。和喜怒。便動靜。內在已者得。而邪氣因而不生。豈若憂瘕疵之興。興與發同。義各本與。誤作與。今據太平御覽引改。瘕疽之發。而預備之哉。念孫案邪氣因而不生。本作邪氣自不生。言治身養性。皆得其道。則邪氣自然不生。非常恐其生而預備之也。今本作邪氣因而不生者。自誤爲因。隸書因或作回。與自字相似而誤。後人又加而字耳。太平御覽引此。正作邪氣自不生。

### 在智 在力

故天下可得而不可取也。霸王可受而不可求也。在智則人與之訟。在力則人與之爭。念孫案在皆當爲

任。字之誤也。言當因時而動。不可任智任力也。上文曰。失道而任智者必危。又曰。獨任其智。失必多矣。故好智窮術也。好勇危術也。皆其證。

不滅 不沒

鼓不滅於聲。故能有聲。鏡不沒於形。故能有形。念孫案。滅當爲臧。沒當爲設。皆字之誤也。臧字俗書作臧。與沒草書亦相似。臧古藏字。鼓本無聲。擊之而後有聲。鏡本無形。物來而後有形。故曰鼓不藏於聲。鏡不設於形。作滅作沒。則義不可通矣。文選演連珠注。引此作鏡不設形。故能有形。文子上德篇。作鼓不藏聲。故能有聲。鏡不設形。故能有形。是其證。

弗吹弗聲

金石有聲。弗叩弗鳴。管簫有音。弗吹弗聲。劉本依文子改弗聲爲無聲。而諸本皆從之。莊本同。念孫案。劉改非也。白虎通義曰。聲者。鳴也。言管簫有音。弗吹弗鳴也。兵略篇曰。彈琴瑟。聲鍾竽。亦謂鳴鍾竽也。劉誤以聲爲聲音之聲。故依文子改之耳。金石有聲。管簫有音。音亦聲也。此謂聲。弗叩弗鳴。弗吹弗聲。聲亦鳴也。與聲音之聲異義。若云弗吹無聲。則與上文不類矣。

怨

故譽生。則毀隨之。善見。則怨從之。劉本依文子符言篇。改怨爲惡。念孫案。劉改是也。譽與毀對。善與惡對。

道藏本作怨者。涉上文兩怨字而誤。

焉可以託天下

能不以天下傷其國。而不以國害其身者。焉可以託天下也。念孫案焉。猶則也。老子故貴以身爲天下。則可寄天下。道應篇引作焉。可以託天下。是其證。荀子禮論篇三者偏亡焉無安人史記禮書作則無安人。是焉與則同義。詳見老子信不足焉有不信焉下。道藏本劉本朱本竝作焉。茅一桂不解焉字之義。而改焉作爲。莊本從之。謬矣。

持無所監

持無所監。謂之狂生。今本高注云。持無所監。所監者非元德。故爲狂生。李善注文選任昉哭范僕射詩曰。淮南子曰。臺無所監。謂之狂生。高誘曰。臺。持也。所監者非元德。故爲狂生。臺。古握字也。念孫案如李注所引。則今本正文及高注。皆經後人刪改明矣。又案臺與握不同字。臺當爲臺。字之誤也。說文。臺。古文握。故高注云。臺。持也。又云。臺。古握字也。後人不知臺爲臺之誤。而改臺爲持。又改高注臺持也。爲持無所監。并刪去臺。古握字也五字。以滅其跡。甚矣其妄也。

怨無所滅

民以受誅。怨無所滅。謂之道。念孫案怨無所滅。文子道德篇作無所怨憾。是也。道固當誅。故受誅者無所怨憾。今本怨字誤在無所上。憾字又誤作滅。則文不成義。



屈奇

聖人無屈奇之服。無瑰異之行。高注曰。屈。短奇長也。念孫案。屈奇。猶瑰異耳。周官閹人。奇服怪民。不入宮。鄭注曰。奇服。衣非常。屈奇之服。卽奇服也。司馬相如上林賦。摧萎嶮嶠。義與屈奇相近。屈奇雙聲字。似不當分爲兩義也。

捉得其齊

善博者平心定意。捉得其齊。行由其理。高注曰。齊。得其適也。念孫案。捉當爲投。投得其齊。謂投箸也。秦策曰。君獨不觀博者乎。或欲大投。或欲分功。行由其理。謂行棊也。楚辭招魂注曰。投六箸。行六棊。故爲六博。是也。隸書投字或作投。捉字或作投。二形相似。故投誤爲捉。太平御覽工藝部十一。引此正作投。

馳

馳者。不貪最先。不恐獨後。高注曰。馳。競驅也。劉曰。馳。除救切。莊曰。馳。卽騁字省文。孫編脩程文學說。皆如是。孫氏頤谷讀書脞錄曰。玉篇。馳。除救切。廣韻在四十九宥。注皆訓爲競馳。與高注正合。非騁之省文也。念孫案。劉注及孫頤谷說是也。玉篇廣韻競馳之訓。既本於高注。則讀馳爲胃。亦必本於高注。今本高注有義無音。寫者脫之耳。馳之言逐也。逐。馳古同聲。大畜九三。良馬逐。釋文。逐如字。鄭本作逐。逐。云。兩馬走也。一音胃。海外北經。夸父與日逐走。郭注。逐音胃。晉灼注漢書五行志曰。競走曰逐。故高注言競驅。若是騁字。則但可訓爲驅。不可訓爲競驅矣。與人競驅。故云不

貪最先不恐獨後若但曰騁則無先後之可言矣孫程必以爲騁之省文者徒以說文無駟字故耳不知是書之字固有說文所不收者且馳謂之騁競驅謂之駟一從粵聲一從由聲駟從由聲與胃宙同不得以甲代乙也

不通

有智而無術雖鑽之不通有百技而無一道雖得之弗能守念孫案通本作達此後人以意改之也術達爲韻道守爲韻改達爲通則失其韻矣據高注云無術不能達則正文作達甚明

殺臠

周公殺臠不收於前鍾鼓不解於縣高注曰臠郛到反前肩之美也引之曰大雅既醉箋殺牲體也牲體多矣不應獨言臠臠當爲臠奴低反凡隸書從臠從需說文臠有骨醢也或作臠爾雅肉謂之醢有骨者謂之臠周官醢人朝事之豆其實有麋臠鹿臠麋臠是也殺俎實也臠豆實也殺臠猶言俎豆耳殺臠鍾鼓各爲一物文正相對

弗能無害也

俎豆之列次黍稷之先後雖知弗教也弗能無害也念孫案弗能無害謂雖弗能亦無害於事也故下文云弗能祝者不可以爲祝無害於爲尸莊本害上脫無字蓋爲劉本所誤

大本

故始於都者常大爲鄙。始於樂者常大於悲。其作始簡者其終本必調。念孫案兩大字一本字皆義不可通。此文當作故始於都者常卒於鄙。始於樂者常卒於悲。其作始簡者其終卒必調。莊子人間世篇且以巧鬪力者始乎陽常卒乎陰。以禮飲酒者始乎治常卒乎亂。凡事亦然。始乎諒常卒乎鄙。其作始也簡其將畢也必巨。即淮南所本也。上文曰故以巧鬪力者始於陽常卒於陰。今本上兩卒字作大下一卒字作本者。隸書卒或作本。本或作卒。二形相似故卒誤爲本。孫子備高臨篇足以勞卒不足以害城。漢書游俠傳其陰賊著於心卒發於唾。今本卒字並誤作本。上兩本字又脫其下半而爲大耳。

以相饗 反生鬪

今有美酒嘉肴以相饗。卑體婉辭以接之。欲以合歡。爭盈爵之間。反生鬪。鬪而相傷。三族結怨。念孫案文選鮑照結客少年場行注。引此以相饗。饗上有賓字。反生鬪。反上有乃字。句法較爲完繕。

席之先萑簞四句

席之先萑簞。樽之上元酒。各本酒作樽。因上樽字而誤。今據藝文類聚太平御覽引改。俎之先生魚。豆之先黍羹。念孫案此本作席之上先萑簞。樽之上先元酒。俎之上先生魚。豆之上先黍羹。席之上三字連讀。先萑簞三字連讀。下三句竝同。後人不曉文義。而以意刪之。或刪上字。或刪先字。斯爲謬矣。藝文類聚服飾部上太平御覽服用部十

竝引此席之上先菴簞樽之上先元酒初學記器物部引此豆之上先太羹是其證。

衰其暑 大熱 質有之

大寒地坼水凝火弗爲衰其暑大熱燦石流金火弗爲益其烈寒暑之變無損益於已質有之也引之曰火弗爲衰其暑暑當爲熱大熱燦石流金熱當爲暑二字互誤火可言熱不可言暑且熱與烈爲韻若作暑則失其韻矣下文寒暑二字正承大寒大暑言之若云大寒大熱則又與下文不合矣太平御覽火部二引此熱暑二字互誤已與今本同文選演連珠注引此正作火弗爲衰其熱質有之也之當爲定言火有一定之質故不爲寒暑損益也定字俗書作芝因誤而爲之御覽引此已誤。

爾

自身以上至於荒芒句爾遠矣自死而天地無窮句爾滔矣高注滔曼長也念孫案爾爾字義不可通劉本爾作亦是也尔字俗書作尔與亦相似亦誤爲尔後人因改爲爾矣漢書司馬相如傳茲亦於舜後漢書張衡傳亦要思乎故居今本亦竝作爾皆是亦誤爲尔又改爲爾也

累積其德

故中心常恬漠累積其德引之曰累積其德當依文子符言篇作不累其德累讀如負累之累言中心恬漠外物不能累其德也下二句云狗吠而不驚自信其情自信其情與不累其德文正相對呂氏春秋有度篇曰惡欲喜怒哀樂六者累德者也寫者脫去不字校書



者又誤讀累爲積累之累因加積字耳。

淮南內篇第十五

兵略

大論

故至於攘天下害百姓肆一人之邪而長海內之禍此大論之所不取也。念孫案大當爲天字之誤也。論與倫同。王制凡制五刑必即天論鄭注論或爲倫釋文論音倫倫道也。見小雅正月篇毛傳言爲天道之理也。倫論古多通用莊本改論爲倫未達假借之義。

其國

乃發號施令曰。道藏本無曰字莊依劉本增曰字是其國之君傲天侮鬼決獄不辜殺戮無罪念孫案其也。太平御覽引此有曰字文子同。當爲某字之誤也。太平御覽兵部二引此正作某國。司馬法仁本篇亦云某國爲不道征之。

故不可得而觀

天圓而無端故不可得而觀。地方而無垠故莫能窺其門。念孫案不可得而觀本作不得觀其形。後人以形與端韻不相協故改爲不可得而觀也。不知元耕二部古或相通。說文巽從袁聲而唐風杜篇獨行巽巽與菁姓爲韻齊風還篇子之還

兮與簡肩假爲韻而漢書地理志引作子之營兮淮南精神篇曰以道爲綱有待而然抱其太清之本而無所容與而物無能營齊俗篇曰其歌樂而無轉其哭哀而無聲道應篇曰爲三年之喪令類不蕃高辭卑讓曰使民不爭又莊子大宗師篇曰夫道有情有信無爲無形可傳而不可受可得而不可見逸周書時訓篇曰螻蟷不鳴水潦淫漫蚯蚓不出璧奪后命王瓜不生困於百姓漢書賈禹傳曰何以孝弟爲財多而光榮何以禮義爲史書而仕宦何以謹慎爲鬼神無靈形不見也燕聚嘻嘻樂淫衍也宗其高年鬼待敬也易林姤之臨曰禹召諸侯會稽南山執玉萬國天下康寧升之震形字正與端爲韻也人能觀天而不能知其形故曰不得觀其形非謂不可得而觀也文子自然篇正作故不得觀其形

極之

刑兵之極也至於無刑可謂極之矣念孫案刑竝與形同可謂極之矣當作可謂極之極矣形者兵之極至於無形故曰極之極太平御覽引此正作可謂極之極矣鈔本如是刻本作可謂極矣乃後人妄刪

同欲相助

故同利相死同情相成同欲相助念孫案同欲相助當作同欲相趨趨七句同也同惡相助今本上句脫相趨二字下句脫同惡二字同欲同惡相對爲文且利死爲韻情成爲韻欲趨爲韻惡助爲韻欲與助則非韻矣古韻欲趨屬候部惡助屬御部故欲與助非韻史記吳王濞傳同惡相助同好相留同情相成同欲相趨同利相死是其證文自然篇作同行者相助此以意改耳呂氏春秋察微篇亦云同惡固相助

兵交

未至兵交接刃而敵人奔亡。念孫案兵交當爲交兵。文子上義篇正作交兵接刃。下文亦云。不待交兵接刃。

維枹綰

維枹綰而鼓之。高注曰。綰。貫也。枹。係於臂以擊鼓也。念孫案維枹綰而鼓之。殊爲不詞。一切經音義二十引此作綰枹而鼓之。無維字是也。枹字本在綰字下。故高注先釋綰。後釋枹。因枹字誤在綰字上。後人又以高注言枹係於臂。因加維字耳。不知綰字已兼維係之義。無庸更言維也。

脫句

夫論除謹動靜時。吏卒辨兵甲治。正行五。連什伯。明鼓旗。此尉之官也。前後後上脫一字。知險易見敵知難易。發斥不忘遺。此候之官也。隧路亟行。輜治賦丈均。處軍輯井。竈通。此司空之官也。收藏於後。遷舍不離。無淫輿。無遺輜。此輿之官也。凡此五官之於將也。猶身之有股肱手足也。引之曰。下言五官而上祇有四官。寫者脫其一也。兵甲治下。當有此司馬之官也。一句自論除謹至兵甲治。皆司馬之事。非尉之事。且句法亦與下不同。自正行五以下。乃是尉之事耳。司馬也。尉也。候也。司空也。輿也。所謂五官也。左傳成二年。晉軍有司馬司空輿帥候正亞旅。襄十九年。晉軍有軍尉司馬司空輿尉候奄。官名與此略同。而其數皆五。足以相證矣。漢書百官公卿表。衛尉。秦官。諸屯衛候司馬皆屬焉。續漢書百官志。大將軍營五部。部校尉一人。軍司馬一人。部下有曲。曲有軍候一人。通典兵類引一說曰。凡立軍。二百人立候。四百

人立司馬八  
百人立尉

### 郟淮

昔者楚人地南卷沅湘北繞潁泗西包巴蜀東裹郟淮高注曰巴蜀郟淮地名念孫案郟淮本作郟邳注同此後人妄改之也淮乃水名非地名與高注不合太平御覽州郡部十三引此正作郟邳沅湘潁泗皆水名巴蜀郟邳皆地名漢郟縣故城今在邳州東北下邳故城在今邳州東二縣相連故竝言之史記楚世家亦云鄒費郟邳

### 山高尋雲谿肆無景

山高尋雲谿肆無景念孫案太平御覽引作山高尋雲霓谿深肆無景是也谿深二字連讀今本脫深字則與上句不對肆無景三字連讀故高注云肆極也極谿之深不見景也若以谿肆連讀則文不成義矣晉書羊祜傳高山尋雲霓深谷肆無景即用淮南語

### 錐矢

疾如錐矢合如雷電解如風雨高注曰錐金鏃箭羽之矢也引之曰錐當爲鏃注內箭羽當爲翦羽皆字之誤也爾雅金鏃翦羽謂之鏃說文同方音曰箭江准之間謂之鏃大雅行葦篇曰四鏃既鈞周官司弓矢曰殺矢鏃矢用諸近射田獵考工記矢人曰鏃矢參分一在前二在後隱元年穀梁傳曰聘弓鏃矢不出竟場鏃字亦作鏃士喪禮記曰鏃矢一乘骨鏃短衛是其明證矣下文云疾如鏃矢鏃亦鏃之誤佳字隸書作侯



二形相似。族字。或作疾。形與疾亦相似。故錄矢之字。非誤爲錐。即誤爲鏃。齊策疾如錐矢。戰如雷電。解如風雨。文與此同。則錐矢亦是鏃矢之誤。高注以錐矢爲小矢。非也。史記蘇秦傳。又誤作鋒矢。索隱引呂氏春秋。貴卒篇。所爲貴。錐矢者。爲其應聲而至。今本呂氏春秋。誤作鏃矢。莊子天下篇。鏃矢之疾。鏃亦鏃之誤。郭象音族。非也。鴈冠子世兵篇。發如鏃矢。鏃本或作鏃。亦當以作鏃者爲是。

大地

楚國之強。大地計衆。中分天下。念孫案。大當爲支。字之誤也。汜論篇云。度地計衆。度與支皆計也。大戴禮保傳篇。燕支地計衆。不與齊均。盧辯曰。支猶計也。賈子胎教篇。作度地計衆。

棘棗

伐棘棗而爲矜。高注曰。棘棗。酸棗也。矜。矛柄。念孫案。棘棗本作燃棗。同。此亦後人妄改之也。魏風園有桃。傳云。棘棗也。說文。棘。小棗叢生者。皆不訓爲酸棗。改燃爲棘。則與高注不合矣。史記司馬相如傳。枇杷檍。柹。索隱。徐廣曰。燃。棗也。而善反。說文曰。燃。酸小棗也。淮南子云。伐燃棗以爲矜。索隱引作燃棗。而酸小棗之訓。又與高注合。則正文注文皆作燃棗明矣。下句注云。燃矜以內鑽鑿。燃即燃字之誤。

所以加 所勝

故文之所以加者淺。則勢之所勝者小。德之所施者博。則威之所制者廣。念孫案。上二句當作故文之所加者淺。則勢之所服者小。今本加上衍以字。服字又誤作勝。上服勝左畔相似。又因下言威之所制者廣。威之所制。猶言勢之所服耳。服與制義相近。若作勝。則非其指矣。漢書刑法志。作文之所加者深。則武之所

服者大。文子下德篇。作文之所加者深。則權之所服者大。皆其證。

者倅

德均。則衆者勝寡。力敵。則智者勝愚。者倅。則有數者禽無數。劉本改者倅爲勢倅。而莊本從之。念孫案。劉改非也。者當爲智。字之誤也。者智下半相似。又因上下文者字而誤。力敵二字。承衆者勝寡而言。言衆寡相等。則智者勝愚也。智倅二字。又承智者勝愚而言。言智相等。則有數者禽無數也。劉改爲勢倅。則義與上句不相承。且與力敵相復矣。數。謂兵法也。詮言篇曰。慮不勝數。事不勝道。故曰智倅。則有數者禽無數也。文子上禮篇。正作智同。則有數者禽無數。

元逐

神出而鬼行。星耀而元逐。進退詘伸。不見朕壄。玉篇。壄。古文。念孫案。逐當爲運。元運。天運也。注。引漢書張衡傳。曰。元者。天也。釋名曰。天謂之元。言如星之耀。如天之運也。覽冥篇曰。日行而月動。星耀而元運。電奔而鬼騰。進退屈伸。不見朕垠。是其明證也。運字古讀若云。呂氏春秋。論大篇。引夏書。天子之德。廣運。與文爲韻。管子形勢篇。受見朕垠。是其明證也。運字古讀若云。辭者。名之運也。與尊爲韻。越語。廣運。百里。韋注曰。東西爲廣。南北爲運。西山經。廣員百里。廣員。卽廣運。墨子非命上篇。譬猶運鈞之上。而立朝夕者也。中篇。運日。劉遠。吳都賦。注。篇。釋文曰。天運。司馬作天員。管子成篇。四時云。下而萬物化。云。卽運字。說文。煇。一名運。日。劉遠。吳都賦。注。作雲。與壄爲韻。若作逐。則失其韻矣。

發如秋風。疾如駭龍。當以生擊死。

發如秋風。疾如駭龍。當以生擊死。以盛乘衰。以疾掩遲。以飽制飢。念孫案此本作發如疾風。疾如駭電。以生擊死。以盛乘衰。以疾掩遲。以飽制飢。今本疾風作秋風。字之誤也。俗書疾字作𦏧。形與秋相近。舊本北堂書鈔武功部六引此作炎風。炎亦疾之誤。陳禹謨依俗本改為秋風。發如疾風。言其疾也。漢書韓長孺傳。匈奴輕疾悍亟之兵也。至如疾風。去如收電。顏師古曰。疾風也。故月令。疾風暴雨總至。呂氏春秋孟春篇作疾風。若作秋風。則非其指矣。疾如駭電。今本作駭龍。龍字涉上文龍騰而衍。龍下當字。即電字之誤。後人誤以當字下屬爲句。以生擊死四句之上。加一當字。則義不可通。故於駭龍之下。妄加注释耳。今本注云。龍魚也。飛之疾者也。案海外西經之龍。妄加此注。以附會駭龍二字之義。非高氏原文也。楚辭九歎。凌驚濤以軼駭電兮。駭電與疾風。事正相類。故以比用兵之神速。管子兵法篇云。追亡逐遁。若飄風。飄與疾同。月令。疾風。淮南時則篇。作飄風。爾雅。通風爲飄。月令。疾風。漢書。通傳。飄至風起。顏注。飄讀曰疾。擊刺若雷電。呂氏春秋決勝篇云。若雷電。飄風暴雨。漢書云。至如疾風。去如收電。義竝與此同。舊本北堂書鈔引此正作疾如駭電。無龍當二字。陳禹謨依俗本改爲駭龍。又加當字。

不用達

若以水滅火。若以湯沃雪。何往而不遂。何之而不用達。劉績曰。衍用字。

親刃

故將以民爲體。而民以將爲心。心誠則支體親刃。心疑則支體撓北。念孫案親刃二字。義不可通。劉本作

親力。義亦不可通。刃當爲剗。寫者脫其半耳。說文。剗。黏也。引隱元年左傳。不義不剗。或作剗。今左傳作暱。親剗。卽親暱也。支體親暱。謂從心也。支體撓北。謂不從心也。親暱之暱。古音在職部。故與北爲韻。小雅苑柳篇。無自暱焉。與息極爲韻。是其證。

### 誠必

心不專一。則體不節勁。將不誠必。則卒不勇敢。念孫案。誠必與專一相對爲文。勇敢與誠必相因爲義。管子九守篇曰。用賞者貴誠。用刑者貴必。荀子致士篇曰。人主之患。不在乎不言用賢。而在乎不誠必用賢。呂氏春秋論威篇曰。又况乎萬乘之國。而有所誠必乎。則何敵之有矣。賈子道術篇曰。伏羲誠必謂之節。枚乘七發曰。誠必不悔。決絕以諾。是古書多以誠必連文。劉本誠必作誠心。因上文心誠而誤。諸本與劉本同。唯道藏本作誠必。莊不從藏本。而從諸本。謬矣。

### 郤笠 發笥

硤路津關。大山名。塞。龍蛇蟠。郤笠居。羊腸道。發笥門。念孫案。郤笠居。後漢書杜篤傳注。引作簪笠居。是也。簪笠與龍蛇相對爲文。謂山形偃覆如簪笠。故高注有偃覆之語。今本作却笠居。注云。郤。偃覆也。笠。登。平。御覽案。郤笠二字。文不成義。訓郤爲偃覆。亦義不可通。疑傳寫錯誤也。注內登字。卽簪字之誤。發笥二字。於義無取。發笥當作魚笥。羊腸魚笥。相對爲文。高注發笥竹笥。所以捕魚。其門可入而不得出。發笥二字。



亦因正文而衍。太平御覽兵部二及後漢書注引此竝作魚笥門。御覽引注文亦無發笥二字。

擗擗

因其勞倦怠亂。飢渴凍暍。推其擗擗。擠其揭揭。高注曰。擗擗。欲臥也。揭揭。欲拔也。念孫案。說文玉篇廣韻集韻皆無擗字。擗當爲擗字之誤也。注同。擗古搖字也。考工記。矢人夾而搖之。釋文。搖本又作擗。漢書天文志。元光中天星盛擗。注內欲臥。當爲欲仆。亦字之誤也。搖搖者。動而欲仆也。因其欲仆而推之。故曰推其搖搖。武王戶銘曰。若風將至。必先搖搖。意與此相近也。太平御覽兵部二引此正作推其搖搖。隸書擗字或作擗。漢書司馬相如傳。消搖乎襄羊。因誤而爲擗。管子白心篇。夫不能自搖者。夫或擗之。擗亦擗字之誤。蓋世人少見擗擗二字。故傳寫多差。而楊慎古音餘。乃於侵韻收入擗字。引淮南子推其擗擗。擠其揭揭。不知其字。而以意爲之。斯爲謬矣。

設蔚施伏 敵人之兵

善用間諜。審錯規慮。設蔚施伏。隱匿其形。出於不意。敵人之兵。無所適備。此謂知權。念孫案。設蔚施伏。當作設施蔚伏。高注。草木盛曰蔚。伏兵於其中。故曰蔚伏。可言設蔚伏。不可言設蔚也。且審錯規慮。設施蔚伏。相對爲文。若作設蔚施伏。則與上句不對。太平御覽引此已誤。下文云。設規慮。施蔚伏。是其明證矣。敵人之兵。無所適備。太平御覽引此。敵人上有使字。於義爲長。

得失

計定謀決。明於死生。舉錯得失。莫不振驚。念孫案失當爲時。聲之誤也。太平御覽引此。正作舉錯得時。

### 必勝之攻

故攻不待衝隆雲梯而城拔。戰不至交兵接刃而敵破。明於必勝之攻也。念孫案攻當爲數。此涉上下文攻字而誤也。數。術也。太平御覽引此。正作必勝之數。

### 持亂

靜以合躁。治以持亂。念孫案持當爲待。字之誤也。持。大戴禮持二字相似。公食大夫禮。左人待戰。古文待爲待。猶禦也。言以治禦亂也。待。與禦同義。說見經義述聞左傳待諸乎下。作持則非其指矣。孫子軍爭篇以治待亂。以靜待譁。即淮南所本文。選五等論以治待亂。李善注引此文云。靜以合躁。治以待亂。尤其明證矣。

### 步銷 趨曰何趨馳

人不及步銷。車不及轉轂。引之曰。銷字義不可通。銷當作趨。隸書趨字作趨。見漢武都太守李翕西狹頌。與銷相似而誤。淮南書中。趨字多有作趨者。諸本多改作趨。唯藏本未改。故知銷爲趨之誤。人不及步趨者。用兵神速。敵人不及走避也。趨字入聲則音促。正與上下文之木遯轂木角格爲韻。

說林篇。蘇秦步曰何故趨。曰何趨馳。案馳字非原文所有。蓋後人見字書韻書趨趙之趨音馳。故旁記馳字而寫者遂誤入正文也。不知此趨字。七俱反。乃趨之變體。與音馳之趨相似而實非也。步爲徐行。趨爲疾

行故先言步後言趨高注步徐行也正以別於下句之趨也步曰何故步與故爲韻趨曰何趨趨與趨爲韻或曰當作趁曰何馳今知不然者馳乃馬疾行之名人行不得言馳也

開閉

風雨可障蔽而寒暑不可開閉念孫案開當爲關寒暑無所不入故不可關閉作開則義不可通矣俗書關字作開開字作開二形相似而誤詳見道應篇東開鴻濛之光下

腐荷之矦 獨射

夫枯淇衛箇箛載以銀錫雖有薄縞之矦腐荷之矦然猶不能獨射也今本注曰矦猶矢也念孫案腐荷之矦矦本作矦不能獨射射本作穿高注本作矦大矦也說文及儒行注襄十年左傳注並同矦本作盾此言枯淇衛箇箛而載之以銀錫則雖薄縞之矦腐荷之盾亦不能穿下文曰若假之筋角之力各本脫若字今據舊本北堂書鈔及藝文類聚太平御覽引補弓弩之勢則貫兕甲而徑於革盾矣正與此相反也汜論篇曰隆衝以攻渠矦以守高彼注曰矦矦也所以禦矢也韋昭注吳語曰渠矦也矦與盾皆所以禦五兵故彼言渠矦以守此言薄縞之矦腐荷之矦猶不能穿齊策云攻城之費百姓理若矦則非其類矣且腐荷之矦不能穿謂矢不能穿矦也今本作腐荷之矦矦卽是矢則其義不可通矣後人不知矦爲矦之誤乃改不能獨穿爲不能獨射以牽合矦字又改高注之矦大矦也爲矦猶矢也以牽合正文甚矣其謬也舊本北堂書鈔武功部十三引此正作腐荷之

櫓。陳禹謨依俗本改櫓。太平御覽兵部八十八。櫓下引此同。又引高注云。櫓。大櫓也。又今本不能獨射。舊本北堂書鈔及藝文類聚軍器部。太平御覽兵部七十八。八十八。珍寶部十一。竝引作不能獨穿。今據以訂正。

不外其爪 噬不見齒

夫飛鳥之擊也。俛其首。猛獸之攫也。匿其爪。虎豹不外其爪。而噬不見齒。念孫案虎豹不外其爪。與上句匿其爪相複。爪當作牙。此卽涉上句爪字而誤。噬不見齒。若仍指虎豹言之。則又與不外其牙相複。當作噬。犬不見其齒。與上句相對爲文。今本脫去犬字。其字舊本北堂書鈔武功部四。引此正作虎豹不外其牙。噬犬不見其齒。陳禹謨依俗本改爲虎豹。不外其爪。而噬不見齒。太平御覽兵部二同。

民

兵之所以強者。民也。念孫案文子上義篇。作兵之所以強者。必死也。於義爲長。下句民之所以必死者。義也。卽承此句言之。上文曰。百人之必死。賢於萬人之必北。是兵之所以強者。必死也。今本作兵之所以強者。民也。民字疑涉下句而誤。

上親下

上視下如子。則必王四海。下視上如父。則必正天下。上親下如弟。則不難爲之死。下視上如兄。則不難爲



之亡。念孫案上親下如弟。親亦當爲視字之誤也。上文正作上視下如弟。

矢射 以共安危

合戰必立矢射之所及。以共安危也。念孫案矢射當爲矢石。聲之誤也。太平御覽兵部十三引此已誤。意林引此正作矢石。劉晔新論兵術篇同。上文云。所以程寒暑。所以齊勞佚。所以同飢渴。則此以共安危上。亦當有所字。

二積

主之所求於民者二。求民爲之勞也。欲民爲之死也。民之所望於王者三。飢者能食之。勞者能息之。有功者能德之。民以與已償其二積。而上失其三望。國雖大人雖衆。兵猶且弱也。念孫案二積當爲二責。此因上文諸積字而誤。二責謂爲主勞。爲主死。故曰主之所求於民者二。求猶責也。太平御覽兵部十二引此正作責。

敦六博

彈琴瑟。聲鍾竽。敦六博。投高壺。高注曰。敦者。致也。念孫案古無訓敦爲致者。六博言致。亦於義無取。今案敦六博。投高壺。敦亦投也。敦音都回反。邶風北門篇。王事敦我。鄭箋曰。敦猶投擲也。是敦與投同義。投謂投箸也。楚辭招魂注曰。投六箸。行六棊。故爲六博。是也。

負兵

便國不負兵。爲主不顧身。見難不畏死。決疑不辟罪。高注曰。負程。念孫案。負與程義不相近。負當爲員。草書之誤也。太平御覽兵部四引此已誤。說山篇云。春至日。不中員程。漢書尹翁歸傳云。責以員程。是員與程同義。員爲程。式之程。又爲程。量之程。儒行曰。鷙蟲攫搏不程勇者。引重鼎不程其力。鄭注曰。程猶量也。搏猛引重。不量勇力堪之與否也。此言便國不員兵。亦謂不程量其兵之衆寡。故高注訓員爲程也。

至於

是謂至於窈窈冥冥。孰知其情。念孫案。於當爲旂。古書旂字或作旂。形與於相近。因誤爲於。續漢書天文志。會稽海賦。曾旂等千餘人。今本旂誤作於。旂冥情三字爲韻。旂與精同。主術篇曰。故至精之像。窈窈冥冥。不知爲之者誰。而功自成。老子曰。窈兮冥兮。其中有精。莊子在宥篇曰。至道之精。窈窈冥冥。皆其證也。列子說符篇。東方有人焉。曰爰旌目。後漢書張衡傳注。引作爰精目。漢濟陰太守孟郁脩堯廟碑。師工旂密。卽精密。是精與旂古字通。

奇正資

明於奇正。資陰陽刑德五行望氣候。星龜策襍祥。陳氏觀樓曰。正字後人所加。奇資以下。皆二字連讀。上文云。明於刑德。奇資之數。高注。奇資。陰陽奇祕之要。是其證。說文作奇核。史記倉公傳作奇核。漢書藝文志作奇核。竝字異而義同。

社稷之命在將軍。卽今國有難。願請子將而應之。

凡國有難。君自宮召將。詔之曰。社稷之命在將軍。即今國有難。願請子將而應之。念孫案。即當爲身。在將軍身爲句。今國有難爲句。隸書身字或作身。與即字左半相似。因誤而爲即。願請子將而應之。請字涉下文還請而衍。藝文類聚武部。太平御覽兵部五。七十一。儀式部一。引此竝作社稷之命。在將軍身。今國有難。願子將而應之。是其證。

亦以

臣既以受制於前矣。已同鼓旗斧鉞之威。臣無還請。願君亦以垂一言之命於臣也。念孫案。亦以垂一言之命。以當爲無。今作以者。涉上文既以而誤。軍不可從中御。故曰臣無還請。君亦無垂一言之命於臣。兩無字相因爲義。今本下無字作以。則義不可通。太平御覽兵部五。引此正作無。

國之寶

進不求名。退不避罪。唯民是保。利合於主。國之寶也。上將之道也。念孫案。寶當爲寶。字之誤也。孫子地形篇。故進不求名。退不避罪。唯民是保。而利合於主。國之寶也。此即淮南所本。今作國之寶。則義不可通矣。且寶與保道爲韻。若作寶。則失其韻矣。上下文皆用韻

說山

魂曰無有何得而聞也 吾聞得之矣

魄問於魂曰道何以爲體曰以無有爲體魄曰無有有形乎魂曰無有何得而聞也魄曰吾直有所遇之耳念孫案何得而聞也上本有魄曰無有四字魄問魂曰無有何得而聞也故魂答曰吾直所有遇之耳今本脫此四字則義不可通此因兩魄曰無有相亂而脫其一藝文類聚靈異部下太平御覽妖異部一所引竝有此四字又下文魄曰吾聞得之矣聞字涉上文而衍

小學

人不小學不大迷不小慧不大愚念孫案學當爲覺字之誤也小覺與大迷相對小慧與大愚相對今作小學則非其指矣文子上德篇正作不小覺不大迷又案高注本作小覺不能通道故大迷也今本作小學不博不能通道者覺誤爲學後人因加不博二字也下注云小慧不能通物故大愚也與此相對爲文則此注原無不博二字明矣

千歲之鯉不能避 引輶者爲之止也

詹公之釣千歲之鯉不能避曾子攀柩車引輶者爲之止也老母行歌而動申喜精之至也念孫案千歲之鯉不能避本作得千歲之鯉高注故得千歲之鯉也是其證今本作千歲之鯉不能避者句首脫去得



字則文不成義。後人不解其故，遂於句末加不能避三字耳。初學記麟介部太平御覽資產部十四麟介部八引此並作詹公之鈞千歲之鯉則所見本已脫得字但尙無不能避三字埤雅云魯何之鈞千歲之鯉不能避則所見本已有此三字矣下文引輶者爲之止下又衍也字。因下文精之至也而衍此文以鯉止喜三字爲韻。如今本則失其韻矣。

聽雷者聾

視日者眩。聽雷者聾。念孫案人視日則眩。聽雷則未必聾也。玉篇聾女江切。淮南子曰。聽雷者聾。注云耳中聾聾然。埤蒼云耳中聲也。廣韻與埤蒼同據此則古本作聽雷者聾。今本聾作聾而無耳中聾聾之注。則後人以意刪改之耳。

不能有

爲者不能有也。不能無爲者。不能有爲也。念孫案不能有也。本作不能無爲也。下文不能無爲者。卽承此句而申言之。高注云。好憎情欲。不能恬淡靜漠。故曰不能無爲也。是其明證矣。今本作不能有者。涉下文不能有爲而誤。文子精誠篇。正作爲者不能無爲也。

有言者 載無 之神者

人無言而神。有言者則傷。無言而神者。載無。有言則傷其神。句之神者。今本此下有高注云。道曉有鼻之所以息耳之所以聽。終以其無用者爲用矣。念孫案無言而神。有言則傷。相對爲文。有言下不當有者字。

此因上下文者字而誤衍也。下文有言則傷其神，有言下亦無者字，無言而神者載無，無下當有也字。上文云：人無爲則治，有爲則傷，無爲而治者載無也，皆與此文同一例。陳氏觀樓曰：有言則傷其神絕句。注高故曰傷其神是之神者三字，乃起下之詞，不連上句讀之，此也。言此神者，鼻之所以息耳之所以聽也。高注道賤有言云云，本在有言則傷其神之下，後人誤以則傷其神之神者作一句讀，而移高注於之神者之下，則上下文皆不可讀矣。念孫案：文子作有言則傷其神之神者，今本有字誤在傷字下，又脫其字。已誤讀淮南之文，後人移高注於之神者之下，卽爲文子所惑也。

### 不可使長

鸚鵡能言而不可使長。注長竹丈反，高注長主也。是何則？得其所言而不得其所以言。念孫案：不可使長，長下當有言字。高注曰：不知所以長言，下注又曰：不能自爲長主之言，則有言字明矣。脫去言字，則文不成義。藝文類聚鳥部中：太平御覽羽族部十一，引此皆有言字。

### 一淵不兩蛟下脫文

故末不可以強於本，指不可以大於臂，下輕上重，其覆必易。一淵不兩蛟，念孫案：一淵不兩蛟，卽承上文言之，以明物不兩大之意，而語勢未了，其下必有脫文。太平御覽鱗介部二，引此一淵不兩蛟下，有一棲不兩雄。韓子揚權篇曰：毋一則定，兩則爭。凡十一字，又引高注云：以日月不得竝明，一國不可兩君也。上

一淵不兩蛟下。引蛟魚之長其皮有珠云。今本皆脫。當據補。文子上德篇亦云一淵不兩蛟。一雌不二雄。云與今本高注同。則此所引亦是高注。一卽定兩卽爭。

子見子夏 見之

子見子夏曰。何肥也。魏文侯見之。反被裘而負芻也。念孫案。子見子夏。當作曾子見子夏。事見韓子喻老篇。魏文侯見之。反被裘而負芻也。當作魏文侯之見。反被裘而負芻也。自陳成子恆之刳子淵捷也。以下皆與此文同一例。魏文後事見新序雜事篇。

死市

拘囹圄者。以日爲脩。當死市者。以日爲短。念孫案。死市本作市死。初學記政理部。太平御覽刑法部八。引此竝作市死。釋名亦云。市死曰棄市。

不用劍

夫至巧不用劍。高注曰。巧在心手。故不用劍。引之曰。至巧不用劍。本作至巧不用鉤繩。高注同。原道篇曰。繩不能曲直。莊子駢拇篇曰。待鉤繩。規矩而正者。是削其性也。又見下。齊俗篇曰。規矩鉤繩者。此巧之具也。而非所以爲巧也。卽此所云。至巧不用鉤繩也。太平御覽工藝部九。引齊俗篇注云。巧存於心也。今齊俗篇脫此注。卽此注所云。巧在心手。故不用鉤繩也。然則今本正文及注內兩劍字。皆鉤字之誤。而鉤下又脫繩字明矣。又案御覽引此。亦作至巧。

不用劍而引高注則云巧在心手故不用劍繩然則御覽所引本作鉤繩而今本作劍者又後人據誤本淮南改之也

### 誕者

申徒狄負石自沈於淵而溺者不可以爲抗弦高誕而存鄭誕者不可以爲常念孫案誕下不當有者字此涉上文溺者而誤高注曰誕非正也故曰不可以爲常則無者字明矣秦族篇弦高誕而存鄭誕不可以爲常亦無者字

### 千年之松

千年之松下有伏苓今本伏作茯苓乃後人所改呂氏春秋精通篇注引此上有兔絲上有叢蓍下有伏龜正作伏說林篇伏苓相兔絲死字亦作伏今據改念孫案千年之松四字後人所加也此言聖人從外知內以見知隱故上有兔絲則知下有伏苓以上二句例之則此當云上有兔絲下有伏苓今云上有叢蓍則知下有伏龜兔絲在伏苓之上故曰上有兔絲非謂在松之上也伏苓在兔絲之下故曰下有伏苓亦非謂在松之下也若云千年之松下有伏苓上有兔絲則是以上下爲松之上下矣然則上有叢蓍下有伏龜又作何解乎高注云伏苓千歲松脂也兔絲生其上而無根此謂松脂入地千年爲伏苓博物志引神仙傳曰松脂入地千年化爲伏苓非謂千年之松下有伏苓也且注云兔絲生其上其字指伏苓而言不指松言則正文內本無千年之松四字明矣呂氏春秋精通篇注太平御覽藥



部六嘉祐本草補注埤雅引此皆無千年之松四字史記續鑿策傳引傳曰下有伏靈上有兔絲亦無千年松之語

周之所存身所以亡

大夫種知所以強越而不知所以存身葦宏知周之所存而不知身所以亡念孫案下二句存上脫以字身下脫之字

脩其歲

什之不能大於石也什在石之中夜之不能脩其歲也夜在歲之中仁義之不能大於道德也仁義在道德之包念孫案脩其歲亦當作脩於歲

故國有賢君折衝萬里

水濁而魚噉形勢則神亂故國有賢君折衝萬里念孫案故國有賢君二句與上意絕不相屬蓋錯簡也案上文云山有猛獸林木爲之不斬園有螫蟲藜藿爲之不采此云故國有賢君折衝萬里故字正承彼文而言賢君當作賢臣謂國有賢臣則敵國不敢加兵亦猶山之有猛獸園之有螫蟲也鹽鐵論崇禮篇故春秋傳曰山有虎豹葵藿爲之不採國有賢士邊境爲之不割漢書蓋寬饒傳臣聞山有猛獸藜藿爲之不採國有忠臣姦邪爲之不起義竝與此同且采與里爲韻今本下二句誤在此處則既失其義而又

失其韻矣。且賢臣作賢君，亦與上文取譬之義不合。高注有賢君德不可伐之語，恐是後人依已誤之正文改之也。觀注內引魏文侯禮下段干木，而秦不敢伐之事，則本作賢臣明矣。晏子春秋雜篇曰：夫不出於尊俎之間，而知衝千里之外，其晏子之謂也。知與折同。後人不曉知字之義，而刪去衝字，又於晏子之謂也下增可謂折衝矣五字，大謬。辯見晏子。呂氏春秋召類篇曰：夫修之於廟堂之上，而折衝乎千里之外者，其司城子罕之謂乎？是凡曰折衝千里者，多指賢臣言之。且國有賢臣，與山有猛獸云云同意。故鹽鐵論以虎豹喻賢士，而漢書亦以猛獸喻忠臣也。文子上德篇：山有猛獸，林木爲之不斬，園有螫蟲，葵藿爲之不采。國有賢臣，折衝千里，皆用淮南之文。則此二句本在上文山有猛獸云云之下，而賢君本作賢臣明矣。又案萬里亦當依文子作千里。敵國之遠，可言千里，不可言萬里也。據高注云：折衝車於千里之外，則正文本作千里明矣。

### 鉤

人不愛江漢之珠，而愛己之鉤。高注曰：鉤，釣也。念孫案正文鉤字本作釣。注本作釣，鉤也。釣爲釣魚之釣。又爲鉤之別名，故必須訓釋。若鉤字則不須訓釋矣。古多謂鉤爲釣，故廣雅亦云釣，鉤也。下文云：操釣上山，揭斧入淵。說林篇云：一目之羅，不可以得鳥；無餌之釣，不可以得魚。以上兩釣字，高氏皆無注者。注已見於此也。然則此注本作釣，鉤也。明矣。鬼谷子摩篇云：如操釣而臨深淵。東方朔七諫云：以直鉞而爲釣兮。又何魚之能得？皆其明證矣。道藏本作愛己之鉤，注作釣，釣也。此因正文釣誤爲鉤，後人遂顛倒注文以就之耳。劉績不得其解，又改高注

爲鈎釣鈎也。以曲爲附會。而舊本之縱跡。遂不可尋矣。諸本及淺學人但知釣爲釣魚之釣。而不知其又爲鈎之別名。故書傳中釣字多改爲鈎。詳見莊子鈎餌下。

擁柱

使養由其射之。始調弓矯矢。未發而鰲擁柱號矣。念孫案擁柱當爲擁樹。聲之誤也。文選幽通賦注。引此作抱樹。太平御覽兵部八十一。引作擁樹。

食草

故食草之獸。不疾易藪。水居之蟲。不疾易水。念孫案食草本作草食。草食與水居相對爲文。寫者誤倒耳。太平御覽蟲豸部一。引此正作草食。莊子田子方篇同。

禮而失禮

信有非禮而失禮。念孫案當作信有非而禮有失。下文此信之非。此禮之失。皆承此句言之。今本而禮二字誤倒。又脫一有字。衍一禮字。遂致文不成義。

不可慮

事或不可前規。物或不可慮。念孫案物或不可慮。文義未明。且與上句不對。文子上德篇。事或不可前規。物或不可豫慮。賈誼鵬鳥賦。天不可豫謀。即用淮南之文。今本蓋脫豫字。

既擗以櫛

髡屯犁牛既擗以櫛決鼻而羈生子而犧尸祝齊戒以沈諸河高注曰擗無角櫛無尾念孫案說文玉篇廣韻集韻皆無擗櫛二字擗櫛當爲科櫛櫛他後人從牛作擗櫛傳寫者又誤爲擗櫛耳隋書隋字或作脩相似故擗從隋聲而誤爲櫛漢司隸校尉楊渙石門頌更隨園谷隨字作隨武都太守李翥析里橋都開頌人物俱隋隋字作隋皆其證也又淮南地形篇其人隋形兌上今本隋譌作脩史記趙世家脩下而馮徐廣曰脩或作隋李斯傳隨俗雅化徐廣曰隨科與櫛皆禿貌也其方員銳櫛不同脩與銳相對是擗爲禿也墨子脩身篇華髮墮頤而故高注云科無角櫛無尾其實無角亦可謂之櫛呂氏春秋至忠篇荆猶弗舍墮與櫛同墮頤爲禿頂也莊哀王獵於雲夢射隨兕隨與櫛同齊俗篇窺面於盤水則說苑立節篇作射科雉雉與兕同集韻兕或兕蒼兕徐廣曰本或作蒼雉管蔡世隨兕科雉皆謂兕之無角者也太元窮次四士不和木科櫛范望曰家曹惠伯兕十二諸侯年表兕作雉科櫛枝葉不布集韻引宋惟幹說云科櫛木首杙也義與此科櫛相近櫛字集韻又音徒禾切故太元與和爲韻此與羈犧河爲韻羈古讀若歌下文遣人馬而解其羈與犧多爲韻羈讀若俄今誤作擗則失其韻矣

寒顛

故寒顛懼者亦顛此同名而異實念孫案寒下亦當有者字上文狂者東走逐者亦東走與此文同一例必先始於



欲學歌謳者。必先徵羽。樂風欲美和者。必先始於陽阿采菱。念孫案下必先二字。因上必先而衍。始於與必先相對爲文。不當更有必先二字。北堂書鈔樂部一。藝文類聚樂部一。太平御覽樂部三。引此竝作始於陽阿采菱。無必先二字。

甌瓠

弊筭甌瓠。各本筭誤作算。辯見齊俗弊筭下。在旃茵之上。各本旃誤作構。太平御覽引作旃。今據改。旃與旃同。茵得也。原道篇曰。席旃茵。傳旄象是也。雖貪者不搏。高注曰。瓠甌帶瓠。讀鼃甌之甌也。念孫案說文玉篇廣韻集韻類篇皆無瓠字。瓠當作瓠。字之誤也。說文望甌空也。孔通與玉篇甌或作瓠。亦作望。胡圭古畦二切。甌下空也。楚辭哀時命。璋珪雜於甌望兮。璋珪與甌望。美惡相縣。故以爲喻。此云弊筭甌瓠。在旃茵之上。雖貪者不搏。亦爲其惡也。見下文瓠字不得音甌。注當作瓠。讀鼃甌之甌。瓠皆從圭聲。故讀瓠如鼃。太平御覽器物部二。引此已誤作瓠。洪興祖楚辭補注。所引與御覽同。唯注內音甌尙不誤。楊慎古音餘。於梗韻收入瓠字。引高注瓠讀鼃甌之甌。則爲俗本所惑也。

縱之其所而已

爲魚德者。非挈而入淵。爲鰕賜者。非負而緣木。縱之其所而已。念孫案縱之其所而已。所下當有利字。淵者魚之所利。木者鰕之所利。故曰縱之其所利而已。高注故曰縱之其利而已也。利上當有所字。各本正

文脫利字。困學記聞引此已誤而注文利字尙存。莊本又改利字爲所字。則并注文亦無利字矣。文子上德篇作縱之所利而已。與高注利字合。則正文原有利字明矣。

### 予車轂

郢人有買屋棟者。求大三圍之木。而人予車轂。念孫案意林及太平御覽居處部十五。引此予下竝有之字。於義爲長。

### 大相去之遠

視方寸於牛。不知其大於羊。總視其體。乃知其大相去之遠。念孫案乃知其大。大字因上文而衍。乃知其相去之遠。文義甚明。句中不當有大字。

### 謾他

媒但者非學謾他。但成而生不信。立懂者非學鬪爭。僅立而生不讓。念孫案但與誕同。故高注曰。但猶詐也。他與詫同。謾詫。詐欺也。說文謾欺也。又曰。沈州謂欺曰詫。玉篇湯何達可二切急就篇。謾訑首匿愁勿聊。顏師古曰。謾訑。巧黠不實也。或謂之訑謾。楚辭九章。或訑謾而不疑。訑訑他字異而義同。燕策。燕王謂蘇代曰。寡人甚不喜訑者言也。蘇代對曰。周地賤媒。爲其兩譽也。之男家曰女美。之女家曰男富。故曰媒但者。非學謾他。但成而生不信也。謾他與鬪爭。相對爲文。各本謾他。竝誤作謾也。或又於鬪爭下加也字。以與謾也。

相對其謬滋甚。惟道藏本不誤。莊刻仍依各本作謾也。又於鬪爭下加也字。故特辯之。

一人

三人比肩。不能外出戶。一人相隨。可以通天下。念孫案。一人不得言相隨。一人當作二人。二人不竝行。則可以通天下。故高注云。言不竝也。

棄在席後黻黑

文公棄在席後黻黑。咎犯辭歸。高注曰。晉文公棄其臥席之下黻黑者。咎犯感其捐舊物。因辭歸。引之曰。高讀棄在席後黻黑爲一句。非也。棄在席爲句。後黻黑爲句。謂於枉席則棄之。於人之黻黑者。則後之也。韓子外儲說左篇云。文公反國至河。令籩豆捐之。席蓐捐之。手足胼胝。面目黧黑者。後之。咎犯聞之。再拜而辭。是其證。說苑復恩篇同。

桑葉

故桑葉落而長年悲也。念孫案。桑葉當爲木葉。長年見木落而悲。不當專指桑葉言之。庾信枯樹賦。引此正作木葉。文選蜀都賦注。文賦注。太平御覽人事部一百二十九。所引竝與枯樹賦同。

鼎錯

鼎錯日用而不足貴。周鼎不毀而不可賤。高注曰。錯。小鼎。引之曰。古無謂小鼎爲錯者。錯當爲錯。錯字本

在鼎字上。鑄鼎。小鼎也。言小鼎雖日用而不足貴。周鼎雖不饜而不可賤也。說文曰。鑄。鼎也。廣雅同。讀若尋。說林篇。水火相憎。鑄在其間。五味以和。彼注云。鑄。小鼎。正與此注相同。則錯爲鑄之誤明矣。鑄。小貌也。小鼎謂之鑄。小棺謂之槨。小星貌。謂之嚳。其義一也。

### 知其且赦 所利害

或曰。知其且赦也。而多殺人。或曰。知其且赦也。而多活人。其望赦同。所利害異。念孫案。兩知其且赦也。其皆當爲天。天字或作天。其字或作元。二形相似而誤。知天且赦而多殺人。若漢桓帝時。河內張成善說風角。推占當赦。遂教子殺人是也。意林引此。作或知天將赦而多殺人。或知天將赦而多活人。太平御覽刑法部十八。引作或曰。知天且赦也。而殺人。或曰。知天且赦也。而活人。是其證。其望赦同。所利害異。所上亦當有其字。御覽引此。正作其所利害異。

### 徑天高

朱儒問。徑天高於修人。念孫案。天高上不當有徑字。蓋衍文也。意林及太平御覽人事部十八。引此皆無徑字。

## 淮南內篇第十七



說林

舟桅

遽契其舟桅。高注曰：桅，船弦板。弦與桅讀如左傳襄王出居鄭地汜之汜也。念孫案：桅與汜聲不相近。徧考書傳，亦無謂船舷板爲桅者。桅當爲桅。桅與汜同聲，故讀從之。桅字本作𦨇。廣雅曰：𦨇，謂船兩邊也。集韻類篇並云：𦨇或作桅。桅字草書作桅。因譌爲桅矣。楊慎古音餘於陷韻收入桅字，引淮南子遽契其舟桅音汜，則爲俗本所惑也。

足以蹙

足以蹙者淺矣。然待所不蹙而後行，智所知者褊矣。然待所不知而後明，念孫案：足以蹙，以亦當爲所。文子上德篇作足所踐，是其證。

雛禮

月照天下而蝕於詹諸，騰蛇游霧而殆於螳蛆，烏力勝日而服於雛禮。引之曰：禮當爲杞。杞譌爲禮，後人因改爲禮耳。廣雅：杞，甲也。今本杞譌作禮。莊子：人閒埤雅引此作雛禮，則所見本已誤。廣雅曰：車攝，焦杞也。鈔本太平御覽引廣雅作鷦鷯，刻本作雛禮，亦是鈔本譌杞爲禮。刻本又改爲禮也。今本廣雅作鷦鷯，杞亦杞之譌。鷦鷯二字往往相亂。說文曰：雛，祝鳩也。昭十七年左傳注則云：祝鳩，鷦鷯也。然則淮南之雛

杞。卽廣雅之鷁杞也。此六句以諸蛆爲韻。日杞爲韻。成十六年左傳。七杞之杞。徐邈音側乙反。正與日字相協。若作禮。則失其韻矣。

### 內爲之掘

是故所重者在外。則內爲之掘。高注曰。掘律。氣不安祥。陳氏觀樓曰。掘卽拙字也。莊子達生篇。作凡外重者內拙。是其證。史記貨殖傳。田農掘業。徐廣曰。古拙字亦作掘。

### 戴致之

均之縞也。一端以爲冠。一端以爲絺。冠則戴致之。絺則屣屣之。念孫案。戴致二字。義不相屬。致當爲歧字之誤也。致字俗書。或作致。與歧相似而誤。廣韻。歧。歧戴物也。歧亦戴也。屣亦屣也。歧之言歧開也。廣雅曰。歧。開載也。又曰。載。開歧也。載與戴古字通。文子上德篇。作冠則戴歧之。爾雅曰。支。載也。支。歧與歧亦聲近。而義同。太平御覽布帛部六。引此無致屣二字。此以意刪。不可從。

### 泛杭

設鼠者機動。釣魚者泛杭。高注曰。泛。釣浮。杭。動。動則得魚。太平御覽獸部二十三。引此杭作抗。念孫案。杭抗二字。義與動皆不相近。字當爲抗。抗誤爲杭。又誤爲杭耳。說文。抗。動也。小雅正月篇。天之抗我。毛傳曰。抗。動也。考工記輪人。則是以大抗。鄭注曰。抗。搖動貌。司馬相如上林賦曰。楊翠葉。抗紫莖。抗字亦作捫。晉語。故不可捫也。韋注曰。捫。動也。設鼠者機動。釣魚者泛抗。抗亦動也。機動則得鼠。泛動則得魚。故高注云。

抗動動則得魚也。

蘭芝 芝若

蘭芝以芳。未嘗見霜。念孫案芝當爲芷。字本作茝。卽今之白芷也。隸書止與之相亂。因誤而爲芝。古人言香草者。必稱蘭芷。芝非香草。不當與蘭竝稱。曰。古入所謂芝者。祇是木上所生。內則人君燕食有芝。極盧植五色神芝者不同。然神農經亦但稱五。凡諸書中言蘭芝。言芝蘭者。皆是芷字之誤。廣雅釋天。天子祭以蘭。周官鬱人疏。引王度記。作芝蘭。荀子宥坐篇。芷蘭生於深林。非以無人而不芳。說苑雜言篇。作芝蘭。說苑雜言篇。如入蘭芷之室。久而不聞其香。家語六本篇。作芝蘭。皆字形相近而誤。其他可以類推。太平御覽天部十四。引此已誤作蘭芝。文子上德篇。正作蘭芷。又下文蘭芝欲脩。而秋風敗之。芝亦芷之誤。又脩務篇。佩玉環。揄步。說步上脫一字。雜芝若。高注曰。雜佩芝若香草。案芝亦芷之誤。司馬相如子虛賦。衡蘭芷若。張揖曰。芷白芷也。若杜若也。故注云。雜佩芷若香草。若芝則非其類矣。賈子勸學篇。正作雜芷若。列子周穆王篇同。

但氏

使但吹竽。使氏厭竅。雖中節而不可聽。高注曰。但古不知吹人。但讀燕言鉏同也。念孫案高讀與燕言鉏同。則其字當從且。不當從旦。說文但。拙也。從人且聲。玉篇七閭祥閭二切。引廣雅云。但。鈍也。今本廣雅但疏雅。廣韻但。拙人也。意與高注不知吹人相近。又高注讀燕言鉏同。與說文從人且聲。及玉篇七閭祥閭

二音竝相近若然則但爲但之誤也使氏厭竅氏當爲工隸書工字或作互氏字或作互二形相似故工誤爲氏大戴禮帝繫篇青陽降居江水今本江誤作泚是其例也厭與壓同說文壓一指按也玉篇鳥協切泰族篇曰所以貴扁鵲者貴其脈息知病之所從生也韓子外儲說右篇曰田連成夜天下善鼓瑟者也然而田連鼓上成竅下而不能成曲其故也楚辭九辯自歷按而學誦歷一作厭壓壓與厭並字異言使不善吹者吹竽而使樂工爲之按竅音雖中節而不可聽也文子上德篇作使工捻竅與同義文選笙賦厭爲乃揚李善曰厭猶捻也則氏爲工之誤明矣

### 白藜藿

爲客治飯而自藜藿名尊於實念孫案自藜藿本作自食藜藿今本脫食字則文義不明舊本北堂書鈔酒食部三出爲客治飯自食藜藿八字注云淮南子云爲客治飯而自食藜藿名尊於實也陳禹謨本食下太平御覽飲食部八引同

### 藟苗

藟苗類絮而不可以爲絮各本脫以字今據下文及太平御覽引補廢不類布而可以爲布今本注曰藟苗萩秀楚人謂之藟藟讀敵戰之敵幽冀謂之萩也念孫案藟本作藟注故注讀如敵戰之敵注內萩秀本作藟秀楚人謂之藟本作楚人謂之藟苗適與萩同玉篇藟徒歷切藟苗者萩之穗也苗音他六徒歷二荻華如絮而不溫故曰類絮而不可以爲絮萩或謂之萩廣雅曰藟藟也齊民要術引陸機毛詩疏曰藟或謂之萩至秋



堅成。卽謂之萑。是萑薹一物也。其穗則謂之薹苗。故注云。薹苗。萑秀。楚人謂之薹苗。玉篇。苗音他。六徒歷二切。苗與萑一聲之轉。故幽冀謂之萩。萩也。幽風。鴟鴞傳曰。茶。萑荈也。正義曰。謂薹之秀穗也。萑荈卽萩。荈。荈荈猶薹苗耳。太平御覽布帛部六百卉部七。引此竝作薹苗。類聚而不可以爲絮。又引高注。薹苗。萑秀也。今本薹字皆誤作萑。說文。萑。草也。從草商聲。玉篇。舒羊切。引字書。萑。陸。萑。莠也。音義與此迥異。注內楚人謂之薹下。又脫苗字。注言楚人薹苗。脫去苗字。則義不可通。太平御覽引此已誤。萑秀又改爲萩秀。而不知萩卽薹字也。莊本改萑爲萑。而又不不知說文玉篇廣韻集韻之皆無萑字也。

醯酸不慕蚋蚋慕於醯酸

羊肉不慕蚋。蚋慕於羊肉。羊肉羶也。醯酸不慕蚋。蚋慕於醯酸。念孫案下三句當作醯不慕蚋。蚋慕於醯。句。醯酸也。與上三句相對爲文。今本醯不慕蚋句內。衍一酸字。醯酸也句內。又脫醯字也。字。則文不成義。太平御覽蟲豸部二。引此已誤。唯也字未脫。

可以灌四頃

十頃之陂。可以灌四十頃。而一頃之陂。可以灌四頃。大小之衰然。念孫案可以灌四頃。當作不可以灌四頃。此言以十頃之陂。可以灌四十頃。例之。則一頃之陂。亦可以灌四頃。然而不可以灌四頃者。十頃大而一頃小。大則所灌者多。少則所灌者少。故曰大小之衰然也。下文云。百梅足以爲百人酸。一梅不足以爲

一人和意與此同。今本脫去不字，則失其義矣。

遠望尋常之外

明月之光，可以遠望，而不可以細書。甚霧之朝，可以細書，而不可以遠望。尋常之外，莊云：太平御覽十五部。作不可以望尋常之外，無遠字爲是。念孫案：莊說是也。遠字卽因上文遠望而衍。舊本北堂書鈔天部二，引此亦無遠字。

來乍

虎豹之文來射，蟻狽之捷來乍。高注曰：乍，暫疾。以其操捷來，使人疾擊而取之。操當爲驟，各本脫人，今據上句注補。念孫案：繆稱篇作蟻狽之捷來搭。高注：搭，刺也。搭與乍古同聲而通用。當以彼注爲是。

戰兵𠂔 𠂔今之死字

戰兵𠂔之鬼憎神巫。念孫案：戰字後人所加。古人所謂兵者，多指五兵而言。兵𠂔，謂𠂔於兵也。曲禮曰：𠂔寇曰兵。釋名曰：戰𠂔曰兵，言𠂔爲兵所傷也。周官冢人曰：凡𠂔於兵者，不入兆域，皆是也。後人謂戰士爲兵，故妄加戰字耳。兵𠂔之鬼憎神巫，盜賊之輩醜吠狗，二句相對爲文，加一戰字，則文不成義。且與下句不對。據高注云：兵𠂔之鬼，善行病人，則無戰字明矣。說文兵𠂔及牛馬之血爲𠂔，論衡偶會篇：𠂔功之侯，必斬兵死之頭。

目不可以瞥 耳不可以察

鼃無耳而目不可以警。精於明也。瞽無目而耳不可以察。精於聰也。高注曰：不可以警，警之則見也。不可  
以察，察之則聞也。引之曰：正文注文皆義不可通。正文當作鼃無耳而目不可以警。精於明也。瞽無目而  
耳不可以塞。精於聰也。注當作不可以警。視之則見也。不可以塞。聽之則聞也。鼃與蔽通。主術篇：聰明光  
而不闇。秦策：南陽之樊。幽高注：樊，隱也。齊語：使海於有蔽。管子：小匡篇：作樊。是蔽樊古字通。今作警者，涉上文目字而誤。太平御覽：麟介誤：塞猶蔽也。注  
郊特牲曰：管氏樹塞門。塞猶蔽也。作察者，亦字之誤。後人不知其誤，故妄改注文以從之耳。文子上德篇：正作鼃無耳而  
目不可以蔽。精於明也。瞽無目而耳不可以蔽。精於聰也。

未嘗適亡適

當凍而不死。者不失其適。當暑而不喝。者不亡其適。高注：亡，未嘗適亡適。引之曰：未嘗適亡適。當作未嘗  
不適亡適。上言不亡其適，乃亡失之亡。此言亡適，乃遺忘之忘。忘字古通。作亡，要略曰：齊景公獵射亡歸，  
策曰：老婦已亡矣。趙策曰：秦之欲伐韓梁，東國於周室甚。惟梁亡之，就與忘同。荀子勸學篇：忘慢忘身。言  
國災乃作大戮。禮忘作亡。呂氏春秋：權勸篇：是忘荆國之社稷而不恤吾衆也。淮南人閒篇：忘作亡。言  
人心有所謂適，則有所謂不適。當凍而不死。當暑而不喝。者能不失其適矣。而猶未忘乎其為適也。若隨  
所往而未嘗不適者，則忘乎其為適矣。莊子達生篇曰：忘足履之適也。忘要帶之適也。知忘是非心之適  
也。不內變，不外從，事會之適也。始乎適而未嘗不適者，忘適之適也。郭象注：識適也。此即淮南所本。高解未  
嘗不適亡適云：亡，無言不凍不喝。何適之有。未達正文之意。然據此則正文本作未嘗不適。而今本脫不

字明矣。

二十二日

蠶食而不飲。二十二日而化。念孫案二十二當爲三十二。爾雅翼引此已誤。盧辯注大戴禮易本命篇及太平御覽資產部五蟲豸部一竝引作三十二日。

弗掘無泉

稿竹有火。弗鑽不難。與然同。土中有水。弗掘無泉。念孫案弗掘無泉本作弗掘不出。謂不掘則泉不出。非謂無泉也。後人改不出爲無泉者。取其與難字爲韻耳。不知此四句以火與水隔句爲韻。說見唐韻正。而鑽與難掘與出則於句中各自爲韻。若云弗掘無泉則反失其韻矣。太平御覽火部二引此已誤。且泉卽水也。旣云土中有水則不得又言無泉矣。文子上德篇正作土中有水。不掘不出。

以飯飢

有以飯飢者而禁天下之食則悖矣。念孫案太平御覽疾病部四噎下引此飯作噎。是也。噎通作饑。因誤而爲飯。呂氏春秋蕩兵篇夫有以饑飢者欲禁天下之食悖卽淮南所本也。今俗語猶云因噎廢食。若云以飯飢則文不成義。

羸者 羸者



釣者靜之。罾者扣舟。罩者抑之。罾者舉之。高注曰：罾者以柴積水中以取魚。扣擊也。魚聞擊舟聲，藏柴下，壅而取之。罾讀沙穆。今袁州人積柴水中捕魚爲罾。幽州人名之爲潒也。念孫案：說文玉篇廣韻集韻皆無罾字。罾當爲罾字之誤也。注說文罾積柴水中以養魚。從网林聲。字林山沁反。見毛詩爾雅釋文。故高注云：罾讀沙穆也。太平御覽飲食部八引周頌潛篇：潛有多魚。毛傳曰：潛穆也。爾雅穆謂之潒。孫炎曰：積柴養魚曰穆。穆與罾同。兖州謂之罾。幽州謂之潒。方俗語有輕重耳。罾非取魚之具。意林埤雅及初學記武部：太平御覽資產部十四引此，竝作罾者舉之是也。罩者下罩而得魚，故言抑。罾者舉罾而得魚，故言舉。

或謂簦下脫文

或謂冢。或謂隴。或謂笠。或謂簦。頭蚤與空木之瑟，名同實異也。念孫案：或謂簦下，當有名異實同也。五字言冢與隴，笠與簦，名異而實同。隴本作隴，方言：簦，樂晉之閒。或謂之藪。廣雅：簦謂之笠。若頭蚤與空木之瑟，則名同而實異也。

爲其不出戶而裸之也

蒙塵而昧，固其理也。爲其不出戶而裸之也。高注曰：爲不出戶而塵裸昧之，非其道。引之曰：如高注，則正文爲其不出戶而裸之下，當有非其道三字，而寫者脫之也。道亦理也。固其理也，非其道也，相對爲文，爲猶謂也。爲字古與謂同。義說見釋詞。蓋出戶而後蒙塵，蒙塵而後昧。若謂不出戶而裸之，則無是理也。今本無非其道三字，則文不成義，且與上文不對矣。又道與理爲韻。恒素傳：久於其道也。與己始爲韻。月令：毋變天之道，與理紀爲韻。管子：心術篇：心處其道，與理爲韻。正驚

理止子爲韻。理。線成道與紀。若無此三字，則失其韻矣。下文雖欲養之非其道，亦與酒爲韻。

羹藿 爲車者 陶者 狹廬

屠者羹藿爲車者步行。陶者用缺盆，匠人處狹廬。念孫案：羹藿本作藿羹，藿羹與步行相對爲文。諸書多言藿羹，無言羹藿者，此寫者誤倒也。爲車者步行，本作車者步行。古者百工各以其事爲名，故考工記曰：攻木之工，輪輿弓廬匠車梓，此言車者，猶考工記言車人也。後人誤以車爲車馬之車，故又加爲字耳。陶者本作陶人，與匠人相對爲文。今本人作者，因上二句而誤。廬與廬同。荀子富國篇：若廬屋妾，即廬屋。孟子屋廬子，廣韻作屋廬子。道藏本劉本竝作廬，莊改廬爲廬，未達假借之義。太平御覽器物部三引此，正作屠者藿羹，車者步行。陶人用缺盆，匠人處狹廬，意林引作屠者食藿羹爲車者多步行。陶人用缺盆，匠人處狹廬，食字爲字多字，皆馬總以意加之，餘與御覽同。

提提者射

昀昀者獲，提提者射。故大白若辱，大德若不足。高注曰：昀昀，明爲衆所見，故獲提提安。言譬若鳥不飛，獸不走，提提安時，故爲人所射。念孫案：注訓提提爲安，雖本爾雅，然非此所謂提提也。昀昀提提，皆明也。語之轉耳。提與題同。說文：題，音顯也。顯，亦明也。莊子養生主篇曰：爲善無近名，爲惡無近刑。管子白心篇曰：爲善乎，毋提提，爲不善乎，將陷於刑。是提提爲明也。昀昀者獲，提提者射，即莊子山木所謂飾知以驚愚。

修身以明汙，昭昭乎如揭日月而行，故不免者也。故下文卽云：大白若辱，大德若不足。若訓提提爲安，則旣與上句不類，又與下文不屬矣。

至陵

褰衣涉水，至陵而不知下，未可以應變。念孫案：陵當爲陸，字之誤也。陸與水相對，作陵則非其指矣。意林引此正作陸。

絲衣帛

人性便絲衣帛，或射之，則被鎧甲爲其所不便，以得所便。陳氏觀樓曰：便絲衣帛當作便衣絲帛，衣絲帛與被鎧甲相對，文子上德篇作衣絲帛。

或惡爲故

布之新不如紵，紵之弊不如布，或善爲新，或惡爲故。念孫案：或惡爲故本作或善爲故，言紵善爲新，布善爲故也。今本作或惡爲故者，後人不曉文義而妄改之耳。太平御覽布帛部七引此正作或善爲故。

譏

醵醵在頰則好，在頰則醜，繡以爲裳則宜，以爲冠則譏。高注曰：譏，人譏非之也。念孫案：譏本作議，高注本作議，人譏非之也。今本議皆作譏者，後人以議與宜韻不相協而改之，因并高改注耳。不知宜字古讀若

俄說見唐韻正與譏字不相協而議字古亦讀若俄小雅北山篇或出入風議與爲爲韻爲古讀若譏淮南傲史記太史公自序王與宜字正相協也太平御覽布帛部二引此正作以爲冠則議詮言篇云行有迹則人是議與禾爲韻議又其一證也

### 少自其質

石生而堅蘭生而芳少自其質長而愈明念孫案少自其質自當依劉本作有字之誤也文子上德篇作少而有之長而逾明

### 大旱

再生者不穫華大旱者不胥時而落陳氏觀樓曰大與太同旱當爲旱字之誤也再生者不穫以其不及時也華太早者先落以其先時也文子上德篇作華太早者不須霜而落

### 自然之勢

疾雷破石陰陽相薄今本注曰自然之勢念孫案自然之勢四字乃是正文非注文言疾雷破石此陰陽相薄自然之勢也太平御覽火部二引此四字在正文內是其證

### 吟於巷 精相往來也

行者思於道而居者夢於牀慈母吟於巷適子懷於荆今本注曰精相往來也念孫案巷當爲燕字之誤



也。道與牀相對。燕與荆相對。今本燕作巷。則非其指矣。精相往來也。五字。乃是正文。非注文。呂氏春秋精通篇。身在乎秦。所親愛在於齊。外而志氣不安。精或往來也。高彼注曰。淮南記曰。慈母在於燕。適子念於荆。言精相往來也。太平御覽人事部十九。淮南子曰。適子懷於燕。慈母吟於荆。情相往來也。詞雖小異。而字皆作燕。且精相往來句。皆與上二句連引。

聖人行於水。衆人行於霜。

聖人行於水。衆人行於霜。念孫案此本作聖人行於水。無迹也。衆人行於霜。有迹也。今本脫無迹。也有迹也。六字。則文義不明。文選洛神賦注。引此作聖足行於水。無迹也。衆生行於霜。有迹也。太平御覽天部十四。引此作聖人行於水。無迹。衆人行於霜。有迹。是其證。據高注云。水有形而不可毀。故聖人行之無迹。則正文本有無迹也三字明矣。下注當云。霜雪有形而可毀。故衆人行之有迹。今本云。霜雪履有迹。故衆人行之也。則後人依已誤之正文改之耳。

批伉

故解粹者。不在於捌格。在於批伉。高注曰。批。擊伉。推。劉本伉作伉。諸本及引之曰。伉與伉。皆批字之誤也。然書尤字。或作伉。尤字。或作伉。二形相似。故批字。右邊。或誤爲伉。或誤爲伉。其左邊。手旁。又誤爲人旁。故藏本作伉。劉本作伉。伉也。劉子。攝秘。誤批。釋文。批。一本作伉。此尤誤。爲伉之證也。俗書沈字。作伉。此尤誤。爲伉之證也。注內推字。當爲推。方言曰。批。批。推也。郭璞曰。批。都感反。亦音甚。今本方言。推字。亦誤作伉。南楚凡相推。證也。注內推字。當爲推。方言曰。批。批。推也。郭璞曰。批。都感反。亦音甚。今本方言。推字。亦誤作伉。南楚凡相推。

搏曰秘。或曰攢。列子黃帝篇曰：攢摑挨枕。說文：椎，擊也。攢，反手擊也。枕，深擊也。攢與批同。故高注云：批，擊枕椎矣。或謂史記孫子傳：夫解難亂紛糾者，不控捲，救鬪者，不搏撻。批，亢擣虛，形格勢禁，則自爲解耳。語意略與此同。此言批，亢卽史記之批亢。今知不然者，史記批亢擣虛，是謂批其亢，擣其虛。劉敬傳益其眊之眊同，謂喉嚨也。此文捌格批枕，皆兩字平列，則與史記異義。且高注訓枕爲椎，則非亢字明矣。

### 志遠

蹠巨者志遠。體大者節疏。蹠距者舉遠。是其證。隸書走志相似，故走誤爲志。論篇曰：體大者節疏。蹠距者舉遠。是其證。隸書走志相似，故走誤爲志。

### 賊心忮

狂者傷人，莫之怨也。嬰兒冒老，莫之疾也。賊心忮。高注曰：賊，害。陳氏觀樓曰：忮字當爲亡也。二字之譌，亡無也。言狂者與嬰兒皆無賊害之心，故人莫之怨也。意林引此作無心也。蓋脫賊字。

## 淮南內篇第十八

### 人間

智 曉自然以爲智，知存亡之樞機禍福之門戶。

居智所謂。戴禮少閒篇曰。何謂其不能安。愚結不能解。何謂貴智。傳五年左傳曰。一之謂甚。其可再乎。大新序雜事篇曰。何謂至於此也。漢書文帝紀曰。是謂本末者。無以異也。以上諸謂字。竝與爲同義。又莊子讓王篇。其何窮之爲。呂氏春秋慎人篇。爲作謂。呂氏春秋精諭篇。胡爲不可。淮南道應篇。爲作謂。漢書高帝紀。酈食其。爲監門。史記爲作謂。皆語之轉耳。劉行智所之事。智所秉。動智所由。念孫案。四智字竝讀爲知。智字古有二音。二義。一爲智。慧之智。一爲知。識之知。說見管子法法篇。不智下。劉本依文子微明篇。改智爲知。而諸本多從之。同。蓋未達假借之義也。又下文曉自然以爲智。知存亡之樞機。禍福之門戶。舉而用之。陷溺於難者。不可勝計也。案然字當在曉字下。智卽知字也。不當更有知字。曉然自以爲智。存亡之樞機。禍福之門戶。十六字連讀。後人不識古字。而讀曉然自以爲智。絕句。故又加知字以聯屬下文耳。今本然字又誤在自字下。則更不可讀矣。

病疽將舛

孫叔敖病疽將舛。謂其子曰。念孫案。此事又見劉子說符篇。呂氏春秋異寶篇。皆不言孫叔敖病疽舛。病疽將舛。當作病且舛。史記滑稽傳。孫叔敖病且舛。屬其子曰。賈子胎教篇。史鮪病且舛。謂其子曰。文義竝與此同。劉子呂氏春秋作孫叔敖疾將舛。將亦且也。今作病疽將舛者。且字因與病字相連而誤爲疽。後人以下文謂其子曰云云。乃未舛以前之事。故於舛上加將字。而不知疽爲且之誤也。

吾則舛矣

吾則外矣。王必封女。念孫案：吾則外下，本無矣字。此後人不曉則字之義，而妄加之也。則猶若也。言吾若外，王必封女也。劉子呂氏春秋竝作爲我外，爲亦若也。爲字古與若同義。管子戒篇：管子戒篇：桓公往問之。楚而寄。若我外，猶言吾若外。吾若外，猶言吾則外也。古者則與若同義。三年問曰：今是大鳥獸，則失羣之是也。其羣匹。越月踰時焉，則必反巡。言若喪其羣匹也。荀子議兵篇曰：大寇則至，使之持危城，則必畔。遇敵處戰，則必北。言大寇若至也。趙策曰：彼則肆然而爲帝，過而遂正於天下，則連有赴東海而外矣。言彼若爲帝而正於天下也。史記魯仲連傳：彼則作。燕策：太子丹謂荆軻曰：誠得劫秦王，使悉反諸侯之侵地，則大善矣。則不可，因而刺殺之。言若不可也。韓詩外傳曰：臣之里有夫外三日而嫁者，有終身不嫁者，則自爲娶將何娶焉？言若自爲娶也。史記項羽紀：項王謂曹咎等曰：謹守成皋，則漢欲挑戰，慎勿與戰。漢書項籍傳：作卽漢欲挑戰，則與卽古字通。而同訓爲若。漢書西南夷傳：故史記高祖紀作若漢挑戰也。襄二十七年公羊傳：甯殖病將死，謂喜曰：我卽死。女能固內公乎？賈子胎教篇：史鮪病且死，謂其子曰：我卽死，治喪於北堂。史記孔子世家：季桓子病，願謂其嗣康子曰：我卽死，若必相魯。彼言我卽死，此言吾則死，皆謂吾若死也。吾若死之下，加一矣字，則文不成義矣。

而受沙石 之間有寢邱者 确石

女必讓肥饒之地而受沙石。此下有脫文。之間有寢邱者，其地确石而名醜。荆人鬼，越人禡，人莫之利也。引之



曰受沙石下有脫文。此當作女必讓肥饒之地。而受沙石之地。楚越之間。有有寢之邱者。其地确而名醜。云云。今本抄石下脫之地二字。之間上又脫楚越二字。有有寢之邱者。又脫一有字及之字。确下又衍石字。下文云。孫叔敖請沙石之地。則此當作受沙石之地明矣。劉子云。楚越之間有寢邱者。呂氏春秋云。楚越之間有有寢之邱者。則此亦當作楚越之間。故下文云。荆人鬼。越人禩也。有有寢之邱者。今本作有寢邱者。涉注文而誤也。注但言寢邱者。詳言之。則曰有寢之邱。略言之。則曰寢邱。故列子作寢邱。而呂氏春秋作有寢之邱。今本亦脫有字。唯之字未脫。下文云。其子請有寢之邱。又云。孫叔敖請有寢之邱。則此亦當作有寢之邱。明矣。地确。謂瘠薄之地。墨子親士篇曰。堯塿者。其地不育。是也。堯塿與不專指石而言。且地确名醜。相對爲文。确下尤不當有石字。此因上文沙石而誤衍耳。

楚國之俗功臣二世而爵祿

楚國之俗。功臣二世而爵祿。唯孫叔敖獨存。引之曰。俗當爲法。隸書去谷二字相似。隸書去字或作公。形字。或誤爲谷。廣雅。渡。去也。去誤爲谷。祛。開也。祛誤爲裕。皆其類也。列子。法誤爲浴。後人因改爲俗耳。此謂說符篇。白公遂死於浴室。呂氏春秋精論篇。作法室。亦以相似而誤。楚國之法如是。非謂其俗也。功臣二世而爵祿。文不成義。當有脫誤。韓子喻老篇。作楚邦之法。祿臣再世而收地。唯孫叔敖獨在。

兵橫行天下

兵橫行天下而無所絀。威服四方而無所紂。念孫案兵行天下威服四方相對爲文。橫字蓋後人所加。

### 憤然

孔子讀易至損益未嘗不憤然而歎。念孫案憤然非歎貌。憤當爲噴。噴與喟同。噴誤爲憤。諫書賁字或作賁。賁與賁相近。故從賁從賁之字或相亂。莊子天運篇乃憤吾心。憤本又作憤。潛夫論浮侈篇。憤憂憤憤。後漢書王符傳作憤憤。是其例也。後人又改爲憤耳。太平御覽學部三引此作喟然而歎。說苑敬慎篇家語六本篇竝云。孔子讀易至於損益喟然而歎。是其明證矣。說文喟太息也。或作噴。徐鍇曰。韓詩外傳噴然太息作此字。文選舞賦噴息激昂。李善亦引外傳云。魯哀公噴然太息。今外傳噴作喟。後人改之也。又晏子雜篇晏子噴然而歎。亦作此噴字。

### 欲以利之 門戶

事或欲以利之。適足以害之。或欲害之。乃反以利之。利害之反。禍福之門戶。不可不察也。念孫案或欲利之。或欲害之。相對爲文。利之上不當有以字。此因下句以字而誤衍也。太平御覽學部三引此無以字。禍福之門戶。戶字亦因上文禍福之門戶而衍。利害之反。禍福之門。相對爲文。則戶字可省。覽冥篇利害之路。禍福之門。卽其證。太平御覽引此無戶字。文子微明篇同。

### 天下撓之不窮

陽虎爲亂於魯。魯君令人閉城門而捕之。得者有重賞。失者有重罪。圍三市。而陽虎將舉劍而伯。頤門者。

止之曰天下揆之不窮。高注不窮言深遠我將出子。念孫案門者止之曰下不當有天下揆之不窮六字。蓋錯簡也。高注同太平御覽兵部八十二引此作門者止之曰我將出子。無天下揆之不窮六字。

與子反

出之者怨之曰我非故與子反也。爲之蒙死被罪而乃反傷我。念孫案我非故與子反也。反當爲友。言素與陽虎無交而爲之蒙死被罪也。今作反者。涉上下文反字而誤。

以爲下脫文

魯君聞陽虎失大怒。問所出之門。使有司拘之。以爲傷者受大賞。而不傷者被重罪。念孫案以爲二字。與下文義不相屬。太平御覽引此。作以爲傷者戰鬪者也。不傷者爲縱之者。傷者受厚賞。不傷者受重罪。是也。今本無傷者戰鬪以下十三字。此因兩傷者相亂。故寫者誤脫之耳。

反利 反取

此所謂害之而反利者也。念孫案利下脫之字。太平御覽引此有之字。上文云。或欲害之。乃反以利之。是其證。又下文此所謂與之而反取者也。取下亦脫之字。上文云。或與之而反取之。是其證。

心痛

恭王欲復戰。使人召司馬子反。子反辭以心痛。道藏本劉本如是。各本脫去。下子反而莊本從之。非是。念孫案心痛本作心疾。此移

人以意改之也。後漢書文苑傳注引此作辭以疾。蓋脫心字。呂氏春秋權勳篇韓子十過飾邪二篇說苑敬慎篇竝作辭以心疾。

不率吾衆

是亡楚國之社稷而不率吾衆也。念孫案亡與忘同。率當爲恤。聲之誤也。呂氏春秋韓子說苑竝作不恤吾衆。

爲僂

斬司馬子反爲僂。念孫案後漢書注引此爲僂上有以字是也。今本脫以字。則詞意不完。呂氏春秋韓子說苑皆有以字。

病溫而強之食

夫病溫而強之食。病喝而飲之寒。此衆人之所以爲養也。而良醫之所以爲病也。念孫案劉本溫誤作濕。莊本又改爲溼。皆非也。病溫者不可以食。若作病溼。則非其指矣。文子微明篇作病溫而強餐之熱。病喝而強飲之寒。說林篇云。病熱而強之餐。救喝而飲之寒。熱亦溫也。又案強之食。食當依說林篇作餐。字之誤也。餐寒爲韻。養病爲韻。病古音蒲浪反。說見唐韻正。若作食。則失其韻矣。

有論者 能論之



悅於目。悅於心。愚者之所利也。然而有論者之所辟也。念孫案劉本依文子。改有論爲有道。而莊本從之。非也。有論。謂有知也。對上文愚者而言。言悅目悅心。愚者之所欲。而有知者不以此傷性。若作有道。則非其指矣。古或謂知爲論。說山篇以小明大。以近論遠。呂氏春秋直諫篇。凡國之存也。主之安也。必有以也。不知所以。雖存必亡。雖安必危。所以不可不論也。高注竝云。論。知也。大戴禮保傅篇。天子不論先聖王之德。不知君國畜民之道。論亦知也。荀子解蔽篇。坐於室而見四海。處於今而論久遠。謂知久遠也。又修務篇。故夫變子之相似者。唯其母能知之。玉石之相類者。唯良工能識之。書傳之微者。唯聖人能論之。論與知識同義。彼注訓論爲敍。失之。

輪

夫虞之與號。若車之有輪。輪依於車。車亦依輪。念孫案輪本作輔。此後人妄改之也。韓子十過篇云。夫虞之有號也。如車之有輔。輔依車。車亦依輔。呂氏春秋權勳篇同。此皆淮南所本。僖五年左傳。亦云輔車相依。

雲起

山致其高。而雲起焉。水致其深。而蛟龍生焉。念孫案雲下脫雨字。雲雨蛟龍。相對爲文。太平御覽鱗介部二。引此正作雲雨起焉。說苑貴德篇。文子上德篇。及論衡龍虛篇。引傳竝同。荀子勸學篇。積土成山。風雨

興焉。積水成淵，蛟龍生焉。亦以風雨蛟龍相對。

### 陰行

夫有陰德者，必有陽報。有陰行者，必有昭明。念孫案陰行本作隱行。此涉上文陰德而誤也。陰與陽相對，隱與昭相對。今本隱作陰，則非其指矣。說苑文子竝作隱行。下文有陰德也，有隱行也。卽承此文言之。

### 好善者

昔者宋人好善者，念孫案好善上脫有字。劉子說符篇作宋人之好行仁義者。論衡福虛篇作宋人有好善行者，皆有有字。

### 近塞

近塞上之人，有善術者。念孫案近塞本作北塞。此後人以意改之也。北塞謂北方之塞。若改爲近塞，則不知爲何方之塞矣。漢書敘傳北塞頗識其倚伏。顏師古注引此，正作北塞上之人。後漢書蔡邕傳得北塞之後福。李賢注云北塞塞上塞也。藝文類聚禮部下獸部上太平御覽禮儀部四十獸部八引此竝作北塞上之人。下文近塞之人死者十九，亦本作塞上之人。漢書後漢書注及藝文類聚太平御覽文選幽通賦注竝引作塞上之人。

### 何遽不爲福

此何遽不爲福乎。念孫案何遽不爲福。本作何遽不能爲福。能與乃同。乃能古字通。既見漢書谷永傳能或減之下。言何遽不能爲福也。下文曰。此何遽不能爲禍乎。即其證。此及下文兩何遽不爲福。藝文類聚禮部。太平御覽禮儀部。竝引作何遽不乃爲福。又何遽不能爲禍。亦引作何遽不乃爲禍。

良馬

家富良馬。其子好騎。墮而折其髀。念孫案良馬本作馬良。與家富相對爲文。漢書後漢書注。藝文類聚。太平御覽。引此竝作家富馬良。

引弦

丁壯者引弦而戰。念孫案引本作控。此亦後人以意改之也。文選幽通賦注。太平御覽禮儀部。引此竝作控弦而戰。漢書注及藝文類聚禮部獸部。太平御覽獸部。竝引作皆控弦而戰。藝文類聚又引注云。控。張也。則本作控明矣。

不害於事 不可用 不同於時

或直於辭而不害於事者。或虧於耳以忤於心。而合於實者。劉本刪去不字。念孫案不害當爲不周。隸書害作尙。與周相似而誤。道應篇。周鼎著倭而使鮪其指。文子精誠篇。周誤作害。宣六年。公羊傳。靈公有周狗。謂之焚。爾雅釋畜注。誤作害。楚辭離騷。雖不周於今之人兮。王注曰。周。合也。汜論篇曰。苟周於事。不必循舊。謂合於事也。此言不周於事。亦謂不合於事也。此

言直於辭而不周於事。下言虧於耳忤於心而合於實。合亦周也。下文高陽魋命匠人爲室之言。所謂直於辭也。室成而終敗。所謂不周於事也。若云不害於事。則與此意相反矣。劉續不知害爲周之誤。故刪去不字耳。又下文此所謂直於辭而不可用者也。不可用。亦當作不周於事。凡言此所謂者。皆復舉上文之詞。不當有異。此因周誤作用。後人遂改爲不可用。而不知其與上文不合也。又下文仁者百姓之所慕也。義者衆庶之所高也。然世或用之。而身死國亡者。不同於時也。同亦當爲周。不周於時。不合於時也。齊俗篇曰。事周於世則功成。務合於時則名立。是也。文子微明篇。正作不周於時。隸書害用同三字。竝與周相似。故傳寫多誤。

而不

國危而不安。患結而不解。何謂貴智。念孫案。謂與爲同。爲。謂古字通。說見秦策。國危而不安。患結而不解。本作國危而不安。患結而不解。不而者。不能也。能而古聲相近。故能或作而。原。道。篇。而。以。寡。統。衆。又。注。呂。氏。春秋去私不居土容三篇。竝云而能也。逸周書皇門篇曰。譬若衆政。常扶予險。乃而予。以。濟。墨。子。尚。同。篇。曰。故。古。者。聖。王。唯。而。審。以。尚。同。以。爲。正。長。是。故。上。下。情。通。又。曰。天。下。之。所。以。治。者。何。也。唯。而。以。尚。同。一。義。爲。政。故。也。非。命。篇。曰。思。不。而。矯。其。耳。目。之。欲。莊。子。逍。遙。篇。曰。不。知。天。下。之。所。以。行。比。一。鄉。德。合。一。君。而。徵。一。國。荀。子。哀。公。篇。曰。君。以。此。思。哀。則。哀。將。焉。而。不。至。矣。楚。辭。九。章。曰。不。逢。湯。武。與。桓。桓。一。鄉。德。合。一。君。而。徵。一。國。管。燕。謂。其。左。右。曰。子。執。而。與。我。赴。諸。侯。乎。又。秦。始。皇。使。遣。君。王。后。玉。連。環。曰。齊。多。知。而。解。此。環。不。而。字。竝。與。能。同。故。鄭。注。屯。卦。謂。而。爲。能。幾。典。柔。遠。能。遷。漢。書。班。固。傳。曰。不。逢。湯。武。與。桓。桓。一。鄉。德。合。一。君。而。徵。一。國。管。能。治。可。爲。管。商。之。師。齊。策。能。知。能。惠。論。語。憲。問。篇。曰。愛。之。能。勿。勞。乎。鹽。鐵。論。授。時。篇。曰。能。中。能。字。無。作。而。者。皆。能。能。治。可。爲。管。商。之。師。齊。策。能。知。能。惠。論。語。憲。問。篇。曰。愛。之。能。勿。勞。乎。鹽。鐵。論。授。時。篇。曰。能。中。能。字。無。作。而。者。皆。



後人改之也。唯論衡之感虛福虛亂龍譚瑞指瑞惑。後人不曉而字之義。故改不而爲而不耳。此言所貴類定賢諸篇。能字多作而。其作能者亦是後人所改。乎智者國危能安。患結能解也。若國危不能安。患結不能解。則何爲貴智乎。下文張孟談對趙襄子曰。亡不能存。危弗能安。無爲貴智。語意正與此同。吳語危事不可以爲安。死事不可以爲生。則無爲貴智矣。不可猶不能也。後人改爲國危而不安。患結而不解。非也。若謂國不安。患不解。則與何爲貴智四字義不相屬。若謂國危而不安之患結而不解之。則是不仁而非不智矣。

臣聞之有裂壤土以安社稷者

臣聞之有裂壤土以安社稷者。聞殺身破家以存其國者。不聞出其君以爲封疆者。念孫案首句本作臣聞裂壤土以安社稷者。與下二句文同一例。因臣聞下衍之字。後人遂於之下加有字。而句法參差不協矣。

天下之所賞

故義者天下之所賞也。念孫案賞當爲貴。此承上句其言有貴者也言之。文子微明篇作仁義者天下之尊爵也。是其證。今本貴作賞者。涉上文雍季先賞而誤。

先一時之權而後萬世之利

吾豈可以先一時之權而後萬世之利也哉。念孫案此本作吾豈可以一時之權而先萬世之利也哉。先

晉悉薦反。後人誤讀爲悉前反。遂改爲先一時之權。而後萬世之利。失之矣。太平御覽兵部四十四。引此正作吾豈可以一時之權。而先萬世之利哉。呂氏春秋義賞篇。作焉有以一時之務。先百世之利者乎。皆其證。

### 城下

智伯率韓魏二國伐趙。圍晉陽。決晉水而灌之。城下緣木而處。縣釜而炊。念孫案太平御覽兵部五十二。引此城下作城中。是也。趙策及韓子十過篇。史記趙世家。竝作城中。

### 糧食匱乏大夫病

城中力已盡。糧食匱乏。大夫病。念孫案糧食匱乏。太平御覽引此無乏字。是也。今本乏字。蓋高注之誤入正文者耳。高注主術要略二篇。竝云匱乏也。此處脫去注文。乏字又誤入正文耳。力盡。糧匱。士大夫病。盡匱病相對爲文。則匱下不當有乏字。韓子趙策皆無乏字。是其證。大夫病。御覽引作武夫病。案此本作武大夫病。淮南一書。通謂士爲武。韓子作士大夫。趙策作士大夫病。此作武大夫病。一也。下文中行穆伯攻鼓。鮑聞倫曰。請無罷武大夫。而鼓可得也。是其明證矣。御覽作武夫病者。不解武大夫之語。而刪去大字也。今本作大夫病者。亦不解武大夫之語。而刪去武字也。士大夫皆病。而但言大夫。則偏而不舉矣。

### 智伯

亡不能存危弗能安無爲貴智伯。道藏本如是。念孫案伯字因上下文而衍。劉本依趙策改智伯爲智士非也。

此謂亡不能存危不能安則無爲貴智。非謂無爲貴智士。上文牛子謂無害子曰國危不能安患結不能解何爲貴智。智下亦無士字。吳語亦云危事不可以爲安死事不可以爲生則無爲貴智矣。趙策誤衍士字而劉據之以改本書謬矣。莊本同。太平御覽引此作無爲貴智。韓子作則無爲貴智矣。皆無士字。

君爲之次 出君之口

今智伯率二君而伐趙趙將亡矣。趙亡則君爲之次矣。念孫案君爲之次。君上脫二字。太平御覽引此已誤。上下文皆作二君。韓子趙策亦云趙亡則二君爲之次。又下文言出君之口入臣之耳。君上亦脫二字。太平御覽引此正作言出二君之口。韓子趙策作謀出二君之口。

陰謀

二君乃與張孟談陰謀與之期。念孫案太平御覽引此作二君乃與張孟談謀。句陰與之期是也。陰與之期謂陰約舉事之期也。趙策作陰約三軍與之期日夜是其證。今本陰字誤入上句謀字上則非其指矣。

灌智伯

趙氏殺其守隄之吏決水灌智伯。念孫案智伯下當有軍字。下句智伯軍救水而亂。卽承此句言之。太平御覽引此已脫軍字。韓子趙策皆作灌智伯軍。

故君子曰

故君子曰。美言可以市。尊行可以加人。念孫案。君子本作老子。此淺學人改之也。今老子作美言可以市。尊行可以加人。無下美字。而以市字絕句。尊字下屬爲句。道應篇引老子。亦有下美字。則所見本異也。

能道

子能道則可。不能將加誅於子。念孫案。子能道。太平御覽治道部八。引作子能變道。是也。變道。謂易其道也。晏子春秋雜篇。崔杼謂晏子曰。子變子言。則齊國吾與子共之。子不變子言。戟旣在脰。劍旣在心。唯子圖之。語意與此相似。今本脫去變字。則文不成義。

今王

今王欲爲霸王者也。念孫案。今王當爲今君。此涉上下文王字而誤也。魏自惠王始稱王。此對文侯言之。不當稱王。下文云。君以爲不然。則本作君明矣。太平御覽引此。正作君。

負輦粟

負輦粟而至。念孫案。太平御覽引此。作服撻載粟而至。是也。據高注云。服。駕牛也。則負本作服。今作負者。聲之誤耳。一切經音義十一。引此作撻載粟米而至。與御覽所引小異。而皆有載字。則今本脫載字明矣。撻與輦同。謂人挽車也。服輦載粟而至者。或服或輦。載粟而至也。管子海王篇曰。行服連輶。蓋者必有一



斤一鋸一椎一鑿。若其事立，連亦與輦同。周禮鄉師注：故輦輦作連。鄭司農云：連輦，服輦皆車名。故管子淮南皆竝稱服輦。許高注皆訓輦爲擔，於義少疏矣。許注見一切經音義。

暑以強耘，以伐林而積之。

民春以力耕，暑以強耘，秋以收斂，冬閒無事，以伐林而積之，負輓而浮之河，是用民不得休息也。念孫案暑以強耘，當從齊民要術所引作夏以強耘。夏與春秋冬相對，變夏言暑，則與上下文不類矣。以伐林而積之，當從太平御覽所引作又伐林而積之。又字承上春耕夏耘秋收而言。今本又作以，則義不可通矣。此因上文三以字而誤。

反還

莊王以討有罪。已與同。遣卒戍陳。大夫畢賀，申叔時使於齊。反還而不賀。念孫案諸書有言還反者，無言反還者。反當爲及，謂大夫畢賀之時，申叔時尚未還，及其還而獨不賀也。太平御覽兵部三十六引此正作及還而不賀。

牽牛踐人之田

申叔時曰：牽牛踐人之田，田主殺其人而奪之牛。念孫案牽牛踐人之田，太平御覽引作人有牽牛而徑於人之田中是也。今作牽牛踐人之田者，後人據左傳改之耳。案宣十一年左傳：申叔時曰：夏徵舒弑其

君其罪大矣。討而戮之。君之義也。抑人亦有言曰。牽牛以蹊人之田而奪之牛云云。史記陳杞世家作田語有之。牽牛徑人田。此文無夏徵舒以下四句。又無人亦有言之語。而即云牽牛以蹊人之田。則語無論次。故必詳言之曰。人有牽牛而徑於人之田中。後人不察文義。遂據彼以改此。而不自知其謬也。

### 興兵而攻因以誅罪人

今君王以陳爲無道。興兵而攻。因以誅罪人。遣人戍陳。念孫案興兵而攻。本作興兵而政之。政與征同。古多以政爲征。不煩引證。今本政誤作攻。又脫之字。夏徵舒弑其君。故曰興兵而征之。若言攻。則非其指矣。太平御覽引此正作舉兵而征之。因以誅罪人。本作以誅罪人。以與已同。言莊王已誅罪人而遣人戍陳也。下文云。諸侯聞之。以王爲非誅罪人也。貪陳國也。則此本作以誅罪人。遣人戍陳。明矣。上文云。莊王以討有罪。遣卒戍陳。尤其明證也。後人不知以與已同。故加因字耳。莊王之伐陳。本以誅罪人。不得言因以誅罪人也。太平御覽引此已誤。

### 無故有顯名者勿處也

非其事者勿仞也。非其名者勿就也。無故有顯名者勿處也。無功而富貴者勿居也。引之曰。無故有顯名者勿處也。義與上句無別。當即是上句之注。而今本誤入正文也。下文云。夫就人之名者廢。仞人之事者敗。無功而大利者。後將爲害。皆承上文言之。而此句獨不在內。則非正文明矣。

積力

是故忠臣之事君也。今本脫之字。據初學記。白帖太平御覽引補。計功而受賞。不爲苟得。積力而受官。不貪爵祿。念孫案。積力本作量力。此後人以意改之也。下文云。辭所不能而受所能。正所謂量力而受官也。若改量力爲積力。則非其指矣。初學記政理部。白帖四十九。太平御覽治道部十四。引此皆作量力。

楚王

楚王若欲從諸侯。不若大城城父。而令太子建守焉。以來北方。念孫案。王上不當有楚字。此因下文楚王悅之而衍。

黍粢

食芻豢。飯黍粢。服輕煖。乘牢良。念孫案。黍當爲粱。此涉上文糲黍而誤。上文云。糲黍之飯。藜藿之羹。是黍爲食之粗者。賈逵注。晉語云。粱食之精者。見文選陸機君子有所思行注。此與芻豢對文。則當言黍粱。不當言黍粢。上文云。養以芻豢。黍粱五味之膳。是其明證也。且粱與良爲韻。若作黍。則失其韻矣。

今反乃以人之所爲遲者反爲疾

夫走者。人之所以爲疾也。步者。人之所以爲遲也。今反乃以人之所爲遲者反爲疾。念孫案。此當作今乃反以人之所以爲遲者爲疾。上文曰。此衆人所以爲死也。而乃反以得活。卽其證。今本乃反二字誤倒。又

脫一以字，衍一反字。

### 離朱剡

故黃帝亡其元珠，使離朱剡索之。高注曰：離朱明目，物捷疾，剡搏善拾於物。二人皆黃帝臣也。念孫案：剡與掇通。剡上當有掇字。修務篇曰：離朱之明，掇掇之捷。高彼注曰：離朱，黃帝時人，明目能見百步之外。秋毫之末，掇掇亦黃帝時捷疾者，是也。此注當作離朱明目，見物捷疾，掇剡善於搏拾物。高注脩務篇曰：掇，搏也。注要略曰：掇，也。拾，二人皆黃帝臣也。今本正文脫掇字，注文尤多脫誤。劉續不能釐正，乃於剡上增捷字，莊請本同。與修務篇不合，非也。

### 雞定

故禍之所從生者，始於雞定，及其大也。至於亡社稷，念孫案：雞定當依劉本作雞足，字之誤也。上文云：季氏與邱氏鬪雞，爲之金距，故曰禍始於雞足。且足與稷爲韻。羣族篇：獄訟止而衣食足，亦與息德爲韻。老子：禍莫大於不知足，與得爲韻。若作定，則失其韻矣。莊伯鴻以定爲麟之定之定，大誤。

### 大侵楚

故蔡女蕩舟，齊師大侵楚，念孫案：侵上不當有大字，此因上文及其大也而衍。

### 非常



釐負羈止之曰公子非常也。念孫案非常下脫人字。韓子十過篇作晉公子非常人也。

見之密

夫牆之壞也於隙。劍之折必有齧。聖人見之密。故萬物莫能傷也。陳氏觀樓曰。密當爲蚤。字之誤也。上文禍生而不蚤滅。卽其證。

投卮漿

令尹子國。斂羹而熱。投卮漿而沃之。念孫案下旣言沃之。則上不當更言投。舊本北堂書鈔酒食部三。引此投作援。是也。陳禹謨依俗本改援爲投。援引也。謂引卮漿而沃之也。作投者。字之誤耳。太平御覽飲食部十九。所引與書鈔同。唐余知古渚宮舊事亦同。

夫仕者先避之見終始微矣

夫仕者先避。此下有脫文。之見終始微矣。念孫案夫仕者先避。當作夫上仕者。先避患而後就利。先遠辱而後求名。仕與士同。曲禮前。有士師。鄭注。士或爲仕。爾雅。士察也。小雅節南山篇。弗問弗仕。鄭箋。仕察也。幽風宗。成陽靈臺碑。故有靈臺。避患遠辱。謂上文太宰子朱辭官之事。今本仕上脫上字。先避下脫患而後就利。先遠辱而後求名。凡十二字。文子微明篇。作故上士先避患而後就利。先遠辱而後求名。是其證。之見終始微矣。上當有太宰子朱四字。此亦承上文而言。子朱見令尹之輕行簡禮。而知其必將辱人。卽辭官。

而去。可謂見其始而知其終。故曰太宰子朱之見終始微矣。

無以

使監祿無以轉餉。又以卒鑿渠而通糧道。高注監祿將念孫案無以二字後人所加。此言使監祿轉餉。又使用卒鑿渠而通糧道也。史記主父傳使監祿鑿渠運糧深入越。是其證。使監祿下加無以二字則文不成義矣。困學紀聞引此無無以二字。

鵲

夫鵲先識歲之多風也。去高木而巢扶枝。念孫案鵲上脫鳥字。下文鳥鵲之智。即其證。初學記天部上。太平御覽天部九白帖二。引此皆有鳥字。

行遊

孔子行遊。馬失同。食農夫之稼。念孫案孔子行遊四字。文不成義。此本作孔子行於東野。下文野人二字。即承此句言之。今本於誤作遊。又脫東野二字。太平御覽地部二十野下引此。正作孔子行於東野。呂氏春秋必已篇同。今本作孔子行道而息。乃後人所改。辯見呂氏春秋。

子貢往說之。卑辭

子貢往說之。卑辭而不能見也。念孫案子貢上脫使字。太平御覽引此有使字。卑當爲畢字之誤也。俗書卑字

作畢畢字作畢辭謂竟其辭也太平御覽引此作畢辭而弗能得呂氏春秋作畢辭野人不聽皆其證

不若此延路陽局

夫歌采菱發陽阿鄙人聽之不若此延路陽局高注曰延路陽局鄙歌曲也念孫案不若此此字因上文若此其無方而衍路本作露脫去上半耳陽局本作以和因上文發陽阿而誤爲陽阿阿又誤爲局也左乃字誤爲局右畔可字誤爲可劉本改局爲局而莊本從之謬矣不若延露以和者言采菱陽阿曲之至美者也而鄙人聽之曾不若歌延露以相唱和說山篇欲美和者所謂曲高和寡也李善注吳都賦月賦舞賦長笛賦七啟引此竝作不若延露以和是其明證注中陽局二字亦隨正文而衍吳都賦注引高誘曰延露鄙歌曲也無此二字

不同

故善鄙不同誹譽在俗趨舍不同逆順在君念孫案兩不字後人所加此言善鄙同而或誹或譽者俗使然也趨舍同而或逆或順者君使然也故下文云狂譎不受祿而誅段干木辭相而顯所行同也而利害異者時使然也後人於同上加不字則義不可通矣文子微明篇作善否同非譽在俗趨行等逆順在時是其證齊俗篇云趨舍同誹譽在俗意行鈞窮達在時語意正與此同

任於世

知人之所爲知人之所行則有以任於世矣念孫案任於世三字義不相屬任當爲徑徑行也見本經篇注及倍二

十五學言知天知人則有以行於世也。下文云。知天而不知人則無以與俗交。知人而不知天則無以與道遊。皆謂其不可行於世也。徑字或作徑。因誤而爲任。詮言篇下之徑衛不可勝理。文子微明篇作卽有以經於世矣。經徑古字通。經亦行也。莊子外物篇曰。不可與經於世。

### 河中

荆飲非犯河中之難。不失其守。而天下稱勇焉。念孫案河當爲江字之誤也。犯江中之難。事見道應篇。及呂氏春秋知身篇。

### 九夷歸之 天下懷其德 戰武士必其死

湯教祝網者。而四十國朝。文王葬死人之骸。而九夷歸之。武王陰喝人於樾下。左擁而右扇之。而天下懷其德。越王句踐一決獄不辜。援龍淵而切其股。血流至足以自罰也。而戰武士必其死。太平御覽疾病部四。引此九夷歸之作九夷順。無之字。天下懷下。無其德二字。又疾病部四。刑法部五。引此戰武士必其死。竝作戰士畢死。下有感於恩也四字。初學記帝王部。引此云。武王陰喝人於樾下。而天下懷之。感於恩也。念孫案九夷歸。天下懷。與四十國朝相對爲文。則歸下本無之字。懷下亦無其德二字。戰武士必其死。下當有感於恩也四字。此四字乃總承上文言之。不專指越王。故初學記引武王事下。亦有此四字也。陳氏觀樓曰。戰武士必其死。士字其字皆後人所加。淮南一書。皆謂士爲武。戰武卽戰士也。故御覽引作戰士。



畢死畢必古字通

吳王 孰

今衛君朝於吳王。吳王囚之。而欲流之於海。孰衛君之仁義。而遭此難也。念孫案。朝於吳王。王字涉下句。吳王而衍。上下文四言。朝於吳。吳下皆無王字。是其證。孰何也。言何衛君之仁義。而遭此難也。晉語。孰是是與也。越語。孰是君也。而可無死乎。昭二十五年。公羊傳。孰君而無稱。孰字並與何同義。朱東光不曉孰字之義。而於孰下加意字。斯為謬矣。莊本同。

不若然而然 不然而若然

或若然而不然者。或不若然而然者。引之曰。不若然而然。當作若不然而然。若不然而然者。謂越王句踐之事。吳請身為臣。妻為妾。若不叛吳。而實欲滅吳也。見下文。若不然而然。與若然而不然。文正相對。道藏本作不若然而然。則義不可通矣。劉本刪者。字尤非。下文何謂不然而若然者。亦當作何謂若不然而然者。

立務

游俠相與言曰。虞氏富樂之日久矣。而常有輕易人之志。吾不敢侵犯。而乃辱我以腐鼠。此如不報。如與本列子說符篇作此而不報舊無以立務於天下。高注曰。務。勢也。引之曰。務與勢義不相近。務當為矜。字之本此字誤在知字下。今乙正。誤也。矜。矜字。誤書往。往。誤。管子小稱。務為不久。韓子難篇。作矜。不長。又列子說符篇。立矜作立。矜。與矜古同聲而通用。猶矜之為矜也。張湛注。列子云。懂。勇也。此注云。矜。勢也。勢與勇亦同義。說山篇。

云。立。懂。者。非。學。關。爭。懂。立。而。生。不。讓。汜。論。篇。云。立。氣。矜。奮。勇。力。韓。詩。外。傳。云。外。立。節。矜。而。敵。不。侵。擾。是。立。矜。卽。立。懂。也。趙。策。云。勇。哉。氣。矜。之。隆。史。記。王。翳。傳。云。李。將。軍。果。勢。壯。勇。是。矜。與。勢。勇。竝。同。義。

### 滅其家下脫文

請與公僂力一志。悉率徒屬。而必以滅其家。念孫案。此處敘事未畢。當有脫文。太平御覽引此。滅其家下。有其夜乃攻虞氏。大滅其家十字。是也。上文云。貳。墮。腐。鼠。而。虞。氏。以。亡。此。處。必。有。此。十。字。方。與。上。文。相。應。因。兩。滅。其。家。相。亂。故。寫。者。誤。脫。之。耳。劉。子。作。至。期。日。之。夜。聚。衆。積。兵。以。攻。虞。氏。大。滅。其。家。是。其。證。

### 令尹

子發爲上蔡令。民有罪當刑。獄斷論定。決於令尹前。念孫案。尹字後人所加。決於令前。謂決於上蔡令之前。非謂令尹也。太平御覽刑法部二。引此無尹字。

### 視決吾罪

子發視決吾罪。而被吾刑。念孫案。視當爲親。字之誤也。親決吾罪。卽上文所云決於令前也。韓子外儲說左篇。載子皋出走之事。與此相似。云子皋問明危曰。吾不能虧主之法令。而親明子之足。彼言親明子足。此言親決吾罪。其義一也。

### 隱居爲蔽

委社稷效民力。隱居爲蔽。而戰爲鋒行。念孫案。隱居爲蔽。當作居爲隱蔽。言越之事吳。居則爲隱蔽。而戰則爲前行也。今本隱字誤在居爲之上。則文不成義。韓策云。韓之於秦也。居爲隱蔽。出爲鴈行。語意正與此同。鴈行。鋒行。皆謂前行也。燕策云。使弱燕爲鴈行。而強秦制其後。

捕雉 彌耳

夫狐之捕雉也。必先卑體彌耳。以待其來也。念孫案。捕當爲搏。字之誤也。彌耳當爲弭毛。毛字因弭字而誤爲耳。後人又改弭爲彌耳。楚辭離騷注曰。弭。按也。言卑其體。按其毛。以待雉之來也。太平御覽人事部一百三十五獸部二十一竝引此云。夫狐之搏雉也。必卑體弭毛。以待其來也。高注呂氏春秋決勝篇云。若狐之搏雉。俯體弭毛。卽用淮南之文。吳越春秋句踐歸國外傳亦云。猛獸將擊。必弭毛帖伏。

# 讀書雜誌

## 淮南內篇第十九

### 脩務

#### 疾病

時多疾病毒傷之害。念孫案疾病本作疹病。後人誤讀疹爲瘡疹之疹。以疹病二字爲不類。故改爲疾病。而不知此疹字卽疢疾之疢。非瘡疹之疹也。小雅小弁篇及左傳成六年哀五年釋文竝云疢或作疹。廣雅音云疢今疹字也。襄二十三年左傳季孫之愛我疢疾也。呂氏春秋長見篇注引此疢作疹。文選思元賦思百憂以自疹。後漢書張衡傳作疢。小雅小宛釋文引韓詩云疹苦也。越語云疾疹貧病。是疹與疢同也。史記貨殖傳正義太平御覽皇王部三資產部三鱗介部十三引此竝作疹病。是其證。又秦族篇以調陰陽之氣以合四時之節以辟疾病之菑。亦是本作疾疹。而後人改爲疾病也。太平御覽治道部五引此已誤。文子上禮篇作疾疢之灾。是其證。

#### 土地宜

相土地宜。燥濕肥瘠高下。念孫案宜上脫之字。太平御覽皇王部三引此有之字。



遇七十毒

當此之時。一日而遇七十毒。念孫案。遇字。後人所加。太平御覽皇王部三。資產部三百。卉部一。及寇宗奭本草衍義序例。引此竝作一日而七十毒。無遇字。路史禪通紀同。

沐浴霖雨

禹沐浴霖雨。櫛扶風。念孫案。沐下本無浴字。此涉高注沐浴而誤衍也。沐霖雨。櫛扶風。相對爲文。多一浴字。則句法參差矣。劉本又於櫛上加梳字。以對沐浴。尤非。藝文類聚帝王部一。太平御覽皇王部七。文選謝朓和王著作八公山詩注。引此皆無浴字。莊子天下篇。禹沐甚雨。櫛疾風。此卽淮南所本。

海內之事

又況羸天下之憂。而海內之事者乎。念孫案。海內。上脫任字。藝文類聚人部四。雜器物部。太平御覽人事部一百一十。器物部六。引此皆有任字。

禹之爲水 湯旱 桑山之林

是故禹之爲水。以身解於陽阿之河。莊本改阿爲野。案野本作阿。因誤而爲阿。說見覽冥阿阿下。湯旱。以身禱於桑山之林。念孫案。禹之爲水。蜀志郤正傳注。齊民要術序。文選應璩與岑文瑜書注。太平御覽皇王部七。禮儀部八。引此竝無之字。湯旱。蜀志注。齊民要術序。文選注。竝引作湯苦旱。太平御覽引作湯爲旱。案爲者治也。水可言爲旱。

不可言爲作苦旱者是也。禹爲水湯苦旱相對爲文。今本禹下衍之字。湯下又脫苦字耳。劉本作湯桑山之林。蜀志注齊民要術序文選注引作桑林之際。太平御覽引作桑林之下。案主術篇曰湯以身禱於桑林之際。則作際者是也。今本作桑山之林者。涉注文而誤。高注桑山之林也。呂氏春秋順民篇湯乃以身禱於桑林。高注亦云桑林。桑山之林。

### 事起天下利

是以聖人不高山不廣河。蒙恥辱以干世主。藝文類聚太平御覽引此主下並有者字。非以貪祿慕位欲事起天下利而除萬民之害。念孫案事起天下利本作事天下之利。故高注云事治也。今本利上脫之字。其事下起字則後人依文子加之也。事天下之利除萬民之害相對爲文。事下不當有起字。藝文類聚人部四太平御覽人事部四十二七十二引此竝作欲事天下之利除萬民之害也是其證。

### 因資而立權自然之勢

若吾所謂無爲者循理而舉事。因資而立權自然之勢。而曲故不得容者。念孫案因資而立下脫一字。當依文子自然篇作因資而立功。立功與舉事相對爲文。汜論篇曰聖人隨時而動靜。因資而立功。說林篇曰聖人者隨時而舉事。因資而立功。皆其證也。事功二字承上文必事必加功言之。下文事成功立又承此文言之。今本脫功字。則既與上句不對。又與上下文不相應矣。權自然之勢當依文子作推自然之勢。

字之誤也。原道篇曰：天下之事不可爲也。因其自然而推之。主術篇曰：推不可爲之勢而不循道理之數。高注推行也。今本推作權則非其指矣。

政事

政事而身弗伐功立而名弗有。念孫案事下脫成字。劉依文子補入是也。政當爲故。字之誤也。故事成而身弗伐功立而名弗有。乃結上之詞。劉不審文義而刪去政字誤矣。莊本同

攻

感而不應攻而不動。引之曰：攻當爲故。故今迫字也。故文子作迫而不動。原道篇云：感則能應。迫則能動。舊本感迫二字互誤。辯見原道。精神篇云：感而應。迫而動。莊子刻意篇云：感而後應。迫而後動。皆其證也。說文：故，迨也。徐鍇曰：迨，猶切近也。玉篇曰：故，附也。是古迫迨字本作故。今諸書皆作迫。未必非後人所改也。此迫字若不誤爲攻，則後人亦必改爲迫矣。

因高爲田

因高爲田。因下爲池。念孫案田當爲山。字之誤也。因高爲山。所謂爲高必因丘陵也。若田則有高原下濕之分。不得但言因高矣。文子自然篇：正作因高爲山。

趨而裂衣裳

昔者楚欲攻宋。墨子聞而悼之。自魯趨而十日十夜。足重繭而不休息。裂衣裳裹足。至於郢。念孫案趨而下脫往字。北堂書鈔衣冠部三。太平御覽服章部十三。工藝部九。引此皆有往字。呂氏春秋愛類篇。作自魯往。皆其證。裂衣裳裹足。衍衣字。太平御覽工藝部。引此有衣字。亦後人依俗本加之。舊本北堂書鈔衣冠部裳下。陳禹謨依俗本加衣字。太平御覽服章部裳下。引此皆作裂裳裹足。呂氏春秋愛類篇同。文選廣絕交論。裂裳裹足。李善注引墨子公輸篇亦同。後漢書邳惲傳注。引史記亦云。申包胥足腫臄。裂裳裹足。今見吳越春秋。若云裂衣裳裹足。則累於詞矣。

### 剄

頓兵剄銳。高注曰。剄。辱折。念孫案漢魏叢書本改剄爲挫。而莊本從之。非也。道藏本劉本竝作剄。太平御覽工藝部。引此亦作剄。則舊本皆作剄明矣。說文。剄。折傷也。莊子山木篇。呂氏春秋必已篇。竝云廉則剄。今本莊子作挫。釋文作剄。云本亦作挫。高注呂氏春秋云。剄。缺傷也。經傳或作挫者。借字耳。後人多見挫。少見剄。遂改剄爲挫。謬矣。高注本訓剄爲折。今本折上有辱字。亦後人所加。此挫字訓爲折。不訓爲辱。後人然於挫辱之語。故妄加辱字耳。

### 趺蹠

夫墨子趺蹠而趨千里以存楚宋。高注曰。趺。疾行也。蹠。趨走也。引之曰。書傳無訓。趺爲疾行者。趺當作趺。音決。注當作趺蹠。疾行也。趨走也。見說文。今本趺字皆誤作跌。注內蹠字。又誤在趨走也之上。廣雅。蹠。奔也。趨。



疾也。𨔵𨔵竝與𨔵通。玉篇𨔵疾也。下文軟躡𨔵步。高彼注云。𨔵趣也。趣與𨔵通。是疾行爲𨔵也。說文𨔵𨔵也。漢書武帝紀。馬或奔蹏而致千里。蹏亦奔也。顏師古誤訓蹏爲蹏。辯見廣雅疏證。蹏蹏古字通。集韻蹏或作蹏。是疾行又爲蹏也。合言之則曰𨔵蹏。古馬之善走者。謂之𨔵蹏。𨔵蹏之言𨔵蹏也。疾行謂之𨔵蹏。故曰𨔵蹏而趨千里。

險新

及至圉人攬之良御教之掩以衡轡連以轡銜則雖歷險塹弗敢辭念孫案險與塹不同義諸書亦無以險塹連文者太平御覽工藝部三獸部八引此竝作歷險超塹是也超越也

帽邊

發憤而成。而下脫一字。劉本補仁字。帽憑而爲義。高注曰。帽憑盈滿積思之貌。念孫案帽當爲惛字之誤也。廣雅曰。惛併忼慨也。惛音謂併反。惛併與惛憑聲近而義同。惛憑而爲義猶言忼慨而爲義耳。楚辭離騷注云。楚人名滿曰憑。故高注云。惛憑盈滿積思之貌。又離騷。喟憑心而歷茲。王注云。喟然舒憤懣之心。喟憑與惛憑義亦相近。

下不及

夫上不及堯舜。下不及商均。念孫案。下不及。當爲下不若。言不似商均之不肖也。比上則言不及。比下則言不若。下文美不及西施。惡不若嫫母。卽其證。今作下不及者。因上句及字而誤。文選辯命論注。引此正。

作下不若商均。

一飽

今以爲學者之有過而非學者則是以一飽之故絕穀不食以一躓之難輟足不行惑也念孫案以一飽之故絕穀義不可通飽當爲餉字之誤也注餉與噎同說文噎飯窒也字又作饘漢書賈山傳祝餉在前祝饁在後顏師古曰餉古饘字一饘而不食與一躓而不行高注躓事正相類說苑說叢篇一噎之故絕穀不食一蹶之故卻足不行語即本於淮南今俗語猶云因噎廢食

橘柚

夫橘柚冬生而人曰冬死死者衆薺麥夏死而人曰夏生生者衆念孫案橘柚本作亭歷時則篇孟夏之月靡草死高注曰靡草薺亭歷之屬也呂氏春秋孟夏篇注及呂氏春秋任地篇孟夏之咎殺三葉而穫大麥高注曰三葉薺亭歷薺也是月之季枯死本書天文篇曰五月爲小刑薺麥亭歷枯冬生草木必死案亭歷薺麥皆冬生夏死此言亭歷冬生薺麥夏死者互文耳後人改亭歷爲橘柚斯爲不倫矣太平御覽藥部十亭歷下引此正作亭歷冬生

禹生於石 五聖 四俊

若夫堯眉八彩九竅通洞而公正無私一言而萬民齊舜二瞳子是謂重明作事成法出言成章禹耳參

漏。是謂大通興利除害。疏河決江。文王四乳。是謂大仁。天下所歸。百姓所親。皋陶馬喙。是謂至信。決獄明  
白。察於人情。契生於卵。禹生於石。舊本禹生於石。在契生於卵之上。案此段以私齊爲韻。明章爲韻。通江  
則失其韻。史皇產而能書。羿左臂脩而善射。若此九賢者。千歲而一出。猶繼踵而生。今無五聖之天奉。四  
俊之才難。欲棄學而循性。是謂猶釋船而欲躐水也。高說禹生於石。云禹母脩已。感石而生禹。坼臂而出。  
又說五聖云。堯舜禹湯周文王也。說四俊云。謂皋陶稷契史皇。引之曰。案太平御覽皇親部一。引河圖著  
命曰。脩已見流星。意感生禹。又引禮含文嘉曰。夏姒氏祖以薏苡生。又引孝經鉤命決曰。命星貫鼎。脩紀  
夢接生禹。是禹之生。或以爲感流星。或以爲吞薏苡。無言生於石者。史記六國表。禹興於西羌。集解引皇  
甫謐曰。孟子稱禹生石紐。西夷人也。蜀志秦宓傳曰。禹生石紐。今之汶山郡是也。注引譙周蜀本紀曰。禹  
本汶山廣柔縣人也。生於石紐。其地名剌兒坪。水經沫水注曰。廣柔縣有石紐鄉。禹所生也。是石紐乃地  
名。禹生石紐。猶言舜生於諸馮。文王生於岐周。非謂感石而生也。徧考諸書。無禹生於石之說。禹當爲啟。  
郭璞注中山經秦室之山云。啟母化爲石而生啟。在此山。見淮南子。是淮南古本有作啟生於石者。及考  
漢書武帝紀。詔曰。朕至於中嶽。見夏后啟母石。應劭曰。啟生而母化爲石。師古曰。禹治鴻水。通轅轅山。化  
爲熊。謂塗山氏曰。欲餉。聞鼓聲。乃來。禹跳石。誤中鼓。塗山氏往。見禹方作熊。慙而去。至嵩高山下。化爲石。  
方生啟。禹曰。歸我子。石破北方而啟生。事見淮南子。又御覽地部十六引淮南。與師古注略同。又北堂書

鈔后妃部一亦引淮南石破生啟蓋許慎本作啟生於石書鈔御覽及師古注所引卽許慎之注郭璞所云啟母化爲石而生啟見淮南子者亦用許慎注也且此段以堯舜禹文王皋陶契啟史皇羿九人言之故謂之九賢又謂之五聖四俊若旣言禹耳參漏又言禹生於石則僅八人不得稱九矣高據誤本禹生於石爲說則九賢內少一賢而五聖四俊亦不能如數不得已乃據上文所稱五聖神農堯舜禹湯而取湯入五聖又據上文言后稷之智而以稷入四俊不知彼此各不相蒙也且彼處五聖內有神農何以舍之而取湯此段九賢內有羿又何以不得與別若此者皆不可解矣以文義求之五聖蓋卽堯舜禹文王皋陶四俊蓋卽契啟史皇羿也

### 純鈞

夫純鈞魚腸之始下型擊則不能斷刺則不能入高注曰純鈞利劍名念孫案鈞皆當爲鈞字之誤也覽冥篇曰區冶生而淳鈞之劍成齊俗篇曰淳均之劍不可愛也而區冶之巧可貴也皆其證道藏本劉本皆誤作鈞朱本改鈞爲鈞是也茅本又改爲鈞而莊本從之且并覽冥篇亦改爲鈞斯爲謬矣舊本北堂書鈔武功部劍下三引此文皆作純鈞陳禹謨改其一爲純鈞而刪其二越絕外傳記寶劍篇曰一曰湛盧二曰純鈞廣雅曰醇鈞劍也其字亦皆作鈞且齊俗篇作淳均若是鈞字不得與均通矣左思吳都賦吳鈞越棘純鈞湛盧上句言吳鈞下句言純鈞若作純鈞則鈞字重出矣



粉以元錫

明鏡之始下型。矇然未見形容。及其粉以元錫。摩以白旃。則鬢眉微毛。可得而察。舊本脫則字。今以上文  
託太平御覽。引此。高注曰。於摩。道藏本如是。各念孫案。粉以元錫。本作挖以元錫。挖者。摩也。高注云。於摩。  
竝有則字。今據補。高注曰。於摩。本皆作摩。磨。於即挖字之誤。隸書於字或作扌。形與挖相似。故挖誤爲於。廣雅曰。挖。磨也。磨與摩通。玉篇。挖。柯  
略。濡不給挖。高注曰。挖。拭也。漢書禮樂志。郊祀歌。挖嘉壇。孟康曰。挖。摩也。此云挖以元錫。摩以白旃。是挖  
與摩同義。故高注云。挖摩。道藏本正文。挖字誤作粉。注內挖字又誤作於。後人不得其解。遂改高注於摩。  
爲摩磨。莊本又改爲旃摩。斯爲謬矣。初學記器物部九。引此竝作粉以元錫。亦後人依誤本淮南改之。太  
平御覽學部一。服用部十九。珍寶部十一。竝引作挖以元錫。又高注呂氏春秋達鬱篇云。鏡明見人之醜。  
而人挖以元錫。摩以白旃。即用此篇之語。是其明證矣。

有餘

知者之所短。不若愚者之所脩。賢者之所不足。不若衆人之有餘。念孫案。有餘上亦當有所字。

順風

夫鴈順風以愛氣力。銜蘆而翔。以備矰弋。念孫案。順風下本有而飛二字。與銜蘆而翔相對爲文。今本脫  
此二字。則與下文不對。藝文類聚鳥部中。白帖九十四。太平御覽羽族部四。引此竝作從風而飛。以愛氣

力說苑說叢篇作順風而飛以助氣力皆其證。

### 景以蔽日

掘虛連比以像宮室陰以防雨景以蔽日引之曰景即日之光不得言景以蔽日景當爲晏字之誤也。繆稱篇暉日知晏陰諧知雨高注曰晏無雲也。文選羽獵賦注引許注同說文晏天清也又曰晏星無雲也。繆與晏通字亦作曠。小雅角弓篇見晁曰消韓詩作曠晁聿消云曠晁日出也。荀子非相篇作晏然聿消史記封禪書至中山曠溫漢書郊祀志曠作晏如淳曰三輔謂日出清濟爲晏韓子外儲說左篇曰雨霽日出視之晏陰之閒晏與陰正相對故曰陰以防雨晏以蔽日言穴居之獸陰則有以防雨晴則有以蔽日也。

### 不出門

今使人生於辟陋之國長於窮欄漏室之下長無兄弟少無父母目未嘗見禮節耳未嘗聞先古獨守專室而不出門使其性雖不愚然其知者必寡矣。念孫案門下當有戶字不出門戶與獨守專室相對爲文且戶與下母古寡爲韻。下讀若戶寡讀若古母合韻音莫補反並見唐韻正若無戶字則失其韻矣。

### 知其六賢之道

周室以後無六子之賢而皆脩其業當世之人無一人之才而知其六賢之道者何。念孫案知其六賢之道其字涉上文脩其業而衍。

分白黑利害

閒居靜思鼓琴讀書追觀上古及賢士大夫學問講辯日以自娛蘇援世事分白黑利害籌策得失以觀禍福設儀立度可以爲法則念孫案分白黑利害本作分別白黑高注內分別白黑四字即本於正文白黑下本無利害二字今作分白黑利害者分下脫去別字遂不成句後人以高注云知利害之所在因加利害二字以足句耳案高注云分別白黑知利害之所在此是因正文而申言之謂分別白黑則可以知利害之所在非正文內本有利害二字也有白黑斯有得失有得失斯有禍福故云分別白黑籌策得失以觀禍福禍福即高注所謂利害也若此句先言利害則下文不必更言禍福矣蘇援世事分別白黑籌策得失皆相對爲句若云分白黑利害則句法參差矣且此段以書夫娛爲韻黑福則爲韻若云分白黑利害則失其韻矣

款蹠趺 重跼

答者南榮躄恥聖道之獨亡於己身淬霜露款蹠趺跋涉山川冒蒙荆棘百舍重跼不敢休息高注曰款猶著蹠履趺趣跼足生胝也各本生胝二字誤倒今乙正念孫案款蹠趺趺下本有步字跼疾行也說文跼馬行貌又云跼蹠也廣雅云跼奔也史記張儀傳揆前跼後蹄閒三尋索隱曰音馬之走勢疾也莊子齊物論驚震鹿見之決蹠崔譔曰疾走不顧爲決跼蹠決並字異而義同故注訓跼爲趨莊子庚桑楚釋文引此正作款蹠跼步今本脫去步字則文不成義且自身淬霜露以下皆以四字爲句又以露步爲韻棘息爲韻脫去步字則句既不協而韻又不諧矣重跼當爲重跼字之誤也高注跼讀若繭莊子天

道篇。百舍重趼而不敢息。釋文。趼古顯反。司馬云。胝也。許慎云。足指約中斷傷爲趼。所引許注。卽此篇重趼之注也。司馬訓趼爲胝。與高注足生胝同義。劉晝新論惜時篇云。南榮之訪道。重趼而不休。卽用此篇之文。則跽爲趼之誤明矣。趼字亦作繭。賈子勸學篇云。南榮跽百舍重繭而不敢久息。是也。宋策。墨子百舍重繭。高彼注云。重繭。累胝也。亦與此注同義。

### 欣然七日不食如饗太牢

南見老聃。受教一言。精神曉洽。鈍閱條達。案閱與惛聲相近。故高注云。鈍閱猶鈍惛。方言曰。頓。惛也。江今改正。欣然七日不食如饗太牢。引之曰。七日不食上。當有若字。如讀爲而。言聞老聃之言。若七日不食而饗太牢也。賈子云。南榮跽既遇老聃。見教一言。若飢十日而得太牢。是其證。文子精誠篇。襲用此文。而改之曰。勤苦七日不食。如享太牢。失其指矣。

### 葉語

稱譽葉語。至今不休。高注曰。葉世言榮疇。見稱譽。世傳相語。至今不止。念孫案。葉當爲華。俗書華字作華。與葉相似而誤。東周策。謀之於葉庭之中。姚宏曰。春秋後語。作華。華之庭。秦策。華。榮也。稱譽華語。至今不休。言榮名常在人口也。高所見本已誤作葉。故訓葉爲世。文子正作稱譽華語。

### 麗沙石



申包胥羸糧旣走。跋涉谷行。獵蒙龍。蹠沙石。蹠達膝。此下統一字。楚策作蹠穿膝。鼻。會蘭重貶。高注曰。蹠。僂。蹠。足達穿也。念孫案。蹠訓爲僂。雖本說文。而此蹠字則非其義。蹠者。蹠也。謂足蹠沙石也。蹠或作蹠。說文作蹠。云蹠也。主術經注曰。蹠。蹠也。楚辭九章注曰。蹠。蹠也。也。文選舞賦注。引許慎淮南注曰。蹠。蹠也。呂氏春秋知化篇。子胥兩祛高蹠而出於廷。高注曰。蹠。蹠也。司馬相如上林賦。蹠石闕。郭璞曰。蹠。蹠也。漢書申屠嘉傳。材官蹠張。如淳曰。材官之多力。能腳蹠。蹠張之。故曰蹠張。是足蹠謂之蹠也。申包胥跋涉谷行。故足蹠沙石。而蹠爲之穿。若訓蹠爲僂。則與上下文不相貫注矣。

權說

謝子山東辯士。固權說以取少主。引之曰。權本作奮。奮字上半。與權字右半相似。又涉注內權字而誤也。高注曰。常發其巧說。以取少主之權。發字正釋奮字。史記樂書集解。引孫炎樂記注曰。發也。以取少主之權。乃加之權二字。以申明其義。非正文有權字也。呂氏春秋去宥篇。正作將奮於說。以取少主。

以爲狗羹 盡寫其食

楚人有烹猴而召其鄰人。以爲狗羹也。而甘之。後聞其猴也。據地而吐之。盡寫其食。念孫案。鄰人下當更有鄰人二字。今本脫去。則文義不明。北堂書鈔酒食部三。初學記器物部。太平御覽飲食部十九。獸部二十二。引此竝疊鄰人二字。盡寫其食。亦當依初學記太平御覽引。作盡寫其所食。

鋌

苗山之鋌羊頭之銷。念孫案鋌當爲鋌。字之誤也。鋌音挺。說文鋌銅鐵樸也。文選七命注引此篇苗山之挺。七發注同。羊頭之銷。又引許慎注曰。鋌銅鐵樸也。高注苗山楚山利銷生鐵也是其證。

濫脇號鍾

鼓琴者期於鳴廉脩營而不期於濫脇號鍾。高注曰。濫脇音不和。號鍾高聲非耳所及也。劉績曰。濫脇號鍾皆古琴名。梁元帝纂要以爲齊桓公琴是也。作藍脅。念孫案劉說是也。濫與藍古字通。廣雅藍脅號鍾琴名也。楚辭九歎破伯牙之號鍾兮。王注云。號鍾琴名。馬融長笛賦亦云若絙瑟促柱。號鍾高調。宋書樂志云。齊桓曰號鍾。楚莊曰繞梁。事出傅元琴賦。

以爲知者也

曉然意有所通於物。故作書以喻意。以爲知者也。高注曰。喻明也。作書者以明古今傳代之事。以爲知者施也。念孫案如高注。則喻意當作喻事。知者下當有施字。施設也。言作書以明事。爲後之知己者設也。又下文故師曠之欲善調鍾也。以爲後之知音者也。以爲後之知音者。與以爲知者。施同意。各本知音上有者。後世之知音。注曰。喻上句作書爲知者施也。各本知音而誤。今據上注改。則正文有施字明矣。今本喻事作喻意。涉上句意字而誤。知者下脫施字。則文義不明。

掄步 籠蒙目視

佩玉環掄步。雜芷若。今本芷誤作芝。雜見疏林蘭芝下。籠蒙目視。治由笑。目流眇。口會撓。奇牙出。猷補搖。念孫案說文掄引也。掄步之間。脫去一字。自佩玉環以下。皆三字爲句。此獨兩字。則與上下不協。新書勸學篇作掄缺陂。今本掄誤作掄。亦三字爲句也。籠蒙目視四字。文不成義。且與上下句不協。劉續曰。衍目字。念孫案此當衍視字。高注目視也。則正文作籠蒙目明矣。今本目下有視字。即涉注文而誤。廣雅亦云。目視也。史記項羽紀曰。范增數目項王。是也。籠蒙目。即籠蒙視。與治由笑相對爲文。賈子作風蜚視。今本風蜚誤作蜚蜚。風蜚籠蒙。語之轉耳。

憚怵

無不憚怵。癢心而悅其色矣。高注曰。憚怵。貪欲也。錢氏獻之曰。憚。注讀探。必非憚字。據楚辭及馮衍賦。應作憚。憚爲是。形之譌耳。念孫案錢謂憚當作憚。是也。然楚辭七諫。心憚憚而煩冤兮。王注云。憚。憚。憂愁貌。後漢書馮衍傳。終憚憚而洞疑。李賢注引廣蒼云。憚。憚。禍福未定也。皆與高注貪欲之義不同。唯賈子勸學篇。孰能無憚憚養心。義與此同。廣韻。憚。抽。據切。憚。憚。愛也。義蓋本於淮南。

扶於 便媚 若驚

今鼓舞者。繞身若環。曾撓摩地。扶於猗那。動容轉曲。便媚擬神。身若秋藥。被風髮若結旌。騁馳若驚。高注曰。扶轉周旋。更曲意更爲之。念孫案高注傳寫脫誤。當作扶於周旋也。轉更也。曲。更。更爲之。今本脫去於。

字兩也字轉字誤在周旋上竟字又誤作意遂致文不成義正文內扶於二字各本多誤作扶旋旋字即涉注文而陸道藏本茅本不誤扶於猗那皆疊韻也若作扶旋則失其讀矣史記司馬相如傳扶輿猗靡集解引郭璞曰淮南所謂曾折摩地扶輿猗委也扶輿即扶於相如傳又云垂條扶於太平御覽樂部十二引此正作扶於又引高注曰轉更也曲竟更爲也是其證楚辭九懷登羊角兮扶輿洪興祖補注引此亦作扶於而莊刻乃從諸本作扶旋謬矣便嬈擬神嬈當爲娟娟字俗書作媚與娟相似而誤楚辭大招豐肉微骨體便娟只王注云便娟好貌也便娟亦疊韻若作便媚則失其讀矣後漢書文苑傳注及太平御覽引此竝作便娟騁馳若驚驚當爲驚高注言其疾也正釋若驚二字今本言其疾上有騁馳二字此涉正文而衍張衡西京賦說舞曰紛縱體而迅赴若驚鶴之羣罷是也驚驚字相近因誤爲驚莊子知北遊驚驚本亦作驚騁馳若驚則是騁馳若騁馳矣且地那爲韻地古讀若陀說見唐韻正神旌驚爲韻此以真耕通爲一韻周易楚辭及老莊諸子多如此若作驚則失其韻矣太平御覽引此正作騁馳若驚

且夫

且夫觀者莫不爲之損心酸足念孫案且當爲則字之誤也則夫二字承上今鼓舞者以下二十一旬而言上文云則布衣章帶之人莫不左右睥睨而掩鼻又云則雖王公大人有嚴志頡頏之行者無不憚憐癢心而悅其色矣語意竝與此同



眇勁 淹浸漬

夫鼓舞者非柔縱而木然者非眇勁。淹浸漬漸靡使然也。高注曰：眇，絕也。言其非能自有絕妙之強力也。淹，久浸漬。念孫案：高訓眇爲絕，而以眇勁爲絕妙之強力，於義未安。今案眇勁與柔縱相對爲文，眇讀爲眇，眇勁猶輕勁也。上文曰：越人有重遲者，而人謂之眇。高彼注曰：眇，輕利急疾。舊本脫疾字，據文選注補。眇讀燕人言躁操善越者謂之眇同也。後漢書馬融傳：或輕眇趨悍。李賢曰：眇，輕捷也。文選吳都賦：輕眇之客。李善曰：高誘淮南子注曰：眇，輕利急疾也。眇音眇，是眇眇同聲而通用也。淹浸漬漸靡，漬字涉注文而衍。淹浸漸靡，皆兩字連讀，不當有漬字。且注訓淹爲久浸爲漬，則正文無漬字明矣。

藜藿

藜藿之生，蠕蠕然日加數寸，不可以爲樞棟。念孫案：藜藿當爲藜藿。徒用反。字之誤也。藿，卽今所謂灰藿也。爾雅：拜藿藿。郭注曰：藿藿似藜。昭十六年左傳曰：斬其蓬蒿藜藿。莊子徐無鬼篇曰：藜藿柱乎鼯鼯之逕，是也。藜藿皆生於不治之地，其高過人，故曰蠕蠕然日加數寸。若藿爲豆葉，豆之高不及三尺，斯不得言日加數寸矣。藜藿皆一莖直上，形似樹而質不堅，故曰不可以爲樞棟。若藿則非其類矣。太平御覽木部六引此作藜藿，亦傳寫之誤。其百卉部藿下引此正作藜藿。後人多聞藜藿，寡聞藜藿，故諸書中藜藿字多誤爲藜藿。說見史記仲尼弟子傳。

淮南內篇第二十

泰族

雨露所以濡生萬物。瑤碧玉珠。翡翠璚瑀。

天地所包。陰陽所嘔。雨露所以濡生萬物。道藏本如是。瑤碧玉珠。翡翠璚瑀。璚。各本作璚。俗字也。今據太平文。

彩明朗。潤澤若濡。靡而不玩。久而不渝。念孫案。雨露所以濡生萬物。本作雨露所濡。以生萬殊。瑤碧玉珠。本在翡翠璚瑀之下。道藏本濡以二字誤倒。萬殊誤作萬物。翡翠璚瑀。又誤在瑤碧玉珠之下。案雨露所濡爲句。以生萬殊爲句。如藏本則失其句矣。且此段以嘔濡殊珠濡渝爲韻。如藏本則失其韻矣。劉本作雨露所濡生萬物。又脫去以字。漢魏叢書本。乃於生萬物上妄加化字。而莊本從之。斯爲謬矣。太平御覽工藝部九。引此正作雨露所濡。以生萬殊。翡翠璚瑀。瑤碧玉珠。

日月合明鬼神合靈

故大人者。與天地合德。日月合明。鬼神合靈。與四時合信。念孫案。此用乾文言語也。日月鬼神上竝脫與字。文子精誠篇。正作與日月合明。與鬼神合靈。

衍四海

故聖人懷天氣抱天心執中含和不下廟堂而衍四海念孫案文選東都賦注引此作不下廟堂而行於四海於義爲長文子精誠篇亦作不下堂而行四海

陰陽化剡星朗非有道而物自然

天致其高地致其厚月照其夜日照其晝陰陽化剡星朗非有道而物自然念孫案下三句本作剡星朗陰陽化非有爲焉正其道而物自然自天致其高至剡星朗是說天地日月星而陰陽化一句則總承上文言之今本剡星朗句在後則失其次矣且厚晝爲韻化焉然爲韻化字古音在歌部焉然二字在元部有訛言虎不始交將帥不和荔挺不生有訛言虎不始交將帥不和荔挺不生獨士專機獨士專機莊子天運篇執隆施是執居無事淫樂而勸是淮南銓言篇爲善則觀爲不善則議言篇爲善則觀爲不善則議觀則生患說林篇百梅足觀則生患說林篇百梅足以爲百人以爲百人醜一梅不足醜一梅不足以爲一人以爲一人和泰族篇其美在和其失在權水火金木土穀異物而皆任規矩權衡準繩異形而皆施丹青膠漆族篇其美在和其失在權水火金木土穀異物而皆任規矩權衡準繩異形而皆施丹青膠漆不同而皆施用施用各有所適各有所適物各有宜物各有宜皆其證也皆其證也若剡星朗句在後則失其韻矣非有爲焉正其道而物自然者然成施施宜四字宜四字古在歌部說見唐韻正若剡星朗句在後則失其韻矣非有爲焉正其道而物自然者然成也也廣雅然成大戴禮武王踐阼篇母曰胡殘其禍將然謂其禍將成也莊子繕性篇莫言天地陰陽非有所爲但正其道而萬物自成也原道篇云萬物固以自然已同聖人又何事焉語意正與此同下文云故陰陽四時非生萬物也雨露時降非養草木也神明接陰陽和而萬物生矣即此所謂非有爲焉正其道而物自然也道藏本非有下脫爲焉正其四字則文不成義劉本作正其道而物自然無非有爲焉四字亦非若本無非有爲焉四字則藏本不得有非有二字矣主術篇曰是故莊本作非其道而物自然則

其謬益甚。文子精誠篇作劉星朗。陰陽和。非有爲焉。正其道而物自然。是其明證矣。和字亦與焉。然爲韻。

### 流源 淵渚

流源千里。淵渚百仞。非爲蛟龍也。念孫案太平御覽鱗介部二引此流源作源流。淵渚作渚淵。是也。源流者有源之流。原道篇云。源流泉淳。冲而徐盈。是也。今作流源。則文不成義。渚淵與源流相對爲文。猶上文言高山澁林。大木茂枝也。今作淵渚。則與上文不類矣。

### 榮水

故邱阜不能生雲雨。榮水不能生魚鼈者。小也。念孫案榮水。小水也。說文榮。絕小水也。韓詩外傳曰。榮澤之水。無吞舟之魚。漢書揚雄傳。梁弱水之漚渚兮。服虔曰。昆侖之東有弱水。度之若漚渚耳。師古曰。漚渚。小水之兒。渚與榮同。道藏本劉本皆作榮。太平御覽鱗介部四引此同。朱本改榮爲渚。而莊本從之。斯爲謬矣。朱不知榮爲小水。而誤以爲渚。實榮波既豬之榮。故妄改之。

### 卵割

夫蛟龍伏寢於淵。而卵割於陵。念孫案割當爲剖。字之誤也。漢書高惠高后文功臣表。剖符。世爵。今本剖誤作割。剖。謂破卵而出也。原道篇。羽者嫗伏。高注曰。嫗伏。以氣剖卵也。文選海賦。剖卵成禽。李善曰。剖。猶破也。初學記鱗介部。白帖九十五。太平御覽鱗介部二。引此竝作卵剖。關元占經龍魚蟲蛇占。引作卵孚。又引許慎注曰。孚。謂卵自



牟也。牟割聲相近。故高注曰：蛟龍乳於陵而伏於淵，其卵自牟也。今本自牟作自孕，此後人妄改之也。說經音義二引還俗文曰：卵化曰孕。淮南人閒篇曰：夫鴻鵠之未孕於卵也，一指腹之則靡而無形矣。

訟繆

靜漠恬淡，訟繆胸中。繆與穆通。顏師古注：漢書東方朔傳曰：穆，靜也。繆，靜也。各本穆作繆，左畔言字因上訟字而誤。今改正。高注曰：訟，容也。繆，靜也。引之曰：高所見本作訟，故訓為容。訟，容古同聲也。其實訟乃說字之誤，說古悅字。繆與穆同，穆亦和悅也。大雅烝民箋曰：穆，和也。管子君臣篇：穆君之色。尹知章曰：穆，猶悅也。說繆胸中者，所謂不改其樂也。文子精誠篇：正作悅穆胷中。

所責

秦穆公為野人食駿馬肉之傷也，飲之美酒，韓之戰，以其死力報，非券之所責也。念孫案：責，上脫能字。上文云：非令之所能召也。下文云：非刑之所能禁也。非法之所能致也。是其證。

市買不豫賈

孔子為魯司寇，道不拾遺，市買不豫賈。念孫案：買字即賈字之誤而衍者也。市不豫賈，謂市之鬻物者，不高其價，以相誑豫。誑，誑見周官司寇注。非謂買者也。荀子儒效篇：作魯之鬻牛馬者，不豫賈。淮南覽冥篇及史記循吏傳，竝云市不豫賈，多一買字，則文不成義，且與上句不對矣。

正心

夫矢之所以射遠貫牢者，弩力也。其所以中的剖微者，正心也。念孫案：正心本作人心，與弩力相對爲文。今作正心者，後人妄改之耳。羣書治要及太平御覽工藝部二引此，竝作人心。

化作細

聖人之治天下，非易民性也，拊循其所有而滌蕩之。滌蕩與條暢同。文子作條暢。故因則大，化則細矣。念孫案：化字義不可通，化當爲作，字之誤也。化字本爲他，與化相似而誤。聖人順民性而條暢之，所謂因也。反是則爲作矣。原道篇曰：任一人之能，不足以治三畝之宅也。循道理之數，因天地之自然，則六合不足均也。故曰：因則大，作則細矣。高注本作能循則必大也，欲作則小矣。今本欲作上有化而二字，則後人依已誤之正文加之耳。文子道原篇作因，卽大作卽細，自然篇作因，卽大作卽小，皆其證。呂氏春秋君守篇曰：作者擾，因者平。任數篇曰：爲則擾矣，因則靜矣。語意略與此同。

饗飲

饗飲習射，以明長幼。念孫案：饗當爲鄉，字之誤也。經解射義竝云：鄉飲酒之禮，所以明長幼之序，是其證。羣書治要引此，正作鄉飲。

故立父子之親 清濁五音

乃澄別金木水火土之性。故立父子之親而成家。別清濁五音六律相生之數。以立君臣之義而成國。察四時季孟之序。以立長幼之禮而成官。念孫案。故立父子之親。亦當爲以立父子之親。與下文相對。文子上禮篇。正作以立清濁五音。亦當依文子作五音清濁。

以歸神及其淫也反其天心

神農之初作琴也。以歸神。及其淫也。反其天心。念孫案此文。本作神農之初作琴也。以歸神。杜淫。反其天心。白虎通義曰。琴者禁也。所以禁止淫邪。正人心也。琴操曰。管心。伏藏氏作琴。所以御邪。儲防心淫。以脩身理性。反其天真也。及其衰也。流而不反。淫而好色。至於亡國。流而不反。正對反其天心言之。淫而好色。正對杜淫言之。下文曰。夔之初作樂也。皆合六律。而調五音。以通八風。及其衰也。以沈湎淫康。不顧政治。至於滅亡。句法皆與此相對。此以淫心爲韻。色國爲韻。下文以音風爲韻。風字古音在侵部。說見唐韻正。康亡爲韻。文子上禮篇。作聖人之初作樂也。以歸神。杜淫。反其天心。至其衰也。流而不反。淫而好色。今本此下有。不顧正法。流及後世八字。蓋後人所加。羣書治要引文子。無此八字。至於亡國。是其明證矣。文選長笛賦注。引三上句云。神農之初作瑟。瑟字與今本不合。所引蓋許慎本。以歸神。反望。及其天心。杜淫。作反望。反其作及其。皆傳寫之誤。反望之反。蓋涉下反其天心而誤。淫望反及。皆以形近而誤。而句法正與文子同。若今本則錯脫不成文理。且失其韻矣。

志遠

蒼頡之初作書。以辯治百官。領理萬事。愚者得以不忘。智者得以志遠。念孫案志遠本作志事。以書記事。

無分於遠近。不當獨言志遠。後人以兩事字重出。故改志事爲志遠耳。不知古人之文。不嫌於複。且兩事字自爲韻。上下文皆用韻。若作志遠。則失其韻矣。文子正作智者以記事。

### 罷民之力

馳騁獵射。以奪民時。罷民之力。念孫案罷民之力。當作以罷民力。與上句相對爲文。上文以解有罪。以殺不辜。與此文同一例。文子正作以罷民力。

### 推舉

朋黨比周。各推其與。廢公趨私。內外相推舉。姦人在朝。而賢者隱處。念孫案內外相推舉。句法與上下文不協。且推字與上文各推其與相複。蓋衍文也。文子無推字。

### 故易之失也卦六句

故易之失也。卦書之失也。敷樂之失也。淫詩之失也。辟禮之失也。責春秋之失也。刺。念孫案此六句。非淮南原文。乃後人取銓言篇文附入。而加以增改者也。證言篇曰詩之失辟樂之失刺禮之失責此文詩之爲春秋之失也刺又加易之失也卦書之失也敷二句以合六藝之數。下文云。故易之失鬼樂之失淫詩之失愚書之失拘禮之失伎。春秋之失訾。與此六句相距不過數行。而或前後重出。或彼此參差。其不可信一也。下文易之失鬼六句。高氏皆有注。而此獨無注。若原文有此六句。不應注於後。而不注於前。其不可信二也。太平御覽學部二所引。



有下易之失鬼六句而無此六句其不可信三也。

乖居

關雎興於鳥而君子美之爲其雌雄之不乖居也。念孫案乖當爲乘字之誤也。引此已誤。乘者匹也。言雌雄有別不匹居也。廣雅曰雙耦匹乘二也。月令乃合累牛騰馬。鄭注曰累牀皆乘匹之名。家語好生篇曰關雎興于鳥而君子美之取其雌雄之有別。毛詩傳亦云雉鳴摯而有別。鄭箋曰摯之言至也。謂王雎戴先生毛鄭詩考正曰案古字驚通用擊。夏小正鷹始摯。曲禮前有擊獸是其證。春秋傳鄭子言少皞以鳥名官。雉鳩氏司馬也。說曰驚而有別故爲司馬。主法制義本毛詩不得如箋所云明矣。念孫謹案淮南說林篇神龍不匹猛獸不有別。即此所云不乘居也。漢張超請青衣賦亦曰感彼關雎性不雙侶。劉女傳擊驚鳥不雙義與毛詩同。仁智傳曰夫雉鳩之鳥猶未嘗見其乘居而匹處也。張華鷄賦云繁滋族類乘居匹游。此尤其明證矣。

可謂忠臣也而未可謂弟也

周公誅管叔蔡叔以平國弭亂可謂忠臣也而未可謂弟也。念孫案此當作可謂忠臣矣而未可謂弟弟也。上文云可謂養性矣而未可謂孝子也是其證。

必簡

小見不達必簡。念孫案必簡上當更有達字。此言見大者達達則必簡。猶樂記言大樂必易大禮必簡也。文子上仁篇作道小必不通通則必簡是其證。

陰陽無爲故能和

河以透蛇故能遠山以陵遲故能高陰陽無爲故能和道以優游故能化念孫案陰陽無爲故能和後人所加也此以河之透蛇山之陵遲喻道之優游若加入陰陽無爲二句則與透蛇陵遲優游之義咸不相比附矣且陰陽無爲與河以透蛇三句句法亦屬參差太平御覽地部二十六引淮南無此二字說苑說叢篇文子上仁篇竝同

而猶

故法者治之具也而非所以爲治也而猶弓矢中之具而非所以中也念孫案而猶當爲亦猶隸書而亦下半相似故亦誤爲而趙策趙雖不能守亦不至失六城舊本亦誤作而

治之上

此治之上也念孫案治之上當爲治之本對下文治之末而言上文養性之本養性之末卽其證今作治之上者涉上文治國太上養化而誤文子下德篇正作治之本

萬一

夫欲治之主不世出而可與興治之臣不萬一以萬一求不世出此所以千歲不一會也念孫案以萬一求不世出當作以不萬一求不世出不萬一三字卽承上句言之文子下德篇作以不世出求不萬一呂

氏春秋觀世篇注引淮南作以不萬一待不世出皆其證。

乘衰

掘其所流而浚之。茨其所決而高之。使得循勢而行。乘衰而流。高注曰。衰下也。引之曰。衰與下義不相近。衰當爲衰字之誤也。說文。窳汚衰下也。字通作邪。史記滑稽傳。汚邪滿車。集解引司馬彪曰。汚邪下地田也。故高注訓衰爲下。

繩之法法

若不脩其風俗而縱之淫辟。乃隨之以刑。繩之法法。雖殘賊天下。弗能禁也。念孫案。繩之法法。文不成義。當依劉本作繩之以法。茅本作繩之以法。法雖殘賊天下。以次法字屬下讀。亦非。莊本同。文子下德篇。作棄之以法。隨之以刑。雖殘賊天下。不能禁其姦矣。則劉本是也。

抱寶牽馬而去

荀息伐之。兵不血刃。抱寶牽馬而去。念孫案。去當爲至。此涉上文越疆而去而誤。僖二年公羊傳。正作虞公抱寶牽馬而至。

越爲之

夫刻肌膚。鑄皮革。被創流血。至難也。然越爲之。以求榮也。念孫案。越下脫人字。高注。越人以箴刺皮。卽其

證羣書治要引此正作越人。

義理

上唱而民和。上動而下隨。四海之內。一心同歸。背貪鄙而向義理。其於化民也。若風之搖草木。無之而不靡。念孫案義理本作仁義。此後人妄改之也。貪則不義。鄙則不仁。貪鄙與仁義正相反。本經篇曰。毀譽仁鄙不立。齊俗篇曰。仁鄙在時。不在行。漢書董仲舒傳曰。或天或壽。或仁或鄙。故曰。背貪鄙而向仁義。若作義理則失其指矣。且義與和隨靡爲韻。義隨靡音皆在歌部。說見唐韻正。若作義理則失其韻矣。文子上禮篇。正作背貪鄙嚮仁義。

直大道

將欲以直大道。成大功。念孫案羣書治要引此直作興。是也。興大道。成大功。文義正相比附。今作直大道者。涉下文不得直道而誤。

自爲辟

醜必託善以自爲解。邪必蒙正以自爲辟。念孫案辟字義不可通。當是辭字之誤。辭或作辭。與辟相似。自爲辭猶自爲解耳。

踳馳

趣行踳馳。念孫案踳與舛同。說文云。楊雄作舛字如此。莊子天下篇。其道舛駁。文選魏都賦注。引作踳駁。



又引司馬彪注曰。踳與舛同。踳馳謂相背而馳也。俶真篇曰。二者代謝舛馳。說山篇曰。分流舛馳。玉篇引作倅馳。汜論篇曰。見聞舛馳於外。法言敘曰。諸子各以其知舛馳。舛踳倅字異而義同。道藏本作踳。各本皆誤爲踳。踳之踳而莊本從之。斯爲謬矣。又下文知能踳馳。各本皆誤作踳。

知者不妄發

夫知者不妄發。擇善而爲之。計義而行之。故事成而功足賴也。身死而名足稱也。念孫案。夫知者不妄發。羣書治要引作夫知者不妄爲。勇者不妄發。是也。下文擇善而爲之。及事成而功足賴。皆承知者不妄爲而言。計義而行之。及身死而名足稱。皆承勇者不妄發而言。今本脫爲字。及勇者不妄四字。此因妄不妄而誤脫。則與下文不合。說苑說叢篇亦云。夫智者不妄爲。勇者不妄發。今本發誤作殺。

欲成霸王之業

欲成霸王之業者。必得勝者也。能得勝者。必強者也。能強者。必用人力者也。能用人力者。必得人心者也。能得人心者。必自得者也。念孫案。欲成霸王之業。欲亦當爲能。言必得勝而後能成霸王之業也。下文四能字。皆與此文同一例。若云欲成王霸之業。則與下句不合。且與下文不類矣。證言篇。能成王霸者。必得勝者也。以下八句。竝與此同。是其證。

節用

故爲治之本務在寧民。寧民之本在於足用。足用之本在於勿奪時。勿奪時之本在於省事。省事之本在於節用。節用之本在於反性。未有能搖其本而靜其末。濁其源而清其流者也。念孫案節用皆當爲節欲。此因上文足用而誤也。文子下德篇作節用。亦後人以誤本淮南改之。齊俗篇云治欲者不以欲以性。又云欲節事寡。故曰省事之本在於節欲。節欲之本在於反性。今本節欲作節用。則非其指矣。詮言篇云省事之本在於節欲。節欲之本在於反性。以上八句皆與此同。齊民要術引此亦作節欲。又引注云節止欲。貪此皆其明證矣。或謂齊民要術所引爲詮言篇文非也。案詮言篇節欲之本在於反性。下有反性之本。即繼以未有能搖其本云云。是所引乃秦族篇文。非詮言篇文也。

### 一人之德

紂有南面之名而無一人之德。此失天下也。念孫案德本作譽。無一人之譽。謂無一人稱譽之也。此言紂失人心。故雖有南面之名而實無一人之譽。譽與名相對爲文。後人改爲無一人之德。則文不成義矣。太平御覽皇王部八引此正作無一人之譽。文子下德篇同。御覽皇王部七又引譙周法訓云桀紂雖有天子之位而無一人之譽。

### 周處鄠鎬之地方不過百里

周處鄠鎬之地方不過百里。念孫案鄠鎬下衍之字。此以周處鄠鎬爲句。地方不過百里爲句。兩句中不

常有之字。呂氏春秋疑似篇亦以周宅鄧錡爲句。

### 挺肋

乃折枹毀鼓。偃五兵。縱牛馬。挺肋而朝天下。道藏本劉本如是。各本挺肋皆作搢笏。念孫案肋當爲習。習古笏字也。皋陶謨。

在治忽。鄭本作習。注云。習者笏也。臣見君所乘。書思對命者也。君亦有焉。見史記夏本紀集解。穆天子傳曰。天子搢

習。今作肋者。習變爲肋。又誤爲肋耳。無煩改爲笏也。挺當爲捷。隸書捷字或作捷。凡從捷從建之字多相

形與挺相似。因誤爲挺。說苑說叢篇。猿得水而捷。魚得水而捷。捷字並誤作挺。捷與插同。言插笏而朝天

下也。小雅鴛鴦篇。戢其左翼。韓詩曰。戢捷也。捷其矚於左也。士冠禮注。拔枹於醴中。鄉射禮注。搢插也。大

射儀注。搢扱也。內則注。搢猶扱也。釋文插扱二字並作捷。管子小匡篇。管仲誦纓捷枉。字並與插同。捷習。

猶搢笏也。後人不知挺爲捷之誤。而改挺爲搢。義則是而文則非矣。

### 相率而爲致勇之寇 方面

昭王奔隨。百姓父兄攜幼扶老而隨之。乃相率而爲致勇之寇。皆方面奮臂而爲之鬪。念孫案此當作乃

相率致勇而爲之寇。與下句相對爲文。各本而爲二字。誤在致勇之上。則文不成義。方面與奮臂亦相對

爲文。道藏本劉本皆作方面。漢魏叢書本面誤爲命。而莊本從之。斯爲謬矣。

### 將卒

當此之時。無將卒以行。別之。各致其死。念孫案卒當爲率。率與帥同。將帥所以統三軍。故無將帥則無行列。若卒則卽在行列之中。不得言無將卒以行。別之也。隸書率或作卒。見漢韓勅造孔廟禮器碑。形與卒相似。故書傳中率字多誤爲卒。說見史記建元以來侯者年表將卒下。

### 快然而嘆之

穿隙穴。見雨零。則快然而嘆之。念孫案嘆與快然義不相屬。快然而嘆之。當作快然而笑。衍之字。下文肆然而喜。曠然而樂。與此文同一例。俗書笑字作唉。嘆字作嘆。二形相似而誤。文選求自試表注。太平御覽秋愛士篇。繆公笑曰。今本笑誤作歎。

### 又況

又況登太山。履石封。以望八荒。視天都若蓋。江河若帶。又況萬物在其間者乎。念孫案下又況。因上又況而衍。萬物在其間。卽承上文言之。非有二義。

### 射快

人欲知高下而不能。教之用管準。則說欲知輕重而無以予之。以權衡則喜。欲知遠近而不能。教之以金目。則射快。高注金目。漢目所。以望遠近射準也。陳氏觀樓曰。則快二字。與則說則喜相對爲文。快上不當有射字。蓋因高注射準而衍。下文豈直一說之快哉。正與此句相應。莊本依劉本作快射。亦非。



害人

人莫不知學之有益於己也。然而不能者，嬉戲害人也。念孫案：害人本作害之。此涉上下文人字而誤。羣書治要及太平御覽學部一引此竝作嬉戲害之也。

一性也

本末一體也。其兩愛之一性也。念孫案：下一字因上一字而衍。此言本末兼愛，人性皆然。性也二字與孟子食色性也同義。性上不當有一字。劉依文子上義篇刪去一字是也。

所在

君子與小人之性非異也。所在先後而已矣。念孫案：所在當爲在所。

天地之性也天地之生物也

天地之性也。天地之生物也有本末。念孫案：此本作天地之性物也有本末。性卽生字也。淮南書中生字多作性。後人不識古字，乃於天地之性下加也字，又加天地之生四字，斯爲謬矣。上文食其口而百節肥二句，皆指人事言之，與天地之生物無涉，不得於天地之性下加也字以承上文也。

棄義

且法之生也，以輔仁義。今重法而棄義，是貴其冠履而忘其頭足也。念孫案：義上脫仁字。太平御覽治道

部五引此已誤上下文皆言仁義無但言義者

### 故亡其國語曰

趙政不增其德而累其高故滅知伯不行仁義而務廣地故亡其國語曰不大其棟不能任重重莫若國棟莫若德念孫案亡下本無其字故亡爲句國語曰爲句後人誤以故亡國爲句語曰爲句因妄加其字耳不大其棟四句魯語文也

### 本固

國主之有民也猶城之有基木之有根根渙卽本固基美則上靈念孫案本當爲木上文木之有根卽其證

### 山水

趙王遷流於房陵思故鄉作爲山水之嘔念孫案山水當爲山木字之誤也高注史記趙世家集解正義及文選恨賦注引此竝作山木

### 吠聲

故無聲者正其可聽者也其無味者正其足味者也吠聲清於耳兼味快於口非其貴也念孫案吠聲清於耳義不可通吠當爲吠字之誤也吠與咬同張衡東京賦咸池不齊度於蠅咬薛綜曰蠅咬淫聲也玉

篇。呿於交切。姪聲。廣韻。咬於交切。淫聲。是呿與咬同。故曰呿聲清於耳。非其貴也。

琴不鳴

琴不鳴而二十五弦各以其聲應。念孫案。劉本琴作瑟。與下文二十五弦合。文子微明篇亦作瑟。

然後成曲

弦有緩急小大。然後成曲。車有勞軼動靜。而後能致遠。案史記漢書多以軼爲逸。道藏本劉本皆作軼。漢魏叢書本改軼爲逸。而莊本從之。未達假借之義。

念孫案。成曲上亦當有能字。文子微明篇正作然後能成曲。

下不相賊 民無匿情

至治寬裕。故下不相賊。至中復素。中與忠同。劉本依文子改中爲忠。而莊本從之。亦未達假借之義。故民無匿情。念孫案。下不相賊。相字

後人所加。賊害也。政寬則不爲民害。故曰至治寬裕。則下不賊。若云下不相賊。則非其指矣。文子微明篇

作至治優游。故下不賊。是其證。民無匿情。情字亦後人所加。匿與慝同。齊俗篇曰。禮儀飾則生偽。匿之士

乃雍。管子七法篇曰。自匿傷上。或韓子主道篇曰。處其主之側。爲姦匿。荀子樂論篇曰。亂世之文章。匿而

秀。字並與慝同。又管子明法篇。比周以相爲匿。明法解。匿作慝。韓詩外傳。仁義之匿。車馬之飾。新序節士

篇。匿作慝。史記酷吏傳。上下相爲匿。漢書。匿作慝。言至忠復素。則民無姦慝也。後人誤以匿爲藏。匿之匿

而於匿下加情字。則非其指矣。且匿與賊爲韻。若作匿情。則失其韻矣。羣書治要引此作至德樸素。則民

無慝。是其證。

### 減爵祿之令

商鞅爲秦立相坐之法。而百姓怨矣。吳起爲楚減爵祿之令。而功臣畔矣。引之曰。減爵祿之令。本作張減爵之令。張施也。施減爵之令也。秦策云。吳起爲楚悼損不急之官。卽此所謂減爵也。高注云。減爵者。收減羣臣之爵祿。則正文本作減爵明矣。道應篇載吳起之言曰。將衰楚國之爵。而平其制祿。蓋減爵則祿亦因之而減。故注言收減羣臣之爵祿。非正文內本有祿字也。張減爵之令。與立相坐之法。相對爲文。今本作減爵祿之令。則文不成義。此因高注而誤衍祿字。又脫去張字也。文子微明篇曰。相坐之法立。則百姓怨。減爵之令張。則功臣叛。語皆本於淮南。則此文本作立相坐之法。張減爵之令。明矣。

### 禍福

聖人見禍福於重閉之內。而慮患於九拂之外者也。念孫案禍字。因上文兩禍字而衍。見福於重閉之內。此承上文鮑叔輔小白咎犯輔重耳。及句踐脩政於會稽言之。慮患於九拂之外。此承上文史蘇歎晉獻子胥憂吳王及麇子再勝而有憂色言之。相對爲文。則福上不當有禍字。文子微明篇無禍字。

### 再收

原蠶一歲再收。非不利也。然而王法禁之者。爲其殘桑也。念孫案收本作登。此後人以意改之也。爾雅曰。登成也。天文篇曰。蠶登蠶不登。是也。爾雅翼引此作收。則所見本已誤。齊民要術。本草圖經。及太平御覽。



資產部五木部四引此竝作登太平御覽木部又引注云登成也是其證

初纁

聘納而取婦初纁而親迎纁與冕同引之曰初字義不可通初當作冠字書冠字左畔作完與衣相似寸與刀相似故冠誤爲初冠謂弁也齊風甫田傳曰弁冠也士昏禮主人爵弁鄭注曰爵弁元冕之次大夫以上親迎冕服是也冠纁而親迎兼貴賤言之劉本改作紱纁諸本及莊本同則但有大夫以上於義爲不備矣且紱與初字不相似若是紱字無緣誤爲初也

然而傷和睦之心而構仇讐之怨

使民居處相司有罪相覺於以舉姦非不撥也然而傷和睦之心而構仇讐之怨念孫案末二句當從羣書治要所引作然而不可行者爲其傷和睦之心而構仇讐之怨也今本然而下脫去不可行者爲其六字及也字則語意不完且與上五條不對矣

弗庠

昌羊去蚤蚤而人弗庠者爲其來蛤窮也念孫案庠當爲席字之誤也昌羊昌蒲也蛤窮蚰蜒也並見說文林注昌蒲能致蚰蜒故人不以爲席也太平御覽蟲豸部八引此正作席

此三代之所昌

上無煩亂之治。下無怨望之心。則百殘除而中和作矣。此三代之所昌。念孫案此三代之所昌。當從羣書治要所引。作此三代之所以昌也。今本脫去以字也字。則文義不明。

### 淮南內篇第二十一

要略

澱澱

執其大指。以內洽五藏。澱澱肌膚。念孫案說文。澱。不滑也。澱澱二字。義不相屬。澱當爲漬。隸書澱字或作澱。形與責相近。故漬誤爲澱。澱漬與漸漬同。言內則浹洽於五藏。外則漸漬於肌膚也。說文曰。澱。漬也。雅同。莊十七年公羊傳。澱者何。澱積也。釋文。積本又作漬。

通迴

使人知遺物反己。審仁義之閒。通同異之理。觀至德之統。知變化之紀。說符元妙之中。通迴造化之母也。念孫案通迴二字。義不相屬。迴當爲迴。音字之誤也。迴亦通也。通迴造化之母。謂通乎造化之原也。呂氏春秋貴同篇。禹通三江五湖。決伊闕。迴溝陸。上德篇。德迴乎天地。高注竝云。迴。通也。今本迴字皆誤作史記倉公傳。臣意診其脈曰。迴風。集解曰。迴音洞。言洞徹入四肢也。迴洞同音。故迴或作洞。倣真篇。通洞條。

達。卽通迴也。世人多見迴。少見迴。故迴誤爲迴。下文使人通迴周備。其字正作迴。道藏本劉本如是。他本皆誤作迴。而在本從之矣。

竝明

精神者。所以原本人之所由生。而曉寤其形骸九竅。取象於天。句合同其血氣。句與雷霆風雨。句比類其喜怒。句與晝宵寒暑。句竝明念孫案竝明二字。後人所加也。與者。如也。廣雅與如也。司馬相如子虛賦。楚如也。漢書高帝紀。今某之業所就。孰與仲多。顏師古曰。與如也。案古書多謂如曰與。詳見釋詞。言血氣之相從。如雷霆風雨。喜怒之相反。如晝宵寒暑也。後人不知與之訓爲如。而讀與雷霆風雨比類爲一句。故又於晝宵寒暑下加竝明二字。以成對文耳。不知合同其血氣。比類其喜怒。相對爲文。今以比類二字上屬爲句。而其喜怒三字自爲一句。則句法參差矣。與雷霆風雨。與晝宵寒暑。亦相對爲文。今加竝明二字。則句法又參差矣。且此文以生天爲韻。雨怒暑爲韻。今加竝明二字。則失其韻矣。又案取象於天爲句。合同其血氣爲句。漢魏叢書本。改於天爲與天。莊本同。以與下兩與字相對。則又誤以於天合同爲句矣。皆由不知兩與字之訓爲如。故紛紛妄改耳。

因作任

主術者。君人之事也。所以因作任督責。使羣臣各盡其能也。念孫案因作任督責。當作因任督責。謂因任其臣而督責其功也。今本作字卽任字之誤。而衍者耳。主術篇曰。因循而任下。責成而不勞。韓子揚權篇

曰。因而任之。使自事之。呂氏春秋知度篇曰。因而不爲。責而不詔。竝與此因任督責同義。莊子天道篇形名已明。而因任之。

### 風氣

齊俗者。所以一羣生之短脩。同九夷之風氣。通古今之論。貫萬物之理。財制禮義之宜。譬畫人事之終始者也。念孫案風氣本作風采。文選魏都賦。豈八方而混同。極風采之異觀。李善曰。淮南子曰。同九夷之風采。高誘曰。風俗也。采事也。是其證。後人既改風采爲風氣。復刪去高注。以滅其迹。甚矣其妄也。且采與理始爲韻。若作氣。則失其韻矣。

### 擊危

誠明其意。進退左右。無所擊危。句乘勢以爲資。清靜以爲常。念孫案無所擊危者。危與詭同。說林篇。尺寸文子上德篇。詭作危。漢書天文志。擊詭。猶今人言違礙也。謂進退左右。無所違礙也。睽釋文曰。詭。戾也。選司詭星。史記天官書。作司危星。擊詭。猶今人言違礙也。謂進退左右。無所違礙也。睽釋文曰。詭。戾也。選善注。詭。戾。乘達親。李主術篇曰。舉動廢置。曲得其宜。無所擊戾。又曰。木擊折。彼言無所擊戾。此言無所擊詭。其義一也。作危者。借字耳。劉績不解無所擊危之義。乃於無所下加失字。諸本及莊本同。讀無所失絕句。而以擊危二字。下屬爲句。其失甚矣。

### 結細 說捍 明事埒事



解墮結紐說擇搏困而以明事埒事者也。念孫案墮亦解也。廣雅墮脫也。論衡道虛篇曰龜之解甲蛇之脫皮。漢之墮角是墮與解脫同義。易林噬嗑之小畜曰關柝開啓衿帶解墮是也。細當爲紐字之誤也。紐亦結也。楚辭九歎王注曰紐結束也。管子樞言篇曰先生不約束不結紐是也。說與脫同。擇當爲擇字之誤也。隸書擇字或作擇與擇相似見漢成陽靈臺碑擇與釋同。墨子節葬篇曰爲而不已操而不擇。易林恆之蒙曰郊耕擇耜有所疑止。韓子五蠹篇布帛尋常庸人不釋。論衡非韓篇引韓子釋作擇皆是也。脫釋皆解也。搏困者卷束之名。考工記鮑人卷而搏之注鄭司農云搏讀爲縛一如填之縛謂卷縛韋革也說文捆束也捆與困聲近而義同解墮結紐說擇搏困其義一也。明事埒事下事字因上事字而衍。明百事之形埒以示人也。高注繆稱篇曰形埒兆朕也。故此注亦曰埒兆朕也。

與塞而無爲也同

故通而無爲也與塞而無爲也同。其無爲則同。其所以無爲則異。念孫案與塞而無爲也下不當有同字。此因下文同字而衍。

酒白

夫江河之腐齒不可勝數。然終者沒焉大也。一盃酒白蠅漬其中。匹夫弗嘗者小也。念孫案一盃酒白。白字義不可通。藝文類聚雜器物部引此白作甘是也。言酒雖甘而蠅漬其中則人弗飲也。隸書甘字或作

白與白相似而誤。漢四庫山亭碑甘字原

不悅

墨子學儒者之業。受孔子之術。以爲其禮煩擾而不悅。高注曰。悅。易也。念孫案。如注義。則悅當爲悅。他活反。本經篇。其行悅而順情。彼注云。悅。簡易也。義與此注同。莊本改悅爲說。未達高氏之旨。

服傷生而害事

厚葬靡財而貧民。服傷生而害事。念孫案。服傷生而害事。文義未明。服上當有久字。厚葬久服相對爲文。墨子節葬篇。多言厚葬久喪。晏子春秋外篇。厚葬破民貧國。久喪遁哀費日。皆淮南所本也。

藁垂

禹之時。天下大水。禹身執藁垂。以爲民先。莊云。太平御覽。皇王部七。禮儀部三十四。器物部九。部十。皆引此。藁垂作舂。插爲是。此誤也。念孫案。垂字誤而藁字不誤。藁謂盛土籠也。垂當爲舂。舂。今之鍬也。大雅縣傳云。抹藁也。箋云。築牆者。桴聚壤土。盛之以藁。而投諸版中。藁字或作藁。說山篇。藁成城。高注云。藁。土籠也。韓子五蠹篇。禹之王天下也。身執耒耜。以爲民先。此卽淮南所本。耒與藁聲相近。耒耜卽藁耜也。孟子滕文公篇。蓋歸反藁。裡而掩之。趙注云。藁。裡。耜之屬。可以取土者也。彼言藁裡。亦卽此所謂藁耜也。廣雅。裡。管子山國軌篇。裡龍。藁。亦與藁同。太平御覽引此藁作舂。所見本異耳。不得據彼以改此也。垂者舂之誤。非插之誤。俗

書舌字或作函。見廣韻。垂字或作𠂔。見漢書春丞張君碑。二形相似故函誤爲𠂔矣。

閒服

當此之時死陵者葬陵死澤者葬澤故節財薄葬閒服生焉念孫案閒與簡同。莊子天運篇食於荷簡之田釋文簡司馬本作閒。簡服謂三月之服也宋書禮志引尸子曰禹治爲喪法使死於陵者葬於陵死於澤者葬於澤桐棺三寸制喪三月是也道藏本劉本作閒服他本閒字皆誤作閑而莊本從之謬矣文選夏侯常侍諫注及路史後紀引此竝作簡服。

恃連與國

恃連與國約重致剖信符結遠援以守其國家持其社稷念孫案連與二字連讀。高注恃怙連與之國。漢書武五子傳羣臣連與成朋是也恃連與約重致剖信符結遠援皆三字爲句則連與下不當有國字蓋涉注文而衍。

淮南內篇第二十二

淮南內篇舊有許氏高氏注其存於今者則高注非許注也前有高氏敍一篇天文篇注又云鍾律上下相生誘不敏也則其爲高注無疑其自唐以前諸書所引許注有與今本同者乃後人取許注附入非高

氏原文也。凡注內稱一曰云云者多係宋人書中所引淮南注略與今本同而謂之許注則考之未審也。許注則其爲後人附入可知。道藏本題許慎記上蓋沿宋本之誤是書自北宋已有譌脫故爾雅疏埤雅集韻太平御覽諸書所引已多與今本同誤者而南宋以後無論已余未得見宋本所見諸本中唯道藏本爲優明劉績本次之其餘各本皆出二本之下茲以藏本爲主參以羣書所引凡所訂正共九百餘條推其致誤之由則傳寫譌脫者半馮意妄改者亦半也有因字不習見而誤者若原道篇先者踰下則後者躋之躋女展反故高注云躋履也音展非展也而各本乃誤爲躋矣。凡據諸書以正今本者具見於本條下後皆倣此。兵略篇涉血躋腸與死扶傷躋亦履也而各本又誤爲屬矣齊俗篇穿窬拊楨拍墓踰備之姦拍戶骨反掘也各本拍誤爲抽墓誤爲箕高注扣掘也掘字又誤爲握則義不可通兵略篇毋拍墳墓藏本拍字又誤爲扣矣說山篇鑄鼎日用而不足貴周鼎不鑿而不可賤鑄讀若彗高注曰小鼎也各本鑄誤爲錯又誤在鼎字下矣說林篇設鼠者機動釣魚者泛机泛釣浮也机讀若兀動也機動則得鼠泛動則得魚故高注云机動動則得魚也而各本机字乃誤爲杭矣使但吹竽使工厭竅雖中節而不可聽但拙人也讀若癰疽之疽字從且不從旦故高注云但讀燕言鉏同也而各本乃誤爲但矣使但吹竽使工厭竅者厭於葉反與壓同一指按也言使但吹竽而使樂工爲之按竅也隸書工字或作互氏字或作互二形相似而各本工字遂誤爲氏矣修務篇墨子蹶蹶而趨千里蹶讀若決高注蹶蹶疾行也趨走也各本蹶誤作跌高注又誤作跌疾行也蹶趨走也



則義不可通矣。以一餉之故，絕穀不食，餉卽噎字也。而各本乃誤爲飽矣。藟藟之生，螟螟然日加數寸，藟徒弔反，卽今所謂灰藟也。藟藟之高過人，故云日加數寸。世人多聞藟藟，寡聞藟藟，而各本藟字遂誤爲藟矣。秦族篇，呿聲清於耳，兼味快於口，呿於交反，與咬同，淫聲也。字從天，而各本乃誤作呿矣。有因假借之字而誤者，覽冥篇，蛭解著泥百仞之中，蛭解與鼃鼃同，各本蛭解誤爲蛇解，則與下文蛇解相亂矣。道應篇，牟子治亶父三年，牟子卽宓子賤也，宓字聲相近，故字相通，而各本乃誤爲季子矣。有因古字而誤者，時則篇，孟秋之月，其兵戎，戎古鉞字也，而各本乃誤爲戈矣。齊俗篇，煎敖燎炙，齊味萬方，齊讀爲劑，味卽甘受和之和，味與味字相似，而各本遂誤爲味矣。脩務篇，威而不應，故而不動，故古迫字也，而各本乃誤爲攻矣。有因隸書而誤者，時則篇，具枋曲莒筐，高注，枋，持也。三輔謂之枋，案枋讀若朕，架蠶薄之木也。隸書枋字或作枋，而各本遂誤爲枋矣。覽冥篇，井植生梓，溝植生條，本經篇，山無峻榦，林無柘梓，梓古孽字，伐木之更生者也。隸書梓字或作梓，而各本遂誤爲梓矣。精神篇，樣桷不斷，素題不枿，樣卽今橡栗字也。隸書樣字或作樣，而各本遂誤爲樣矣。本經篇，茭野莽，長苗秀，高注，莽，草也。隸書莽字或作莽，而各本遂誤爲莽矣。道應篇，於是茭非敦然瞋目，攘臂拔劍，隸書眞字或作眞，與眞相似，而各本瞋目遂誤爲瞋目，且誤在敦然之上矣。汜論篇，剛強猛毅，志厲青雲，非夸矜也。隸書夸字或作夸，而各本遂誤爲本矣。兵略篇，疾如饑矢，高注，饑，金饑，翦羽之矢也。隸書疾字作疾，佳字作佳，二形相似，而各本饑字遂誤爲饑，下

文疾如鏃矢何可勝偶鏃字又誤爲鏃矣說林篇故解梓者不在於捌格在於批枕枕竹甚反深擊也字從尤尤讀若淫故高注云批擊枕椎隸書尤字或作亢亢字或作允二形相似而藏本枕字遂誤爲伉劉本又誤爲伉矣有因草書而誤者齊俗篇柱不可以摘齒筵不可以持屋高注筵小簪也案筵讀若廷言小簪可以摘齒而不可以持屋也筵與筐草書相似而各本遂誤爲筐矣有因俗書而誤者原道篇欲突之心亡於中則飢虎可尾突俗肉字也藏本突誤作寅而各本又誤作害矣齊俗篇夫水積則生相食之魚土積則生自突之獸突亦肉字也而各本又誤作穴矣天文篇日行九州七舍有五億萬七千三百九里離以爲朝晝昏夜離者分也俗書離字作離各本則脫其右半而爲禹矣汜論篇姦符節盜管璽高注璽印封俗書璽字作璽而各本遂誤爲金矣詮言篇寒暑之變無損益於已質有定也俗書定字作疋而各本遂誤爲之矣說林篇若被蓑而救火鑿竇而止水俗書鑿字作鑿各本則脫其下半而爲毀矣有兩字誤爲一字者說林篇狂者傷人莫之怨也嬰兒詈老莫之疾也賊心亡也賊害也亡無也言狂者與嬰兒皆無害人之心也各本亡也之也誤爲山又與亾字合而爲岙矣有誤字與本字並存者主術篇鷗夜撮蚤察分秋毫蚤或誤作蚤又轉寫而爲蚊而各本遂誤作撮蚤蚊矣道應篇豐水之深千仞而不受塵垢投金鐵焉則形見於外鐵字或省作鐵因誤而爲鍼而各本遂誤爲金鐵鍼矣有校書者蜀記之字而闕入正文者兵略篇明於奇資陰陽刑德五行望氣候星龜策機祥資讀若該奇資者奇秘之要非常之

術也。校書者不曉奇賁之義，而欲改爲奇正，故記正字於賁字之旁，而各本遂誤爲奇正賁矣。說林篇：蘇秦步曰何故趨？曰何趨？步與故爲韻，趨與趨爲韻。隸書趨或作趨，故淮南書中趨字多作趨。校書者以說文趨趙之趨音馳，故旁記馳字，而各本遂誤作趨。曰何趨馳矣。有衍至數字者。倣真篇：孟門終隆之山，不能禁也。湍瀨旋淵之深，不能留也。太行石澗，飛狐句注之險，不能難也。各本不能禁也下，衍唯體道不能敗六字，則上下文皆隔絕矣。有脫數字至十數字者。原道篇：此俗世庸民之所公見也。而賢知者弗能避，有所屏蔽也。高注曰：以諭利欲，故曰有所屏蔽也。各本正文脫有所屏蔽四字，則注文不可通矣。道應篇：令尹子佩請飲莊王。莊王許諾。子佩具於強臺。莊王不往。明日子佩跣揖北面，立於殿下云云。各本脫子佩具於強臺至明日十二字，則上下文不可通矣。汜論篇：故馬免人於難者，其死也葬之，以帷爲衾。牛有德於人者，其死也葬之，以大車之箱爲薦。各本葬之下脫以帷爲衾四字。牛下脫有德於人者五字。葬下脫之字。大車下脫之箱二字，則文不成義矣。說山篇：魄問於魂曰：道何以爲體？曰：以無有爲體。魄曰：無有有形乎？魂曰：無有。魄曰：無有何得而聞也。各本何得而聞上脫魄曰無有四字，則上下文不可通矣。一淵不兩蛟。一棲不兩雄。一則定，兩則爭。高注云：以日月不得竝明，一國不可兩君也。各本脫一棲不兩雄以下十一字。又脫去注文，則一淵不兩蛟句孤立無耦矣。說林篇：或謂冢，或謂隴，或謂筮，或謂簪。名異實同也。頭蝨與空木之瑟，名同實異也。各本脫名異實同也五字，則義不可通矣。人閒篇：魯君聞陽虎失，大怒。



問所出之門。使有司拘之。以爲傷者戰鬪者也。不傷者爲縱之者。傷者受大賞。而不傷者被重罪。各本脫傷者戰鬪至縱之者十三字。則上下文不可通矣。夫上仕者先避患而後就利。先遠辱而後求名。太宰子朱之見終始微矣。仕與士同。各本仕上脫上字。先避下又脫患而後就利至太宰子朱十六字。則上下文不可通矣。請與公僂力一志。悉率徒屬而必以滅其家。其夜乃攻虞氏。大滅其家。各本脫其夜以下十字。則敘事未畢。且與上文虞氏以亡句不相應矣。有誤而兼脫者。原道篇。輕車良馬。勁策利鋟。高注。策。箠也。鋟。箠末之箴也。鋟讀炳燭之炳。鋟。竹劣反。炳。如劣反。藏本鋟誤作鋟。注文誤作策。箠也。末之感也。鋟讀炳燭之炳。則義不可通矣。有正文誤入注者。主術篇。故善建者不拔。言建之無形也。此引老子而釋其義也。各本言建之無形也六字。皆誤作注文矣。說林篇。疾雷破石。陰陽相薄。自然之勢。各本自然之勢四字誤入注。則上二句爲不了語矣。行者思於道。而居者夢於牀。慈母吟於燕。適子懷於荆。精相往來也。各本精相往來也五字。亦誤入注矣。有注文誤入正文者。道應篇。田鳩往見楚王。楚王甚說之。予以節使於秦。至因見惠王而說之。高解予以節。云予以節。將軍之節。各本此六字。誤入正文。因見之下。惠王之上。則文不成義矣。人閒篇。非其事者勿切也。非其名者勿就也。無功而富貴者勿居也。高解非其名者勿就云。無故有顯名者勿處也。而各本此九字皆誤入正文矣。有錯簡者。天文篇。陽氣勝則日脩而夜短。陰氣勝則日短而夜脩。其加卯酉則陰陽分。日夜平矣。各本其加卯酉三句。錯簡在下文帝張四維運之以斗一節之下。



則既與上文隔絕。又與下文不相比附矣。有因誤而致誤者。假真篇。昧昧楸楸。皆欲離其重蒙之心。而覺視於天地之間。楸讀若懋。高注云。懋楸。欲所知之貌也。昧昧楸楸。一聲之轉。各本楸楸誤作咻咻。字書所無也。而楊氏古音餘。乃於侵韻收入咻字。引淮南子。昧昧咻咻矣。主術篇。夫寸生於標。標生於日。標與秒同。秒。禾芒也。各本標誤爲標。字書所無也。而吳氏字彙補。乃於禾部收入標字。音粟。引淮南子。寸生於標矣。齊俗篇。夫蝦蟇爲鶻。水蠶爲蠅。高注。蠅。蜻蛉也。隸書蠅字。或作蠅。因誤而爲蠅。字書所無也。蠅讀若蔥。蔥字俗書作葱。校書者記葱字於蠅字之旁。因誤而爲葱。傳寫者又以葱字誤入正文。故水蠶爲蠅。各本皆誤作水蠶爲蠅。後人又爲之音曰。音矛。音務。皆不知何據。而字彙補遂於虫部收入蠅字。音矛。又於艸部葱字下注云。音務。引淮南子。水蠶爲蠅。葱矣。譬若水之下流。標之上尋也。標讀若標。火飛也。標之上尋。猶言火之上尋。各本標誤作煙。而藝文類聚引此。亦作煙。且在火部煙下。則唐初本已誤矣。兵略篇。推其搖搖。擠其揭揭。高注。搖搖。欲仆也。揭揭。欲拔也。搖。古搖字。因其欲仆而推之。故曰推其搖搖。隸書搖字。或作搖。各本遂誤作捨。字書所無也。而古音餘乃於侵韻收入捨字。引淮南子。推其捨捨矣。說山篇。弊算甑甄。高注。甄。甑帶。甄。讀甑甑之甑也。甄甑皆從圭聲。故讀甄如甑。各本甄誤作甄。字書所無也。高注甑甑之甑。又誤作甑甑之甑。而古音餘遂於梗韻收入甄字。引高注。甄讀甑甑之甑矣。說林篇。遽契其舟。桅。高注。桅。船弦板。桅讀如左傳襄王出居鄭地。汜之汜也。范與危草書相似。故各本桅字皆作桅。而古音餘遂

於陷韻收入梳字。引淮南子遂契其舟梳音汜矣。有不審文義而妄改者。原道篇。乘雷車。六雲蜺。謂以雲蜺爲六馬也。後人不曉六字之義。遂改六雲蜺爲入雲蜺矣。主術篇。夫華駟綠耳。一日而至千里。然其使之搏兔。不如狼契契。公八反。狼契。皆犬名也。後人不知狼契爲何物。而改爲豺狼。其失甚矣。齊俗篇。故六騏驥四馱馱。以濟江河。不若歟木便者。處勢然也。歟木。謂舟也。古者謂所居之地曰處勢。言乘良馬濟江河。不若乘舟之便者。處勢使然也。後人不識古義。而改處勢爲處世。其失甚矣。道應篇。故莊子曰。朝秀不知晦朔。高注。朝秀。朝生暮死之蟲也。後人依今本莊子改爲朝菌。不知淮南自作朝秀。不得據彼以改此也。脩務篇。夫亭歷冬生。而人曰冬死。死者衆。薺麥夏死。而人曰夏生。生者衆。亭歷薺麥。皆冬生夏死。故互言之。後人不知亭歷爲何物。而改爲橘柚。其失甚矣。有因字不習見而妄改者。齊俗篇。故伊尹之興土功也。脩脛者使之跼蹐。蹐讀若華。音也。跼。蹐也。故高注云。長脛以蹐。蹐者。使入深也。後人不識蹐字。而改蹐爲鏐。不知鏐爲大鉏。鉏以手揮。不以足踢也。說山篇。視日者眩。聽雷者矐。矐女江反。耳中聲也。後人不識矐字。而改矐爲聾。其失甚矣。有不識假借之字而妄改者。道應篇。跖之徒問跖曰。盜亦有道乎。跖曰。奚適其有道也。適讀曰雷。言奚雷有道而已哉。乃聖勇義仁智五者皆備也。後人不知適與雷同。而誤讀爲適。齊適楚之適。遂改有道爲無道矣。有不審文義而妄加者。覽冥篇。夫燧取火於日。方諸取露於月。夫燧。陽燧也。故高注曰。夫讀大夫之夫。後人乃誤以夫爲語詞。而於燧上加陽字矣。汜論篇。故使陳成常騶夷子。

皮得成其辨。後人於陳成下加田字。而不知田卽陳也。今不知道者。見柔懦者侵。則務爲剛毅。見剛毅者亡。則務於柔懦。於亦爲也。而後人又於於下加爲字矣。人閒篇。曉然自以爲智。存亡之樞機禍福之門戶。智卽知字也。曉然以下十六字連讀。後人不識古字。而讀曉然自以爲智絕句。又於智下加知字。以聯屬下文。各本然字又誤在自字下。則更不可讀矣。故善鄙同。誹譽在俗。趨舍同。逆順在君。此言善鄙同。而或誹或譽者。俗使然也。趨舍同。而或逆或順者。君使然也。後人不達。乃於兩同字上加兩不字。則意相反矣。越王勾踐。一決獄不辜。援龍淵而切其股。血流至足。以自罰也。而戰武必死。戰武。戰士也。必與畢同。言戰士皆致死也。淮南一書。通謂士爲武。後人不達。又於武下加士字。必下加其字矣。有不識假借之字。而妄加者。本經篇。異貴賤。差賢不。經。誹譽。行賞罰。賢不。卽賢否也。後人不知不爲否之借字。遂於不下加肖字矣。秦族篇。天地之性物也。有本末。性物。卽生物也。後人不知性爲生之借字。乃於天地之性下加也字。又於物也上加天地之生四字。其失甚矣。有妄加字而失其句讀者。秦族篇。趙政不增其德。而累其高。故滅知伯。不行仁義。而務廣地。故亡。<sub>句</sub>國語曰云云。後人誤以故亡國絕句。遂於國上加其字矣。要略曰。進退左右。無所繫危。危與詭同。詭。戾也。主術篇曰。舉動廢置。無所繫戾。意與此同。劉績不解無所繫危之義。而於無所下加失字。讀無所失絕句。而以繫危下屬爲句。其失甚矣。有妄加數字至二十餘字者。天文篇。天有九野。五星八風。五官五府。此先舉其綱。而下文乃陳其目。後人於八風下加二十八宿四字。又於注內



列入二十八宿之名而不知皆下文所無也。又下文星分度一節，乃紀二十八宿分度之多寡，非紀二十八宿之名。後人不察，又於其末加凡二十八宿也六字，斯爲謬矣。太陰在寅，朱鳥在卯，句陳在子，元武在戌，白虎在酉。後人於此下加蒼龍在辰四字，而不知蒼龍卽太陰也。秦族篇天地之道，極則反，盈則損，後人於天地之道上加故易之失也卦，書之失也敷，樂之失也淫，詩之失也辟，禮之失也責，春秋之失也刺，六句。此取詮言篇文而增改之也。不知下文自有易之失鬼，樂之失淫，詩之失愚，書之失拘，禮之失伎，春秋之失訾六句。若先加此六句，則文旣重出，而義復參差矣。河以逶蛇，故能遠；山以陵遲，故能高；道以優游，故能化。此以河之逶蛇、山之陵遲，論道之優游也。後人於道以優游句上加入陰陽無爲，故能和七字，則與逶蛇陵遲優游之義，咸不相比附矣。有不審文義而妄刪者，道應篇敖幼而好游，至長不渝，解渝解猶懈怠也。後人不知其義，遂以至長不渝絕句，而刪去解字矣。人閒篇城中力已盡，糧食匱，武大夫病，武大夫士大夫也。淮南書謂士爲武。後人不達，遂刪去武字矣。有不識假借之字而妄刪者，人閒篇此何遽不能爲福乎？能讀曰乃，言何遽不乃爲福也。後人不知能與乃同，遂刪去能字矣。有不識假借之字而顛倒其文者，人閒篇國危而不安，患結而不解。何謂貴智而讀曰能，言危不能安，患不能解，則無爲貴智也。後人不知而與能同，遂改爲國危而不安，患結而不解矣。有失其句讀而妄移注文者，說山篇無言而神者，載無也。有言則傷其神，<sub>句</sub>之神者，鼻之所以息，耳之所以聽。高解有言則傷其神云，道賤有言而多反。



有言故曰傷其神據此則當以則傷其神絕句其之神者三字乃起下之詞之此也言此神者鼻之所以息耳之所以聽也後人誤以則傷其神之神者爲句而移注文於之神者下則上下文皆不可讀矣有既誤而又妄改者汜論篇使人之相去也若玉之與石葵之與莧則論人易矣玉與石葵與莧皆不相似故易辨也俗書葵字作葵美字作美葵之上半與美相似因誤而爲美後人又改爲美之與惡則不知爲何物矣人閒篇噴然而嘆噴然卽喟然隸書賁字或作賁形與貴相似故噴誤爲賁而後人遂改爲憤矣脩務篇明鏡之始下型矐然未見形容及其挖以元錫摩以白旃則鬢眉微毛可得而察挖讀若槩高注云挖摩藏本正文挖字誤作粉注文挖字又誤作於劉本又改於摩爲摩磨則誤之又誤矣秦族篇捷吻而朝天下捷與插同吻與習同古笏字也插笏指笏也隸書捷字或作捷形與挺相似故藏本挖字誤爲挺吻字又誤爲吻朱東光本改挺吻爲指笏義則是而文則非矣聘納而取婦冠繞而親迎俗書冠字作冠與初字相似故藏本冠繞誤爲初繞而劉本又改爲紱繞矣有因誤字而誤改者道應篇孔子亦可謂知化矣知化謂知事理之變化也化誤爲礼而後人遂改爲禮矣詮言篇自身以上至於荒芒亦遠矣自死而天地無窮亦滔矣兩亦字皆誤爲尔而後人遂改爲爾矣有既誤而又妄加者倣真篇雲臺之高墮者折脊碎腦而蟲蟲適足以翺翺許緣反小飛也翺誤爲翺後人遂於翺下加翔字不知蟲蟲之飛可謂之翺不可謂之翺翺也覽冥篇治日月之行律陰陽之氣高注律度也此三字傳寫誤在律字之下陰陽之

上以致隔絕上下文義。後人遂以律字上屬爲句。而於陰陽上加治字矣。主術篇。不智而辯慧。懷給。則乘驥而或懷。與懷同。或與惑同。高注云。不智之人。辯慧懷給。不知所裁之。猶乘驥而或不知所詣也。懷。佞也。傳寫以懷誤爲懷。乘誤爲棄。或誤爲式。後人又於式上加不字。則文不成義矣。人閒篇。孫叔敖病且死。且字因與病字相連而誤爲疽。後人以下文謂其子曰云云。乃未死以前之事故。又於死上加將字。而不知疽爲且字誤。且卽將也。有旣誤而又妄刪者。主術篇。堯舜禹湯文武。皆坦然南面而王天下焉。藏本作王。皆坦然天下而南面焉。顛倒不成文理。劉本又刪去王字。則誤之又誤矣。人閒篇。或直於辭而不周於事者。或虧於耳以忤於心。而合於實者。周亦合也。謂不合於事也。隸書周與害相似。故藏本周誤爲害。而劉續不達。遂於害上刪不字矣。下文曰。此所謂直於辭而不周於事者也。卽承此文言之。傳寫誤爲不用於事。而後人又改爲不可用矣。有旣脫而又妄加者。主術篇。是故十圍之木。持千鈞之屋。五寸之鍵。而制開闔。藏本脫而字。劉續不能補正。又於制開闔下加之門二字矣。詮言篇。故中心常恬漠。不累其德。累讀負累之累。傳寫脫去不字。後人又誤以累爲累積之累。遂於累下加積字矣。有旣脫而又妄刪者。天文篇。天地之偏氣。怒者爲風。天地之合氣。和者爲雨。藏本上句脫地字。劉本又刪去下句天字。則是以風屬天。雨屬地。其失甚矣。有旣衍而又妄加者。汜論篇。履天子之籍。造劉氏之冠。冠上誤衍貌字。後人遂於籍上加圖字。以與貌冠相對。而不知圖籍不可以言履也。有旣衍而又妄刪者。主術篇。主道員者。運轉而無端。化

育如神。虛無因循。常後而不先也。臣道方者。論是而處當爲事先倡。守職分明。以立成功也。藏本臣道方者。作臣道員者。運轉而無方者。以上十字。藏本原文。其員者。運轉而無六字。乃涉上文而衍。劉績又讀臣道員者爲句。運轉而無方爲句。而於方下刪者字。則誤之又誤矣。有既誤而又改注文者。原道篇。夫蘋樹根於水。高注。蘋。大萍也。正文蘋字誤作萍。後人遂改注文之蘋。大萍爲萍。大蘋。以從已誤之正文矣。有既誤而又增注文者。俶真篇。辯解連環。辭潤玉石。高注。潤。澤也。正文辭字涉注文而誤爲澤。後人又於注文潤澤也。上加一澤字。以從已誤之正文矣。精神篇。故覺而若昧。生而若死。昧。讀若米。高注。昧。厭也。楚人謂厭爲昧。厭。卽今覺字。傳寫以昧誤作昧。後人遂誤讀爲暗昧之昧。而於注內加暗也二字矣。說山篇。人不小覺。不大迷。高注。小覺不能通道。故大迷也。兩小覺竝誤爲小學。後人又於注文小學下加不博二字。以牽合正文矣。秦族篇。故因則大。作則細矣。高注。能循則必大也。欲作則小矣。古作字爲佗。形與化相似。因誤爲化。後人又於注文欲作上加化而二字矣。有既誤而又移注文者。地形篇曰。天地之間。九州八柱。下文曰。八紘之外。乃有八極。高注。八極。八方之極也。正文八柱誤爲八極。而後人遂移八極之注於前。以從已誤之正文矣。道應篇。輪扁斲輪於堂下。高注。輪扁。人名。正文輪扁誤爲輪人。而後人遂移注文於下文。論扁曰。云之下矣。詮言篇。蘇秦善說而亡身。高注。蘇秦死於齊也。正文亡身誤爲亡國。後人又移注文於亡字之下。國字之上。則是以亡字絕句。而以已誤之國字下屬爲句。其失甚矣。有既改而又改注文者。原道篇。干



越生葛絺。高注：干，吳也。劉本改干越爲于越，并改高注，而不知于之不可訓爲吳也。九疑之南，民人劊髮文身，以像鱗蟲。劊，讀若鑽。又讀若橫。高注：劊，劊也。後人不識劊字，遂改劊髮爲被髮，并改高注，而不知被之不可訓爲翦也。聖人處之，不爲愁悵，怨慰，怨，讀爲苑，苑，慰，皆病也。故高注云：慰，病也。後人改怨慰爲怨懟，并改高注，而不知懟之不可訓爲病也。地形篇：夸父取耳。高注：取，讀若衣之褶。後人改取耳爲耽耳，并改高注，而不知耽之不可讀爲褶也。汜論篇：周棄作稼穡。高注：周棄，后稷也。後人改正文周棄爲后稷，又改注文爲稷周棄也。斯爲謬矣。兵略篇：西包巴蜀，東褰邾邳。高注：巴蜀，邾邳，地名。後人改邾爲淮，并改高注，而不知淮乃水名，非地名也。伐樵，棗而爲矜，樵，而善反。高注：樵，棗，酸棗也。後人不識樵字，遂改樵爲棘，并改高注，而不知棘非酸棗也。有既，改而復增注文者，道應篇：吾與汗漫期於九垓之上。高注：九垓，九天也。後人改之上爲之外，又於注文九天下加之外二字矣。詮言篇：三關交爭，以義爲制者，心也。高注：三關，謂食視聽。後人改三關爲三官，又於注文三關上加三官二字，其失甚矣。有既，改而復刪注文者，時則篇：迎歲於西郊。高注：迎歲，迎秋也。後人依月令改迎歲爲迎秋，又刪去注文矣。繆稱篇：甯戚擊牛角而歌，桓公舉以爲大田。高注：大田，田官也。後人改大田爲大政，又刪去注文矣。詮言篇：臺無所監，謂之狂生。高注：臺，持也。所監者，非元德，故爲狂生。臺，古握字也。後人改臺爲持，又改注文之臺持也爲持無所監，并刪去臺，古握字也五字矣。秦族篇：故張瑟者，小弦絙而大弦緩。高注：絙，急也。後人依文子改絙爲急，又刪去注



文矣。有既脫且誤而又妄增者。人閒篇。故黃帝亡其元珠。使離朱攪剝索之。攪。搏也。剝。與掇同。拾也。故高注云。攪。剝。善於搏拾物。藏本正文脫攪字。注文作剝。搏。善拾於物。脫誤不成文理。劉績不達。乃於正文剝上加捷字。斯爲謬矣。有既誤且改而又改注文者。倣真篇。確扈炫煌。高注。確。讀曰唯。扈。讀曰戶。藏本確誤作藿。扈誤作慮。注文誤作慮。讀曰扈。劉績不能釐正。又改藿爲萑。并改高注。而不知萑之不可讀爲唯也。譬若周雲之龍從遼巢。彭薄而爲雨。高注。彭薄。蕓積貌也。藏本彭薄誤爲彭漳。劉績又改爲彭導。并改高注。而不知彭導乃水聲。非雲氣蕓積之貌也。兵略篇。夫枯淇衛簡簞。載以銀錫。雖有薄高之幘。腐荷之櫓。然猶不能獨穿也。高注。櫓。大盾也。案腐荷之櫓不能穿。謂矢不能穿盾也。傳寫以櫓誤爲增。增。卽矢也。則義不可通。後人不知增爲櫓之誤。乃改不能獨射。以牽合增字。又改注文之櫓大盾也。爲增猶矢也。以牽合正文。甚矣其謬也。有既誤且衍而又妄加注釋者。兵略篇。發如焱風。疾如駭電。駭。下衍龍字。電字又誤作當。後人遂讀疾如駭龍爲句。而以當字屬下讀。且於駭龍下妄加注釋矣。若夫入韻之字。或有譌脫。或經妄改。則其韻遂亡。故有因字誤而失其韻者。原道篇。中龍得之。則外能牧之。牧。與得爲韻。高注。牧。養也。各本牧誤作收。注文又誤作不養也。則既失其義。而又失其韻矣。倣真篇。茫茫沆沆。是謂大治。沆。胡朗反。高注。茫。讀王莽之莽。沆。讀水出沆。沆。白之沆。茫茫沆沆。疊韻也。各本作茫茫沆沆。則非疊韻矣。兵略篇。天化育而無形象。地生長而無計量。渾渾沆沆。孰知其藏。渾渾沆沆。雙聲也。且沆與象量藏爲

韻各本作渾渾沉沉。則既非雙聲。而又失其韻矣。天文篇。秋分雷臧。蟄蟲北鄉。臧。古藏字。與鄉爲韻。各本藏誤作戒。則既失其義。而又失其韻矣。覽冥篇。臥倨倨。興昉昉。昉。卽盱字。高注。昉昉然視。無智巧貌也。昉昉與倨倨爲韻。各本昉昉作昉昉。則既失其義。而又失其韻矣。齊俗篇。夫明鏡便於照形。其於以承食。不如竹筭。承。讀爲烝。謂烝飯也。筭。博計反。竹筭。所以蔽飯底也。筭與螟爲韻。各本承誤作函。筭誤作簞。又脫竹字。則既失其義。而又失其韻矣。道應篇。西窮窅冥之黨。東關鴻濛之光。關。讀曰貫。鴻濛之光。謂日光也。東方爲日所出。故曰東貫鴻濛之光。光與鄉爲韻。藏本關誤作開。各本光字又誤作先。則既失其義。而又失其韻矣。於是乃去其督而載之。朮。解其劍而帶之。笏。高注。朮。鷗鳥冠也。知天文者冠鷗。朮。卽鷗之借字。與笏爲韻。各本朮誤作木。注文鷗字又誤作鷗。則既失其義。而又失其韻矣。詮言篇。動有章。則訶。行有迹。則議。訶。謂相譏訶也。訶與議爲韻。隸書訶字或作訶。因誤而爲詞。則既失其義。而又失其韻矣。大寒地坼。水凝。火弗爲衰。其熱。大暑礫石流金。火弗爲益。其烈。熱與烈爲韻。各本熱暑二字互誤。則既失其義。而又失其韻矣。兵略篇。是謂至旂。窈窈冥冥。孰知其情。旂。卽旌旗之旌。旌與精古字通。至旌者。至精也。旌與冥情爲韻。各本旂誤爲於。則既失其義。而又失其韻矣。說山篇。髡屯犂牛。旣科以橢。橢。他果反。與羈轡河爲韻。高注云。科。無角。橢。無尾。俗從牛作科。橢。又誤而爲橢。則失其韻矣。有因字脫而失其韻者。原道篇。故矢不若繳。繳不若網。網不若無形之像。網與像爲韻。各本繳不若下脫去四字。則既失其義。而又失其韻。

矣。兵略篇同欲相趨。同惡相助。同欲同惡。相對爲文。欲趨爲韻。惡助爲韻。各本同欲下脫相趨二字。相助上脫同惡二字。則既失其義。而又失其韻矣。有因字倒而失其韻者。原道篇游微霧。驚忽悅。悅與往景上爲韻。各本作悅忽。則失其韻矣。蟠委錯紵。與萬物終始。始與右爲韻。各本作始終。則失其韻矣。俶真篇馳於外方。休乎內宇。宇與野園雨。父女爲韻。各本作宇內。則失其韻矣。天文篇閉關梁。決罰刑。刑與城爲韻。各本作刑罰。則失其韻矣。精神篇視珍寶珠玉。猶礫石也。石與客魄爲韻。各本作石礫。則失其韻矣。兵略篇不可制迫也。不可量度也。度與迫爲韻。各本作度量。則失其韻矣。人間篇蠹啄剖柱梁。蠹與走牛羊。梁與羊爲韻。各本作梁柱。則失其韻矣。有因句倒而失其韻者。脩務篇契生於卵。啟生於石。石與射爲韻。各本啟生於石。在契生於卵之上。則失其韻矣。有句倒而又移注文者。本經篇直道夷險。接徑歷遠。遠與垣連。山患爲韻。高注云。道之隄者。正直之夷。平也。接疾也。徑行也。傳寫者以直道二句。上下互易。則失其韻。而後人又互易注文以從之。文選謝惠連秋懷詩注。引淮南亦如此。則唐時本已誤矣。有錯簡而失其韻者。說山篇山有猛獸。林木爲之不斬。園有螫蟲。藜藿爲之不采。故國有賢臣。折衝千里。此言國有賢臣。則敵國不敢加兵。亦如山之有猛獸。園之有螫蟲也。各本故國有賢臣二句。錯簡在下文形勢則神亂之下。與此相隔甚遠。而脈絡遂不可尋。且里與采爲韻。錯簡在後。則失其韻矣。有改字而失其韻者。原道篇四時爲馬。陰陽爲驕。高注驕。御也。驕與俱區驟爲韻。後人依文子改驕爲御。則失其韻矣。天文篇正月指寅。



十一月指子。一歲而市。終而復始。指寅者。顓頊所起也。至丑而一市。指子者。殷歷所起也。至亥而一市。故指寅指子。皆一歲而市。且子與始爲韻。後人改十一月指子爲十二月指丑。則既失其義。而又失其韻矣。精神篇。靜則與陰合德。動則與陽同波。波與化爲韻。後人依原道篇。改爲靜則與陰俱閉。動則與陽俱開。則失其韻矣。汜論篇。其德生而不殺。予而不奪。殺與奪爲韻。後人改殺爲辱。則既失其義。而又失其韻矣。聖人乃作爲之。築土構木。以爲室屋。此二句以木屋爲韻。下三句以宇雨暑爲韻。後人多聞宮室。寡聞室屋。而改室屋爲宮室。則失其韻矣。詮言篇。故不爲好。不避醜。遵天之道。不爲始。不專己。循天之理。好醜道爲韻。始己理爲韻。後人依文子。改好爲善。則失其韻矣。秦族篇。四海之內。一心同歸。背貪鄙。而向仁義。義與和隨靡爲韻。後人改仁義爲義理。則失其韻矣。有改字以合韻而實非韻者。道應篇。攝女知。正女度。神將來舍。德將爲若美。而道將爲女居。悉乎若新生之犢。而無求其故。此以度舍居故爲韻。後人不知舍字之入韻。而改德將爲三字爲德將來附。以與度爲韻。則下文若美二字。文不成義矣。且古音度在御部。附在候部。附與度非韻也。有改字以合韻而反失其韻者。說林篇。無鄉之社。易爲肉黍。無國之稷。易爲求福。社黍爲韻。稷福爲韻。後人不識古音。乃改肉黍爲黍肉。以與福爲韻。而不知福字古讀若偪。不與肉爲韻也。稿竹有火。弗鑽不難。土中有水。弗掘不出。難與然同。此以水與火隔句爲韻。而鑽與難。掘與出。則於句中各自爲韻。後人不達。而改弗掘不出爲弗掘無泉。以與難爲韻。則反失其韻矣。有改字而失其韻。又



改注文者精神篇五味亂口使口厲爽高注厲爽病傷滋味也此是訓厲爲病訓爽爲傷爽字古讀若霜與明聰揚爲韻後人不知而改厲爽爲爽傷又改注文之厲爽爲爽病甚矣其謬也說林篇繡以爲裳則宜以爲冠則議高注議人譏非之也宜議二字古音皆在歌部後人不知遂改議爲譏以與宜爲韻并改高注而不知宜字古讀若俄不與譏爲韻也有改字而失其韻又刪注文者要略曰一羣生之短脩同九夷之風采高注風俗也采事也采與理始爲韻後人改風采爲風氣并刪去注文則既失其義而又失其韻矣有加字而失其韻者秦族篇至治寬裕故下不賊至中復素故民無匿賊害也言政寬則不爲民害也匿讀爲隱謂民無姦隱也匿與賊爲韻後人於賊上加相字匿下加情字則既失其義而又失其韻矣有句讀誤而又加字以失其韻者要略曰精神者所以原本人之所由生而曉寤其形骸九竅取象於天句合同其血氣句與雷霆風雨句比類其喜怒句與晝霄寒暑句與者如也言血氣之相從如雷霆風雨喜怒之相反如晝霄寒暑也暑與雨怒爲韻後人不知與之訓爲如而讀與雷霆風雨比類爲句遂於與晝霄寒暑下加竝明二字以對之則既失其句而又失其韻矣有既誤且脫而失其韻者秦族篇神農之初作琴也以歸神杜濫反其天心及其衰也流而不反濫而好色至於亡國濫心爲韻色國爲韻各本作義而又失其韻矣有既誤且倒而失其韻者秦族篇天地所包陰陽所嘔雨露所濡以生萬殊翡翠瑋瑁

瑤碧玉珠。文彩明朗。潤澤若濡。磨而不玩。久而不渝。嘔濡殊珠。濡渝爲韻。藏本雨露所濡。以生萬殊。誤作雨露所以濡生萬物。瑤碧玉珠。又誤在翡翠瑤瑁之上。則既失其句。而又失其韻矣。有既誤且改而失其韻者。覺其篇田無立禾。路無蘋莎。金積折廉。璧襲無贏。贏璧文也。與禾莎爲韻。蘋莎誤爲莎蘋。後人又改贏爲理。則失其韻矣。道應篇。此其下無地。而上無天。聽焉無聞。視焉則眴。眴讀曰眩。與天爲韻。藏本則眴誤作無眴。朱本又改眴爲矚。則既失其義。而又失其韻矣。有既誤而又加字以失其韻者。說林篇。予溺者金玉。不若尋常之繹。繹讀若墨。索也。繹與佩富爲韻。繹誤爲纏。後人又於纏下加索字。則既失其義。而又失其韻矣。有既脫而又加字以失其韻者。說山篇。詹公之釣。得千歲之鯉。鯉與止喜爲韻。千歲之鯉上脫得字。則文不成義。後人不解其故。而於千歲之鯉下加不能避三字。則失其韻矣。脩務篇。蘇援世事。分別白黑。黑與福則爲韻。分下脫別字。遂不成句。後人又於黑下加利害二字。而以分白黑利害爲句。則既失其句。而又失其韻矣。以上六十四事。略舉其端以見例。其餘則遽數之不能終也。其有譌謬太甚。必須詳說者。具見於本條下。茲不更錄。以省繁文。若人所易曉者。則略而不論。嗟乎。學者讀古人書。而不能正其傳寫之誤。又取不誤之文而妄改之。豈非古書之大不幸乎。至近日武進莊氏所刊藏本。實非其舊。其藏本是而各本非者。多改從各本。其藏本與各本同誤者。一概不能釐正。更有未曉文義而輒行刪改。及妄生異說者。並見各本條。竊恐學者誤以爲藏本而從之。則新刻行而舊本愈微。故不得不辯。高注囊括六藝。旁

通百家訓詁既詳音讀尤審急氣緩氣閉口籠口諸法實足補前人所未備然瑜不掩瑕亦時有千慮之一失若原道篇精通於靈府與造化者爲人人者偶也說見本條下言與造化者爲偶也高注訓爲爲治則誤以人爲人民之人矣俶真篇人莫鑑於沫雨而鑑於止水者以其靜也沫雨乃流雨之誤流雨與止水相對爲文而高注乃以沫雨爲雨潦上覆甌矣孔墨之弟子皆以仁義之術教導於世然而不免於偶身猶不能行也又況所教乎偶疲也謂躬行仁義而不免於疲也高以偶身二字連讀而釋之云偶身身不見用偶偶然也則下文猶不能行也五字文不成義矣時則篇夏行冬令格格讀曰落謂草木零落也而高注乃讀爲度閣之閣謂恩澤不下流矣覽冥篇夫瞽師庶女位賤尙堯尙主也堯卽麻堯之堯尙堯卽周官之典堯言典堯爲賤官而瞽師庶女又賤於典堯也而高注乃以堯爲堯耳矣故東風至而酒湛溢湛讀曰淫酒淫溢者東風至而酒爲之加長也而高乃以酒湛二字連讀而訓爲清酒矣大衝車高重壘衝車所以攻重壘所以守也而高注乃以重壘爲京觀矣斷徒馬圍輶車奉饗道路遼遠霜雪亟集短褐不完人羸車弊泥塗至膝相攜於道奮首於路身枕格而死格胡客反輶車之橫木也謂困極而仆身枕輶車之木而死也高注以格爲榜牀則與上文全不相屬矣本經篇德交歸焉而莫之充忍也充忍卽充物物滿也德交歸焉而莫之充滿所謂大盈若虛也高乃以忍也二字別爲句而訓忍爲不忍矣木巧之飾盤紆刻儼羸鏤雕琢詭文回波洵游瀟滅菱杼紆抱菱杼皆水草也杼讀曰茅謂三稜也畫爲菱



芋在水波之中。故曰。徜徉瀟滅。菱杼紆抱。高注以杼爲采實。采實卽橡栗。斯與菱不類矣。繆稱篇。故唱而  
不和。意而不戴。中心必有不合者也。戴讀曰載。載行也。言上有其意。而不行於下者。誠不足以動之也。故  
下文曰。上意而民載。誠中者也。高訓意爲悲聲。戴爲嗟。則與下文不合矣。道應篇。相天下之馬者。若滅若  
失。句。若亡其一。句。若此馬者。絕塵弭微。高以若亡絕句。則其一二字。上下無所屬矣。此筦子所謂鳥飛而  
準繩者。各本誤作此。所謂筦子鳥飛而準繩者。準字俗書作准。因誤而爲維。高注云。從下繩維之。則所見  
本已誤爲維矣。汜論篇。昔者齊簡公釋其國家之柄。而專任大臣將相。句。攝威擅勢。私門成黨。而公道不  
行。相與柄黨行爲韻。高讀大臣絕句。而以將相屬下讀。則句法參差。而又失其韻矣。詮言篇。周公設腴不  
收於前。鍾鼓不解於縣。腴奴低反。有骨醢也。設俎實也。腴豆實也。設腴鍾鼓。皆各爲一物。隸書從奕從需  
之字多相亂。故腰誤爲臠。而高注遂以臠爲前肩矣。說山篇。文公棄荏席。句。後黥黑。黥黑謂面黑之人也。  
棄荏席一事。後黥黑又一事。高乃以六字連讀。而釋之云。棄其臥席之下。黥黑者矣。脩務篇。說堯舜禹文  
王皋陶契啟。史皇羿九人。而總謂之九賢。又謂堯舜禹文王皋陶爲五聖。契啟史皇羿爲四俊。文義本自  
明了。祇因啟生於石。高本誤作禹生於石。遂爲之注云。禹母脩已感石而生禹。而徧考諸書。皆無禹生於  
石之事。且九賢之內無啟。則祇有八賢。而四俊祇有三俊矣。乃又據上文之神農堯舜禹湯。而以湯入五  
聖。又據上文后稷之智。而以稷入四俊。不知彼此各不相蒙也。凡若此者。皆三復本書。而申明其義。不敢



爲苟同。亦庶幾土壤之增喬嶽。細流之益洪河云爾。嘉慶廿年。歲在乙亥季冬之廿日。高郵王念孫書。時年七十有二。

淮南內篇補

顧校淮南子各條

歲在庚辰。元和顧澗蘋文學。寓書於顧南雅學士。索家大人讀書雜誌。乃先詒以淮南雜誌一種。而求其詳識宋本與道藏本不同之字。及平日校訂是書之譌。爲家刻所無者。補刻以遺後學。數月書來。果錄宋本佳處以示。又示以所訂諸條。其心之細。識之精。實爲近今所罕有。非熟於古書之體例。而能以類推者。不能平允如是。家大人旣以數年之力。校成淮南雜誌。而又得文學所校。以補而綴之。蓋至是搜剔靡遺矣。今年將補刻所校。爰揚推之。以爲讀書者法。道光元年二月旣望。高郵王引之敘。

原道

馳要褻。注。駟駕。宋本注首有此二字。道藏本同。新刻本刪去。非。顧曰。馳疑當作駟。故注如此也。齊俗篇。駟駟駟。亦可證。

俶真

涅非緇也。青非藍也。顧曰。涅緇二字。疑當互易。承上文以涅染緇。與下句承上文以藍染青一例。美者不能濫也。注。濫。覲也。或作監。不能使之過濫。顧曰。正文濫疑當作監。注疑當作監覲也。或作濫云。

云。監卽闕也。左傳闕止。韓策作監止。說文闕望也。華嚴經音義上引珠叢注。兩解前監後濫誤。以後解之字爲正文。而又互改其注也。又按覽冥篇。手微忽恍。注兩解前微後微。而正文作微。又席羅圖。注兩解前羅後羅。而正文作羅。本經篇微大風於青邱之澤。注兩解前微後微。而正文作微。皆以後解之字爲正文。其誤與此同也。

### 天文

是故火曰外景。顧曰曰疑當作日。

是故水曰內景。顧曰水曰疑當作金水。大戴禮。曾子天圓篇云。故火曰外景。而金水內景。卽淮南子所本。可證也。高注精神篇云。金內景。蓋又據此而言之。

### 時則

毋燒灰。注。是月草木未成。不夭物也。顧曰灰疑當作炭。呂氏春秋作炭。其注與此略同。季秋草木黃落。乃伐薪爲炭。高意蓋據之而言也。是其證也。灰字蓋依月令改耳。

執弓操矢以獵。注。以取禽也。顧曰獵疑當作射。注取亦疑當作射。呂氏春秋作射。注作以射禽也。是其證也。月令作獵。鄭注云。今月令獵爲射。考淮南子及呂氏春秋。每有與今月令同者。然則改射爲獵誤。是月命太祝禱祀神位占龜策。顧曰神位占三字疑衍。呂氏春秋祝作卜。祀作祠。無神位占三字。注云。故命太卜禱祠龜策。月令作命太史釁龜策。鄭注云。今月令曰釁祠。祠衍字。皆可證無此三字。

精神

子求行年五十有四。顧曰：求疑當作永。莊子大宗師釋文載崔譔引此作子永。是其證矣。抱朴子外篇博喻云：子永嘆天倫之偉，亦作永字。

本經

而萬物不繁兆萌芽卵胎而不成者。顧曰：上不字疑當作之。與下文草木之句萌銜華戴實而死者一例。

主術

必參五行之陰考以觀其歸。顧曰：行之二字疑衍。參五陰考四字連讀。與下句竝用周聽四字對文也。要略主術者云云。考之參伍。卽此。五伍是其明證。

匡牀蒻席。注：匡，安也。蒻，細也。顧曰：蒻疑當作弱。故注如此也。注蒻疑亦弱之誤。詮言篇云：筐牀衽席。注云：衽，柔弱也。可證此弱字之不從艸。蓋後人因他書多言蒻席而改之。彼匡作筐，高不更解，疑當同。此作衽，亦後人因他書多言衽席而改之。

堯舜禹湯武。宋本如此，各本武上有文字，非。顧曰：禹疑當作與。上文但有堯舜禹湯武而無禹也。引之按禹衍字。後人習聞堯舜禹湯而誤增之也。呂氏春秋自知篇作堯舜禹武，是其證。

繆稱

非以偕情也。顧曰：偕疑當作偕。偕字

汜論

故魏兩用樓翟吳起而亡西河。注：魏文侯任樓翟吳起，不用他賢。秦伐，喪其西河之地。顧曰：正文吳起二字疑衍。韓非子難一云：魏兩用樓翟而亡西河。楚兩用昭景而亡鄢郢。淮南此文所本也。樓翟二人與昭景二人對文，所謂兩用也。不得更有吳起甚明。樓翟二人者，以戰國策考之，樓為樓鼻，翟為翟強。魏策云：魏王之所用者，樓鼻翟強也。又云：翟強欲合齊秦，外楚以輕樓鼻。樓鼻欲合秦楚，外齊以輕翟強。又云：鼻之與強，鼻與強同字猶晉人之與楚人也。故韓非子謂之爭事而外市。韓非子謂之爭事而外市，翟強也。臆說甚誤。樓鼻正兩用而亡西河之證矣。其事蓋在襄王時。注：魏文侯云云，疑皆非高誘元文也。解魏為魏文侯，其誤一。解樓翟為一人姓名，其誤二。解兩用為不用他賢，其誤三。皆不可通。蓋後來妄改，而高注云何，已不可復知矣。呂氏春秋長見：魏表二篇，皆說吳起守西河之外，王錯譖之於魏武侯。吳起果去魏，人楚，有閒西河畢入秦，然仍於兩用樓翟爭事外市，全不相當。非韓非子及此之證也。

證言

不知利害嗜慾也。顧曰：嗜疑當作者。不知利害者，與下文以義為制者一例。慾也二字另為句，承衆人勝欲。同字與下文心也承聖人勝心一例。



兵略

與飄飄往與忽忽來莫之其所之與條出與閒入莫知其所集顧曰飄飄忽忽疑皆不當重條疑當作條閒疑當作閒飄忽條閒皆同義荀子議兵篇善用兵者感忽悠閒莫知其所從出新序作奄忽條即忽也閒即奄也楊倞注感忽悠閒皆謂條忽之間也是矣又云悠閒遠視不分辨之貌則非飄往忽來與條出閒入對文

說山

小馬非大馬之類也小知非大知之類也注小馬不不以進道致千里故得與大馬同類宋本注如此道藏本同各本得上有不字非顧曰上非字疑衍注不字疑當作亦此言小馬爲大馬之類而小知則非大知之類也呂氏春秋別類篇小方大方之類也小馬大馬之類也小智非大智之類也是其證

人閒

西屬流沙北擊遼水東結朝鮮顧曰擊疑當作繫史記所謂屬之遼東也屬繫結皆同義楊子法言淵騫篇起臨洮擊遼水誤與此同

夫徐偃王爲義而滅燕子噲行仁而亡顧曰義仁二字疑當互易下文仁義儒墨即依此爲次而四君獨以仁義儒墨而亡者顧曰此承上文滅亡削殘言之不須又言亡矣而亡二字疑出後人所加非仁義儒墨不行顧曰不下疑當有可字

泰族

師延爲平公鼓朝歌北鄙之音。顧曰：延疑當依注作涓。韓非子十過篇：史記樂書：論衡紀妖篇：竝作涓。  
原道篇注兩見一延涓互易一誤涓爲延與此正文同皆非

要略

原道之心合三王之風。顧曰：道下疑當有德字。與下句對文也。精神篇：深原道德之意。亦可證。  
淮南子宋本未誤者各條

第一卷

欲寔之心亡於中。宋本寔未誤寅。

第三卷

積陰之寒氣者爲水。宋本者字未脫。  
十二月指子。宋本子未誤丑。

第四卷

決眦。宋本眦未誤眦。  
寒氷之所積也。宋本氷未誤水。

壯土之氣。宋本壯未誤壯。

第五卷

以索姦人。宋本索未誤塞。

第七卷

則是合而生時于心也。宋本于未誤于。  
輕舉獨往。宋本往未誤住。

第八卷

太清之治也。宋本治未誤始。

第九卷

采椽不斷。宋本斷未誤斷。

夫懷軟而窺井底。宋本軟未誤除。  
而不足者逮於用。宋本逮未誤建。  
知饒饒有餘不足之數。宋本饒未誤饒。

第十卷

故君子懼失義。宋本義上未衍仁字。

### 第十一卷

故不爲三年之喪。注。三年之喪。始於武王。宋本始字未誤入正文。

而刀如新割。宋本礪字未脫。道藏本亦未脫。但分爲刑石二字。而誤入注中。

處勢然也。宋本勢未誤世。

是由發其原。宋本是由未誤倒。

### 第十三卷

石乞入曰。注。石乞。白公之黨也。宋本乞皆未誤乙。

在其內而忘其外。宋本上其字未脫。

楚軍恐取吾頭。宋本軍未誤君。

於是飲非瞋目。敦然。宋本瞋未誤瞑。

### 第十六卷

夜之不能脩於歲也。宋本於未誤其。

故寒者顫。宋本者字未脫。



第十七卷

習者舉之。宋本習未誤。聖。  
不若尋常之繆索。注。故曰。不如尋常之繆索。宋本繆皆未誤。繆。  
或善爲故。宋本善未誤。惡。  
賊心亡也。宋本亡也二字。未誤。合而爲亡字。

第十八卷

無爲貴智。宋本智下未衍伯字。  
今君欲爲霸王者也。宋本君未誤。王。  
聖人見之蚤。宋本蚤未誤。密。  
居隱爲蔽。宋本居字未誤。在隱下。

第十九卷

欣若七日不食。宋本若未誤。然。  
无不憚除癢心。宋本憚未誤。憚。

第廿卷

雨露所濡。以生萬物。宋本濡以未誤倒。  
與鬼神合靈。宋本與字未脫。  
而卵剖於陵。宋本剖未誤割。  
挺智而朝天下。宋本智未誤肋。

### 第廿一卷

禹身執纁函。宋本函未誤垂。

淮南子宋本之異者各條

### 第一卷

而大與宇宙之總。道藏本無與字。

大道坦坦。<sup>至</sup>往而復反。注。近謂身也。此一節在能存之此上。今本在迫則能應上。道藏本無此四句及注。  
引之按。能存之此其德不虧。上承沕穆無窮以下八句。所謂穆忝隱閔。純德獨存也。中間不得有此四句。迫則能應。感則能動。上承湫寥寂寞。爲天下梟。所謂寂然不動。感而遂通也。中間亦不得有此四句。  
且文子道原篇。大道坦坦。去身不遠。求之遠者。往而復反。自然篇。夫道可親不可疎。可近不可遠。求之遠者。往而復反。蓋言道不在遠。往求於遠。必將無所得而復反也。今乃云求之近者。往而復反。則義不

可通矣。正文及注皆後人妄加。當以藏本爲是。

第四卷

西方有刑殘之尸。道藏本刑作形。

第七卷

千枝萬葉。莫得不隨也。道藏本無得字。引之按繆稱篇。辟若伐樹。而引其本。千枝萬葉。則莫得弗從也。與此同義。當有得字。

吾安知夫刺灸而欲生者之非或也。又第九卷。智者不可或也。又第十三卷。論事如此。豈不或哉。又第十八卷。虞公或於璧與馬。道藏本或竝作惑。引之按此。淺人不知或爲惑之假借而改之也。惟汜論篇。故劍工或劍之似莫邪者。尙未改。

視毛牆西施。又第十九卷。今夫毛牆西施。道藏本牆竝作嬾。引之按說文無嬾字。

故儒者非能使人弗欲也。欲而能止之。非能使人勿樂也。樂而能禁之。道藏本上無也欲二字。下無也樂二字。

第八卷

推移而无故。道藏本無移字。

第九卷

東至湯谷。道藏本湯作陽。引之按此淺人以堯典改之也。惟說林篇日出湯谷未改。還反報曰。遽伯玉爲相。道藏本無反字。少力而不能勝也。道藏本少力作力少。

是故臣盡力死節以與君計。君垂爵以與臣市。道藏本市作是。无小大脩短。皆得其所宜。道藏本皆作各。無所字。引之按上无下皆。文義相應。不當作各。堯舜禹湯武。道藏本武上有文字。引之按文字衍。上文不言文王。禹字亦衍。辯見前。

第十卷

斯顏害儀。道藏本顏作頤。引之按顏乃頤之譌。斯頤卽斯須也。

第十一卷

固有所宜也。又第十七卷。固謂之斷。道藏本固竝作故。

第十二卷

吾問道於無窮。無窮曰。吾弗知之。道藏本不重無窮二字。



國人皆知殺戮之制專在子罕也。道藏本制專作專制。

枉則正。道藏本正作直。引之按此淺人以今本老子改之也。唐傅奕校定古本老子及邢州龍興觀碑。竝

作枉則正。

見王氏金石萃編

與窪則盈。敝則新。爲韻。

古音正。盈在耕部。新在眞部。周易。管子。老子。莊子。楚詞。多以二部合韻。

然則淮南所引作正。

乃老子原文。未可以今本改之也。

非以無私。道藏本以下有其字。私下有邪字。

無所不極。道藏本極作及。引之按爾雅。極至也。淺人不知而改爲及。

馳騁於天下之至堅。道藏本無於字。引之按於猶乎也。夫也。淺人不知而刪之。非是。惟原道篇。馳騁於天

下之至堅。尙未刪。

今日將教子以秋駕。道藏本無將字。

其政惛惛。道藏本惛惛作悶悶。引之按此淺人以今本老子改之也。不知淮南子所引。不必與今本同。

### 第十三卷

今時之人。道藏本時之作之時。

舜無植錐之地。道藏本植作置。又第十四卷。一植一廢。道藏本植作值。

### 第十四卷

少則昌狂。道藏本昌作猖。引之按說文無猖字。古但作昌。漢書趙充國傳。先零昌狂。時去我走。道藏本走作先。

### 第十五卷

扞泰山。道藏本扞作抗。引之按小雅正月篇毛傳曰。扞。動也。言泰山爲之搖動也。扞與抗相似。世人多見抗。少見扞。故抗譌爲抗矣。

前朱鳥。道藏本鳥作雀。引之按高注正作朱鳥。天文篇兩言朱鳥。皆作鳥。無作雀者。

### 第十六卷

故有所善。則有不善矣。道藏本無下有字。

### 第十七卷

故小快害大利。道藏本快下有而字。引之按而字因上句而衍。

### 第十八卷

然而戴冠履履者。道藏本戴作冠。

### 第十九卷

作爲雲梯之械。道藏本無爲字。

務之可趣也。道藏本無之字。

第廿卷

四時千乘。道藏本乘作乖。

其於以監觀。道藏本於作所。

第廿一卷

靜精神之感動。道藏本無靜字。

作爲炮格之刑。道藏本格作烙。引之按此。呂氏春秋過理篇。所謂肉圃爲格也。後人多改炮格爲炮烙。段

氏若膺嘗正其誤。見盧氏鍾山札記。齊俗篇炮烙生乎熱斗。亦當作炮格。

漢隸拾遺序

余曩未講求金石文字。家藏漢隸亦甚少。前官運河道時。友人以漢碑拓本相贈。余因於殘闕剝落之中。推求字畫。凡宋以後諸家所已及者略之。有其字而未之及。與誤指爲佗字者補之。凡二十五事。名曰漢隸拾遺。蓋當時目尙未衰。故注視久之。亦能得其一二。今則并此而不能矣。益以見讀碑之時。適當力能讀之時。爲可幸也。兒子引之。請以付梓。因綴數語。以質於當世之通金石文字者。道光十一年三月二十一日。高郵王念孫敘。時年八十有八。



漢隸拾遺

三公山碑

右三公山碑。元初四年立。字在篆隸之間。無額。今在正定府元氏縣城外野陂上。是碑出於乾隆甲午年。翁氏覃谿兩漢金石記。黃氏小松小蓬萊閣金石文字。及趙氏晉齋跋。釋之已詳。間有未安者。別而論之。第三行蝗旱鬲口。鬲下一字。翁作我。黃作并。黃云。按漢書安帝時。尚書僕射陳忠上書云。隔并屢臻。當是鬲并二字。念孫案。黃說是也。管子漢書漢碑。多以鬲爲隔。李賢注陳忠傳云。隔并。謂水旱不節也。又順帝紀云。政失厥和。陰陽隔并。郎顗傳云。歲無隔并。太平可待。陳蕃傳云。并隔水旱之困。并隔。猶隔并也。又翟酺傳注。引益都耆舊傳云。詔問酺陰陽失序。水旱隔并。參同契亦云。湯遭厄際。水旱隔并。是漢人多有隔并之語。劉瑜傳云。天地之性。陰陽正紀。隔絕其道。則水旱爲并。此說隔并二字之義最明。蓋水旱不節。皆謂之隔并。此云蝗旱鬲并。則專指旱災言之。并字碑文本作𠂔。故與我字相似。黃氏改書作𠂔。則非其原文矣。弟四行。乃耑道要。本祖其原。翁黃皆以耑爲來字。案乃來道要。義不可通。王氏蘭泉金石萃編。此字改爲乃來道叟。亦非。此字碑文本作耑。其首筆作曲形。自右而左。與上文由是之來作耑者不同。耑卽求字。謂求道之要。而本祖其原也。斥彰長田君斷碑。究求字篆文作耑。隸作求。又變而爲耑。與耑字相似而不同。此碑字體在篆隸之間。故作耑。張遷碑紀行求本。求字作耑。是其證。呂刑。惟貨惟來。馬融本來作求。注云。求。有求請賕也。蓋漢

律有受賕之條。卽經所云惟貨也。又有聽請之條。卽經所云惟求也。二者相因。故馬注云云。以兼釋惟貨。惟求之義。求字傳寫作來。故與來字相似。而某氏傳遂訓爲往來之來。失之矣。求來二字。書傳多互譌。管子任法篇。富人用金玉事。主而求焉。小稱篇。以求美名。今本求字皆譌作來。孟子離婁篇。舍館定。然後來見長者乎。史記李斯傳。來丕豹。公孫支於晉。今本來字又皆譌作求。隸釋所載成陽靈臺碑云。厥後堯來祖統。慶都告以河龍。碑陰云。來索忠良。揆其文義。皆本是求字。而洪氏不言與求同。則直以爲來字矣。今世所傳雙鉤本。亦作堯來祖統。蓋自宋以降。不復知來爲求之異文。故傳寫皆作來也。

### 開母廟石闕銘

右開母廟石闕銘。延光二年立。篆書有二層。下層前有題名十二行。其銘詞則上下各廿四行。在河南府登封縣北十里。

題名第一行。諸家皆未之見。中有二月二字。第二行之末。乃潁川郡陽四字。川上一字已泐。以漢字考之。知是潁字。第三行之首。乃城縣二字。城字已泐。縣字右邊泐。左邊缺。連上行讀之。則爲潁川郡陽城縣也。縣下一字是爲字。右邊微缺。翁氏兩漢金石記。以此爲縣字。非也。第四行之首是治字。右邊已泐。左邊泐。字尙存其末。連上行讀之。則爲爲去聲。開母廟興治神道闕。少室石闕銘亦云。興治神道矣。第五行之首。乃是京兆二字。京字上半已泐。但存下半。兆字作北。尙分明。連上行讀之。則爲太守京兆朱龍。已見大室石闕銘。漢碑題名。固有書郡不書縣者。禮器碑有京兆劉安初。尤其明證也。武氏虛谷授堂金石跋。謂是杜陵二字。則非其原文矣。

銘詞前十二行皆以四字爲句。第一行□□□□防百川。第一字是昔字，下半已泐，而上半分明。第三  
 第四是共工二字，共字雖模糊而可辨，工字分明。防上一字是範字，上半竹字模糊，而下半範字分明。弟  
 二行□□□原，原上一字是其字，雖模糊而可辨。案周語曰：昔共工虞于湛樂，淫失其身，欲壅防百川，墮  
 高湮庠，以害天下。其在有虞，有崇伯鯀播其淫心，稱遂共工之過。章注曰：稱舉也。舉遂共工之過，謂障洪  
 水也。卽此所云昔□共工，範防百川，柏鯀稱遂□□其原也。第三行□□□功，第一字是禹字，下半模糊，  
 而上半分明。此說禹治水之事故曰禹□□功。疏河寫元，水色黑，故曰元也。第四行□□□文，第一字是  
 咸字，上半戌字分明，唯□字模糊。第三字是無字，篆作𠄎，上半雖模糊，而下半林字可辨。合觀之，乃是咸  
 秩無文四字。第二字雖泐，然在咸與無文之間，其爲秩字無疑。此言洪水既平，而祀典畢舉也。雖誥曰：咸  
 秩無文，謂不在禮文者，皆秩次而祀之。九山甄旅，咸秩無文，皆用尙書之文，猶言望于山川，徧于羣神耳。  
 爰納□山，辛癸之間，山上一字是塗字，雖字首稍泐，而大段分明。卽皋陶謨所云：娶于塗山，辛壬癸申也。  
 弟五行：同心濟□。濟下一字，篆作𣶒，讀爲艱，𣶒之𣶒。說文：𣶒，𣶒也。從𣶒，𣶒聲。𣶒，籀文。籀文作𣶒，碑則  
 省𣶒爲𣶒。又借爲艱，𣶒之𣶒。字或作𣶒，言敗母與禹同心，以濟𣶒運也。崔瑗《司隸校尉箴》曰：以濟  
 □□□正。正，古文正字，與上民下秦爲韻。漢人多以眞庚通用也。杞，繪漸替。王氏《蘭泉金石萃編》曰：繪與  
 鄒同。鄒亦姁姓之國，慨禹後之衰，故云杞鄒漸替。其爲借用字無疑。王翁皆誤爲繪字。王且於繪下注云：

疑卽檜字。何其疏歟。案蘭泉說是也。凡左傳卽字。穀梁傳皆作檜。又周語云。杞繒由大妣。魏策云。繒恃齊以悍越。史記夏本紀贊云。禹後有杞氏。繒氏。漢書地理志云。東海郡。繒故國。禹後皆其證矣。左傳哀八年。杞人繒音。考是卽繒氏。注引作繒人。滎管。第七行。□□□亨。亨上是聖。漢禋三字。聖漢二字。雖模糊而可辨。禋字左邊尙存右邊聖字。上半模糊而下半分明。亨卽享字。周語曰。精意以享。禋也。漢立啟母廟而祀之。故曰。聖漢禋享於茲。馮神也。兩漢人奏疏及漢碑中多稱聖漢。第八行。□祥符瑞。第一字。葉氏并叔嵩陽石刻記。王氏虛舟題跋。竝以爲貞字。翁氏以爲原字。案碑文作原。乃貞字。非原字。貞祥卽禋祥也。作原者。篆體小異耳。靈支挺生。支與枝同。卽下文所云木連理也。而葉王翁皆以靈支爲靈芝。誤矣。廣韻。支在五支。芝在七之。今音雖若近似。而古音絕不相通。故從支從之之字。古無通用者。此非精於三代兩漢之音者。不能辨也。第九行。□□化。化上一字是鬻字。上半模糊而下半分明。鬻與育同。育化者。生化也。樂記。毛者孕鬻。鄭注曰。鬻生也。唯陰陽爲能生化。故曰。□□鬻化。陰陽穆清也。第十行。□□□□。第四字是盈字。上半多泐而下半分明。景氏說嵩以爲寧字。非也。寧爲古寔字。上從小從心。今碑文上半乃字。仍存其尾。明是盈字。非寧字。與雲降雨。□□□盈。言膏澤滿盈也。第十一行。相□我君。相下一字。葉王以爲宥字。翁以爲肩字。案相肩我君。文不成義。碑文作屮。明是宥字。非肩字。但右邊稍泐耳。宥卽祐字也。管子侈靡篇。擇天之所宥。擇鬼之所富。宥與祐同。富與福同。今本天下衍下字。富字又譌作當。詳見管子。漢書禮樂志。神若宥之。師古曰。宥。祐也。故曰。福祿來。反。相。



宥我君相宥皆助也。

自重曰以下皆六字爲句而剝蝕更甚於前弟廿行□□□□化化上一字上半已泐而下半尙可辨。葉氏以爲慕字是也黃氏中州金石考誤以爲恭字此言四夷慕化而來朝故下句云咸來王而會朝也。慕上一字是而字與下句而字對文字雖模糊而可辨弟廿一行□□□□□靜靜上是其清二字其字模糊而可辨清字上半模糊下半分明其清靜三字正與下句其脩治對文也九域少其脩治翁云少字顧王二家俱闕未錄案說文少<sub>子結切</sub>少也讀若輟正當援是銘以詰義爾案九域少其脩治義不可通余謂少讀爲九有有截之截<sub>玉篇廣韻雅音少字並音子列切少截聲相近故字亦相通</sub>謂九域之內截然脩治也作少者假借字耳大雅常武篇截彼淮浦毛傳曰截治也商頌長發篇海外有截鄭箋曰截整齊也四海之外率服截爾整齊正義引王肅云截然整齊而治下文九有有截箋曰九州齊一截然皆謂治也元鳥篇奄有九有韓詩作九域<sub>見文選冊魏公九錫文注</sub>則九有有截韓詩亦必作九域<sub>魯語共工氏之伯九有也章注有域也漢書律厯志引祭典曰共工氏伯九域域有古同聲而通用說見釋詞</sub>故曰九域截其脩治義本韓詩也晉書樂志四廟樂歌曰九域有截是其明證矣弟廿二行□□□□福福上一字是祈字其左示右斤之末尙分明此言祀啟母以祈福故下句卽云祀聖母廬山隅也弟廿三行神□亨而飴格亨上是禋字字雖模糊而可辨禋享二字已見上文精意以享則神降之福故曰神禋享而飴格釐我后以萬祺也。

北海相景君銘

右北海相景君銘。漢安二年立。并陰俱八分書。篆額。在濟寧州儒學中。弟五行。根道核藝。核與菱同。漢書五行志。孕毓根核。師古曰。核亦菱字。是也。漢隸字原。隸辨於入聲二十一麥核字下引此文。則誤讀爲果核之核矣。弟七行。辨秩東衍。辨秩卽堯典之平秩也。周官馮相氏注。仲春辨秩。衍讀曰挺。集韻云。挺方也。辨秩東衍。猶言平秩東方耳。並讀爲延。唐風椒聊篇。蕃衍盈升。一切經音義。十九引作蕃延。弟九行。鴉不鳴。鴉與鴟同。隸釋。漢隸字原。鴉字並誤作鴟。唯隸辨不誤。梟字上從鳥。隸釋。隸辨從俗作梟。誤也。說文。梟。不孝鳥也。日至捕梟磔之。從鳥在木上。俗省作梟。字作梟。誤與此同。傳寫說文者。因誤爲梟。後人不知。又改其注爲從鳥頭在木上。以牽合已誤之篆文。謬矣。俗書梟字。其上半鳥形已具。但無足耳。何云鳥頭在木上乎。說文。梟字在木部。玉篇。以梟是鳥名。遂改入鳥部。是玉篇梟字亦從鳥也。而今本玉篇亦誤爲梟。廣韻以張參五經文字。說此字云。從鳥在木上。隸省。據此。則說文梟字本從鳥。而注內本無頭字明矣。今經傳中梟字。皆從俗作梟。唯此碑作梟。中間四點分明。與說文從鳥在木上之解相合。足證五經文字之不謬。而隸釋隸辨復誤作梟。若非此碑。至今尙在。誰能正其失乎。梟。陽湖孫氏淵如云。縣首於木上。念孫案。梟首字本作梟。從到首。今借梟字爲之。非其本字也。日至梟。梟之木上。故梟字從鳥。在木上。非謂縣其首於木上也。何得云鳥頭在木上乎。孫又謂從鳥在木上。則是梟字。非梟字。案說文。鳥在木上曰巢。在上穴曰窠。此釋其義。非釋其字也。若釋其字。則下從木。而上象巢形。梟爲會意之字。故云從鳥在木上。豈得謂上之形。非謂從鳥在木上也。且巢爲象形之字。故云從木象形。梟爲會意之字。故云從鳥在木上。豈得謂

從鳥在木上。第十二行。歔歔實絕。奄忽不辻。不下當是遲字。其右邊犀字之末二筆尙存。奄忽疾貌也。商卽是巢字乎。頌長發傳云。不遲言疾也。說文。溢奄忽也。奄忽不遲。猶今人言溢逝也。遲與危回摧歸哀個裏爲韻。於古音正協。或以爲違字。於義疏矣。第十四行。大命□期。寔惟天□。諦審碑文。天下是授字。與下文就留爲韻。上文云。于何穹倉。布命授期。有生有死。天寔爲之。是其證也。碑陰上列弟十四行。平壽滄于閭。閭卽闔字。隸書豆字。或省去上畫。如張遷碑。豎字作豎。石經尙書殘碑。於戲字作戲。是也。隸續隸辨。直書作閭。則非其原字矣。中列弟十一行。營陵力遲。力卽力字。廣韻力字注云。又姓。黃帝佐力牧之後。隸書力字。或從篆作力。錄此碑者。或作多遲。非也。古有力姓。無多姓。諦視碑文。明是力字。非多字也。

敦煌長史武班碑

右敦煌長史武班碑。建和元年二月立。并額俱八分書。在濟甯州嘉祥縣武氏祠中。第六行。追昔劉向辯賈之徒。辯卽班字也。外黃令高彪碑亦云。章文稽施。類乎班賈。班班辯古字通。荀子君道篇。善班治人者。作辨。士虞禮記。明日以其班。鄭注。古文班或爲辨。

司隸校尉楊渙石門頌

右司隸校尉楊渙石門頌。建和二年十一月立。并額俱八分書。在漢中府褒城縣棧道中磨崖。第六行。上

則縣峻屈曲流頰下則入冥與傾同寫輪淵冥者深也言水從高入深也豫上六冥豫釋文引王虞云冥深也爾雅冥幼也孫炎本幼作窈注云冥深闇之窈也見小雅斯太元達初一中冥獨達范望云心深稱冥論衡道虛篇云其書深冥奇怪是冥與深同義平阿涼泥常蔭鮮晏涼即泉蔭即陰字晏溫也言平阿之地水泉泥濘常寒少溫也小爾雅云晏陽也呂氏春秋誣徒篇云心若晏陰喜怒無處太元踦贊云凍登赤天晏入黃泉范望云凍至寒也晏至熱也漢書郊祀志云至中山晏溫封禪書晏作曠廣雅曠曠也是古謂溫煖為晏也漢隸字原讀平阿涼為句隸辨讀涼泥常蔭為句皆失之弟七行臨危槍楊槍音七羊反碭音唐說文云踢跌踢也一日槍也廣韻云跌踢行失正踢與碭通惡虫螻蛄與獸同隸釋以螻為斃字非也螻與螻同方言螻惡也郭璞音方滅反字亦作敝後漢書董卓傳敝腸狗態李賢云言心腸敝惡也續漢書敝作螻螻亦惡也惡虫螻獸互文耳螻螻毒螻螻音大結反字本作跌爾雅跌蚤郭璞云螻屬大眼最有毒今淮南人呼蚤子蚤猶惡也螻與曼通魯頌閼宮傳云曼長也螻螻毒螻言毒長也說文跌蚤也蛇毒長今本譌作蛇惡毒長也據爾雅釋文所引及玉篇注訂正從長失聲是其證隸辨以螻為水螻又引螻為螟蛉蟲皆失之未秋截霜稼苗天殘截與天札之札聲近而義同故釋名云札截也氣傷人如有斷截也管子五行篇旱札苗死民厲尹知章云札天死也是苗天死亦謂之札札猶截也故云未秋截霜稼苗天殘矣弟十三行綏億衡彌綏億皆安也章注晉語云億安也衡與禦同言能安彌禦之人也禦彌即彌禦倒文協韻耳弟十五行



揆往卓今。廣雅云。卓明也。言以古知今也。第十七行。世世嘆誦。誦讀若容。與通應同功爲韻。小雅節南山篇。家父作誦。與訥邦爲韻。楚辭九辯。自壓桉而學誦。與通從容爲韻。是其證也。武榮碑。萬世諷誦。亦與功同爲韻。弟廿一行。或解高格。下就平易。格卽棧閣之閣。析里橋。郝閣頌云。減西口之高閣。就安寧之石道。意與此同也。開通褒余道。石刻始作橋格。辛李造橋碑。棧格陵陵。竝以格爲閣。

魯相韓勅造孔廟禮器碑

右魯相韓勅造孔廟禮器碑。永壽二年七月立。并碑陰兩側皆八分書。無額。在兗州府曲阜縣孔廟中。弟二行。莫不驪思。嘆叩師鏡。案易是類。謀云。在主驪用。鄭注云。驪。庶幾也。廣雅云。驪。企也。文王世子注。引孝經說云。大夫勤於朝。州里驪於邑。字或作冀。又作覲。竝同。隸釋。漢隸字原隸辨。竝以驪爲驪字。則義不可通矣。弟七行。尊琦大人之意。遼。遼之思。漢隸字原隸辨。皆以遼爲彌字。錢氏辛楣金石文跋尾云。遼。遼卽卓爾也。念孫案古書爾字無通作遼者。婁顧以遼爲彌是也。漢碑彌字多作遼。遼。彌皆遼也。說文。遼。遼也。字亦作卓。遼而日忘。杜預注。哀二十五年左。傳。薛綜注。西京賦。竝云。彌。遼也。此言卓彌之思。下言遼越絕思。其義一也。弟八行。皇戲統華胥。錢云。自皇戲統華胥而下五十二句句皆四言。獨皇戲句五言。而皇字特跳上一格書之。殊不可解。竊意此字後人妄加。案錢說是也。原碑皇字出格。至隸釋。則與各行平列矣。兩漢金石記。乃謂皇字筆法與前後正合。非後人妄加。則是不論行之高下。句之長短。而但以其筆法相似。遂定爲真迹。獨不思此碑皇字凡四見。

後人固能依放而爲之乎。皇戲統華胥，殊爲不詞。且碑中之字，上下相距，自有定式。唯皇戲二字，相距不及四分，與諸字疏密縣殊，則皇字爲後人所加無疑。第十二行，天與厥福，永享牟壽。牟壽，大壽也。呂氏春秋謹聽篇，賢者之道，牟而難知。高注云：牟，猶大也。太平御覽工藝部十一，引淮南注亦云：牟，大也。陳氏子文金石遺文錄，謂牟壽卽眉壽，非是。引之云：弟一行，霜月之靈。霜月，卽爾雅之七月爲相也。霜相，古同聲，故霜字以相爲聲。淮南原道篇，鈞射鸛鵒。中山經注，引作弋鈞瀟湘。太平御覽地部三十，引作射鈞瀟湘。瀟湘之爲鸛鵒，亦猶相月之爲霜月矣。靈讀爲令。般庚：甲由靈。某氏傳云：靈，善也。正義以爲爾雅釋詁文，今爾雅靈作令。周齊侯鐘銘：靈命難老。卽令命徵。終令靈古同聲而通用。士冠禮祝辭云：令月吉日。又云：以歲之正，以月之令。霜月之令，皇極之日。謂七月五日也。史晨饗孔廟後碑云：乃以令日拜謁孔子。意與此同。集古錄以霜月爲九月，非是。以九月霜降，則正月雨水亦可謂之雨月。此紀月未之前聞也。弟五行，雷洗觴觶，爵鹿相桓，籩杞禁壺。趙氏金石錄云：所謂鹿者，禮圖不載，莫知爲何器。後見汝陽陳氏所藏古彝，爲伏鹿之形，近歲青州獲一器，亦全爲鹿形，疑所謂鹿者，亦因其形而名之耳。隸釋云：杞，音凡，木名也。皮可爲索。隸辨云：杞可謂索，非禮器也。博雅：盃，也。集韻音凡，與杞同音。或是借杞爲盃。案碑所陳禮器，皆禮所必用之器。器形似鹿，古無其名。趙說非也。顧以杞爲盃，差爲近之。然古祭祀燕饗，無用杯者。禮器亦不當有盃。錢氏穀校金石錄記云：射禮有鹿中，爲鹿形，背設圓箒，以納算籌。又有乏，如屏風，所以爲獲者御矢。鹿，卽鹿中。杞，恐卽乏也。案盛算之器，鄉射禮但謂之中，或謂

之鹿中而不謂之鹿。若但謂之鹿，則不知爲何物矣。雷洗觶，觶鹿粗榦，籩榦禁，壺皆飲酒所用，非射所用。若雜以鹿中與乏，斯爲不倫矣。錢說亦非也。今案鹿卽角也。榦卽豐也。皆聲之假借。古音角與鹿同。周南麟之趾，以角族爲韻。召南行露，以角屋獄足爲韻。周頌良耜，以角續爲韻。喪大記實於綠中，鄭注云：綠當爲角，聲之誤也。史記留侯世家：角里先生。李濟翁資暇錄引荀悅漢紀作祿里。今本漢紀作角里，乃角祿綠鹿四字古竝同音，故角通作鹿。特牲饋食禮記實二爵二觶四觶，一角一散。鄭注引舊說云：爵一升，觶二升，觶三升，角四升。散五升。禮器云：宗廟之祭，貴者獻以爵，賤者獻以散。尊者舉觶，卑者舉角。是角與觶觶觶散同爲飲器。故碑於觶觶爵之下，次以角也。觶卽觶也。說文：觶，虛曰觶。古音榦與豐相近。鄭注士喪禮下篇云：今文窆爲封。又注檀弓王制：曾子問竝云：封當爲窆，窆之爲封亦猶豐之爲榦也。說文：豐，覆也。從西，乏聲。方勇切。漢書食貨志：大命將泛，孟康曰：泛音方勇反，覆也。豐，泛從乏聲，而音方勇反，亦猶榦從乏聲而讀爲豐也。說文：豐，豆之豐滿者也。從豆象形。鄉射禮：命弟子設豐。注云：豐，所以承爵也。形蓋似豆而卑大。射儀：司宮尊於東楹之西，兩方壺，膳尊兩甒在南。有豐。注云：豐以承尊也。說者以爲若井鹿盧，其爲字從豆，幽聲，近似豆大而卑矣。是豐與豆相類，故碑於榦籩之下，次以豐。豐或作榦，字從木，與榦之從木同義。豐又可承尊，與榦禁同類，故碑於豐下次以禁也。

郎中鄭固碑

右郎中鄭固碑。延熹元年四月立。八分書篆額。在濟寧州儒學中。是碑中斷後。遂失其下段。而上段尾復陷入土中。故向來拓本。唯存不全之上段。雍正六年。州人李鵬得下段於泮池旁。乾隆四十三年。其子東琪與定海藍嘉瑄。復將上段升高出土。而此碑遂全。第六行。詔拜郎中。非與好也。案碑內其字。或作其。或作其。唯此其字作與。上從由。亦猶楊著碑基字之作壘也。隸釋漢隸字原隸辨皆作壘。今此碑與者。其之作其。唯此其字作與。上從由。亦猶楊著碑基字之作壘也。已亡。而世間拓本。直改壘爲基矣。借字也。說文。與。舉也。從升。音拱。由聲。春秋傳曰。晉人或以廣隊。楚人與之。今春秋傳與作基。說文。與。舉也。從升。音拱。由聲。春秋傳曰。晉人或以廣隊。楚人與之。今春秋傳與作基。色。從糸。與聲。詩曰。緇衣。緇。巾。廣韻云。與。說文音其。其與與同音。故字亦相通。校官碑。雅容其閑。其字作與。正與說文同。此碑作與。下從丌。音基。則與說文小異。其實一字也。隸釋直書作其。則非其原文矣。第八行。君大男孟子。有楊烏之才。楊烏。卽法言所謂吾家之童烏也。問神篇。劉貢父謂子雲本姓楊。從手不從木。據此可以正其謬矣。說見第十行。昔姬公。武。弟述其兄。綜。行。於蔑陋。猷曷敢忘。乃刊石。日旌遺芳。句於蔑陋者。於音烏。歎詞也。蔑陋。謂鄙小也。鄭注君與云。蔑。小也。高注。漢書韋元成傳云。於蔑小子。與此於蔑陋同義。兄行忘芳爲韻。兄讀若荒。行讀若杭。隸辨以行於蔑陋四字爲句。則既失其義。而又失其韻矣。

泰山都尉孔宙碑

右泰山都尉孔宙碑。延熹七年七月立。并陰俱八分書。篆額。在曲阜縣孔廟中。第六行。祠兵。遺畔未



甯祠兵。卽治兵也。左氏春秋莊八年甲午治兵。公羊作祠兵。甯傳嚴氏春秋故書此碑者。亦從公羊作祠兵也。第十三行。帝賴其勳。民斯是皇。皇正也。言民歸於正也。爾雅皇正也。幽風破斧篇四國是皇。毛傳皇匡也。引之云。第十二行。乃綏二縣黎儀以康。黎儀卽皋陶謨之萬邦黎獻也。某氏傳云。獻賢也。獻與儀古同聲而通用。周官甸獻。先鄭司農說大誥之民獻有十夫。傳亦訓爲賢。而大傳作民儀有十夫。王莽仿大誥亦云民儀九萬夫。獻爲儀。餘見下。孟康釋民儀云。民之表儀。謂賢者。則正文本無獻字。辯見漢書。凡古人作獻者。今文多作儀。此碑云。黎儀以康。斥彰長田君碑云。安惠黎儀。堂邑令費鳳碑云。黎儀瘁傷。漢碑多用今文尙書。此三碑皆言黎儀。則皋陶謨之黎獻。今文必作黎儀矣。廣雅云。儀賢也。蓋用今文說也。隸釋跋費鳳碑。以黎儀之儀爲反其施倪之倪。失之矣。

碑陰上列第十七行。東郡東武陽勝穆。勝卽凌字也。勝凌二字皆從二。二者久之省文。今俗作冰。說文勝久出也。從大朕聲。詩曰。內于勝陰。倭勝或從交。是其證。勝隸省作勝。故廣雅云。勝久也。勝爲凌之本字。故凌姓之凌。古亦作勝。此碑之勝穆是也。隸釋漢隸字原隸辨兩漢金石記。竝書作勝。則以甲代乙矣。

執金吾丞武榮碑

右執金吾丞武榮碑。無年月。據碑稱遭桓帝喪卒。則當在建甯改元之初。并額俱八分書。在濟甯州儒學中。第二行。嶺然高厲。嶺然高貌也。字亦作邈。楚辭離騷。神高馳之邈邈是也。厲亦高也。呂氏春秋季冬篇。

注云厲高也。廣雅同。皋陶謨庶明厲翼。史記夏本紀作衆明高翼。劉歆遂初賦云天烈烈以厲高兮。是厲與高同義。故曰嶺然高厲。第八行陵惟哮虎。陵與棧同。俗作棧。威也。漢書李廣傳威棧憺乎鄰國。李奇云神靈之威曰棧。後漢馬棧字伯威。是棧與威同義。集韻棧又音陵。是棧與陵同音。故曰陵惟哮虎。言其威棧如哮虎也。辛李造橋碑棧格陵陵亦以陵爲棧。

### 衛尉卿衡方碑

右衛尉卿衡方碑。建甯元年九月立。并額俱八分書。在兗州府汶上縣西南。第四行少以文塞。長以欽明。案古文尙書堯典欽明文思安安。今文思作塞。後漢書和熹鄧后紀注第五倫傳注陳寵傳注竝引尙書考靈耀云堯文塞晏晏。魏受禪碑亦云九德既該欽明文塞。又邛壽傳注引鄭注考靈耀云道德純備謂之塞。寬容覆載謂之晏。緯書皆用今文。故文思作文塞。漢碑亦多用今文。故與緯書同也。第十七行鐫茂伐祕將來伐功也。祕告也。言刻石紀功以告來世。廣韻曰瑟告也。酒誥曰厥誥瑟庶邦庶士言誥告庶邦庶士也。又曰女典聽朕瑟言女常聽朕告也。舊訓瑟爲慎失之說見經義述聞。車騎將軍馮緄碑曰刊石表績以瑟來世。此碑曰鐫茂伐祕將來祕與瑟古字通。第十九行邊民是鎮鎮讀平聲與上下文爲韻。廣韻鎮字又音陟鄰切。周官天官凡國之玉鎮釋文鎮又音珍。周語是陽失其所而鎮陰也。宋庠補音云鎮音珍。馮衍顯志賦覽聖賢以自鎮與元親神爲韻。平都相蔣君碑社稷之鎮與銀均年昆爲韻皆其證。今高郵人謂壓物曰鎮聲如珍也。

魯相史晨奏出王家穀祀孔子碑

右魯相史晨奏出王家穀祀孔子碑。建甯二年三月立。八分書。無額。在曲阜縣孔廟中。第七行。脩定禮義。義與儀同。古禮儀字本作義。說文。義。己之威儀也。小雅楚茨篇。禮儀卒度。韓詩儀作義。周官肆師。治其禮儀。故書儀作義。先鄭司農云。義讀爲儀。古者書儀但爲義。今時所謂義爲誼。又大司徒。以儀辨等。典命。掌諸侯之五儀。故書儀并作義。大行人。掌大賓之禮。及大客。禮儀。卽中庸之禮儀三百也。此述孔子正禮樂之事故曰脩定禮儀。非仁義禮智之義。

史晨饗孔廟後碑

右史晨饗孔廟後碑。八分書。刻於前碑之陰。第三行。述脩壁廡。社稷品制。脩卽循字。說文。述。循也。故云述。循壁廡。社稷品制。前碑云。臣輒依社稷。出王家穀。依亦循也。隸書循脩二字相似。寫者多亂之。然皆形之誤。非聲之通也。或者不察。遂謂循脩二字古通。誤矣。韻書循在諄部。脩在尤部。尤與諄可通用乎。是碑循字左邊作彳。乃彳字之省。其右邊則仍是盾字。但缺末畫耳。而錄此碑者皆作脩。則直是脩字矣。

博陵太守孔彪碑

右博陵太守孔彪碑。建甯四年七月立。并陰俱八分書。篆額。在曲阜縣孔廟中。第二行。嚳焉汜而不俗。汜音汜。濫之汜。方言云。汜。滂也。自關而東曰汜。滂與汚同。廣雅云。汜。滂也。漢書王褒傳云。水斷蛟龍。陸剽犀革。忽若棼汜。畫塗。棼者。埽也。後漢書光武紀注云。棼。埽也。班固。汜者。汚也。謂如以帚埽穢。以刀畫泥也。如



淳顏師古以彗爲帚。汜爲汜灑地。皆失之。史記屈原傳云。濯淖污泥之中。蟬蛻於濁穢。以浮游塵埃之外。不獲世之滋垢。嚼然泥而不滓。卽此所云。浮游塵埃之外。嚼焉汜而不俗也。第四行。遵王之素。素謂成法也。鄭注士喪禮云。形法定爲素。宣十二年左傳云。不愆于素。是也。案洪範云。無偏無頗。無偏無黨。又云。遵王之義。遵王之道。遵王之路。此云無偏無黨。遵王之素者。約舉書詞而小變其文。猶下文言惇懿允元耳。或以爲遵王之路之異文。非也。漢書敘傳云。遵王之法。亦是約舉書詞也。薦可黜否。否字原文疑本作不。卽否字也。故經傳多以不爲否。今碑文作否。口字甚小。局促於不字之下。不成字體。疑後人補刻也。而隸釋漢隸字原皆作否。則南宋時碑文已然矣。弟五行。祇用既平。此用易坎九五爻辭也。坎九五。祇既平。王注云。祇辭也。釋文。祇音支。案祇字從氏。與祇字不同。祇音脂。敬也。字從氏。此兩字。一屬五支。一屬六脂。聲義既殊。而字形亦異。碑文祇字已泐。僅餘八形。而其字從氏。不從氏。尙灼然可辨。與上文所在祇肅之祇作祇者不同。隸釋作祇。失之矣。弟九行。去位闔口。以孝竭口。餘暇徬徨。彈琴擊磬。口口之味。而不改其靜。竭下疑是情字。禮器云。竭情盡慎是也。今情字左邊尙隱隱可辨。磬靜二字。古讀平聲。正與情爲韻也。樂記。石聲磬。史記樂書。磬作磬。易林升之。未濟云。荷黃擊磬。隱世無聲。晉董京。荅孫楚詩云。夫古之至人。藏器於靈。繼袍不能令暖。軒冕不能令榮。動如川之流。靜如川之渟。鸛鳴能言。泗濱浮磬。衆人所翫。豈合物情。是磬字古讀平聲。表記文。而靜。鄭注云。靜或爲情。大戴記。文王官人篇。飾貌者不情。逸周書。情作靜。六韜守國篇云。春道生萬物榮。夏道長萬物成。秋道斂萬物盈。冬道藏萬物靜。楊雄解嘲云。爰清爰靜。游神之庭。是靜字。弟十行。口疾彌流。流與留同。逸周書諡法篇云。彌久也。顧命云。病日臻。旣彌留。是也。弟十



一行羣臣號咷。靡所復逞。逞者解也。言悲痛不可解也。方言云。逞解也。成元年左傳。知難而有備。乃可以逞。杜注與方言同。第十二行。□是□吏崔□□王沛等。是上當是於字。吏上當是故字。於字左邊。尙隱隱可辨也。第十六行。邈矣不意。意讀入聲。與惻極息力爲韻。明夷象傳。獲心意也。與食則得息。國爲韻。楚辭天問。何所意焉。與極爲韻。呂氏春秋重言篇。將以定志意也。與翼則爲韻。秦之罽刻石文。承順聖意。與德服極則式爲韻。皆其證也。

武都太守李翕西狹頌

右武都太守李翕西狹頌。建寧四年六月立。八分書。額有惠安西表四篆字。在階州成縣棧道中磨崖。弟九行。緣崖俾閣。俾與比同。言閣相比次也。小雅漸漸之石篇。俾滂沱矣。論衡明雩篇。作比滂沱矣。大雅皇矣篇。克順克比。樂記作克順克俾。是比俾古通用。十四行。鏹燒破析。鏹與鑄同。謂燒鑿山石而破析之也。說文。鑄。琢石也。淮南本經篇。鑄山石。高注云。鑄。猶鑿也。下文云。鏹山浚瀆。天井道碑云。鏹鑿西坂。義並同也。

李翕天井道碑題名

右李翕天井道碑題名。建寧五年四月立。八分書。亦在成縣棧道中。今天井碑世無拓本。唯題名尙存。翕氏覃谿。趙氏晉齋。皆云本在西狹頌後。而隸續誤以爲天井碑題名。余謂隸續不誤。請以四證明之。隸釋

所載西狹題名祇有二行。今此碑題名有十二行。較多十行。而隸續所載天井題名則正是十二行。一也。隸釋西狹題名是小字。非大字。隸續碑式又云。西狹頌末有小字題名二行。低四寸許。今此碑題名十二行。皆是大字。則非西狹之題名矣。二也。隸釋西狹題名第一行云。丞右扶風陳倉呂國。字文寶。第二行云。故府掾□□□孟。字□□。共缺六字。今此碑第一行與隸釋所載同。第二行則云。門下掾下辨李虔。字子行。與隸釋所載異。且一字不缺。而隸續所載天井題名之第二行。則正與此同。其與西狹題名同者。唯第一行耳。豈得以一行相同。而卽定爲西狹題名乎。三也。西狹題名小字二行。近世拓碑者皆遺之。余家所藏本亦然。然末行之左。有殘字一行。則丞右扶風陳倉呂國。字文寶十一字。皆各存其右半。此行低四格與前行六月之六。且是小字。非大字。始知洪氏之言信而有徵。四也。

### 李翕析里橋郿閣頌

右李翕析里橋郿閣頌。建寧五年二月立。并額皆八分書。在漢中府略陽縣棧道中磨崖。是碑有申如塤重刻本。字甚拙惡。又於缺處妄補五十二字。諸家論之詳矣。此拓本是原刻。非申本也。第一行涉秋霖漉。霖漉謂山水下注也。說文云。淋淋。山水下也。一切經音義二引三倉云。淋漉。水下也。淋漉與霖漉同。第二行漢水逆讓。管子君臣篇注云。讓猶拒也。言漢水暴漲。逆拒谿水。不得下注也。第三行郿閣尤甚。案廣雅。隤。衰也。曹憲音布乎反。其字從冒甫聲。碑文作郿者。移冒於右耳。非從邑也。下文說郿閣之狀云。緣崖鑿



跋二字其右邊皆隱隱可辨。說文跋，蹟跋也。故云扶跋救傾。遺上是子字，碑文作子，惟左邊殘缺耳。

### 司隸校尉楊淮銘

右司隸校尉楊淮銘。熹平二年二月立。八分書。無額。在褒城縣棧道中磨崖。弟五行，兄弟功德牟盛。兄，卽兄字也。此碑自故司隸校尉楊君厥諱淮至河南尹，皆敍楊淮歷官之事。自伯邳從弟諱弼字頴伯至下邳相，皆敍楊弼歷官之事。此云兄弟功德牟盛，當究三事。不幸早隕，乃繼承上文而言。故下文云：二君清□約身自守，俱大司隸孟文之元孫也。今本隸續兄弟作元弟，乃傳刻之譌。若云元弟功德牟盛，當究三事，則是專美楊弼而不及楊淮，無是理也。洪氏跋云：凡稱元子元兄元舅之類，皆以長言之。二楊俱曰元孫，猶元士然，以元爲美稱也。此但釋元孫而不及元弟，故知今本元弟爲傳刻之譌也。而葉氏九苞金石錄補乃云：獨悼頴伯未登三公之位而卒，故稱元弟以美之，謬矣。蓋今拓本兄上□字，右邊一直微缺，而下一橫較長，與元字相似。葉氏既爲誤本隸續所惑，遂不復細審而爲之說也。

### 司隸校尉魯峻碑

右司隸校尉魯峻碑。熹平二年四月立。并額及碑陰，俱八分書。在濟寧州儒學中。第三行，博覽羣書，無物不聚。隸釋云：以聚爲看，隸辨云：聚乃刊正之刊。兩漢金石記云：聚卽刊字，猶筆削勘定之義。念孫案廣雅云：記，聚，志識也。識卽多學而識之之識。博覽羣書，無物不聚，卽曲禮所謂博聞強識，非謂觀看，亦非謂刊



正也。弟八行，獨細舉大，惟然疏發，惟然猶較然，明貌也。廣雅云：較，明也。曹憲音角。史記平津侯主父傳：較然著明。索隱云：較，音角。漢書張安世傳云：賢不肖較然。一切經音義七云：較，古文權同。古學反。較然之爲權然，猶較崇之爲權崇。考工記：與人以其隆之半，爲之較崇。鄭注：故大較之爲大權。史記律書：世儒闇於漢書律曆志，其可以相傳者，唯大權常數而已。大權，卽大較。唯辜較之爲辜權也。晉灼注：鄭當時傳作辜較。銘詞云：礪落彰較，義亦同也。較與較同。史記伯夷傳：此其尤大彰明。內懷溫潤。溫字作溫。說文：溫，從水，皿聲。皿從囧，從囚。此碑溫字，較著者也。彰，明較著，卽此所謂彰彰。右邊作丑，其上半卽人字也。有人無口，音者，隸省耳。隸釋：漢隸字原竝作溫。今本隸釋又譌作溫。此依明萬曆本。兩漢金石記作溫，皆非其原文也。唯隸辨不誤。第十七行：喚矣。喚，洪云：喚字易火以日。案說文：喚，明也。從日，勻聲。小雅賓之初筵云：發彼有喚。俗作以祈爾爵。然則喚字古讀若勻，故與較爍綽遠虐邈權圉樂爲韻。喚訓爲明，故曰喚矣。喚，非字本作灼，而易火以日也。碑陰上列弟一行：河內襄管懿。襄與懷同。漢書：漢碑多謂河內郡懷縣也。襄字下半微缺，而張氏亟齋遂釋爲夏字，誤矣。下列弟六行：東郡樂平邢顒。□□顒下一字似鈔字。

武都太守耿勳碑

右武都太守耿勳碑，熹平三年四月立，八分書，無額。在成縣棧道中磨崖，是碑經後人重鑿，頗多謬語。兩漢金石記辨之已詳，其未經重鑿而誤釋者，尙有數字，今具論之。第三行：壓難和戎。武，甯慷慨。隸續作武。

慮慷慨案此句弟一字右邊已泐而武字在左則非武字也第二字亦非慮字諦審碑文似是虢虎二字  
虢古暴字也周官漢碑暴字多作虢暴虎慷慨喻其赴敵之勇耳論語暴虎馮河亦謂行三軍之事也弟五行考績  
有成苻芟乃胙兩漢金石記芟字作苻說文苻即筭字蕩陰令張遷碑八月苻民即此字苻芟乃胙者胙  
即福祚之祚古通用也念孫案符筭乃祚義無所取且碑文明是苻字非苻字也苻苻即符策胙者賜也  
言考績有成乃賜之以符策命爲太守也韋注齊語云胙賜也隱八年左傳胙之士而命之氏是也下文  
云天胙顯榮義亦同也弟六行喜不縱慝威不戮仁隸續感作威案碑文是感字非威字古字以感爲憾  
憾恨也不以忿恨而戮及仁人也說文無憾字昭十一年左傳唯蔡於感感即憾字宣十二年二憾往矣  
襄十六年以齊人之朝夕釋憾於敝邑之地二十九載猶有憾釋文並作感逸周書大成篇內姓無憾外姓無憾韓策感忿睡眦之意鹽鐵論備胡篇士卒失職而老母妻子感恨漢書張安世傳何感而上  
書歸衛將軍富平侯印杜鄴傳弟十行挾活□□千有餘人隸續挾活作扶活案碑文作挾明是挾字非  
內無感恨之隙並以感爲憾  
扶字也挾即救字漢書董仲舒傳將以挾溢扶衰是也弟二十行拯隄挾傾字作挾隸續亦誤作扶赤子  
遭慈遭字碑文作遭隸續作遺案赤子遭慈文義殊晦且碑文是遭字非遺字也赤子遭慈目活目生言  
赤子遭慈母而生活也

### 校官碑

右校官碑光和四年十月立并額俱八分書在江寧府溧水縣儒學中第一行隸釋於三百八十有七載

之下缺三字其下有于字今案碑文非于字界誅曰界即說文界字上從由下從升音今碑省界作界而以為其之借字說見鄭隸釋金薤琳琅作界皆不誤兩漢金石記改界為其非也第十一行宗懿招德宗尊也招與昭同昭明也猶言尊賢育才以彰有德也昭古通作招左傳楚康王昭史記楚世家論衡吉驗表劇戲侯昭漢表作招昭十二年左傳作祈招之詩張衡東京賦招有道於側陋賈逵薛綜注并云招明也周語好盡言以招人過亦謂彰人之過章注訓招為舉非也說見經發彼有的雅容口閑閑上一字諸家皆缺今諦審碑文亦是界字但白字不省作田與上界字小異耳

郃陽令曹全碑

右郃陽令曹全碑中平二年十月立并陰俱八分書無額在同州府郃陽縣儒學中第三行巴郡胸忍令段氏若膺說文注云曲禮左胸右末鄭云屈中曰胸引伸為凡屈曲之稱漢巴郡有胸忍縣十三州志曰其地下溼多胸忍蟲因名胸忍蟲即蚯蚓今俗云曲蟻也漢碑古書皆作胸忍不知何時胸譌胸忍譌認關駟上音春下音閏通典上音蠢下音如尹切廣韻則上音蠢下音閏而大徐乃於肉部增胸認二篆上音如順下音尺尹不知為胸忍之字誤且謂其地在漢中又不知漢胸忍在今夔州府雲陽縣西去漢中甚遠也念孫案淮南時則篇蚯蚓出高注云蚯蚓蠢蠕也蠢蠕蠢聞聲相近是蚯蚓舊有此名非關駟之妄作唯胸忍之為胸認乃是後人之謬耳第九行諸國禮遣且二百萬悉以薄官又下文主薄王歷此兩

薄字皆今之簿字也。說文無簿字。古借薄字爲之。孟子萬章篇。孔子先簿正祭器。音義云。簿本多作薄誤。而不知作薄者乃古本也。漢碑中主簿字作薄者不可枚舉。作簿者僅見耳。而金薤琳琅簿官字改爲簿。金石文字記。兩漢金石記。兩簿字皆改爲簿。誤矣。第十行。竟豫荆楊。楊字從木。案藝文類聚州部。初學記。州部部。鈔本太平御覽州部部三。引尚書周官爾雅。楊州字皆從木。佩觿云。楊柳也。亦州名。又云。按禹貢。淮海惟楊州。正義云。江南其氣燥勁。厥性輕揚。則非當從木。據此。則郭氏所見本尙從木也。宋本爾雅。江南曰楊州。宋本史記。夏本紀。淮海惟楊州。字從木。唐許嵩建康實錄。引春秋元命苞云。地多赤楊。因取名焉。其說雖不足爲據。然亦可見楊州字之本從木矣。自張參五經文字。以從木者爲非。而唐石經遂定從手旁。廣韻。揚舉也。又州名。亦踵張氏之誤。禹貢正義。引李巡爾雅注云。兩河間其氣清。厥性相近。故曰冀。冀近也。濟河間其氣專質。厥性信謹。故曰兗。兗信也。淮海間其氣寬舒。厥性安徐。故曰徐。徐疎也。江南其氣燥勁。厥性輕揚。故曰楊。楊揚也。今本作揚。輕也。乃後人所改。詳見下。荆州其氣燥剛。厥性彊梁。故曰荆。荆彊也。河南其氣著密。厥性安舒。故曰豫。豫舒也。河西其氣蔽壅。厥性急凶。故曰雍。雍壅也。冀近兗信。徐舒楊揚。荆彊豫舒。雍壅皆同聲而異字。後人徒以厥性輕揚之語。遂謂楊州字當從手旁。不知以揚釋楊。猶以壅釋雍也。若改楊州爲揚州。則亦將改雍州爲雍州乎。楊州字既爲揚。則楊揚也之文不可通。故又改爲揚輕也。以彌縫其闕。不知李釋九州皆取同聲之字爲訓。輕與揚不同聲也。又公羊莊十年疏。及爾雅釋文。廣韻所引李注。皆無楊揚也三字。蓋後



人改楊爲揚。遂刪此三字耳。據尙書正義所引有揚輕也三字。亦足證後人之妄刪矣。公羊疏所引有揚也。荆疆也。兌信也。徐舒也。幽要也。營均也。而無楊揚也。爾雅釋文於荆徐營三州未引李注。所引六州有莫近也。豫舒也。雍壅也。兌信也。幽要也。而亦無楊揚也。較尙書正義所引獨少一句。明是後人所刪。今書傳中楊州字皆改從手旁。唯漢碑從木。人不能改。故至今尙存耳。竹邑侯相張壽碑。遭江楊劇賊。酸棗令劉熊碑。出省楊土。其字亦從木。隸釋所載冀州刺史王純碑。出使楊州。荊州刺史度尙碑。楊賊畔於□。車騎將軍馮緄碑。督使徐楊二州。此碑今本譌作楊。依萬曆本改。大尉陳球碑。陸梁荆楊。陳球後碑。剝落荆楊。無極山碑。楊樾之樾。□條蕩。巴郡太守張納碑。楊州寇賊。其字皆從木。是漢碑楊州字無從手者。

蕩陰令張遷頌

右蕩陰令張遷頌。中平三年二月立。并陰俱八分書。篆額。在泰安府東平州儒學中。第二行。在帷幕之內。幕字蓋本作莫。史記廉頗藺相如傳。市租皆輸入莫府。馮唐傳。上功莫府。以下二傳。漢書同。李將軍傳。莫府省約。文書籍事。後漢書吳漢傳。莫府上兵簿。皆以莫爲幕。史記索隱引崔浩云。古者出征爲將帥。軍還則罷。治無常處。以幕帟爲府署。故曰莫府。是漢時帷幕字通作莫也。今碑文作幕。巾字甚小。局促於莫字之下。不成字體。蓋後人補刻也。碑中字上下相距。自有定式。今於其下加巾字。則字形太長。致與下字迫近。比之諸字。疏密殊矣。而金薤琳琅已作幕。則明時碑文已然矣。弟五行。爰旣且於君。金石文字記云。旣且者。暨之誤。此以一字離爲二字也。金石文跋尾云。爰旣且於君。詳其文義。謂張氏仕漢。世世有德。後有興者。且於君也。顧以旣且爲暨之誤。乃由臆斷。遽詆碑。

爲訛謬。豈其言乎。兩漢金石記云。錢說頗似牽強。下文藝於從政。政字亦誤作𡗗。想東漢時能書胥史。固不乏人。竟似草藁審視未明。而茫然下筆者。然則暨之爲既且。亦是誤筆。未可執一而論矣。念孫案翁說是也。爰既且於君。義不可通。明是爰暨於君之誤。魏元丕碑。爰暨於君。卽其明證矣。第十二行。紀行來本。來卽求字。言紀其行而求其始也。始。謂初生時也。故下文云。蘭生有芬。克岐有兆矣。來字首筆作曲形。自右而左。與上文三代以來之來字不同。而金薤琳琅乃直作來矣。隸書求字或作來。與來字相似。說見前三公山碑。兩漢金石記以來字爲誤筆。亦非也。

### 仙人唐公房碑

右仙人唐公房碑。無年月。竝陰俱八分書。篆額。在漢中府城固縣。第六行。鼠齧輶車被具。輶車。卽藩車也。襄二十三年左傳。以藩載樂盈。杜注云。藩。車之有障蔽者。漢書游俠傳云。乘藩車入閭巷。嚴舉碑。位至蕃車。夏承碑。輶軒六轡。字竝與藩同。說文。軒。曲輶藩車也。輶。車耳反出也。義各不同。此則借輶爲藩也。

碑陰第六行。南鄭祝岱。字子舉。第八行。祝恆。字仲舉。第十行。祝崇。字季舉。崇。卽嵩字也。周語。融降于崇山。史記封禪書云。以三百戶封太室奉祠。命曰崇高邑。漢書地理志云。古文以密高爲外方山。是崇高卽嵩高也。密與崇同。此三人或名岱。或名恆。或名崇。而皆以舉爲字。是名與字皆取諸五嶽也。第十一行。祝榮。字文舉。則取榮華之義。而其字亦作舉。後人以舉山之舉讀去聲。榮華之舉讀平聲。據此。則古無異音也。初學記引白虎通義云。西方華山。少陰用事。萬物生華。故曰

華山。是華山之壑。與榮華之萃。義亦相通也。

豫州從事孔褒碑

右豫州從事孔褒碑。無年月。竝額皆八分書。在曲阜縣孔廟中。是碑於雍正三年始出。故向來諸家皆未著錄。剝蝕過半。僅存百七十餘字。第二行。治家業春秋。句。綜。句。典。句。篇藉靡遺。句。春秋下一字。諸家竝缺。諦審當是經字。字雖泐而遺迹猶存。孔宙碑云。治嚴氏春秋。褒爲宙之長子。世傳其學。故云治家業春秋經也。綜下一字。牛氏階平金石圖以爲極字。今案碑文作柎。而右邊殘缺。當是核字。綜核者。綜理而研核之。漢書宣帝紀贊云。綜核名實是也。第十二十三兩行。口。磐。口。口。句。逢。口。百。口。句。逢。下當是此字。百下當是凶字。今此字已不可見。而凶字尙存。口形。褒以匿張儉事獲禍。故云逢此百凶。王鳳免。凶字與上隆下頤爲韻。頤讀若容。

武梁石室畫象三石

右武梁石室畫象三石。無年月。字皆八分書。在嘉祥縣武氏祠中。碑石湮沒已久。唯楊州馬秋玉家有舊拓本。所存者。伏戲至丁蘭十四幅而已。乾隆丙午秋。黃司馬小松於嘉祥縣紫雲山下。搜得原石。乃就其地爲堂垣。而砌諸石於內。榜曰武氏祠堂。誠盛事也。於是命工椎榻。分遺同好。較馬氏所藏本多十之七八。又補洪氏所缺者七十餘字。余今所藏本。卽此本也。第一石第二層第二幅。祝誦氏無所造爲。末有耆



欲刑罰未施。隸釋末作未。蓋傳寫誤也。末者無也。無所造爲。末有耆欲。互文耳。下文刑罰未施。其字始作未。弟九幅。夏禹長於地理。脈泉知陰。此用尙書刑德放文也。藝文類聚職官部三。太平御覽職官六。並引尙書刑德放云。禹長於地理。水泉九州得括象圖。故幾脈。莫狄反。相也。猶詩言相彼泉水也。說文作脈。又作覲。爾雅云。覲。相也。周語。古者大史順時。覲土。韋注云。覲。視也。作脈者。借字耳。魏策云。前脈地形之險阻是也。所圖禹象。其冠上銳下廣。如笠形。手持兩刃。舌。說文。某兩刃。舌也。玉篇。胡瓜切。案莊子天下篇。引墨子云。禹之湮洪水。決江河。親自操橐耜。彭云。橐。盛土器也。崔譔云。耜。插也。插與舌同。沐甚雨。櫛疾風。淮南脩務篇云。禹沐霪雨。櫛扶風。決江疏河。要略云。天下大水。禹身執橐耜。以爲民先。今本禹譌作垂。詳見淮南。此圖頭戴笠。手執耜。正所謂櫛風沐雨。身執橐耜者也。朱氏竹垞跋云。禹冠頂銳而下卑。殆士冠禮郊特牲所云。毋追者是。覲此。可悟肅崇義三禮圖之非。念孫案。朱氏此說。其不可通者有三。王者受命。然後異器械。別衣服。禹之治水。在帝堯之時。安得遽有毋追之制。一也。毋追。禮冠也。非治水時所宜用。頭戴禮冠。手持耜。則尤爲不倫。二也。續漢書輿服志云。委貌冠。長七寸。高四寸。制如覆杯。前高廣。後卑銳。所謂夏之毋追。殷之章甫者也。今此圖冠形上銳。不似覆杯。且無前高後卑之別。豈毋追之制乎。據輿服志所云。則三代冠制。相去不遠。故三禮圖引舊圖云。毋追。章甫委貌。其制相比。今此冠上銳而下廣。作三角形。禮冠皆無此制。三也。第十二幅。子騫衣寒。御車失極。極。與箠同。說文。箠。擊馬箠也。今本脫箠字。據玉篇補。字或作極。莊子天下篇。一尺之極。漢書路溫舒傳。極楚之下。急就篇。秩極。樹杖。稅。秘。投。



槌字竝從木。隸釋失字上下各缺一字。某氏跋云。洪本僅存一失字。今全文可讀。乃是御車失稭。稭與鞅同。念孫案此說非也。原文作鞅。明是槌字。非稭字。說文。平。艸木華葉。平。象形。稭。遠邊也。從土。平聲。垂。小器。垂作垂者。皆垂之省文。非垂之省文也。此碑槌字右邊作垂。亦是垂之省文。槌爲御者所執。衣寒則手僵。手僵則失槌。若鞅爲馬頸韉。非御者所執。馬失其鞅。與閱子衣寒。曾不相涉。不得言子騫衣寒。御車失鞅也。且上文以明方綱爲韻。下文以連驩爲韻。父與爲韻。此以移槌爲韻。若以槌爲稭。則失其韻矣。憶乙未之冬。余在郡城。始晤汪君雪礪。雪礪新得馬秋玉家所藏石室畫象舊拓本。屬余作跋。余爲題數十字。且言某氏以槌爲稭之誤。卽翁閣學跋語內所云。高鄧王石臞說此字凡數條者是也。後此本歸於黃君小松。小松作小蓬萊閣金石文字。曾用余說。而惜其言之不詳也。自乙未至今。五十六年。雪礪小松皆已下世。而余年亦八十有八矣。此原石拓本。小松所手贈也。書此爲之懽然。

# 讀書雜誌餘編目錄

## 上卷

後漢書二十一條

老子四條

莊子三十五條

呂氏春秋三十八條

韓子十四條

法言八條

## 下卷

楚辭二十六條

文選一百一十五條

先子所著讀書雜誌十種。自嘉慶十七年以後。陸續付梓。至去年仲冬甫畢。中月而先子病沒。敬檢遺稿。十種而外。猶有手訂二百六十餘條。恐其久而散失。無以遺後學。謹刻爲餘編二卷。以附於全

書之後。道光十二年四月朔日袁子引之泣書。

# 讀書雜誌

餘編上

後漢書

聖跡滂流

章帝紀追惟先帝勤民之德底績遠圖復禹宏業聖跡滂流至於海表念孫案滂當作旁此因流字而誤加水旁耳旁溥也徧也流行也謂聖跡徧行天下至於海表也此言聖跡非言聖澤則旁流之旁不當作滂說文曰旁溥也溥亦徧也繫辭傳曰旁行而不流謂徧行而不流也說見經義述聞周官男巫曰旁招以茅謂徧招於四方也晉語曰乃使旁告於諸侯謂徧告於諸侯也楚語曰武丁使以象夢旁求四方之賢謂徧求四方之賢也秦之罽刻石文曰威煇旁達莫不賓服謂威煇徧達也旁與方古字通堯典共工方鳩僝功史記五帝紀作於上皋陶謨方施象刑惟明新序節士篇作旁呂刑方告無辜立政曰其克詰爾戎兵以陟禹之迹方行天下齊語曰君有此士也三萬人以方行於天下漢書地理志曰昔在黃帝作舟車以濟不通旁行天下其義一也至於海表罔有不服此云底績遠圖復禹宏業聖跡旁流至於海表意本於立政也

奉盤錯鋌



隗囂傳牽馬操刀奉盤錯鋌遂割牲而盟李賢注曰按蕭該音引字詁鋌卽題音徒啓反方言曰宋楚之間謂盞爲題據下文云鋌不濡血明非盆盞之類前書匈奴傳云漢遣韓昌等與單于及大臣俱登諾水東山刑白馬單于以徑路刀金留犁撓酒應劭云留犁飯匕也撓攪也以匕攪血而歃之今亦奉盤措匙而歃也以此而言鋌卽匙字錯置也音七故反引之曰鋌當爲鋌其字從缶不從金廣韻鋌都奚切歃血器集韻鋌歃器皆沿誤本後漢書注內題字當爲題其字從瓦不從頁方言甌陳魏宋楚之間謂之題郭璞曰今河北人呼小盆爲題子杜啓反廣雅曰題甌甌也太平御覽引通俗文曰小甌曰題凡從瓦之字或從缶故字詁鋌與題同玉篇鋌徒啓切亦作題題徒啓切小盆也集韻亦曰題或從缶作鋌皆其證矣賢意謂據鋌字則爲盆盞之題據下文則當訓爲匙耳案周官玉府職合諸侯則共珠槃玉敦鄭注曰合諸侯者必割牛耳取其血歃之以盟珠槃以盛牛耳尸盟者執之玉敦歃血玉器戎右職盟則以玉敦辟盟遂役之贊牛耳桃茢注曰役之者傳敦血授當歃者血在敦中以桃茢拂之耳者盛以珠槃尸盟者執之若然則盤以盛耳敦以盛血二器並設矣今傳曰奉盤盤外當更有盛血之器下文曰有司奉血鋌進護軍舉手揖諸將軍曰鋌不濡血歃不入口是欺神明也明鋌者盆盞之類所以盛血如古之有敦耳不得如賢注所云且隗囂遵用古禮何肯效法匈奴乎

鄧訓傳西羌傳竝云首施兩端注曰首施猶首鼠也念孫案史記魏其武安傳何爲首鼠兩端故李本之爲注今案施讀如施于中谷之施首施猶首尾也首尾兩端卽今人所云進退無據也春秋魯公子尾字施父是施與尾同意服虔注漢書曰首鼠一前一卻也則首鼠亦卽首尾之意

### 胎養

魯恭傳今始夏百穀權輿陽氣胎養之時注曰萬物皆含胎長養之時念孫案胎亦養也方言曰台胎養也晉衛燕魏曰台汝穎梁宋之間曰胎列女傳頌義小序曰胎養子孫以漸教化是胎與養同義此言陽氣胎養萬物非謂萬物含胎也方言注曰台猶頤也音怡序卦傳曰頤者養也胎台頤聲近而義同

### 或裴回藩屏或躑躅帝宮

蘇竟傳太白辰星或裴回藩屏或躑躅帝宮注曰帝宮北辰也藩屏兩傍之星也念孫案北辰在紫宮之中與左右兩藩皆非黃道所經太白辰星無緣到此今案帝宮謂太微宮藩屏謂太微之兩藩皆五星所經也史記天官書曰太微三光之廷匡衡十二星藩臣淮南天文篇曰太微者太一之廷也太乙當作五帝辨見淮南故云裴回藩屏躑躅帝宮

### 百獸駭殫

班固傳兩都賦遂繞鄠鎬歷上蘭六師發胄胄與同百獸駭殫注曰駭殫言驚懼也念孫案李訓駭殫爲驚

懼則殫字本作憚。今作殫者，後人據誤本文選改之也。韋昭注周語曰：憚，懼也。懼與驚義相通。爾雅：驚，懼也。方言：驚，懼也。故楚辭招魂：君王親發兮憚青兕。王逸注曰：憚，驚也。淮南人間篇曰：驚憚遠飛。司馬相如上林賦曰：驚憚襲伏。驚憚，卽駭憚。故廣雅曰：駭，憚驚也。言六師發逐而百獸皆驚也。又案文選：百獸駭殫。殫字李善無注。張銑注曰：言天子縱六軍逐百獸，駭驚踐蹋，十分殺其二三。駭驚，卽駭憚。踐蹋，卽下文之蹂躪。而獨不爲殫字作解。然則李善及五臣本皆作百獸駭憚，而今本作殫，亦是後人所改。明矣。後人改憚爲殫者，以憚音徒案反，與蘭字韻不相協故耳。不知憚從單聲。古音徒丹反，故與蘭爲韻。莊子達生編以鈎注者，憚釋文：憚，徒丹反，是其證也。後人不曉古音而妄改爲殫。殫者，盡也。百獸駭盡，則甚爲不詞。且此句但言百獸驚駭，下文乃言蹂躪其十二三，卒乃言草木無餘，禽獸殄夷。若先言百獸已盡，則下文皆成贅語矣。此字蓋近代淺學人所改，而各本後漢書文選皆相承作殫，莫能正其失，良可怪也。

### 保界河山

子實秦人，矜夸館室，保界河山。注曰：保，守也。謂守河山之險以爲界。念孫案：賦言保界河山，非謂保河山以爲界也。今案界讀爲介。保介皆恃也。言恃河山以爲固也。僖二十三年左傳：保君父之命而享其生祿。呂氏春秋誠廉篇：阻兵而保威。高杜注並曰：保，恃也。襄二十四年左傳：以陳國之介恃大國而陵虐於敝邑。介亦恃也。史記十二諸侯年表：晉阻三河，齊負東海，楚介江淮，阻負介皆恃也。索隱：介音界。言楚以江淮爲界。一云：介者，夾也。





有覲其面

樂成靖王黨傳安帝詔曰。葢有覲其面。而放逸其心。注曰。覲。姑也。言面姑然無媿。姑音胡八反。念孫案李訓覲爲姑。本於爾雅。然云面姑然無媿。則未解覲字之義。並未解姑字之義也。今案說文。覲。人面兒也。本人面兒。譌作面兒。案爾雅釋文。引舍人曰。覲。擅也。一曰。面兒也。越語。覲然。而人面。章昭曰。覲。面目之貌。是覲爲人面兒。貌也。小雅何人斯正義。引說文。覲。面兒見人。亦是人面兒之譌。今訂正。或沿面兒見人之誤。解爲無面目相。姑。而覲也。爾雅訓覲爲姑。說文訓姑爲面兒。其義一也。今本面覲。譌作面兒。何人斯釋文。引說文。見失之。姑。而覲也。姑。面兒也。亦後人據誤本說文改之。今據何人斯正義。及爾雅釋言。疏所引訂正。又案其義。亦與好相近。故何人斯箋曰。姑。然有面目。則姑非面兒。醜之貌明矣。爾雅。覲。姑也。李巡孫炎注。並曰。人面姑然也。文見釋然。則覲與姑皆人面之貌。而非無恥之貌明矣。小雅何人斯篇。爲鬼爲蜮。則不可得有覲面目。視人罔極。毛傳曰。覲。姑也。鄭箋曰。使女爲鬼爲蜮也。則女誠不可得見也。姑然有面目。女乃人也。人相視無有極時。終必與女相見。是覲爲人面目之貌。故對鬼蜮言之。若以覲爲無恥。則與詩意相違矣。又越語。余雖覲然。而人面哉。吾猶禽獸也。韋注曰。覲。面目之貌。是覲爲人面目之貌。故對禽獸言之。若以覲爲無恥。則與覲然。人面之文不合矣。此詔云。葢有覲其面。而放逸其心。義亦與越語同。言葢雖覲然。人面而放逸其心。實與禽獸無異。下文風淫于家。娉取人妻。是其事也。李以覲爲面姑然無媿。失之矣。又案方也。荆揚青徐之間。曰。媿。此與有覲。面目之貌異義。而左思魏都賦云。有覲。容神藥形。茹任昉彈曹景宗奏云。惟此人斯有覲。面目。玉篇亦云。覲。慚兒。則是誤以覲爲媿矣。總之。覲爲人面目之貌。或以爲恥。或以爲無恥。皆非也。或誤解說文之覲爲媿。云。媿從心。慙在中。覲從面。媿在面。外亦沿左思任昉之誤。不知說文之覲爲面兒。不與訓慙之媿同義也。

### 不震厥教

葢慢易大姬。不震厥教。注曰。大姬。卽葢所繼之母也。震。懼也。念孫案。震讀爲祗。祗。敬也。言不敬承其教。非謂不懼其教也。祗與震古同聲而通用。盤庚。爾謂朕曷震動萬民以遷。漢石經。震作祗。無佚。治民祗懼。史記。魯世家。祗作震。震字或作振。皋陶謨。日嚴祗敬六德。夏本紀。祗作振。桀誓。祗復之。魯世家。祗作敬。徐廣曰。敬一作振。內則。祗見孺子。鄭注曰。祗或作振。皆其證也。祗從氏聲。古音在脂部。震從辰聲。古音在諄部。諄部之音多與脂部相通。故從辰之字亦與從氏之字相通。說文。𧈧從氏聲。或作𧈧。從辰聲。又其一證也。恆上六。振恆。說文引作櫓。恆。曲禮。𧈧於鬼神。鄭注曰。𧈧或爲祗。𧈧之與祗。振之與櫓。猶震之與祗也。

### 游不倫黨

崔駰傳。游不倫黨。苟以徇已。注曰。倫。謂等倫。念孫案。倫。擇也。游不倫黨。謂交不擇類也。說文。掄。擇也。周官山虞曰。邦工入山林而掄材。少牢饋食禮。雍人倫膚九。鄭注曰。掄。擇也。是倫與掄通。荀子勸學篇曰。君子居必擇鄉。遊必就士。

### 補綻

崔實傳。期於補綻決壞。枝柱邪傾。注曰。綻。音直覓反。禮記曰。衣裳綻裂。紉箴請補綴。念孫案。李以綻爲綻裂。非也。綻亦補也。補綻決壞。枝柱邪傾。相對爲文。若以補綻爲補其綻裂。則補綻決壞四字。文不成義。且

與下句不對矣。綻字本作紃。又作綻。說文：紃，補縫也。廣雅曰：紃，縫也。急就篇：鍼縷補縫，綻紃緣。顏師古曰：修破謂之補。縫解謂之綻。古辭：豔歌行曰：故衣誰當補，新衣誰當綻。

得之不休不獲不吝

張衡傳：應閒得之不休，不獲不吝。注曰：休，美也。吝，恥也。念孫案：休，喜也。吝，恨也。言得之不喜，不得不恨也。小雅：菁菁者莪，篇曰：我心則喜。我心則休。休，亦喜也。呂刑曰：雖畏勿畏，雖休勿休。言雖喜勿喜也。並見經義述聞周語曰：爲晉休戚。章注曰：休，喜也。廣雅同。今俗語猶云休戚相關。楚語曰：教之世而爲之。昭明德而廢幽昏焉。以休懼其動。言喜懼其動也。說文曰：吝，恨惜也。屯六三：往吝。馬融注曰：吝，恨也。廣雅同。下文思元賦曰：柏舟悄悄，吝不飛。字或作恪。方言曰：恪，恨也。

豈愛惑之能剖

思元賦：通人關於好惡兮，豈愛惑之能剖。注曰：剖，分也。言通人尚關於好惡，况愛寵昏惑者，豈能分之。念孫案：李以愛爲愛寵，非也。愛者，蔽也。說文：簾，蔽不見也。廣雅曰：簾，壅蔽障也。爾雅：夔，隱也。郭璞曰：謂隱蔽。方言：掩，翳愛也。郭璞曰：謂夔蔽也。引詩：邶風：靜女篇：夔而不見。今詩：夔作愛。楚辭：離騷云：衆夔然而蔽之。夔，愛古字通。皆謂障蔽也。此言通人尚關於好惡，豈蔽惑之人所能分割也。蔽與惑義相近。蔽惑與通人義相反。若以愛爲愛寵，則與上下文俱不相涉矣。文選：愛惑作昏惑。蓋後人不曉愛字之義而改之也。

左概嵩嶽 箕背王屋

馬融傳廣成頌右轡三塗左概嵩嶽面據衡陰箕背王屋念孫案概當爲枕字之誤也草書概字作枕字作枕二形相似水經汝水注太平御覽地部引此並作左枕嵩嶽箕背當爲背箕背箕與面據相對箕讀爲基立政以並基漢石經基作其周頌昊天有成命篇夙夜基基亦據也釋名曰基據也在言前據衡陰後據王屋也水經汝水注引此正作背基王屋

脰完羝搗介鮮 楷羽羣

絹猥蹠蹤特肩脰完羝搗介鮮散毛族楷羽羣注曰絹繫也與胃通音工犬反蹤猶撞也音楚江反脰頸也謂中其頸也楷諸家並古酷反案字書楷從手即古文攪字謂攪擾也念孫案李訓脰爲頸頸完羝則爲不詞故又釋之曰謂中其頸殆失之迂矣今案脰讀爲剗廣雅曰剗裂也玉篇曰小裂也作脰者借字耳絹蹤脰搗散楷六字字法皆相似若訓脰爲頸則與上下文不類矣介鮮二字亦爲不類鮮當爲鱗凡隸書從羣之字或作𩺰故鱗字或作𩺰形與鮮相近因譌爲鮮以下文毛羽例之則此當爲介鱗也說文曰搗裂也謂裂介鱗也楷讀爲𩺰廣雅曰𩺰分也脰搗皆裂也散楷皆分也李以楷爲攪擾之攪亦失之

儀建章

杜篤傳論都賦規龍首撫未央撫與事同覲平樂儀建章注曰覲視也儀字無注念孫案儀者望也呂氏春秋



處方篇射者儀毫而失墻。畫者儀髮而易貌。淮南說林篇射者儀小而遺大。高注並曰。儀望也。儀古讀若俄字。或作哦。定八年公羊傳注。訓哦爲望。班固西都賦曰。睇秦領。哦北阜。哦與儀古今字耳。規龍首撫未央。撫亦規也。規平樂。儀建章。儀亦覲也。睇秦領。哦北阜。哦亦睇也。

田田相如

厥土之膏。畝價一金。田田相如。注曰。相如言地皆沃美相類也。念孫案。如讀爲紛拏之拏。田田相拏。猶今人言犬牙相錯也。揚雄豫州箴曰。田田相拏。廬廬相距。是其證。

三十鏃

南蠻傳。其民戶出雞羽三十鏃。注曰。毛詩。四鏃既均。儀禮。鏃矢一乘。鄭注曰。鏃猶候也。候物而射之也。念孫案。鏃者。矢名。此言雞羽三十鏃。則非謂鏃矢也。鏃讀爲猴。方言。猴本也。廣雅同。郭璞曰。今以鳥羽本爲猴。說文曰。猴羽本也。九章算術粟米章。買羽二千一百猴。劉徽曰。猴羽本也。數羽稱其本。猶數草木稱其根株也。義與此雞羽三十猴同。作鏃者。借字耳。

汾隰

西羌傳。晉人敗北戎于汾濕。注曰。二水名。念孫案。李以隰爲水名非也。汾隰。謂汾水旁下溼之地。爾雅曰。下溼曰隰。桓三年左傳。逐翼侯于汾隰。杜注曰。汾隰。汾水邊是也。

老子

信不足焉有不信焉

王弼本第十七章信不足焉有不信焉河上公本無下焉字念孫案無下焉字者是也信不足爲句焉有不信爲句焉於是也言信不足於是有不信也呂氏春秋季春篇注曰焉猶於此也聘禮記曰及享發氣焉盈容言發氣於是盈容也月令曰天子焉始乘舟今本焉字在上句乃告舟備具於天子之下此後人訂正言天子於是始乘舟也晉語曰焉始爲令言於是始爲令也三年問曰故先王焉爲之立中制節言先王於是爲之立中制節也荀子禮論篇焉作安楊倞曰安語助或作安或作案荀子多用此字焉安案三字同義詳見釋詞大荒南經曰雲雨之山有木名曰欒羣帝焉取藥言羣帝於是取藥也管子揆度篇曰民財足則君賦斂焉不窮言賦斂於是不窮也墨子非攻篇曰天乃命湯於鑪宮用受夏之大命湯焉敢奉率其衆以鄉有夏之境言湯於是敢伐夏也楚辭九章曰焉洋洋而爲客又曰焉舒情而抽信兮言於是洋洋而爲客於是舒情而抽信也又傳十五年左傳晉於是乎作爰田晉於是乎作州兵晉語作焉作輟田焉作州兵西周策君何患焉史記周本紀作君何患於是是焉與於是同義莊八年公羊傳吾將以甲午之日然後祠兵於是管子小問篇且臣觀小國諸侯之不服者唯莒於是是於是與焉同義河上公注云君信不足於下下則應之以不信而欺其君也則字正解焉字之義祭法曰壇墠有禱焉祭之無禱乃止言壇墠有禱則祭之也大戴禮曾子

制言篇曰。有知焉謂之友。無知焉謂之主。言有知則謂之友。無知則謂之主也。荀子禮論篇。三者偏亡焉。無安人。史記禮書焉作則。老子第十三章。故貴以身爲天下。則可寄天下。淮南道應篇引此。則作焉。是焉與則亦同義。後人不曉焉字之義。而讀信不足焉爲一句。故又加焉字於下句之末。以與上句相對。而不知其謬也。又王弼本二十三章。信不足焉。有不信焉。河上公本亦有下焉字。案河上公注云。君信不足於下。下則應君以不信也。與十七章注正同。則正文亦以焉有不信爲句明矣。乃後人既以信不足焉爲句。而加焉字於下句之末。又移此注於信不足焉之下。而改注內應君以不信。爲應君以不足。甚矣其謬也。又案王弼注十七章云。信不足。則有不信。此自然之道也。則有不信。卽焉有不信。是王弼亦以焉有不信爲句。今本王注。作信不足焉。則有不信。焉字亦後人所加。二十三章注云。忠信不足於下。焉有不信也。大典本如此。今本也。字作焉。亦後人所改。此皆由不曉焉字之義。而讀信不足焉爲一句。故訓詁失而句讀亦舛。既於下句末加焉字。遂不得不改注文以就之矣。

夫佳兵者不祥之器

三十一章。夫佳兵者不祥之器。物或惡之。故有道者不處。釋文。佳。善也。河上云。飾也。念孫案。善飾二訓。皆於義未安。古所謂兵者。皆指五兵而言。故曰兵者不祥之器。見下文。若自用兵者言之。則但可謂之不祥。而不可謂之不祥之器矣。今案佳當作佳。字之誤也。佳。古唯字也。唯或作惟。唯兵爲不祥之器。故有道者不

處上言夫唯。下言故。文義正相承也。八章云。夫唯不爭。故無尤。十五章云。夫唯不可識。故強爲之容。又云。夫唯不盈。故能蔽不新成。二十二章云。夫唯不爭。故天下莫能與之爭。皆其證也。古鐘鼎文唯字作隹。石鼓文亦然。又夏竦古文四聲韻。載道德經唯字作隹。據此。則今本作唯者。皆後人所改。此隹字若不誤爲佳。則後人亦必改爲唯矣。

### 爲天下正

王弼本三十九章。侯王得一以爲天下貞。河上公本貞作正。注云。爲天下平正。念孫案。爾雅曰。正。長也。廣雅曰。正。君也。呂氏春秋君守篇。可以爲天下正。高注曰。正。主也。爲天下正。猶洪範言爲天下王耳。下文天無以清。地無以甯。卽承上文天得一以清。地得一以甯言之。又云。侯王無以貴高。貴高二字。正承爲天下正言之。是正爲君長之義。非平正之義也。王弼本正作貞。借字耳。

### 唯施是畏

五十三章。行於大道。唯施是畏。王弼曰。唯施爲之是畏也。河上公注略同。念孫案。二家以施爲釋施字。非也。施讀爲迤。迤。邪也。言行於大道之中。唯懼其入於邪道也。下文云。大道甚夷。而民好徑。河上公注。徑。邪不正也。是其證矣。案。徑。卽上文所謂施也。邪道足以惑人。故曰唯施是畏。王注曰。言大道蕩然正平。而民猶尙舍之而不由。好從邪徑。况復施爲以塞大道之中乎。於正文之外。又增一義。非是。說文。迤。褻行也。引禹貢。東迤北會于匯。孟子離婁篇。施從良人之所之。趙注曰。施者。邪施而行。丁公著音。



也。淮南齊俗篇去非者非批邪施也。高注曰施微曲也。要略篇接徑直施。高注曰施邪也。是施與迪通。東迪北會于匯。馬融曰迪離也。文選甘泉賦封巒石關迪離乎延屬。漢書揚雄傳迪作施。史記賈生傳庚子日施兮。漢書施作斜。斜亦邪也。韓子解老  
 篇釋此章之義曰。所謂大道也者。端道也。所謂貌施也者。邪道也。所謂徑也者。佳麗也。佳麗也者。邪道之  
 分也。此尤其明證矣。

朝菌不知晦朔。蟪蛄不知春秋。釋文司馬云。朝菌。大芝也。天陰生糞上。見日則死。一名日及。故不知月之終始也。支遁云。一名舜。朝生暮落。潘尼云。木槿也。引之曰。淮南道應篇引此。朝菌作朝秀。今本淮南作朝子改之。文選辯命論注及太平御覽蟲部高注曰。朝秀。朝生暮死之蟲也。生水上。狀似蠶蛾。一名孳母。六引淮南並作朝秀。今據改。廣雅作朝蟪。據此。則朝秀與蟪蛄皆蟲名也。朝秀朝菌。語之轉耳。非謂芝菌。亦非謂木槿也。上文云。之二蟲又何知。謂螻與學鳩。此云不知晦朔。亦必謂朝菌之蟲。蟲者微有知之物。故以知不知言之。若草木無知之物。何須言不知乎。

### 蚤蛭僕緣

人間世篇。夫愛馬者。以筐盛矢。以蜃盛溺。適有蚤蛭僕緣而拊之。不時則缺銜毀首碎胃。向秀解蚤蛭僕緣曰。僕僕然蚤蛭緣馬稠糞之貌。崔譔曰。僕御。念孫案。向崔二說皆非也。僕之言附也。言蚤蛭附緣於馬體也。僕與附聲近而義同。大雅既醉篇。景命有僕。毛傳曰。僕。附也。鄭箋曰。天之天命。又附著於女。文選子虛賦注引廣雅曰。僕。謂附著於人。案今廣雅無此語。廣雅疑廣倉之誤。

### 診其夢

匠石覺而診其夢。向秀司馬彪並云。診。占夢也。念孫案。下文皆匠石與弟子論櫟社之事。無占夢之事。診當讀爲眡。爾雅眡。告也。郭注引曲禮曰。眡於鬼神。眡與診古字通。此謂匠石覺而告其夢於弟子。非謂占

夢也。

與造物者爲人 不與化爲人

大宗師篇。彼方且與造物者爲人。而遊乎天地之一氣。應帝王篇。子方將與造物者爲人。郭象曰。任人之自爲。天運篇。久矣夫。某不與化爲人。郭曰。夫與化爲人者。任其自化者也。引之曰。郭未曉人字之義。人者。偶也。爲人。猶爲偶也。中庸。仁者。人也。鄭注曰。人也。讀如相人偶之人。以人意相存偶之言。檜風。匪風。箋曰。人偶能割亨者。人偶能輔周道治民者。聘禮注曰。每門輒揖者。以相人偶爲敬也。公食大夫禮注曰。每曲揖及當碑揖。相人偶。是人與偶同義。故漢時有相人偶之語。淮南原道篇。與造化者爲人。義與此同。高注。也。非是。互見淮南。齊俗篇曰。上與神明爲友。下與造化爲人。是其明證也。

以己出經式義度人孰敢不聽而化諸

應帝王篇。君人者。以己出經式義度。人孰敢不聽而化諸。釋文曰。出經絕句。司馬云。出行也。經常也。崔云。出典法也。式義度人絕句。式法也。崔云。式用也。用仁義以法度人也。念孫案。此當以以己出經式義度爲句。人孰敢不聽而化諸爲句。義讀爲儀。儀與義古字通。說文。義。己之威儀也。文侯之命。父義和。鄭注。義讀爲儀。儀與義古字通。說文。義。己之威儀也。文侯之命。父義和。鄭注。義讀爲儀。古者書儀。但爲義。今時所爲義爲誼。小雅楚茨篇。禮儀卒度。韓詩作義。周官大射儀注。引作義。儀法也。見周儀。大射儀注。引作義。儀法也。語注。淮南精神篇注。經式儀度。皆謂法度也。解者失之。

波流

吾與之虛而委蛇。不知其誰何。因以爲弟靡。因以爲波流。郭象曰。變化頽靡。世事波流。無往而不因也。釋文曰。波流。崔本作波隨。云常隨從之。念孫案。作波隨者是也。蛇何靡隨爲韻。蛇古音徒禾反。委蛇之委。古音爲韻。爲古音譌。委蛇或作委蛇。與皮蛇爲韻。皮古音婆。莊子庚桑楚篇。與物委蛇。與爲靡。古音摩。中九二。吾與爾靡之。與和爲韻。莊子知北遊篇。安與之相靡。與化多爲韻。成二年。隨古亦音徒禾反。波隨。左傳。師至于靡。靡之下。靡一音靡。史記蘇秦傳。期年以出。揣摩。鄒誕本作揣摩。隨古亦音徒禾反。波隨。序。男行而女不隨。老子前後相隨。管子白心篇。天不始不隨。呂氏春秋審應篇。人先我隨。韓子解老篇。大姦作則小盜隨。淮南泰族篇。上動而下隨。史記太史公自序。主先而臣隨。並與和爲韻。又呂氏春秋任數篇。無先有隨。與和多爲韻。賈子道術篇。有端隨之。與和宜爲韻。淮南原道篇。福乃相隨。與多爲韻。說文。隨從是。隨聲。隨音他果反。史記天官書。前列直斗口三星。隨北端兌。索隱曰。隨音他果反。

擢德塞性

駢拇篇。枝於仁者。擢德塞性。以收名聲。念孫案。塞與擢義不相類。塞當爲塞。擢塞。皆謂拔取之也。廣雅曰。擢。取也。楚辭離騷注。及史記叔孫通傳。索隱引許慎。並與廣雅。拔也。樊光注。爾雅及李奇注。漢書季同。此言。擢。取也。同。方言。作。擢。云。取也。南楚曰。擢。說文。作。擢。云。拔取也。世之人。皆擢其德。塞其性。務爲仁義。以收名聲。非謂塞其性也。淮南俶真篇曰。俗世之學。擢德撻性。內愁五藏。外勞耳目。乃始招燒振繾物之豪芒。搖消掉捐仁義禮樂。暴行越智於天下。以招號名聲於世。又曰。今萬物之來。擢拔吾性。撻取吾情。皆其證也。隸書手字或作丰。若擢字作擢。擢字作奉之類。故擢字或作塞。形與塞相似。因譌而爲塞矣。



刻之雒之

馬蹄篇。伯樂曰。我善治馬。燒之剔之。刻之雒之。司馬彪曰。雒。謂羈絡其頭也。念孫案。雒。讀爲銘。音落。字或作剗。通作雒。又通作落。銘之言落也。剔去毛鬣爪甲。謂之銘。說文曰。銘。鑿也。廣雅曰。雒。剔也。吳子治兵篇說畜馬之法云。刻剔毛鬣。謹落四下。此云燒之剔之。刻之雒之。語意略相似。司馬以銘爲羈絡。非也。下文連之以羈馬。乃始言羈絡耳。

仁義存焉 義士存焉

胙篋篇。彼竊鉤者誅。竊國者爲諸侯。諸侯之門。而仁義存焉。引之曰。存焉。當爲焉存焉。於是也。言仁義於是乎存也。呂氏春秋季春篇注曰。焉。猶於此也。聘禮記曰。及享。發氣焉盈容。言發氣於是盈容也。月令曰。天子焉始乘舟。今本焉字在上句。乃告舟備具于天子之下。此後人不曉。今據呂氏春秋季春篇淮南時則篇訂正。言天子於是始乘舟也。晉語曰。焉始爲令。言於是始爲令也。三年問曰。故先王焉爲之立中制節。言先王於是爲之立中制節也。荀子篇。焉作安。楊倞曰。安。語助。或作安。或作案。荀子多用此字。焉安案三字同義。詳見釋詞。大荒南經曰。雲雨之山。有木名曰欒。羣帝焉取藥。言羣帝於是取藥也。管子揆度篇曰。民財足。則君賦斂焉不窮。言賦斂於是不窮也。墨子非攻篇曰。天乃命湯於鑪宮。用受夏之大命。湯焉敢奉率其衆。以鄉有夏之境。言湯於是敢伐夏也。楚辭九章曰。焉洋洋而爲客。又曰。焉舒情而抽信兮。言於是洋洋而爲客。於是舒情而抽信也。又僖十五:left傳。晉於是乎作爰田。晉於

是乎作州兵。晉語作焉作轅田。焉作州兵。西周策。君何患焉。史記周本紀作君何患於是。是焉與於是同義。莊八年公羊傳。吾將以甲午之日。然後祠兵。於是管子小問篇。且臣觀小國諸侯之不服者。唯莒於是。是於是與焉同義。此四句以誅侯爲韻。門存爲韻。其韻皆在句末。史記游俠傳作竊鉤者誅。竊國者侯。侯之門。仁義存。是其明證也。盜跖篇。小盜者拘。大盜者爲諸侯。諸侯之門。義士存焉。存焉亦當作焉存。此皆後人不曉焉字之義而妄改之耳。

### 鉤餌

鉤餌網罟罾筴之知多。則魚亂於水矣。念孫案鉤本作釣。釣卽鉤也。今本作鉤者。後人但知釣爲釣魚之釣。而不知其又爲鉤之異名。故以意改之耳。今案廣雅曰。釣。鉤也。田子方篇曰。文王觀於臧。見一丈夫釣。而其釣莫釣。非持其釣。有釣者也。常釣也。指鉤而言。餘四釣字。皆讀爲釣。魚之釣。鬼谷子摩篇曰。如操釣。而臨深淵。淮南說山篇曰。操釣上山。揭斧入淵。說林篇曰。一目之羅。不可以得鳥。無餌之釣。不可以得魚。東方朔七諫曰。以直鉞而爲釣兮。又何魚之能得。是古人謂鉤爲釣也。又案釋文云。餌如志反。罾音曾。筴音苟。此是釋餌罾筴三字之音。下又云。釣。鉤也。餌。魚餌也。廣雅云。罾。謂之網。罾。魚網也。爾雅云。絜婦之筴。謂之罾。此是釋釣餌網罾罾筴六字之義。後人既改正文釣字爲鉤。又改釋文筴音苟釣鉤也。六字爲筴音鉤釣鉤也。其失甚矣。又外物篇。任公子爲大鉤巨緇。釋文。鉤本亦作釣。亦當以作釣者爲是。文選七啓。

注傳咸贈何劭王濟詩注謝靈運七里瀨詩注及太平御覽資產部十四引此並作釣也又列子湯問篇詹何以芒鍼爲釣後人改釣爲鉤不知御覽引此正作釣也又下文投綸沈釣今本釣作鉤亦是後人所改韻府羣玉釣字下引列子投綸沈釣則所見本尙作釣也又齊策君不聞海大魚乎網不能止釣不能牽後人改釣爲鉤不知御覽鱗介部七引此正作釣淮南人閒篇亦作釣也又淮南說山篇人不愛江漢之珠而愛己之釣高注云釣鉤也後人既改正文釣字爲鉤又改注文爲鉤釣也則其謬滋甚蓋後人不知釣爲鉤之異名故以其所知改其所不知而古義寢亡矣

吐爾聰明

在宥篇墮爾形體吐爾聰明引之曰吐當爲咄咄與黜同徐無鬼篇黜書韋昭注周語曰黜廢也黜與墮義相近大宗師篇墮枝體黜聰明卽其證也隸書出字或省作士若黜省作款之類故咄字或作吐形與吐相似因譌而爲吐矣咄之譌作吐猶吐之譌作咄漢書外戚傳必畏惡吐棄我漢紀吐譌作咄

天下功

天道篇天不產而萬物化地不長而萬物育帝王無爲而天下功郭象曰功自彼成念孫案如郭解則功下須加成字而其義始明不知功卽成也言無爲而天下成也中庸曰無爲而成爾雅曰功成也大戴禮盛德篇曰能成德法者爲有功周官稷人乃入功于司弓矢及繕人鄭注曰功成也管子五輔篇曰大夫任官辯

事官長任事守職士修身功材功材謂成材也荀子富國篇曰百姓之力待之而後功謂待之而後成也萬物化萬物育天下功相對爲文是功爲成也

### 屢蠶

天運篇其知慴於屢蠶之尾釋文曰屢敕邁反又音例本亦作厲郭音賴又敕介反蠶許謁反或敕邁反或云依字上當作蠶下當作蠟引之曰陸讀屢爲蠶讀蠶爲蠟皆非也屢音賴又音例陸云本亦作厲卽其證也蠶音敕邁反蠟音許謁反屢蠶皆蠟之異名也廣雅曰蠶蠶蠟也今本廣雅脫蠶字一切經音義卷五引廣雅蠶蠟蠟也集韻引廣雅蠶蠶音盧達反蠶蠶皆毒螫傷人之名蠶之言蛆蛆音哲一切經音義卷十引字林曰蛆螫也信也今據補蠶音盧達反蠶蠶皆毒螫傷人之名蠶之言蛆二十二左傳正義引通俗文曰蠟毒傷人曰蛆蛆之言痢也痢音盧達反郭璞注方言曰痢辛螫也字或廣雅釋詁云毒蛆痢痛也是其義矣蠶與屢古同聲莊子作屢廣雅作蠶其實一字也史記秦本紀厲共公始皇紀作刺製公刺之通作屢猶蠶之通作屢矣

### 井鼃

秋水篇井鼃不可以語於海者拘於虛也引之曰鼃本作魚後人改之也太平御覽時序部七鱗介部七蟲豸部一引此並云井魚不可以語於海則舊本作魚可知且釋文於此句不出鼃字直至下文培井之鼃始云鼃本又作蛙戶蝸反引司馬注云鼃水蟲形似蝦蟇則此句作魚不作鼃明矣若作鼃則戶蝸之音水蟲之注當先見於此不應至下文始見也再以二證明之鴻烈原道篇夫井魚不可與語大拘於隘



也。梁張綰文井魚之不識巨海。夏蟲之不見冬冰。水經載水注云。聊記奇聞。以廣井魚之聽。皆用莊子之文。則莊子之作井魚益明矣。井九三井谷射鮒。鄭注曰。所生魚無大魚。但多鮒魚耳。見劉達吳都賦注。困學紀聞卷十引御覽所載莊子曰。用意如井魚者。吾爲鉤繳以投之。呂氏春秋諭大篇曰。井中之無大魚也。此皆井魚之證。後人以此篇有培井鼃之語。而荀子亦云坎井之鼃。不可與語東海之樂。見正論篇。遂改井魚爲井鼃。不知井自有魚。無煩改作鼃也。自有此改。世遂動稱井鼃。夏蟲不復知有井魚之喻矣。

拘於虛

崔譔注拘於虛曰。拘於井中之空也。念孫案。崔訓虛爲空。非也。虛與墟同。故釋文云。虛本亦作墟。廣雅曰。墟。尻也。尻。居字。文選西征賦注引聲類曰。墟。故所居也。凡經傳言邱墟者。皆謂故所居之地。言井魚拘於所居。故不知海之大也。魚居於井。猶河伯居於涯涘之間。故下文曰。今爾出於涯涘。觀於大海。乃知爾醜也。

鷗鷖

鷗鷖夜撮蚤。察豪末。引之曰。鷗字涉釋文內鷗鷖鷗而衍。此。埤雅引案釋文曰。鷗。尺夷反。崔云。鷗鷖鷗。而不爲鷗字作音。則正文內本無鷗字明矣。淮南主術篇亦云鷗夜撮蚤。

無東無西

無南無北。奘然四解。淪於不測。無東無西。始於元冥。反於大通。念孫案。無東無西。當作無西無東。北測爲

韻東通爲韻

豚楯之上聚僂之中

達生篇。苟生有軒冕之尊。死得於豚楯之上。聚僂之中。則爲之。釋文。司馬云。豚。猶案也。楯。猶案也。聚僂。器名也。今冢壙中注爲之一云。聚僂。棺槨也。一云。聚。當作菴。僂。當作婁。謂殯於菴塗。婁娶之中。念孫案。豚。讀爲輅。謂載柩車也。雜記載以輅車。鄭注曰。輅。讀爲輅。釋文。輅。市。事。反。又。市。轉。反。士喪禮記注曰。載柩車。周禮謂之蜃車。雜記謂之團。或作輅。或作輅。聲讀皆相附耳。其車之輿。狀如牀。中央有輅。前後出。設前後輅。輿上有四周。下則前後有軸。以輅爲輪。許叔重說。有輅曰輅。無輅曰輅。輅輅。輅輅。並字異而義同。此作豚。義亦同也。楯。讀爲輅。亦爲載柩車也。檀弓曰。天子之殯也。菴塗。龍輅以槨。又曰。天子龍輅而槨。諸侯輅而設輅。喪大記曰。君殯用輅。鄭注曰。天子之殯。居棺以龍輅。諸侯輅不畫龍。大夫廢輅。士喪禮下篇注曰。輅狀如長牀。穿棺前後著金而闕輅焉。大夫諸侯以上。有四周謂之輅。此謂輅。廟時所用。輅與楯古字通。雜記注曰。載柩以楯。是其證也。聚僂。謂柩車飾也。衆飾所聚。故曰聚僂。亦以其形中高而四下。故言僂也。雜記注曰。將葬載柩之車。飾曰柳。周官縫人。衣娶柳之材。注曰。柳之言聚。諸飾之所聚。釋名曰。輿棺之車。其蓋曰柳。柳聚也。衆飾所聚。亦其形僂也。檀弓曰。設僂娶。荀子禮論篇曰。無輅。絲葛縷娶。其須以象菲帷。輅尉也。柳。娶縷僂。並字異而義同。呂氏春秋節喪篇。僂娶以督之。其字亦作僂。釋文所引。或說以僂爲婁娶字是也。餘說皆失。

之。

殺鴈而亨之

山木篇莊子舍於故人之家。故人喜命豎子殺鴈而亨之。釋文亨音彭反。煮也。念孫案亨讀爲享。享之謂享莊子。故人喜莊子之來。故殺鴈而享之。享與饗通。呂氏春秋必已篇作令豎子爲殺鴈饗之。是其證也。古書享字作亨。烹字亦作亨。故釋文誤讀爲烹。而今本遂改亨爲烹矣。原文作亨。故釋文音彭反。若作烹則無須音釋。

必取其緒

食不敢先嘗必取其緒。釋文曰緒次緒也。念孫案陸說非也。緒者餘也。言食不敢先嘗而但取其餘也。讓王篇其緒餘以爲國家。司馬彪曰緒者殘也。謂殘餘也。楚辭九章欸秋冬之緒風。王注曰緒餘也。管子弟子職篇奉碗以爲緒。尹知章曰緒然燭燼也。燼亦餘也。見方言廣雅。

真泠禹曰

舜之將死真泠禹曰女戒之哉。釋文曰真司馬本作直。泠音零。司馬云泠曉也。謂以直道曉語禹也。泠或爲命。又作令。命猶教也。引之曰直當爲囟。囟籀文乃字。隸書作迺。迺形似直。釋山碑乃今皇帝乃字作迺。形似直字。故譌作直。又譌作真。命與令古字通。周官司儀則令爲壇三成。覲禮注引此令作命。僖九年左傳令不及魯。令本作命。作命作令者是也。囟令禹者乃命禹也。

### 目大運寸

莊子遊乎雕陵之樊。覩一異鵲。自南方來者。翼廣七尺。目大運寸。司馬彪曰。運寸。可回一寸也。念孫案。司馬以運爲轉運之運。非也。運寸與廣七尺相對爲文。廣爲橫。則運爲從也。目大運寸。猶言目大徑寸耳。越語。勾踐之地。廣運百里。韋注曰。東西爲廣。南北爲運。是運爲從也。西山經曰。是山也。廣員百里。員與運同。周官大司徒。周知九州之地域廣輪之數。士喪禮記。廣尺。輪二尺。鄭注竝曰。輪。從也。輪與運聲近而義同。廣輪。卽廣運也。

### 三月不庭

莊周反入。三月不庭。蘭且從而問之。夫子何爲頃閒甚不庭乎。莊周曰。今吾遊於雕陵而忘吾身。異鵲感吾穎。遊於栗林而忘吾真。栗林虞人以吾爲戮。吾所以不庭也。釋文曰。三月不庭。一本作三日。司馬云。不出坐庭中。三月。念孫案。如司馬說。則庭上須加出字。而其義始明。下文云。夫子何爲頃閒甚不庭乎。若以甚不庭爲甚不出庭。則尤不成語。今案庭當讀爲逞。逞。不快也。甚不逞。甚不快也。忘吾身。忘吾真。而爲虞人所辱。是以不快也。方言曰。逞。曉快也。自關而東。或曰曉。或曰逞。江淮陳楚之間曰逞。桓六年左傳。今民餒而君逞欲。周語。虢公動匱百姓。以逞其違。韋杜注竝曰。逞。快也。逞字古讀若呈。聲與庭相近。故通作庭。張衡思元賦。怨素意之不逞。與情名聲營平。嶧禎鳴榮。甯爲韻。說文。逞。從。三月不庭。一本作三日。是也。逞。呈聲。倍二十三年左傳。淫刑以逞。釋文。逞。作呈。方言。逞。解也。廣雅。作呈。三月不庭。一本作三日。是也。



下文言夫子頃聞甚不庭，若三月之久，不得言頃聞矣。

臣有守也

知北遊篇大馬之捶鉤者，年八十矣，而不失豪芒。大馬曰：子巧與？有道與？曰：臣有守也。念孫案：守，卽道字也。達生篇仲尼曰：子巧乎？有道邪？曰：我有道也。是其明證矣。道字古讀若守，故與守通。凡九經中用韻之楚辭及考莊諸子並同，案曾稽刻石文，道道高明，史記秦始皇紀，道作道，皆與守同音，說文，道從尤，首聲，今本無聲字者，二徐不曉古音而削之也。

簡髮而揅

庚桑楚篇簡髮而揅，數米而炊。釋文：揅，莊筆反。又作櫛，亦作櫛，皆同。郭音節，徐側翼反。引之曰：玉篇，揅，苦敢切，打揅也，不得音莊筆反。又音節，揅當爲揅，卽玉篇牽字。隸書轉寫，手旁於左耳。玉篇，牽，七咨切，挈也。此借爲櫛髮之櫛，故音莊筆反。又音節，凡從次聲之字，可讀爲卽，又可讀爲節。說文：奎，以土增大道上，從土次聲。古文奎從土卽聲。引虞書朕望，說殄行，玉篇音才資才，卽二切。說文：格，櫛櫛也，從木各聲。口次聲，卽是山節藻梲之節，康誥，勿庸以次女封，荀子致士篇，引此次作卽，皆其例也。揅爲櫛髮之櫛，當讀入聲，而其字以次爲聲，則亦可讀去聲，故徐邈音側翼反。

吉凶

能抱一乎？能勿失乎？能無卜筮而知吉凶乎？能止乎？能已乎？能舍諸人而求諸己乎？念孫案：吉凶當爲凶

吉。一失吉爲頤。止已已爲頤。管子心術篇。能專乎。能一乎。能毋卜筮而知凶吉乎。是其證。內業篇。凶吉亦誤爲吉。凶唯心

### 儒以金椎控其頤

外物篇。儒以詩禮發家。大儒臚傳曰。東方作矣。事之何若。小儒曰。未解裙襦。口中有珠。詩固有之曰。青青之麥。生於陵陂。生不布施。死何含珠爲。按其鬢。壓其頤。儒以金椎控其頤。徐別其頤。無傷口中珠。念孫案。儒以金椎控其頤。藝文類聚。寶玉部。引此儒作而是也。而汝也。自未解裙襦以下。皆小儒答大儒之詞。言汝以金椎控其頤。徐別其頤。無傷其口中之珠也。而儒聲相近。上文又多儒字。故而誤作儒。

### 哽而不止則眡

凡道不欲壅。壅則哽。哽而不止則眡。眡則衆害生。郭象曰。當通而塞。則理有不泄而相騰踐也。釋文。眡。女展反。廣雅云。履也。止也。本或作蹙。同。念孫案。踐履與壅塞。二義相比附。郭云。理有不泄而相騰踐。所謂曲說者也。本或作蹙。亦非也。今案眡讀爲眡。眡。反也。言哽塞而不止。則相乖戾。相乖戾。則衆害生也。廣雅曰。眡。蹙也。與同。方言曰。眡。戾也。郭璞曰。相了戾也。孟子告子篇。紆兄之臂而奪之食。趙岐曰。紆。戾也。此云哽而不止則眡。義並與眡同。

### 上謀而下行貨

讓王篇。今周見殷之亂。而遽爲政。上謀而下行貨。阻兵而保威。念孫案。上謀而下行貨。下字後人所加也。上與尙同。上謀而行貨。阻兵而保威。句法正相對。後人誤讀。上爲上下之上。故加下字耳。呂字春秋誠廉篇。正作上謀而行貨。阻兵而保威。

病瘦

盜跖篇。除病瘦死喪憂患。其中開口而笑者。一月之中。不過四五日而已矣。釋文。瘦。色又反。念孫案。瘦當爲瘵。字之誤也。瘵。亦病也。病瘵爲一類。死喪爲一類。憂患爲一類。瘵字本作瘵。爾雅曰。瘵。病也。小雅正月篇。胡俾我瘵。毛傳與爾雅同。漢書宣帝紀。今繫者或以掠辜。若飢寒瘵死獄中。蘇林曰。瘵。病也。囚徒病。律名爲瘵。師古曰。瘵音臾。字或作瘵。王子侯表曰。富侯龍下獄瘵死。

無轉而行

無轉而行。無成而義。將失而所爲。念孫案。無轉而行。轉讀爲專。山木篇云。一龍一蛇。與時俱化。而無肯專爲。卽此所謂無專而行也。此承上文與時消息。與道徘徊而言。言當隨時順道。而不可專行仁義。若專而行。成而義。則將失而所爲矣。故下文云。正其言。必其行。故服其殃。離其患也。必其行。卽此所謂專而行也。秋水篇。無一而行。與道參差。一亦專也。無專而行。猶言無一而行也。專與轉古字通。又通作搏。史記吳王濞傳。燕王搏胡衆入蕭關。索隱曰。搏音專。謂專統領胡兵也。漢書搏作轉。

# 馮氣

今富人佹溺於馮氣。若負重行而上也。可謂苦矣。釋文曰。馮氣。馮音憤。憤滿也。言憤畜不通之氣也。念孫案。馮氣盛氣也。昭五年左傳。今君奮焉震電馮怒。杜注曰。馮盛也。楚辭離騷。馮不猷乎求索。王注曰。馮滿也。楚人名滿曰馮。是馮爲盛滿之義。無煩改讀爲憤也。

## 達於知者肖

列御寇篇。達生之情者傀。達於知者肖。郭象曰。傀然大。恬解之貌。肖。釋散也。念孫案。郭以傀爲大。是也。以肖爲釋散。則非。方言曰。肖。小也。廣雅同。肖與傀正相反。言任天則大。任智則小也。肖猶宵也。學記。宵雅肄三。鄭注曰。宵之言小也。宵肖古同聲。故漢書刑法志。肖字通作宵。史記太史公自序。申呂肖矣。徐廣曰。肖音瘠。瘠猶衰微。義亦相近也。

## 天下多得一察焉以自好

天下篇。天下大亂。賢聖不明。道德不一。天下多得一察焉以自好。郭象斷天下多得一爲句。釋文曰。得一。偏得一術。念孫案。天下多得一察焉以自好。當作一句讀。下文云。天下之人。各爲其所欲焉以自爲方。句法正與此同。一察。謂察其一端。而不知其全體。下文云。譬如耳目鼻口。皆有所明。不能相通。卽所謂一察也。若以一字上屬爲句。察字下屬爲句。則文不成義矣。



呂氏春秋

蟄蟲始振 蟄蟲咸動

孟春篇。蟄蟲始振。高注曰。蟄伏之蟲。乘陽始振動。蘇生也。仲春篇。蟄蟲咸動。注曰。蟄伏之蟲皆動。蘇。念孫案。如高注。則始振及咸動下。皆當有蘇字。今本無蘇字者。後人依月令刪之耳。蘇本作穌。淮南時則篇。蟄蟲始振。穌。高注曰。振動。穌生也。又蟄蟲咸動。穌。注曰。穌生也。足與此文互相證明矣。

其誰可而爲之

去私篇。晉平公問於祁黃羊曰。南陽無令。其誰可而爲之。高注曰。而能也。念孫案。而能古雖同義。此而字不可訓爲能。而猶以也。言誰可以爲之也。誰可以爲之。猶言誰能爲之。若云誰可能爲之。則不辭矣。古者而與以同義。故可以或曰可而。功名篇曰。故當今之世。有仁人在焉。不可而不此務。有賢主不可而不此事。賢不肖不可以不相分。與而而。人尚同篇曰。上用之天子。可以治天下矣。中用之諸侯。可而治其國矣。下用之家君。可而治其家矣。皆其證也。餘見荀子劉而獨鹿下。

達帝功

古樂篇。昔葛天氏之樂。三人操牛尾。投足以歌八闋。六曰達帝功。畢氏弇山改達爲建。說云。文選上林賦注。張揖引作徹帝功。李善謂以建爲徹誤。則當作建也。念孫案上林賦注。張揖曰。葛天氏八曲。六曰徹帝功。李善曰。呂氏春秋六曰達帝功。今注以達爲徹誤。念孫謂徹者通也。通亦達也。釋名曰。達徹也。昭二年左傳。徹命于執事。周語。其何事不徹。韋杜注竝云。徹達也。徹與達義同而聲亦相近。故張揖引此達作徹。李善駁之。誤也。至今本文選注達作建。乃傳寫之誤。建與徹聲義皆不相近。若本是建字。張揖無緣改建爲徹。考初學記樂部上。太平御覽樂部四。引此竝作達帝功。則作達者是也。史記司馬相如傳索隱引作建帝功。亦後人據誤本文選改之。今據誤本文選以改本書。失之矣。

### 水道壅塞不行其原

昔陶唐氏之始。陰多滯伏而湛積。水道壅塞。不行其原。舊校云。一作陽道壅塞。不行其次。孫氏詒穀云。李善注文選傳武仲舞賦。張景陽七命。俱引作陽道壅塞。念孫案作陽道者是也。陽道壅塞。與陰多滯伏正相對。後人以高注云。故有洪水之災。遂改陽道爲水道。不知高注自謂陽道壅塞。故有洪水之災。非正文內本有水字也。原當爲序。字之誤也。莊子則陽篇。隨序之相理。釋文序或作原。陽道壅塞。故行不由序。別本作不行其次。次亦序也。漢書司馬相如傳注。引此正作陽道壅塞。不行其序。

### 荅管

吹苓管燠簫引之曰苓當爲苓卽笙字也古從生聲之字或從令聲笙之爲苓猶旌之爲旂也玉篇云旂同旌見禮記爾雅釋天釋文云旌本又作旂月令載旌旒呂氏春秋季秋篇旌作旂隸書從竹之字多變從卂故苓譌作苓或曰簫字之譌竹誤爲卂又脫下半耳

賢者益疑

禁塞篇救守之說出則不肖者益幸也也當作矣與下句文同一例今作也者賢者益疑矣高注曰疑怪其何以益幸也念孫案高說非也疑者恐也言不肖者益幸而賢者益恐也古者謂恐曰疑雜記曰五十不致毀六十不毀七十飲酒食肉皆爲疑死鄭注曰疑猶恐也大戴禮曾子立事篇曰君子見善恐不得與焉見不善恐其及己也是故君子疑以終身管子小問篇曰駁食虎豹故虎疑焉荀子宥坐篇其赴百仞之谷不懼大戴禮勸學篇懼作疑皆其證也上文云守無道而救不義則禍莫大焉爲天下之民害莫深焉故此言救守之說出則不肖者益幸而賢者益恐

憂恨

懷寵篇憂恨冒疾遂過不聽引之曰憂恨與遂過不聽義不相屬憂當爲夏夏與愾同古無愾字故借夏爲之或通作復韓子十過篇夫知伯之爲人也好利而愾愾趙策愾作復是也又通作覆管子五輔篇下愈覆愾而不聽從是也又通作蠖史記酷吏傳贊京兆無忌馮翊殷周蠖是也隸書復字或作夏憂字或作憂二形相似而誤門辭文復無跟徐廣曰復一作憂蓋復腹竝通作夏因誤爲憂也恨與很同

爾雅。澗。恨也。孫炎本。恨作很。又荀子見下。莊子漁父篇曰。見過不更。聞諫愈甚。謂之很。說文曰。很。不聽從也。宣十二。年左傳注曰。復很也。故曰。復很冒疾。遂過不聽。逸周書諡法篇曰。復很遂過曰刺。荀子成相篇曰。恨復遂過不肯悔。

### 奮投

愛士篇。晉惠公之右路石。奮投而擊繆公。念孫案。投當爲投。字之誤也。說文。投。軍中士所持。父也。從木從父。引司馬法。執羽從投。急就篇曰。鐵錘。搥杖。稅秘投。今經傳通作父。

### 載旂旐與受車以級

季秋篇。令僕及七驕咸駕。載旂旐與。旐與旂同。受車以級。整設于屏外。高注曰。田僕掌佐車之政令。獲者植旂。故載旂也。與衆也。衆當受田車者。各以等級陳于屏外也。引之曰。注言載旂而不及旐。則旂下無旐字。旐字蓋後人據月令加之也。淮南時則篇作載旌。旌卽旐之譌。在下亦無旐字。當刪去。其與字當讀爲旐。屬上句讀。月令云載旌旐。此云載旂旐。旐旐皆旌旐之屬。各舉一物言之耳。高以與字屬下句讀。又訓爲衆。皆失之。

### 剗而類揆吾家

知上篇。靜郭君大怒曰。剗而類。揆吾家。苟可以儼劑貌辨者。吾無辭爲也。高注曰。剗。滅也。而。汝也。儼。足也。



揆度吾家。誠可以足劑貌辨者。吾不辭也。念孫案剗與殘同。觀世篇。以兵相剗。謹聽篇。剗作殘。是其證也。揆與睽同。後漢書馬融傳注曰。睽。離也。言雖殘害汝類。離析吾家。苟可以快劑貌辨者。吾不辭也。齊策作剗而類。破吾家。破與睽離義亦相近。高以揆爲揆度。則與上句不類矣。

官人事

安死篇。憚耕稼採薪之勞。不肯官人事。高注曰。既憚耕稼。又不肯居官脩治人事也。念孫案官猶事也。請事斯言不肯事其民事也。樂記。禮樂明備。天地官矣。鄭注曰。官。猶事也。人事。即指耕稼而言。高誤以官爲居官。遂分耕稼與人事爲二。

爲我死

異寶篇。孫叔敖疾將死。戒其子曰。爲我死。王則封女。必無受利地。畢曰。爲字衍。後漢書郭丹傳注引此無。念孫案爲猶如也。言如我死而王封汝。汝必無受利地也。古或謂如曰爲。管子戒篇。管仲寢疾。桓公往問之。管仲曰。夫江黃之國。近於楚。爲臣死乎。君必歸之楚而寄之。言如臣死也。秦策。秦宣太后病。將死。出令曰。爲我葬。必以魏子爲殉。言如我葬也。長見篇。魏公叔痤死。對惠王曰。臣之御庶子鞅。願王以國聽之也。爲殉教之曰。王甚喜。人之施口也。爲近王。必掩口。言如近王也。秦策。公孫衍謂義渠君曰。中國無事於秦。則秦且燒燭。後君之國。中國爲有事於秦。則秦且輕使重幣而事君之國。言中國如有事於秦也。考列子說符篇。亦作爲我死。則爲非衍字明矣。後漢書注引此無爲字者。注內引書例得從省。不可援以爲據。

也。

### 侍老

異用篇。仁人之得飴。以養疾侍老也。高注曰。侍。亦養也。念孫案。正文及注內兩侍字。皆當爲持。持老。謂養老也。長見篇曰。申侯伯善持養吾意。管子明法篇曰。小臣持祿養交。不以官爲事。墨子天志篇曰。內有以食飢息勞。持養其萬民。荀子勸學篇曰。除其害者。以持養之。榮辱篇曰。以相羣居。以相持養。議兵篇曰。高爵豐祿。以持養之。是持與養同義。故注云持亦養也。

### 而人不知以奚道相得

不侵篇。天下輕於身。而士以身爲人。以身爲人者。如此其重也。而人不知。以奚道相得。以字後人所加。說見下。高讀而人不知。奚道相得爲一句。說云。不知以何道得人。乃令之爲已死也。念孫案。高說非也。而人不知爲句。奚道相得爲句。道者。由也。言士之輕身重義如此。而人不知。則何由與士相得哉。不相知則不能相得。故下文云。賢主必自知士。故士盡力竭智。直言。下賢篇曰。有道之士。固驕人主。人主之不肖者。亦驕有道之士。日以相驕。奚時相得。交爭而不辭其忠。知接篇曰。智者。其所能接遠也。愚者。其所能接近也。所能接近。而告之以遠化。奚由相得。語意略與此同。有度篇。若雖知之。奚道知其不爲私。言何由知其不爲私也。晏子春秋雜篇。君何年之少。而棄國之蚤。奚道至於此乎。言何由至於此也。韓子孤憤篇。法術之士。奚道得進。言何由得進也。奚道上不當有以字。蓋

後人不能正高注之誤。又因注而加以字耳。

極星與天俱遊而天極不移

念孫案爾雅北極謂之北辰。昭十七年公羊傳疏引孫炎注曰。北極天之中。以正四時。謂之北辰。開元占經石氏中官占引黃帝占注曰。北極紐星。天之樞也。天運無輟。而極星不移。案極星卽北辰也。或言北極。或言極星。皆異名而同實。古者極星正當不動之處。故曰居其所而衆星共之。爾雅北極謂之北辰。與角亢以下同在星名之列。公羊傳以北辰心伐爲三大辰。鄉飲酒義謂之三光。皆指極星言之。考工記匠人建國。夜考之極星。以正朝夕。偏東爲朝。偏西爲夕。鄭注曰。極星謂北辰。尤爲明據。晏子春秋雜篇曰。古之立國者。南望南斗。北戴樞星。彼安有朝夕哉。春秋繁露深察名號篇曰。正朝夕者視北辰。并與考工相合。楚辭九歎綴鬼谷於北辰。王注曰。北辰北極星也。亦與鄭注相同。賈逵張衡蔡邕王蕃陸續以紐星爲不動處。是也。梁祖暉測不動處。距紐星一度有餘。今紐星又移。而不動之處。乃在鉤陳大星與紐星之間。此因恒星東徙。是以極星移度。後儒遂謂經文之北辰皆指無星之處言之。失其指矣。呂氏春秋有始篇曰。衆星與天俱遊。而極星不移。高注曰。極星北辰星也。語曰。譬如北辰居其所而衆星拱之。故曰不移。蓋周秦之間。極星未移。故呂氏之言。正與考工相合。故高注引論語以證極星之不移。後人見極星已移。乃妄改之曰。極星與天俱遊。而天極不移。或又改爲天樞不移。以強合無星之說。而不知其與高注大相牴牾也。凡言辰者。

皆在天成象。而可以正時者也。日月星謂之三辰。極星謂之北辰。北辰心伐謂之大辰。其義一也。是以堯典言歷象日月星辰。中庸言日月星辰繫焉。祭法言日月星辰。民所瞻仰。皆指在天成象者言之。後儒謂天之無星處皆辰。則無稽之言耳。

### 乃參于上

冬至日行遠道。周行四極。夏至日行近道。乃參于上。高注曰。遠道。外道也。故曰周行四極。近道。內道也。乃參倍于上。夏日高也。引之曰。高讀參爲三。非也。參如立。則見其參于前之參。參猶值也。言正值人上也。夏至日行北道。日中之時。正值人上。故曰近。墨子經篇曰。直參也。直與值同。淮南說山篇。越人學遠射。參天而發。適在五步之內。高注曰。越人習水便舟。而不知射。射遠。反直仰向天而發矢。勢盡而還。故近在五步之內。參猶望也。案參天而發。謂值天而發也。高訓參爲望。亦失之。

### 煙火

應同篇。旱雲煙火。雨雲水波。淮南覽冥篇作旱雲波水引之曰。煙當爲燄。字之誤也。淮南亦誤作燄。辯見淮南說文。燄。火飛也。讀若標。一切經音義十四引三倉曰。燄。迸火也。旱雲燄火。雨雲水波。猶言旱雲如火。雨雲如水耳。若云旱雲煙火。則與下句不類矣。藝文類聚天部上。初學記天部。太平御覽天部八。引此并誤作燄。唯舊本北堂書鈔天部二。出燄火二字。引呂氏春秋旱雲如燄火。陳禹謨依俗本改爲燄火則所見本尙未誤。慎小篇曰。突泄一燄。而焚



宮燒積今本燹字亦誤作煙。畢校本已改。正。一切經音義十三引此正作燹。韓子喻老篇曰。百尺之室。以突隙之燹焚。淮南人閒篇亦曰。百淮南齊俗篇曰。譬若水之下流。燹之上尋也。說林篇曰。一家失燹。百家皆燒。史記淮陰侯傳曰。燹至風起。漢書敘傳曰。勝廣燹起。梁籍扇烈。皆其證也。魏徵羣書治要引尸子貴言篇曰。燹火始起。易息也。吳越春秋勾踐入臣外傳曰。目若燹火。聲如雷霆。此尤燹火二字之明證。而今本晏子韓子及淮南覽冥齊俗人閒三篇。燹字皆誤作煙。唯史記漢書吳越春秋淮南說林及羣書治要一切經音義舊本北堂書鈔所引不誤。世人多見煙。少見燹。固宜其沿誤而不知也。

### 財物資盡

務本篇。今有人於此。脩身會計則可恥。臨財物資盡則爲己。高讀盡則爲己爲一句。說云。盡猶略也。無不充切。以爲己有。念孫案。高說盡字之義非是。盡讀爲費。張載注魏都賦引倉頡篇云。費財貨也。費與盡古字通。孟子公孫丑篇作賁。史記高祖紀作進。管子乘馬篇云。黃金一溢。百乘一宿之盡也。是其證。財物資盡四字連讀。修身會計則可恥。臨財物資盡則爲己。句法正相對。若讀臨財物資爲句。盡則爲己爲句。則句不成義。且與上文不類矣。

### 厚用

孝行篇。此五者代進而厚用之。可謂善養矣。高注曰。代更更次用之。以便親性。可謂爲善養親也。引之曰。

厚當爲序。隸書厚字或作序。見漢荊州刺史度尚碑。又作序。見三公山碑。形與序並相近。故序譌爲厚。代進而序用之者。序亦代也。燕禮序進。鄭注曰。序次第也。猶代也。郊特牲。昏禮不賀人之序也。鄭注曰。序猶代也。是序與代同義。楚辭離騷。春與秋其代序。是也。高訓代爲更序。亦更也。周官御僕。以序守路鼓。公食大夫禮。序進。仲尼燕居。夏簫序興。鄭注並曰。序更也。序與次亦同義。故高云更次用之。

### 雋鱸

本味篇。肉之美者。雋鱸之翠。念孫案。說文玉篇廣韻集韻。皆無鱸字。雋鱸當爲鱸燕。鱸與鷁同。鷁。主反。爾雅釋鳥云。鷁。周燕燕。郭璞以燕燕二字連讀。而以鷁與周爲一物。燕燕與鷁爲一物。說文云。鷁。鷁周燕也。俗本脫下鷁字。則以鷁周二字連讀。而以鷁周與燕爲一物。此云鷁燕之翠。義與說文同。作鱸者。借字也。今依段氏注補。則以鷁周二字連讀。而以鷁周與燕爲一物。此云鷁燕之翠。義與說文同。作鱸者。借字耳。因右畔鷁字譌作雋。左畔角字又下移於燕字之旁。故譌爲雋鱸二字。北堂書鈔酒食部四。太平御覽飲食部十一。羽族部十。及文選七命注。並引作鷁燕。初學記器物部十四。引作鷁燕。鷁卽鱸之譌。

### 勝左人中人

慎大篇。趙襄子攻翟。勝左人中人。今本左人作中人。兵部五十三引此。正作左人。晉語及列子說符篇。亦作左人。淮南道應篇作左人。左卽俗書左字之誤。水經沁水注。沁水東逕左人城南。應劭曰。左人城在唐縣西北四十里。今據故。高注曰。襄子使辛穆子伐翟。勝之下左人中人城。念孫案。如高注。則勝字自爲一句。左人中人之上。須加下字。而其義始明矣。今案勝左人中人五字作一

句讀勝者克也。克左人中。人二城也。凡戰而克謂之勝。攻而克亦謂之勝。襄十年左傳曰。城小而固。勝之不武。弗勝爲笑。是也。隱二年傳。司空無駭入極。費庠父勝之。晉語曰。趙襄子使新稚穆子伐狄。勝左人中。義與此同。列子說符篇曰。趙襄子使新稚穆子攻翟。勝之。取左人中。此則以勝之爲句。取左人中。人爲句。與國語呂氏春秋不同。

天下之適

下賢篇。士所歸。天下從之。帝也者。天下之適也。王也者。天下之往也。高注曰。適。主也。念孫案。高說非也。適亦往也。天下之適。天下之往。皆承上天下從之而言。

無望

以天爲法。以德爲行。以道爲宗。與物變化。而無所終窮。精充天地而不竭。神覆宇宙而無望。高注曰。無望。無界畔也。引之曰。正文及注內兩望字。皆埒字之誤。望或作埒。埒俗書或作埒。二形相似而誤。淮南原道篇云。知八紘九野之形埒。是埒爲界畔之名。故高云。無埒。無界畔也。若作望。則與界畔之義無涉。且宗窮爲韻。竭埒爲韻。若作望。則失其韻矣。

溝迴陸 德迴乎天地

貴因篇。禹通三江五湖。決伊闕。溝迴陸。高注曰。迴。通也。念孫案。書傳無訓迴爲通者。迴當爲迴。溝迴陸。當

爲迴溝陸。玉篇迴徒東切。通達也。昭四年左傳注曰。陸道也。迴溝陸者。通溝道也。淮南本經篇。平通溝陸。正與此同義。迴之言洞也。史記倉公傳。臣意診其脈曰。迴風集解曰。迴音洞。言洞徹入四肢也。淮南要略篇。通迴造化之母。今本迴誤爲迴。辨見淮南雜志。又云。使人通迴周備。迴亦通也。又上德篇。德迴乎天地。高注曰。迴通也。迴亦迴之誤。世人多見迴。少見迴。故迴誤爲迴矣。

### 愁慮

察微篇。故智士賢者。相與積心愁慮以求之。高注曰。積累其仁心思慮其善政。以求致治也。引之曰。高解愁慮二字之義未明。愁讀爲擎。擎聚也。積心擎慮其義一也。爾雅曰。擎聚也。說文曰。難收束也。或作擎。又曰。擎束也。引商頌長發篇。百祿是擎。今詩作逾。毛傳曰。逾聚也。鄉飲酒義。秋之爲言愁也。愁之以時察守義者也。鄭注曰。愁讀爲擎。擎斂也。漢書律厯志曰。秋難也。物難斂乃成孰。難擎愁逾古同聲而通用。

### 從

正名篇。人主雖不肖。猶若用賢。猶若聽善。猶若爲可者。其患在乎所謂賢。從不肖也。所爲善而從邪辟。爲謂同義。說見秦策。蘇代僞爲齊王曰。下邪僻下當有也。字所謂可。從悖逆也。念孫案三從字。皆當爲徒。高注異用篇云。徒猶但也。言所謂賢者。非賢也。但不肖耳。所謂善者。非善也。但邪辟耳。所謂可者。非可也。但悖逆耳。隸書從字作從。形與徒相似。故徒誤爲從。禁塞篇。承從多事。從一本作徒。齊風載驅箋。徒爲淫亂之行。徒一本作從。列子天瑞篇。食於道。徒徒一本作從。史記仲尼弟子傳。壤駟赤字。子徒。鄭國字。子徒。家語七十



二弟子篇徒竝作從。高不知從爲徒之誤。而云使人從不肖。使人從邪辟。又云從悖逆之道。皆失之。

天無形 至精無象

君守篇。天無形而萬物以成。至精無象而萬物以化。大聖無事而千官盡能。羣書治要引此。天上有昇字。念孫案。下文至精無象句。注云。說與昇天同。則天上原有昇字。明甚。本句下注云。天無所制而物自成。不言昇天者。省文耳。昇天無形。至精無象。大聖無事。皆相對爲文也。又案至精無象而萬物以化。象當作爲。老子曰。道常無爲而無不爲。侯王若能守之。萬物將自化。又曰。我無爲而民自化。莊子天地篇曰。無爲而萬物化。皆其證也。隸書象字或作爲。形與爲相似。故爲誤作象。形成爲韻。爲化爲韻。事能爲韻。爲。古讀若講。能。古讀若而。並見唐韻正。若作象。則失其韻矣。管子兵法篇。無設無形。焉無不可以成也。無形無爲。焉無不可以化也。形成爲韻。爲化爲韻。正與此同。

煤室

任數篇。嚮者煤室入甌中。高注曰。煤室。烟塵也。文選陸機君子行注。引此煤室作良煤。又引高注。良煤。烟塵也。良讀作臺。家語在尾篇。良煤作良墨。今本家語其誤爲埃。蓋灰字似矣。而誤爲矣。後人又加土旁耳。墨煤古同聲。說見唐韻正。說文。良灰。良煤也。一切經音義十五引通俗文云。積煙爲良煤。引之曰。煤室當作臺煤。臺與室字形相似而誤。蓋正文借臺爲良。而注讀臺爲良也。今本臺煤二字誤倒。臺字又譌作室。而注內復有脫文。文選注所引良煤。亦當作

臺煤其引高注良讀作臺當是臺讀作良今本文選亦後人所改良爲正字臺爲借字故云臺讀作良若云良讀作臺則是反以假借之字易正字不可通矣畢校本據文選注改煤室爲煤良非也良與室形聲俱不相近若本是良字無緣誤爲室且文選注及說文玉篇一切經音義皆作良煤非作煤良也

### 形性彌羸 莫敢愉綖

勿躬篇凡君也者處平靜任德化以聽其要若此則形性彌羸而耳目愈精百官慎職而莫敢愉綖人事其事以充其名高注曰愉解綖緩念孫案羸當爲羸字之誤也羸與盈古字通言人君能處平靜任德化則形性充盈而耳目聰明也綖當爲綖亦字之誤也綖讀爲挺仲夏篇挺衆囚高注曰挺緩也鄭注月令曰挺猶寬也寬亦緩也後漢書臧宮傳宜小挺緩令得逃亡傳變傳賊得寬挺李賢並云挺解也解亦緩也故序卦傳云解者緩也挺與綖古字通愉卽安肆日愉之愉周官大司徒見故注訓愉爲解與解同綖爲緩也此以羸精綖名爲韻若作綖則失其韻矣

### 手足矜

重言篇艷然充盈手足矜者兵革之色也高注曰矜嚴也念孫案矜猶奮也言手足奮動也燕策曰矜戟砥劍言奮戟也墨子所染篇曰其友皆好矜奮荀子正名篇曰有兼聽之明而無奮矜之容淮南說林篇曰呂望使老者奮項託使嬰兒矜是矜與奮同義管子小問篇作謬然豐滿而手足拇動者兵甲之色也

此尤其明證矣。

倒而投之鷓水

用名篇。宋人有取道者。其馬不進。倒而投之鷓水。高注曰。倒殺。念孫案。倒與殺義不相近。倒當爲剄。說文曰。剄。刑也。故高訓爲殺。今本作倒者。俗書剄字作剄。形與剄相似。剄爲剄。史記韓世家。不如出兵。以後人又加人旁耳。羣書治要引此作剄。而投之谿水。論衡非韓篇云。宋人有御馬者。不進。剄而棄之於溝中。此皆其明證矣。又案水經淮水注云。雞水出雞陂。呂氏春秋曰。宋人有取道者。有馬不進。投之雞水。是也。據此。則雞爲水名。然論衡言剄而棄之溝中。溝與谿同類。則作谿者是也。此直謂殺而投之谿中耳。非謂水名也。谿雞形近而譌。鄭氏因以爲汝南思善之雞水。誤矣。谿或作溪。雞或作鷓。今本作鷓。則又溪雞二字之合譌也。

謀士

爲欲篇。晉文公伐原。與士期七日。七日而原不下。命去之。謀士言曰。原將下矣。師吏請待之。念孫案。原之將下。謀士無由知之。謀士當爲謀出。字形相似而誤。謀旁世字。唐人避諱作廿。遂與謀相似而誤。漢書藝文志。大歲謀。日書二十九卷。今本謀誤作謀。史記夏本紀。稱以出。大戴禮。五帝德篇。譌作稱。以上士。墨子號令篇。若贖出親戚。所知罪人者。以令。僖二十五年。許之。又云。出候無過十里。出字並譌作士。荀子大略篇。君子聽律習容。而後士。士亦出之。僖二十五年。左傳及晉語。正作謀出。蓋謀者入城探知其情。出而告晉侯也。

焉不知其所由

召類篇以龍致雨以形逐景禍福之所自來衆人以爲命焉不知其所由念孫案焉不知其所由本作焉知其所其不知其所由五字乃是高注非正文也今本作焉不知其所由者正文脫去知其所三字而注內不知其所由五字又誤入正文耳此以雨景所爲韻景字古音在養部養部之音多與語部相通故景爲韻淮南原道篇翻翔忽區之上與下野與後爲韻繫辭傳易之序也若所下有由字則失其韻矣前應同篇曰故以龍致雨以形逐景師之所處必生棘楚禍福之所自來衆人以爲命安知其所高注云凡人以爲天命不知其所由也是其明證矣

### 子姪

疑似篇梁北有黎邱部有奇鬼焉善效人之子姪昆弟之狀傳本善譌作喜文選思元賦注引此作善今據改太平御覽神鬼部三引此子姪作子姪姪文選思元賦注引作子姪引之曰古者唯女子謂昆弟之子爲姪男子則否子姪本作子姪姓與姪草書相似故姓譌爲姪漢書田蚡傳跪起如子姪師古曰姓生也言同子禮若己所生史記譌作子姪是其證也御覽作子姪姪者後人據誤本呂氏春秋旁記姪字而傳寫者因誤合之文選注作子姪則後人據誤本改之耳古者謂子孫曰姓周南麟之趾曰振振公子振振公姓昭四年左傳曰問其姓對曰余子長矣杜注曰問其姓問有子否三十二年傳曰三后之姓於今爲庶漢書儒林傳曰丁姓字子孫禮雅曰姓子也是姓爲子孫之通稱字亦通作生商頌殷武曰以保我後生鄭箋曰以此全守我子孫或曰子姪特牲饋食禮曰子姪兄弟如



主人之服。鄭注曰。所祭者之子孫。言子姓者。子之所生。曲禮曰。納女於天子。曰備百姓。鄭注曰。姓之言生也。天子皇后以下百二十人。廣子姓也。玉藻曰。縞冠元武。子姓之冠也。注曰。謂父有喪服。子爲之不純吉也。喪大記曰。卿大夫父兄子姓立於東方。注曰。子姓。謂衆子孫也。姓之言生也。楚語曰。帥其子姓。從其時也。享。章注曰。作同姓也。非是。下文曰。越語曰。凡我父兄昆弟及國子姓。章注曰。國子姓。亦非是。列子說符篇。比爾兄弟親戚。乃始言同姓耳。越語曰。凡我父兄昆弟及國子姓。章注曰。國子姓。亦非是。列子說符篇。曰。秦穆公謂伯樂曰。子之年長矣。子姓有可使求馬者乎。伯樂對曰。臣之子皆下才也。韓子八經篇曰。亂之所生者六也。主母。后姬。子姓。弟兄。大臣。顯賢。史記外戚世家曰。既驩合矣。或不能成子姓。

### 兒之

原亂篇。慮福未及。慮禍過之。舊本脫過字。淮南人閒篇云。計福勿及。慮禍過之。今據補。所以兒之也。畢云。兒疑免字之誤。念孫案。兒當爲完。完全也。言所以全其身也。隸書完字作兒。因譌而爲兒。黃庭經云。保守完堅。身受慶。又云。玉戶金簫。身完堅。字並作完。

### 博志

不苟論凡六篇。五曰博志。念孫案。博當爲搏。搏與專同。謂專一其志也。篇內云。用志如此其精也。何事而不達。何爲而不成。是其明證矣。古書以搏爲專。傳寫者多誤作博。說見管子博一純固下。

### 似無勇而未可恐。狠執固橫。敢而不可辱。害

士容篇。似無勇而未可恐。狠執固橫。敢而不可辱。害。高讀似無勇而未可恐爲句。云未可恐以非義之事。

也。又讀狼執固橫敢而不可辱害爲句。云狼貪獸也。所搏執堅固橫敢猶勇敢。士之若此者不可辱亦不可害也。橫敢猶勇敢。舊本橫下脫敢字。今補。士之若此者。舊本士之二字誤。倒。下注云。士之如此者。使卽南面之君位。亦處義而已。今據以乙正。念孫案高說非也。狼常爲獨字之誤也。錄書狼字作狼。形與獨相似。恐獨二字連讀猶今人言恐嚇也。一切經音義一云。或言恐嚇。皆一義也。趙策曰。以秦權恐獨諸侯。史記蘇秦傳作恐惕。索隱曰。謂相恐脅也。漢書王子侯表。葛魁侯戚。坐縛家吏。恐獨受賕。平城侯禮。坐恐獨取雞。王莽傳。各爲權勢。恐獨良民。皆其證也。似無勇而未可恐獨爲句。執固橫敢而不可辱害爲句。論威篇云。深痛執回。不可搖蕩。二句相對爲文。若以狼執固橫敢五字連讀。則文不成義矣。此段以大獨害越大外賴世竭衛厲折十二字爲韻。若以恐字絕句。則失其韻矣。

### 田之際

辯士篇。農夫知其田之易也。不知其稼之疏而不適也。知其田之際也。不知其稼居地之虛也。念孫案際字於義無取。蓋除字之誤。上言田之易。此言田之除。易與除皆治也。曲禮。馳道不除。鄭注曰。除治也。且易適爲韻。除虛爲韻。若作際。則失其韻矣。

### 韓子

#### 去舊去智

主道篇。去好去惡。臣乃見素。去舊去智。臣乃自備。念孫案去舊去智。本作去智去舊。惡素爲韻。舊備爲韻。

舊古讀若忌。大雅蕩篇。殷不用舊。與時爲韻。召閔篇。不尙有舊。與里爲韻。管子牧民篇。不恭祖舊。與備爲韻。皆其證也。後人讀舊爲巨救反。則與備字不協。故改爲去舊去智。不知古音智屬支部。備屬之部。兩部絕不相通。自唐以後。始溷爲一類。此非精於三代兩漢之音者。不能辨也。

姦臣

弑其主。代其所。人莫不與。故謂之虎。處其主之側。爲姦臣。聞其主之忒。聞蓋聞之。譌聞何也。故謂之賊。念孫案。臣當爲匿。字之誤也。匿讀爲慝。謂居君側而爲姦慝也。逸周書大戒篇。克禁淫謀。衆匿乃雍。衆匿。卽衆慝。管子七法篇。百匿傷上威。百匿。卽百慝。明法篇。比周以相爲匿。明法解。匿作慝。漢書五行志。朔而月見東方。謂之仄慝。書大傳作側匿。是匿與慝古字通。主所與虎爲韻。側匿忒賊爲韻。若作臣。則失其韻矣。

屬官 屬下

有度篇。屬官威民。遑淫殆。止詐僞。莫如刑。舊注曰。屬官。欲令官之屬已。念孫案。舊注甚謬。屬當爲厲。字之誤也。厲官威民。義正相近。詭使篇。上之所以立廉恥者。所以屬下也。屬亦厲之誤。俗書屬字作厲。形與厲相近。故厲誤作屬。荀子富國篇。誅而不賞。則勸厲之民不勸。今本厲誤作屬。

此道奚出

十過篇。衛靈公之晉。晉平公觴之於施夷之臺。酒酣。靈公起曰。舊本曰。上行公字。今據論衡紀妖篇刪。有新聲。願請以示。平

公曰善乃召師涓令坐師曠之旁援琴鼓之未終師曠撫止之曰此亡國之聲不可遂也平公曰此道奚出念孫案此道奚出本作此奚出道者由也言此聲何由出也史記樂書作是何道出舊本脫是字今據太平御覽地部所引補論衡紀妖篇作此何道出皆其明證矣孤憤篇法術之士奚道得進晏子春秋雜篇景公問魯昭公曰君何年之少而棄國之蚤奚道至於此乎呂氏春秋有度篇客問季子曰若雖知之奚道知其不爲私史記趙世家簡子曰此其母賤翟婢也奚道貴哉義竝與此同今作此道奚出者後人不知道字之義而妄改之耳

### 墨染

禹作爲祭器墨染其外而朱畫其內念孫案染當爲漆謂黑漆其外也俗書漆字作柒因譌而爲染因學紀聞引此已作染太平御覽人事部百三十四引此正作漆說苑反質篇亦作漆

### 輕誣強秦之實禍

聽楚之虛言而輕誣強秦之實禍則危國之本也引之曰此言韓王聽虛言而輕實禍則輕下不得有誣字誣卽輕之譌韓策及史記韓世家俱無誣字是其證也今作輕誣強秦之實禍者一本作輕一本作誣而後人誤合之耳凡從巫從巫之字傳寫往往譌溷說見經義述聞大戴禮喜之而觀其不誣下

### 突隙之烟



喻老篇千丈之堤。以螻蟻之穴潰。百尺之室。以突隙之烟焚。引之曰。突隙之烟。不能焚室。烟當爲標。標誤爲煙。又轉寫爲烟耳。舊本北堂書鈔地部十三引此正作標。陳禹謨說文。標。火飛也。讀若標。一切經音義。十四引三倉云。標。迸火也。呂氏春秋慎小篇曰。巨防容螻。而漂邑殺人。突泄一標。而焚宮燒積。亦誤作煙。三引此正作標。淮南人間篇曰。千里之隄。以螻蟻之穴漏。百尋之屋。以突隙之標焚。御覽蟲豸部四引此。正作標。語意並與此同。世人多見煙。少見標。故諸書中標字多誤作煙。說見呂氏春秋煙火下。

輒行 輒還

說林上篇。秦康公築臺三年。荆人起兵。將以攻齊。任妄曰。臣恐其以攻齊爲聲。而以襲秦爲實也。不如備之。戊東邊。荆人輒行。念孫案。輒當爲輟。輟。止也。言荆人知秦之有備。而止其行也。後魏文侯借道于趙而攻中山。章云。彼知君利之也。必將輟行。是其證矣。又內儲說下篇。鄴令襄疵陰善趙王左右。趙王謀襲鄴。襄疵常輒聞而先言之。魏王。魏王備之。趙乃輒還。輒還。亦當爲輟行。言趙王知魏之有備。而止其行也。輟字既譌作輒。後人不得其解。故改輒行爲輒還。不知上言趙謀襲鄴。則兵尙未出。不得言還也。

削地

韓宣王謂樛留曰。吾欲兩用公仲公叔。其可乎。對曰。不可。王兩用之。其多力者樹其黨。寡力者借外權。羣臣有內樹黨以驕主。有外爲交以削地。則王之國危矣。念孫案。削地當爲列地。列。古裂字。良九三曰。良其

禮曾子天圓篇曰割列禮座管子五輔篇曰博裂分也言借外權以分地也韓策作或外爲交以裂其地帶梨大袂列荀子哀公篇曰兩驂列兩服入殿裂分也其明證矣列字本作削形與削相似因誤爲削說文削分解也從刀肖聲製繪餘也從衣削聲今九經中分列之字多作裂未必非後人所改此列字若不誤爲削則後人亦必改爲裂矣

### 執鞅持扞 扞弓

說林下篇羿執鞅持扞操弓關機越人爭爲持的弱子扞弓慈母入室閉戶引之曰鞅爲馬頸靽非射所用鞅當爲決決誤爲決後人因改爲鞅耳決謂鞅也箸於右手大指所以鉤弦也扞謂鞅也或謂之拾或謂之遂箸於左臂所以扞弦也故曰執決持扞操弓關機衛風芄蘭篇童子佩鞅毛傳曰鞅決也小雅車攻篇決拾既飲毛傳曰決鉤弦也拾遂也周官繕人掌王之用弓弩矢箠矰弋決拾鄭注引鄭司農云決謂引弦彊也拾謂鞅扞也鄉射禮祖決遂鄭注曰決猶闔也以象骨爲之箸右大擘指以鉤弦闔體也遂射鞅也以韋爲之箸左臂所以遂弦也內則曰右佩玦捍賈子春秋篇曰丈夫釋玦扞決決並與決同捍扞並與扞同其弱子扞弓之扞當作扞字從于不從干扞弓引弓也說文扞滿弓有所鄉也字或作扞大荒南經有人方扞弓射黃蛇郭注曰扞挽也音紆呂氏春秋壅塞篇扞弓而射之高注曰扞引也淮南原道篇射者扞烏號之弓高注曰扞張也弱子扞弓則矢必妄發故慈母入室閉戶若作扞禦之扞則義不可通今本呂覽淮南扞字皆誤作扞唯山海經不誤則賴有郭音也

得無微

內儲說下篇。堂下得無微有疾臣者乎。引之曰。無字後人所加。得微。卽得無也。邶風式微傳曰。微無也。晏子春秋雜篇曰。諸侯得微有故乎。國家得微有事乎。莊子盜跖篇曰。得微往見跖邪。皆其證也。後人加無字於微字之上。而其義遂不可通矣。

糲餅

外儲說左下篇。孫叔敖相楚。棧車牝馬。糲餅菜羹。念孫案。餅當爲餅。餅與飯同。見玉篇糲飯菜羹。猶言疏食菜羹耳。餅與餅字形相似。傳寫往往譌溷。廣雅曰。餅。食也。方言注曰。穢。盛餅也。爾雅釋文曰。餅字又作餅。今本餅字並譌作餅。初學記器物部引此正作糲飯。

侵孟

難二篇。昔者文王侵孟。克莒舉鄆。引之曰。孟當爲孟。字之誤也。竹書紀年帝辛三十四年。周師取耆及邶。書大傳。文王受命二年。伐邶。史記周本紀。文王敗耆國。明年伐邶。作孟者。借字耳。

侯侈

說疑篇。桀有侯侈。念孫案。侯當作佳。形相似而誤。諫書從佳從侯之字。往往譌。說見墨子非命篇。惟舌下。墨子所染篇。明鬼篇。竝作推哆。晏子諫篇。漢書古今人表。竝作推哆。佳與推聲相近。故通作推也。其爲佳字無疑。

多哇

吾子篇中正則雅。多哇則鄭。李軌曰：多哇者，淫聲繁越也。引之曰：多讀爲哆。哆，邪也。下文云：述正道而稍邪，哆者有矣。未有述邪哆而稍正也。哆與多古字通。孟子梁惠王篇：放僻邪侈，字亦與哆同。多哇皆邪也。邪本作襄，廣雅曰：哇，妄也。哇或作囀。漢書王莽傳：贊紫色，囀聲。應劭曰：囀，邪音也。文選東京賦：咸池不齊，度於繩咬。李善曰：法言曰：哇則鄭。李軌曰：哇，邪也。哇與囀同。案今李注內無哇邪也之訓，蓋已非完本矣。中亦正也。正則雅，邪則鄭。多哇與中正正相反也。李以多爲繁越，則分多與哇爲二義，失其指矣。所惡於鄭聲者，惡其邪耳，非惡其繁越也。

俄而

問神篇：天俄而可度，則其覆物也淺矣；地俄而可測，則其載物也薄矣。吳祕曰：俄，猶俄頃。念孫案：吳說非也。俄而言之，假如也。言天假如可度，則覆物必淺；地假如可測，則載物必薄也。俄與假聲近而義同。周頌維天之命篇：假以溢我。說文引作譏以溢我，是其例也。而如古字通見日知錄卷三十二。

允哲 哲民情

問明篇：或問堯將讓天下於許由，由恥有諸？曰：好大者爲之也。顧由無求於世而已矣。允哲堯讓舜之重，則不輕於由矣。宋咸曰：堯以允哲之道禪舜，豈輕之於許由也？司馬光曰：信以堯禪舜之重爲智，則必不



輕授天下於由矣。念孫案二說皆非也。哲者知也。不讀平聲。言信知堯禪舜之重。則必不輕禪於許由也。方言曉哲知也。知字平去二聲皆可讀。故方言以曉哲同訓爲知。今人猶謂不知事爲不曉事也。文選遊賦之者以路絕而莫曉。李善注引春秋繁露五行五事篇曰。明作哲。哲者知也。王者明。則賢者進。不肖者退。天下知善而勸之。知惡而恥之矣。哲字亦作哲。漢書刑法志書云。伯夷降典。哲民惟刑。師古曰。哲知也。言伯夷下禮法以道民。民習知禮。然後用刑也。以上二條訓哲爲知。知字皆讀平聲。宋與司馬皆訓哲爲智慧之智。失其指矣。又法言序云。中和之發在哲民情。李軌曰。哲智。吳祕曰。五行傳曰。哲知也。中和之發則民之情僞無不先知。念孫案吳說是也。哲民情卽知民情。漢書揚雄傳。中和之發在於哲民情。師古曰。哲知也。知字亦讀平聲。

及其名

五百篇。或性或彊。及其名一也。李軌曰。功業旣成。其名一也。念孫案。李以名爲名譽之名。非也。名者成也。言或性或彊。及其成則一也。廣韻引春秋說題辭曰。名成也。廣雅同。

忽眇繇

先知篇。敢問先知曰不知。知其道者。其如視忽眇繇作眇。李軌斷其如視爲句。忽眇繇作眇爲句。注云。眇繇遠視。宋咸讀其如視忽眇繇作眇爲一句。注云。忽輕也。眇細也。繇遠也。眇謂炳然光明也。此言先知之

道。臨事則悟。如明日之視忽。輕眇細縣遠之物。皆炳然而見也。李從其如視隔爲一句。復以眇縣爲一事。釋之頗失其義。念孫案宋說近之。而未盡然也。忽眇縣皆微也。一切經音義五引三蒼云。眇著明也。視忽眇縣作眇者。見微而知著也。漢書律厯志。無有忽微。孟康曰。忽微若有若無。細於髮者也。大戴禮文王官人篇曰。微忽之言。久而可復。是忽爲微也。方言曰。眇小也。顧命曰。眇眇予末小子。是眇爲微也。說文曰。縣。微也。廣雅曰。縣小也。大雅縣篇。縣縣瓜瓞。鄭箋曰。縣縣然若將無長大時。司馬相如上林賦曰。微睇縣。貌是縣爲微也。廣雅曰。縹紗。縹微也。曹憲縹音忽。紗音眇。縹音蔑。集韻。縹又音縣。縹紗。縹與忽眇縣同義。孫子算經曰。縹所吐絲爲忽。十忽爲秒。忽與縹同。秒與紗同。說文。縹微絲也。玉篇。縹與縹同。然則縹紗。縹皆絲之微者。李以眇縣爲遠視。宋以忽爲輕。縣爲遠。皆失之。

### 璜璜

孝至篇。武義璜璜。兵征四方。吳祕曰。璜璜猶言煌煌也。念孫案璜讀爲洸。爾雅曰。洸洸武也。釋文。洸舍人本作璜。邶風谷風篇。有洸有潰。大雅江漢篇。武夫洸洸。毛傳並與爾雅同。鹽鐵論縣役篇。引詩作武夫潢。潢洸潢。璜璜古同聲而通用。

### 郡勞王師

龍堆以西。大漠以北。郡勞王師。漢家不爲也。李軌曰。勞王師而郡縣之。漢家不爲也。念孫案。李以郡爲郡。

縣之郡則與勞王師三字義不相屬。今案郡者仍也。仍重也。見晉書數也。見周語注。言數勞王師於荒服之外。漢家不爲也。爾雅曰。郡仍也。乃與仍同。周官司几筵。凶事仍几。故書仍爲乃。鄭司農云。乃讀爲仍。吳語邊乃。史記亂之道正義曰。定本集注。仍字皆作仍。小雅正月篇。又窘陰雨。鄭箋曰。窘仍也。窘與郡同。

卽

法言序。秦舊本十三篇之序。列於書後。蓋自書序詩序以來。體例如是。宋成移置於各篇之首。非也。今仍依舊本列於後。雄見諸子各以其知舛馳。大氏詆訾聖人。卽爲怪迂。析辯詭辭。以撓世事。司馬光曰。氏下脫不字。念孫案。司馬未解卽字之義。故謂氏下脫不字耳。卽猶或也。言諸子之書。大氏詆訾聖人。或爲怪迂之說。以撓世事也。漢書揚雄傳。大氏下亦無不字。是其證矣。卽與或古同義。越語曰。若以越國之罪爲不可赦也。將焚宗廟。係妻孥。沈金玉於江。有帶甲五千。人將以致死。無乃卽傷君王之所愛乎。言或傷君王之所愛也。爾雅釋地。西方有比肩獸焉。與卽卽距。虓比。爲卽卽距。虓甘草。卽有難。卽卽距。虓負而走。言或有難也。史記張丞相傳。戚姬子如意爲趙王。年十歲。高祖憂卽萬歲之後不全也。言或萬歲之後不全也。

餘編下

余雖脩姱以鞿羈兮謇朝諝而夕替

離騷。余雖脩姱以鞿羈兮。謇朝諝而夕替。今本脩上有好字。臧氏用中拜經日記曰。王注云。言已雖有絕遠之智。姱好之姿。絕遠之智。釋脩字。姱好之姿。釋羈字。不言好脩。余雖脩姱以鞿羈兮。與上苟余情其信姱以鞿羈兮。同一句法。舊本脩上有好字者。因下文多言好脩而衍。今依臧說刪。謇朝諝而夕替。王注曰。鞿羈。言爲人所係累也。諝。諫也。替。廢也。言已雖有絕遠之智。姱好之姿。然已爲讒人所鞿羈而係累矣。故朝諫謇謇於君。夕暮而身廢棄也。念孫案。雖與唯同。言余唯有此脩姱之行。以致爲人所係累也。唯字古或借作雖。大雅抑篇曰。女雖湛樂從。弗念厥紹。言女唯湛樂之從也。無逸曰。唯。管子君臣篇。故民迂則流之。民流通則迂之。決之則行。塞之則止。雖有明君能決之。又能塞之。言唯有明君能如此也。莊子庚桑楚篇。唯蟲能蟲。唯蟲能天。釋文曰。一本唯作雖。皆其證也。謇。讀惜。謇不可釋之謇。謇詞也。非上文謇謇爲患之謇。

長余佩之陸離

高余冠之岌岌兮。長余佩之陸離。王注曰。陸離。猶參差。衆貌也。念孫案。陸離有二義。一爲參差貌。一爲長貌。下文云。紛總總其離兮。班陸離其上下。司馬相如大人賦云。攢羅列聚。叢以龍茸兮。衍曼流爛。彥以陸離。皆參差之貌也。此云。高余冠之岌岌兮。長余佩之陸離。岌岌爲高貌。則陸離爲長貌。非謂參差也。九章云。帶長鋏之陸離兮。冠切雲之崔嵬。義與此同。

啟九辯與九歌兮。夏康娛以自縱。不顧難以圖後兮。五子用失乎家巷。



啟九辯與九歌兮。夏康娛以自縱。不顧難以圖後兮。五子用失乎家巷。王注曰。啟。禹子也。九辯。九歌。禹樂也。言禹平治水土。以有天下。啟能承先志。續敘其業。育養品類。故九州之物。皆可辯數。九功之德。皆有次序。而可歌也。左氏傳曰。六府三事。謂之九功。九功之德。皆可歌也。謂之九歌。夏康。啟子太康也。娛樂也。縱放也。圖謀也。言太康不遵禹啟之樂。而更作淫聲。放縱情欲。以自娛樂。不顧患難。不謀後世。卒以失國。兄弟五人。家居閭巷。失尊位也。尚書序曰。太康失國。昆弟五人。須于洛汭。作五子之歌。此佚篇也。洪氏補曰。山海經云。夏后開上三嬪於天。得九辯與九歌以下。注云。皆天帝樂名。啟登天而竊以下用之。天問亦云。啟棘賓商。九辯九歌。王逸不見山海經。故以爲禹樂。巷。里中道也。此言太康娛樂放縱。以至失邦耳。五子之失乎家巷。太康實使之。戴先生屈原賦注曰。言啟作九辯九歌。示法後王。而夏之失德也。康娛自縱。以致喪亂。康娛二字連文。篇內凡三見。引之曰。洪釋九辯九歌。戴釋康娛。皆郢確矣。其以夏爲夏后氏之夏。則與王注同。今案夏常讀爲下。左氏春秋傳二年。虞師晉師。滅下陽。公羊穀梁皆作夏陽。卽大荒西經所謂夏后開上三嬪于天。得九辯與九歌以下。此大穆之野。高二千仞。開焉始得歌九招者也。郭璞注引開筮曰。不得竊辯與九歌以國於下。亦其證也。自啟九辯與九歌以下。皆謂啟之失德耳。言啟竊九辯九歌於天。因以康娛自縱於下也。詒謀不善。子姓姦回。故下文有不顧難以圖後云云也。墨子非樂篇引武觀曰。啟乃淫溢康樂于野。飲食將將。銘筦磬以力。湛濁于酒。渝食于野。萬舞翼翼。章聞于天。天用弗式。竹書弟啟十年。帝巡守。舞九招于大穆之野。皆

所謂下康娛以自縱者也。解者誤以啟九辯與九歌爲美敗之詞。又誤以夏爲夏后氏之夏。是以詰籀爲病矣。又案五子用失乎家巷。失字因王注而衍。注內失國失尊位。乃釋家巷二字之義。非以文中有失字而解之也。五子用乎家巷者。用乎之文。與用夫用之同。下文云。日康娛而自忘兮。厥首用夫顛隕。后辛之菹醢兮。殷宗用之。不長是也。若云五子用失乎家巷。則是所失者家巷矣。注何得云兄弟五人家居閭巷。失尊位乎。文選李周翰注云。五弟失尊位。家於閭巷。失尊位三字。在五弟之下。則唐本已誤衍失字。揚雄宗正箴曰。昔在夏時。太康不恭。有仍二女。五子家降。降與巷古同聲而通用。亦足證家巷之文爲實義。而用乎之文爲語詞也。巷讀孟子鄒與魯閭之閭。劉熙曰。閭。構也。構兵以闢也。五子作亂。故云家闢。義見家。猶內也。若詩云。蝥賊內訌矣。闢字亦作閭。呂氏春秋慎行篇。崔杼之子。相與私閭。高誘曰。閭。闢也。私閭。猶言家閭。閭之爲閭。猶閭之爲巷也。閭之通作

通作閭。法言學行篇。宗正箴作五子家降。降亦闢也。呂氏春秋察微篇。楚卑梁公舉兵攻吳之邊邑。吳王一國之市。闢即巷字。

怒使人舉兵。侵楚之邊邑。吳楚以此大隆。大隆。謂大闢也。隆與降通。書大傳。隆谷。鄭注曰。隆。讀如厖。降之

外傳。隆作降。齊策。歲八月。降雨下。風俗通。義祀典。篇降作隆。是隆與降通也。逸周書。嘗麥篇曰。其在殷之

呂氏春秋。吳楚大隆。高誘曰。隆。當作格。格。闢也。案隆亦格。闢之名。字可不改。逸周書。嘗麥篇曰。其在殷之

五子。殷當忘伯禹之命。假國無正。用胥與作亂。遂凶厥國。皇天哀禹。賜以彭壽。思正夏略。五子胥與作亂。所謂家闢也。五子。卽五觀也。楚語曰。堯有丹朱。舜有商均。啟有五觀。湯有太甲。文王有管蔡。是五王者。皆元德也。而有姦子。五觀。或曰武觀。竹書帝啟十年。帝巡守。舞九招于大麥之野。十一年。放王季子武觀於

西河十五年武觀以西河叛彭伯壽即周書所帥師征西河武觀來歸墨子引武觀亦言啟淫溢康樂于野是武觀之作亂實啟之康娛自縱有以開之故云啟九辯與九歌兮夏康娛以自縱不顧難以圖後兮五子用乎家巷也王注以家巷爲家居閭巷失之矣五子家巷即當啟之世揚雄宗正箴及王注以爲太康時亦失之矣

又何芳之能祇

椒專佞以慢慝兮檄又欲充夫佩韓旣干進而務入兮又何芳之能祇王注曰祇敬也言苟欲自進求人于君身得爵祿而已復何能敬愛賢人而舉用之也引之曰祇之言振也言干進務入之人委蛇從俗必不能自振其芬芳非不能敬賢之謂也上文云蘭茝變而不芳意與此同逸周書文政篇祇民之死謂振民之死也祇與振聲近而義同故字或相通皋陶謨日嚴祇敬六德史記夏本紀祇作振桀誓祇復之魯世家祇作敬徐廣曰一作振內則祇見孺子鄭注曰祇或作振

簫鍾兮瑤簴

九歌絙瑟兮交鼓簫鍾兮瑤簴鳴鴈兮吹竽簫一作簫簫鍾句王氏無注洪補曰瑤簴以美玉爲飾也洪邁容齋續筆曰洪慶善注東君篇簫鍾一蜀客過而見之曰一本簫作擗廣韻訓爲擊也蓋是擊鍾正與絙瑟爲對耳念孫案讀簫爲擗者是也廣雅曰擗擊也玉篇音所有切廣韻又音簫擗與簫簫古字通也

瑤讀爲搖搖動也。招魂曰：鏗鍾搖簫。王注曰：鏗，撞也。搖動也。文選張銑注曰：言擊鍾則搖動其簫也。義與此同。作瑤者借字耳。極瑟以下三句皆相對爲文。若以瑤爲美玉，則與上下文不類矣。

不能固臧 羌不知余之所臧

天問：白蜺嬰茀，胡爲此堂？安得夫良藥？不能固臧。王注曰：茀，白雲透移若蛇者也。臧，善也。言崔文子學仙於王子儁，子儁化爲白蜺而嬰茀，持藥與崔文子驚怪，引戈擊蜺中之因，墮其藥，俯而視之，王子儁之尸也。故言得藥不善也。念孫案：如王所述，崔文子事，則臧字當讀爲藏。古無藏字，借臧爲之。說文無藏字，魯語曰：掩賊者爲臧。管子侈靡篇曰：天子藏珠玉，諸侯藏金石，墨子耕柱篇曰：不舉而自臧，不運而自行，荀子解蔽篇曰：心未嘗不臧也。然而有所謂虛。漢書禮樂志：臧於理官。顏師古曰：古書無臧之字，本皆作臧。漢書例爲臧耳。漢教爐長史武班碑：動臧。崔文子引戈擊蜺而墮其藥，故云得夫良藥，不能固臧。若訓臧爲善，則義與固字不相屬矣。又九章云：夫惟黨人鄙固兮，羌不知余之所臧。臧亦讀爲藏，謂美在其中而人不知也。下文云：材朴委積兮，莫知余之所有，意與此同也。王訓臧爲善，亦失之。

設張辟以娛君兮

九章：矰弋機而在上兮，罾羅張而在下。設張辟以娛君兮，願側身而無所。王注曰：辟，法也。言讒人設張矰法以娛樂君，念孫案：此以張辟連讀。張，讀弧張之張。周官冥氏：掌設弧張。鄭注曰：弧，張矰。矰，學之屬。所以屬矰禽獸。辟，讀機辟之辟。墨子非儒篇曰：大寇亂，盜賊將作，若機辟將發也。莊子逍遙遊篇



曰中於機辟死於罔罟司馬彪曰辟罔也辟疑與罔同爾雅罔謂之罟罟謂之罟罟也郭璞曰今之翻車也有兩轆中施罟以捕鳥山木篇曰然且不免於罔羅機辟之患鹽鐵論刑德篇曰尉羅張而縣其谷辟陷設而當其蹊楚辭哀時命曰外迫脅於機臂兮上牽聯於矰維機臂與機辟同王注以機臂爲弩身失之此承上文矰弋尉羅而言則辟非法也

心絀結而不解兮

心絀結而不解兮思蹇產而不釋王注曰絀懸也蹇產結屈也念孫案絀亦結也廣韻結也史記律書曰秦二世結怨匈奴絀禍於越是絀與結同義絀結雙聲也蹇產疊韻也凡雙聲疊韻之字皆上下同義

悲江介之遺風

哀州土之平樂兮悲江介之遺風王注曰遠涉大川民俗異也念孫案上文云欽秋冬之緒風王注欽歎也下文云悲秋風之動容兮又云悲回風之搖蕙兮則此云悲江介之遺風亦謂風雨之風非風俗之風也文選聖主得賢臣頌追奔電逐遺風李善曰遺風風之疾者揚雄甘泉賦輕先疾雷而馭遺風曹植雜詩江介多悲風義本於此

願搖起而橫奔兮

願搖起而橫奔兮王注曰欲搖動而奔走念孫案搖起疾起也疾起與橫奔文正相對方言曰搖疾也雅同燕之外鄙朝鮮洌水之間曰搖淮南原道篇曰疾而不搖漢書郊祀志曰遙與輕舉遙與搖通彼言遙與猶此言搖起矣說見漢書

懲連改忿兮

懲連改忿兮。抑心而自強。王注曰。懲止也。言止已留連之心。改其忿恨。念孫案。連當從史記屈原傳作違。字之誤也。違恨也。言止其恨。改其忿也。恨與忿義相近。若云留連之心。則非其類矣。班固幽通賦。違世業之可懷。曹大家曰。違恨也。漢書敘傳違作障。廣雅憊恨也。無逸曰。民否則厥心違怨。邶風谷風篇。中心有違。韓詩曰。違很也。很亦恨也。廣雅很也。

曾傷爰哀

曾傷爰哀。永歎喟兮。王注曰。爰於也。引之曰。王訓爰爲於。曾傷於哀。則爲不詞矣。今案爰哀。謂哀而不止也。爰哀與曾傷相對爲文。方言曰。凡哀泣而不止曰嘔。又曰。爰暖哀也。爰暖嘔古同聲而通用。齊策狐嘔。漢書古今人表作狐爰。是其證也。

逢此世之佺攘

九辯悼余生之不時兮。逢此世之佺攘。王注曰。卒遇譖譏而遽惶也。念孫案。佺攘亂貌。逢此世之佺攘。言與亂世相遭也。哀時命曰。擬塵垢之枉攘兮。王注曰。枉攘亂貌。枉攘與佺攘同。此注以爲遇譖而遽遽失之。

不能復用巫陽焉乃下招曰

招魂。巫陽對曰：「掌竊上帝其難從。若必筮予之，恐後謝之。」謝之，一本作謝，非。不能復用。王注曰：「謝，去也。」巫陽言如必欲先筮，問求魂魄所在，然後與之，恐後世怠懈，必去卜筮之法，不能復脩用。文選呂延濟注略同。下文巫陽焉乃下招曰：「王注曰：『巫陽受天帝之命，因下招屈原之魂，念孫案：此則不能復用爲句。』」巫陽焉乃下招曰爲句，明矣。焉乃者，語詞，猶言巫陽於是下招耳。王注因下招屈原之魂，因字正釋焉乃二字。遠遊篇焉乃逝以徘徊，是其證。列子周穆王篇焉迺觀日之所入，迺與乃同。今本楚辭及文選皆以不能復用巫陽焉爲句，非也。不能復用者，謂不用卜筮，非謂不用巫陽。且用字古讀若庸，與從字爲韻。管子小雅小閔篇：『不臧復用。』與從卽爲韻。爲韻，趙策士爲知己者用，與容爲韻。說文：『庸，二十論衡氣壽篇：『若以不用巫陽連讀，則失其韻矣。』今據引此庸作用。』王呂二注訂正。

### 汜崇蘭些

光風轉蕙，汜崇蘭些。王注曰：「崇，充也。言充實蘭蕙，使之芬芳。」文選呂延濟注曰：「崇，高也。念孫案：二說均有未安。崇蘭猶叢蘭耳。」文子上德篇：『叢蘭欲茂，秋風敗之。』說文：「叢，聚也。廣雅：『崇，聚也。』」酒誥曰：『矧曰其敢崇飲。』大雅：『鸛鳴曰：『未安。崇蘭猶叢蘭耳。』是崇與叢同義。

### 蒻阿拂壁

蒻阿拂壁，羅幃張些。王注曰：「蒻，蒻席也。阿，曲隅也。拂，薄也。言以蒻席薄牀四壁，及於曲隅，復施羅幃也。念

孫案王以阿爲牀隅。則上與弱字不相承。下與拂壁二字不相連屬矣。今案弱與弱同。阿細繪也。言以弱阿拂牀之四壁也。弱阿猶言弱絳。淮南齊俗篇曰。弱絳羅紈是也。阿字或作綱。廣雅曰。綱練也。史記李斯傳曰。阿縞之衣。錦繡之飾。徐廣以阿爲東阿。縣非是。辯見史記。淮南修務篇衣阿錫曳齊紈。高注曰。阿細縠。錫細布。漢書禮樂志曳阿錫。佩珠玉如淳曰。阿細繪。錫細布。司馬相如傳被阿錫。揄紵縞。張揖注與如淳同。

### 臠若芳些

肥牛之臠。臠若芳些。王注曰。臠筋頭也。臠若熟爛也。言取肥牛之臠。爛熟之。則肥臠腍美也。念孫案。臠熟也。若猶而也。言既熟而且芳也。顧懽老子義疏曰。若而也。夬九三曰。遇雨若濡。言遇雨而濡也。金滕曰。予仁若考。言予仁而巧也。說見經義述聞。莊二十二左傳曰。幸若獲宥。及於寬政。言幸而獲宥也。而若語之轉耳。若無熟義。不得與臠同訓。

### 不沾薄只

大招吳酸蒿蕒。不沾薄只。王注曰。沾多汁也。薄無味也。言其味不濃不薄。適甘美也。念孫案。王以沾爲多汁。非也。沾亦薄也。言其味不薄也。廣雅曰。沾薄也。曹憲音他錄反。薄與薄同。漢書魏其傳注云。今俗言薄沾沾。

### 察篤天隱

察篤天隱。孤寡存只。王注曰。篤病也。早死爲天隱。匿也。言察知萬民之中。被篤疾病。早夭死及隱逸之士。



存視孤寡而振贍之也。洪補曰：篤厚也。念孫案：二說均有未安。篤與督同。昭二十二年左傳：晉司馬督。漢書古今人表：作司馬篤。漢書張憲傳：身毒國李奇曰：一名天篤。後漢書文苑傳：作天。說文曰：督，察也。是督與察同義。隱窮約也。昭二十五年左傳：隱民多取食焉。杜注曰：隱，窮困。定三言察督天死及窮約之人存視孤寡也。年傳：君以弄馬之故，隱君身奔國家。

昭質既設

昭質既設。大侯張只。王注曰：昭質，謂明旦也。明旦既設禮，張施大侯，使衆射之。引之曰：昭，讀爲招。招質，謂射埽的也。埽，通作準。呂氏春秋本生篇曰：萬人操弓，共射一招，高注曰：招，埽的也。盡數篇曰：射而不中，反循于招，何益於中？別類篇曰：射招者，欲其中小也。小雅賓之初筵篇：發彼有的，毛傳曰：的，質也。荀子勸學篇曰：質的張而弓矢至焉，是埽的謂之質。又謂之招，合言之則曰招質。魏策曰：今我講難於秦，兵爲招質。謂以爲秦之招質也。韓子存韓篇曰：秦必爲天下兵質矣。說林篇曰：且君何釋以天下圖智氏而獨以吾國爲智氏質乎？是其明證也。作昭者，假借字耳。春秋襄二十八年楚世家：作招。管蔡世家：設謂設昭質，非謂設禮。昭質在侯之中，故卽繼之以大侯。猶詩言大侯既抗而繼之以發彼有的也。若以招質爲明旦，則義與下文不相屬。且明旦謂之質明，不謂之昭質也。

正法弧而不公

七諫邪說飾而多曲兮。正法弧而不公。王注曰：弧，戾也。言世俗之人推佞以爲賢，進富以爲能，故君之正法，膠戾不用，衆皆背公而趨私也。念孫案：正法弧而不公，公與容同。謂己之正法，戾於流俗而不見容，非

謂君之正法膠戾不用。亦非謂衆皆背公而鄉私也。衆背公而鄉私。已在上句內。此但言己之不容於世耳。邪說飾而多曲。卽所謂邪曲害公也。正法孤而不容。卽所謂方正不容也。容與公古同聲而通用。故容貌之容。本作頌。從頁公聲。容受之容。古作容。從宀公聲。淮南主術篇。萬民之所容見也。容與公同齊俗篇。望君而笑。是公也。公與容同。

### 款冬而生兮

九懷。款冬而生兮。凋彼葉柯。王注曰。物叩盛陰。不滋育也。引之曰。急就篇。款東貝母。薑狼牙。顏師古曰。款東卽款冬。亦曰款凍。以其凌寒叩冰而生。故爲此名。師古以款凍爲叩冰。義本於王注也。然反復九懷文。義實與王注殊指。其曰款冬而生兮。凋彼葉柯。瓦礫進寶兮。捐弃隨和。鉛刀厲御兮。頓棄太阿。總言小人道長。君子道消耳。款冬。瓦礫鉛刀。以喻小人。葉柯。隨和太阿。以喻君子。七諫云。鉛刀進御兮。遙棄太阿。拔擢元芝兮。列樹芋荷。彼言元芝。猶此言葉柯也。彼言芋荷。猶此言款冬也。鉛刀太阿。取譬正與此同。此言陰盛陽窮之時。款冬微物。乃得滋榮。其有名材。柯葉茂美者。反凋零也。款冬而生。指款冬之草。不得以爲物叩盛陰。草之名款冬。其聲因顙凍而轉。爾雅。莧。莧。顙凍也。郭璞曰。款冬也。更不得因文生訓。爾雅釋魚。科斗活東。舍人本作顙東。科斗非冬生之物。而亦名顙東。則謂取凌寒叩冰之意者。謬矣。傳咸款冬花賦云。維茲奇卉。款冬而生。亦仍王注之誤。

行叩誠而不阿兮

九款行叩誠而不阿兮。遂見排而逢讒。王注曰。叩。擊也。言己心不容非。以好叩擊人之過。故遂爲讒佞所排逐也。念孫案。王訓叩爲擊。則叩誠二字。義不相屬。今案叩誠。猶言款誠。廣雅曰。款。誠也。款與叩一聲之轉。款誠之爲叩誠。猶叩門之爲款門也。重言之則曰叩叩。繁欽定情詩曰。何以致叩叩。香囊繫肘後。廣雅曰。叩叩。誠也。轉之則又爲款款矣。

巡陸夷之曲衍兮

巡陸夷之曲衍兮。王注曰。大阜曰陸。夷。平也。衍。澤也。言巡行陵陸。經歷曲澤之中。念孫案。巡陸夷。及注內大阜曰陸。兩陸字皆當作陵。義見爾雅。此因陵陸字相似。又涉注內陸字而誤。又案陵夷者。漸平之稱。陸夷二字。上下同義。不可分。下平曰衍。見釋名。及周官。陵夷。卽曲衍之貌。王以陵爲大阜。衍爲澤。皆失之。

律魁放乎山閒

偃促談於廊廟兮。律魁放乎山閒。王注曰。偃促。拘愚之貌。律。法也。魁。大也。言拘愚蔽闇之人。反談論廊廟之中。明於大法賢智之士。棄在山閒而不見用也。念孫案。王以律爲法。魁爲大。又云。明於大法賢智之士。殆失之迂矣。今案律魁。猶魁壘也。壘。律聲相近。漢書司馬相如傳。隱麟壘。師古曰。壘音律。路史餘論曰。殆失之迂矣。今案律魁。猶魁壘也。山海經云。神荼鬱壘二神人。主執惡害之鬼。風俗通作鬱律。案今本風俗通。仍作鬱壘。蓋後人不通古音而改之也。藝文類聚果部上。太平御覽果部四。並引作鬱律。漢書鮑宣傳曰。朝臣亡有大儒骨鯁。白首耆艾。魁壘之士。

服虔曰。魁壘。壯貌也。轉之則爲律魁。小雅蓼莪篇曰。南山律律。史記留侯世家贊曰。魁梧奇偉。是律魁皆高大之意。正與倥促相對。司馬相如曰。委瑱握。握。與倥促同。倥促律魁。皆疊韻也。凡疊韻之字。皆上下同義。不宜分訓。

### 蔽瓚登於清府

烏獲戚而驂乘兮。燕公操於馬圉。蔽瓚登於清府兮。咎繇棄而在縶。王注云。燕公。邵公也。封於燕。故曰燕公也。蔽瓚。衛靈公太子也。念孫案。邵公咎繇。皆古之賢臣。而衛蔽瓚與烏獲。行不相類。蔽瓚。謂趙之蔽瓚也。史記太史公自序曰。司馬氏在趙者。以搏劍論顯。蔽瓚其後也。漢書司馬遷傳。與此同。如淳曰。刺客傳之蔽瓚也。淮南主術篇曰。故握劍鋒以下。今本此下脫一字。雖北宮子司馬蔽黃。不便應敵。曰。司馬蔽黃。在擊劍。操其觚。招其末。其庸人能以制勝。今使烏獲藉蕃。從後牽牛尾。尾絕而不從者。逆也。若指之桑條。以貫其鼻。則五尺童子。牽而周四海者。順也。然則趙之蔽瓚。以搏劍聞。故與烏獲並舉之。淮南稱北宮子蔽瓚。而并及於烏獲藉蕃。可以互證矣。自烏獲以下四句。皆謂貴武士而賤賢臣也。

### 文選

#### 度宏規而大起

西都賦。圖皇基於億載。度宏規而大起。李善曰。小雅曰。羌。發聲也。度與羌古字通。度。或爲慶也。念孫案。度與羌聲不相近。絕無通用之理。蓋李善本度字本作慶。今本作度者。後人據五臣本及班固傳改之耳。善



注原文當云小雅曰羌發聲也慶與羌古字通。漢書揚雄傳反離騷曰懿神龍之淵潛兮慶煥雲而將舉。又慶大類而喪榮張晏曰慶辭也師古曰慶亦與羌同又甘泉賦賦高慶而慶或爲度慶字草書作序與不可度慶度敘傳幽通賦慶未得其云己師古并云慶發語辭讀與羌同。度史記建元以來侯者年表平津侯公孫慶漢表慶作度說文邛有大慶也今本慶賜作度今本作度與羌古字通度或爲羌者後人既改正文作度復改注文以就之而不知度與羌之不可通也。又案善本作慶是也慶語詞宏規與大起相對爲文言肇造都邑先宏規之而後大起之也。

棍建章而連外屬 洞枌詣以與天梁

凌陞道而超西墉棍建章而連外屬五臣本棍作混念孫案連字後人所加也建章宮在西城之外故云棍建章而外屬外上不當有連字。上文未央桂宮皆宮名故云自未央而連桂宮與此句異義且旣言屬則不得更言連故張銑注曰混通也閣道出城通達建章宮與外相屬其無連字明矣後漢書班固傳正作混建章而外屬也又案下文經駘盪而出駸娑桐枌詣以與天梁。駘盪駸娑枌詣皆駢名天梁宮名以字與下三字義不相屬亦是後人所加班固傳無以字。

奮泰武乎上囿 緣於泰山之阿 結根泰山阿

爾乃盛娛游之壯觀奮泰武乎上囿武臣本泰作太班固傳作大注云大武謂大陳武事也念孫案作大者是也大譌爲太又譌爲泰耳逸周書有大武篇秦策引詩云大武遠宅不涉皆其證也風賦緣於泰山

之阿。李善本無於字。五臣本有。藝文類聚引此。與五臣同。今以上下文例之。當有於字。五臣本作太。亦是太字之譌。今合上下文讀之。風生於地。起於青蘋之末。侵淫谿谷。盛怒於土囊之口。緣於大山之阿。舞於松柏之下。此其由卑而高。由谷而山。所在皆然。不獨泰山也。若此句獨指泰山言之。則與上下文不類矣。古詩。冉冉孤生竹。結根泰山阿。泰亦大之譌。李周翰曰。泰山衆山之尊。夫者。婦之所尊。故以喻之。此曲說也。此以竹喻婦。山喻夫。謂婦之託於夫。如竹之結根於山耳。

### 芳草被隄

茂樹蔭蔚。芳草被隄。蘭茝發色。曄曄猗猗。若摘錦布繡。爛耀乎其陂。李善說芳草被隄。引說文曰。隄。塘也。念孫案被讀若披。被隄者。芳草之貌。非謂芳草覆隄也。蔭蔚。雙聲也。被隄。疊韻也。曄曄猗猗。重字也。以上皆形容草木之盛。然後總而言之曰。若摘錦布繡。爛耀乎其陂。陂與隄一物也。陳風澤陂傳曰。陂。澤障也。雅注曰。若上言隄而下言陂。則複矣。隄。障也。

### 填流泉而爲沼

東都賦。填流泉而爲沼。李善曰。順流泉而爲沼。不更穿之也。昭明諱順。故改爲填。引之曰。填當爲慎。草書之誤也。慎順古字通。故昭明改順爲慎。

### 嘉祥阜兮集皇都

白雉詩。啓靈篇兮披瑞圖。獲白雉兮效素鳥。嘉祥阜兮集皇都。念孫案嘉祥句。蓋後人所加。此句詞意廣。

淺不類孟堅手筆。且寶鼎詩亦可通用。其可疑一也。下文發皓羽兮奮翹英。正承白雉素鳥言之。若加入此句。則上下文義隔斷。其可疑二也。明堂辟雍靈臺三章。章十二句。寶鼎白雉二章。章六句。若加入此句。則與寶鼎詩不協。其可疑三也。李善及五臣本。此句皆無注。其可疑四也。後漢書班固傳無此句。其可疑五也。

錫用此土而翦諸鶉首

西京賦。昔者大帝說秦繆公而觀之。饗以鈞天廣樂。帝有醉焉。乃爲金策。錫用此土。而翦諸鶉首。薛綜曰。翦。盡也。李善曰。盡取鶉首之分。爲秦之境也。引之曰。薛訓翦爲盡。盡諸鶉首。殊爲不詞。李云。盡取鶉首之分。亦與翦諸之文不合。今案翦讀爲踐。文王世子。不翦其類也。周官甸師注。引翦作踐。踐。居也。謂居之於鶉首之虛也。晉語曰。實沉之方。言曰。慰廬。度。厖也。厖。今通。東齊海岱之間。或曰踐。趙注。孟子盡心篇曰。踐。履居之也。晏子問篇曰。後世執踐有齊國者。皆其證也。

意亦有慮乎神祇宜其可定以爲天邑

及帝圖時。意亦有慮乎神祇。宜其可定以爲天邑。薛綜曰。言高帝圖此居之時。意亦以慮於天地陰陽。而思可宜定以爲天邑。念孫案。意亦猶抑亦也。抑與意古字通。論語學而篇。求之與抑與之與。漢石經抑作與。意亦忽不可得見與。荀子脩身篇曰。將以窮無窮。逐無極。宜。讀曰儀。儀。度也。度其可安定之地。以爲天

邑也。說文曰：儀，度也。周語曰：儀之于民，而度之于羣生。又曰：不度民神之義，不儀生物之則，儀與宜古字通。小雅角弓篇如食宜餼韓詩宜作儀楚語薛云：思可宜，定以爲天邑，失之。

嗟內顧之所觀 嗟難得而覩縷 嗟難得而備知 嗟孰可爲言已 嗟見偉於疇昔

念孫案：王逸注離騷曰：羌，楚人語詞也。文選內羌字多作嗟，因譌而爲嗟。俗書嗟字作嗟，嗟字作嗟，二形正之耳。西京賦：嗟內顧之所觀。李善注小雅曰：嗟，發聲也。兩嗟字皆嗟字之譌。西都賦：慶宏規而大起。李注：小雅曰：羌，發聲也。慶與羌古字通，是其證。若嗟則歎聲，非發聲也。五臣本作嗟，訓爲歎聲，失之矣。吳都賦：嗟難得而覩縷。劉逵注：小雅曰：嗟，楚人發語端也。兩嗟字亦嗟字之譌。既云楚人發語端，其爲嗟字明矣。古文苑：王延壽王孫賦：羌難得而覩縷。本書王融曲水詩序：羌難得而稱計。章樵：李善注引吳都賦：竝作羌。雪賦：嗟難得而備知。義本吳都，亦是嗟之譌也。思元賦：嗟孰可爲言已。嗟亦嗟之譌。後漢書張衡傳：作羌，是其證也。蜀都賦：嗟見偉於疇昔。其字正作嗟。張伯顏本如此，他本則譌作嗟矣。蔡邕琴師賦：嗟求煩以愁悲。字亦作嗟。

### 交綺豁以疏寮

何工巧之瑰瑋。交綺豁以疏寮。李善曰：交，結綺文。豁，然穿以爲寮也。蒼頡篇曰：寮，小窗也。念孫案：交綺豁以疏窗，殊爲不詞。今案：交綺，卽窗也。廣雅曰：豁，寮空也。一切經音義一引蒼頡篇曰：寮，小空也。說文曰：疏



通也。豁以疏寮，皆空虛之貌。既言豁而又言疏寮者，文重詞複，以申明其意。若大人賦言麗以林離，璫以龍茸，疹以陸離矣。

若驚鶴之羣鵲

紛縱體而迅赴。若驚鶴之羣鵲。念孫案：若驚鶴之羣鵲，文不成義。鵲字與伎氏綺豸繼爲韻。蓋罷字之譌。章注吳語曰：罷，歸也。同。廣雅言若驚鶴之羣歸也。

莫我能形

東京賦：飛閣神行，莫我能形。薛綜曰：人不見行往，故曰神。形，謂天子之形容。言我無能說其形狀也。念孫案：薛說甚迂。廣雅曰：形，見也。言行於飛閣之中，莫我能見也。史記秦始皇紀正義引應劭曰：於馳道外築牆，天子於中行，外人不見。

感懋力以耘耔

兆民勸於疆場，感懋力以耘耔。念孫案：咸字與下五字義不相屬。蓋咸字之誤。咸，皆也。言皆勉力也。

時乘六龍

天子乃撫玉輅，時乘六龍，發鯨魚，鏗華鍾。李善曰：周易曰：時乘六龍，此謂各隨其時而乘之。念孫案：如李注，則正文本作乘時龍，故先引周易時乘六龍，而卽繼之曰：此謂各隨其時而乘之。言此與周易異義也。

各隨其時。謂若春乘蒼龍。夏乘赤駟之屬。是也。東都賦亦云。登玉輅。乘時龍。此作時乘六龍者。因注引周易而誤。撫玉輅以下四句。句各三字。此句獨多一字。與上下不協。

### 盈溢天區

聲教布濩。盈溢天區。薛綜曰。天區。謂四方上下也。引之曰。據薛注。則天區當爲六區。思元賦。上下無常窮六區。李善亦云。六區。上下四方也。天六二字。篆隸皆相似。故六譌作天。

### 西朝顛覆而莫持

臣濟參以陵君。忘經國之長基。故函谷擊柝於東。西朝顛覆而莫持。薛綜曰。謂王莽之兵。猶擊柝守函谷關。而三輔兵已自入長安宮。朝廷顛隕。無復扶持也。念孫案。薛說非也。西朝顛覆。謂王莽篡漢耳。言臣陵其君。國本墮壞。故王莽得爲篡逆。函谷雖擊柝於東。西京已顛覆而莫持。明患不在外而在內也。若以三輔兵誅王莽爲西朝顛覆。則與上文臣濟修以陵君二句。義不相屬。且平子不當稱亡新爲西朝也。

### 亂北渚兮揭南涯

南都賦。爾乃撫輕舟兮浮輕池。亂北渚兮揭南涯。李善曰。爾雅曰。正絕流曰亂。說文曰。揭。高舉也。呂向曰。揭。猶指也。念孫案。李解揭爲高舉。與南涯二字。義不相屬。呂解揭爲指。古無此訓。皆非也。今案揭讀爲惕。廣韻。惕。揭竝去例切。惕。息也。言自北渚絕流而渡。息乎南涯也。小雅菀柳篇。不尙惕焉。毛傳曰。惕。息也。召聲相同。故字相通。

南甘棠篇作憩字又作偈甘泉賦度三巒兮偈棠藜章昭曰句法正與此同

酌清酤

蜀都賦酌清酤割芳鮮五臣本清酤作醪酤念孫案醪酤與芳鮮相對爲文則作醪者是也今作清酤者後人以李注引詩既載清酤而改之耳不知李注自解酤字非兼解清酤二字其醪字已見南都賦故不重注也北堂書鈔酒食部八引此正作酌醪酤

嶸嶸而筭

吳都賦嶸嶸而筭顧亦曲士之所歎也旁魄而論都抑非大人之壯觀也念孫案嶸嶸而筭下當有地字嶸嶸而筭地旁魄而論都相對爲文劉逵注云言筭量蜀地亦是曲僻之士則筭下原有地字明矣

英雄之所躔

翫其磧礫而不窺玉淵者未知驪龍之所蟠也習其弊邑而不覩上邦者未知英雄之所躔也李善曰方言曰躔歷行也呂延濟曰不見上國不知英雄之所行歷也念孫案李呂以躔爲行歷非也躔居也英雄之所居謂吳都也吳都爲英雄之所居猶玉淵爲驪龍之所蟠故曰不窺玉淵未知驪龍之所蟠不覩上邦未知英雄之所躔也李注月賦引韋昭漢書注曰躔處也處亦居也方言曰躔居也東齊海岱之間曰躔魏風伐檀傳曰一夫之居曰躔孟康注漢書王莽傳曰躔居也躔躔字異而義同

雜插幽屏 宋玉於是陋其結綠

賴丹明璣金華銀樸紫貝流黃縹碧素玉隱賑峨峨雜插幽屏精曜潛頌李善曰潛頌謂潛深而有光頌皆誤作穎五臣本作穎李周翰曰雖在幽僻之處常穎然有異光今據改若陟山谷崎岸爲之不枯林木爲之潤黠爾雅曰頌光也今李善本頌字於是陋其結綠李善曰幽屏謂生處也李周翰曰雜插幽屏謂雜生隱僻之處屏僻也念孫案幽屏當爲幽屋字之誤也幽屋謂山也言衆寶隱賑峨峨雜插於山中也幽屋猶言幽室謝靈運登永嘉綠嶂山詩云懷遲上幽室是也屋與樸玉谷黠綠爲韻若作屏則失其韻矣宋玉當爲宋王劉逵注引史記宋有結綠是結綠爲宋之寶故曰宋王於是陋其結綠宋王與隋侯相對爲文無取於宋玉也

悠悠旆旌

悠悠旆旌者相與聊浪乎昧莫之垆念孫案悠悠旆旌者當作悠悠旆旆者詩曰悠悠旆旌又曰彼旃旒斯胡不旆旆是也今本旆旆作旆旌卽因詩悠悠旆旌而誤悠悠旆旆皆旌旗之貌故云悠悠旆旆者相與聊浪乎昧莫之垆上文云趨譚翊矚若離若合者相與騰躍乎莽賈之野文義正與此同若云悠悠旆旌者則者字之義不可通李善及五臣皆不釋旆旆二字蓋所見本已誤爲旆旌矣

與夫唱和之隆響 有殷坻積於前

若此者與夫唱和之隆響動鍾鼓之鏗聒有殷坻積於前曲度難勝念孫案與夫唱和之隆響二句句法



參差而文義不協與夫二字乃一舉字之誤舉亦動也舉唱和之隆響動鍾鼓之鏗耿句法正相對有殷  
坻積於前於前二字後人所加也有殷坻積言其聲殷然若坻積也漢書揚雄傳響若坻積其山堆傍著崩落  
作聲聞數百里故曰坻積句法與詩有瀾濟盈有鸛雉鳴相似若云有殷坻積於前不成句法且有殷坻  
積曲度難勝皆以四字爲句若上句多二字則句法參差矣後人以李周翰注云其聲若山積於前故加  
於前二字不知李注自加於前二字以申明其義非正文所有也不審文義而據注妄增其失甚矣

若吾子之所傳

若吾子之所傳孟浪之遺言略舉其梗概而未得其要妙也念孫案吾者東吳王孫自謂也吾下子字後  
人妄加之耳呂向注云如我所傳則吾下原無子字明矣

冒六英五莖

魏都賦冠韶夏冒六英五莖念孫案冒六英五莖句法甚累且英莖與韶夏相對爲文若加六五二字則  
與上句不協後人以李善注引樂動聲儀帝嚳樂曰六英帝顓頊樂曰五莖因加六五二字不知李注自  
解英莖二字非並解六五二字也

判殊隱而一致

寬大易與春秋判殊隱而一致念孫案此本作判隱顯而一致言易與春秋雖有隱顯之分而其致一也

張載注云，春秋推見以至隱，易本隱以之顯，所言雖殊，其合德一也。李善云，言大易春秋隱顯殊而合德若一，皆其明證矣。後人以張李二注內皆有殊字，遂加入殊字，而刪去顯字，不知注內殊字是解正文判字，而正文內本有顯字，故二注皆言隱顯也。若云判殊隱而一致，則文不成義矣。

### 亡國肅乎臨淵

甘泉賦：襲璇室與傾宮兮。若登高眇遠，亡國肅乎臨淵。服虔曰：桀作璇室，紂作傾宮，以此微諫也。應劭曰：登高遠望，當以亡國爲戒。若臨深淵也。念孫案：正文內亡國二字，後人所加也。應云以亡國爲戒者，承上璇室傾宮言之，以申明肅乎臨淵之意。後人不審，輒於正文內增入亡國二字，亡國肅乎臨淵，斯爲不詞矣。五臣本及漢書揚雄傳皆無此二字。

### 友仁義與之爲朋

羽獵賦：建道德以爲師。句友仁義與之爲朋。念孫案：友仁義與之爲朋，殊爲不詞。蓋後人不解與字之義，因於與下加之字耳。今案建道德以爲師，友仁義與爲朋，句法正相對。友，親也。見廣雅與，猶以也。言親仁義以爲朋也。漢書揚雄傳：作友仁義與爲朋，是其明證矣。召南江有汜篇曰：不我以。又曰：不我與。鄭箋曰：以，猶與也。以可訓爲與，與亦可訓爲以。繫辭傳曰：是故可與酬酢，可與祐神矣。言可以酬酢，可以祐神也。論語陽貨篇曰：鄙夫可與事君也與哉。言不可以事君也。中庸曰：知遠之近，知風之自，知微之顯，可與入德。

矣。言可以入德也。史記袁盎傳曰：妾主豈可與同坐哉？言不可以同坐也。以與聲相近，故二字可以互用。管子形勢篇曰：讒巨者可以遠舉。臣今本巨譌作巨，詳見管子。顧憂者可與致道。呂氏春秋樂成篇曰：故民不可與慮化舉始，而可以樂成功。史記貨殖傳曰：智不足與權變，勇不足以決斷，仁不能以取予，以與二字互用。正與此同也。以與聲相近，故又可以通用。鄉射禮：各以其耦進。今文以爲與。越語：節事者與地。史記越世家：與作以。論語：鄙夫可與事君也與哉？匡謬正俗引此與作以。史記：妾主豈可與同坐哉？漢書與作以。

忿戎王之淫狡

北征賦：忿戎王之淫狡。穢宣后之失貞。李善曰：杜預左氏傳注曰：狡猾也。念孫案：李說非也。狡讀爲姦。姦亦淫也。襄九年左傳：棄位而姦，不可謂貞。杜注曰：姦，淫之別名。作狡者，借字耳。

才難

西征賦：當音鳳恭顯之任勢也。乃熏灼四方，震耀都鄙。而死之日，曾不得與夫十餘公之徒隸齒。才難，不其然乎？今李善本如此。六臣本作名才難，不其然乎？五臣作名難，不其然乎？呂延濟曰：音鳳之流，其死之日，曾不得與蕭曹等十餘公之僕隸齒。列名器之難，其如此矣。念孫案：作名難者是也。音鳳恭顯生前赫奕而死後無名，是富貴易得而名難得，故曰名難，不其然乎？此用論語句法。故李善引才難，不其然乎爲證。其實論語言才難，此言名難，句法雖同，而意不同也。六臣本作名才難者，後人以李善引論語才難，故旁記才

字而傳寫者遂誤合之也。今李善本作才難者。又後人以名才難三字。文不成義。而刪去一字也。乃不刪才字而刪名字。斯爲謬矣。

### 昭列顯於奎之分野

魯靈光殿賦。承明堂於少陽。昭列顯於奎之分野。念孫案。昭列顯於奎之分野。句法甚累。旣言昭而又言顯。亦爲重沓。蓋正文本作昭列於奎之分野。後人以李善注云。其光昭列。顯於奎之分野。因於正文內加顯字。不知注內顯字。乃承上昭列而申言之。非正文所有也。不審文義。而據注妄增。各本相沿不改。其亦弗思之甚矣。

### 參旗九旒

景福殿賦。參旗九旒。從風飄揚。李善曰。周禮曰。熊旗六旂以象伐。毛萇詩傳曰。參伐也。然伐一星。以旗象參。故曰參旗。周禮曰。龍旂九旒。今云參旗九旒。蓋一指旗名。一言旒數。可以相明也。李周翰曰。參三也。旗上畫日月星九旒。九旗也。念孫案。二李之說皆非也。參旗九旒皆星名。言旌旗之旒。從風飄揚。象天之有參旗九旒也。參旗一名天旗。九旒或作九游。史記天官書曰。參爲白虎。其西有句曲九星三處羅。一曰天旗。二曰天苑。三曰九游。晉書天文志曰。參旗一曰天旗。開元占經。石氏外官占引石氏曰。參旗九星在參西。又甘氏外官占引甘氏曰。九游九星在玉井西南。



決陂潢而相浚

海賦。於是乎禹也。乃鑿臨崖之阜陸。決陂潢而相浚。啓龍門之峇嶺。壅陵巒而嶄鑿。李善曰。說文曰。浚。灌也。念孫案。浚爲潺浚。字義與灌不相近。浚當爲決。決古沃字。沃灌也。言決陂潢之水而相灌也。故李注引說文決灌也以釋之。隸書天字或作友。故決字或作澣。形與浚相似。因誤爲浚。五臣本作浚。浚又浚之誤也。決與鑿爲韻。猶詩唐風從子于沃。與白石鑿鑿爲韻。若作浚作澣。則失其韻矣。

淙大壑與沃焦

江賦。出信陽而長邁。淙大壑與沃焦。李善曰。說文曰。淙。水聲也。念孫案。李訓淙爲水聲。則與下五字義不相屬。今案淙者。灌也。言江水東流入海。灌大壑與沃焦也。李引元中記曰。東海之沃焦。水灌之而不已。卽其證也。廣雅曰。澆沃淙。曹憲音。灌。漬也。是淙與灌同義。

鯪鯪踦蹠於垠隤

鯪鯪踦蹠於垠隤。今李善曰。埤蒼曰。踦。蹠也。求悲切。聲類曰。偏舉一足曰踦。蹠也。渠俱切。舊本作踦。今據李善音及史。念孫案。如李注。則踦蹠本作踦蹠。謂二魚跳躍於水崖也。楚辭天問。鯪魚何所。王注曰。記張儀傳。索隱改。念孫案。如李注。則踦蹠本作踦蹠。謂二魚跳躍於水崖也。楚辭天問。鯪魚何所。王注曰。南山經曰。崑崙有魚焉。其狀如牛。陸居。蛇尾。有翼。其目。名曰鯪。是鯪鯪皆魚之有足者。故云踦蹠於垠隤。史記張儀傳。虎賁之士。踦蹠科頭。集解曰。踦蹠。跳躍也。索隱引韻集云。偏舉一足曰踦蹠。義與聲類同。又案呂向注曰。踦蹠。行貌。然則今李善本作踦蹠者。後

人據五臣本改之耳

### 惛悽慄慄

風賦故其風中人狀直惛悽慄慄清涼增歎引之曰惛悽慄慄當爲慄慄惛悽景者誤倒耳慄慄清涼皆謂風之寒也李善注曰慄慄寒貌慄寒氣也惛悽增歎皆感寒之貌也二句相對爲文且悽歎爲韻古音俱在脂部若慄字則在質部質與明古韻不同部慄字古通作栗詩三百篇栗字皆與質部之字爲韻慄字無與脂部字爲韻者其作慄之字詩黃鳥與穴爲韻楚辭九辯與瑟爲韻慄字瑟皆質部也不可與歎爲韻矣高唐賦令人慄悽惛悽脅息增歎悽慄聲和近慄悽惛悽猶慄慄惛悽也彼賦亦以悽歎爲韻楚辭九辯惛悽增歎兮薄寒之中人愴悵懷恨兮去故而就新悽與歎爲韻愴悵與懷恨爲韻又其一證矣

### 何今日之兩絕

鸛鵲賦何今日之兩絕若胡越之異區念孫案王粲贈蔡子篤詩風流雲散一別如雨李善注引此賦曰何今日之兩絕又引陳琳檄吳將校曰雨絕于天江淹雜體詩雨絕無還雲李注亦引此賦據此則李善本本作雨絕明矣呂向注曰何今日兩相隔絕各在一方然則今本作兩絕者後人據五臣本改之耳

### 竦余身而順止兮

思元賦竦余身而順止兮遵繩墨而不跌舊注曰竦立也止禮也念孫案竦敬也言敬余身而循禮也說

文曰竦敬也。字或作聳。周語曰：身聳除潔，外內齊給，敬也。身聳，卽此所謂竦余身也。楚語曰：昔殷武丁能聳其德。韋注曰：聳，敬也。

遊塵外而警天兮

遇九皋之介鳥兮，怨素意之不逞。遊塵外而警天兮，據冥翳而哀鳴。舊注曰：警，裁見也。後漢書張衡傳注曰：警，視也。念孫案：此皆以警爲警見之警，非也。警，讀爲擊。擊，擊也。九擊如鳳皇上擊，拂也。拂，如鳴鶴拂其羽。羽，直刺上飛數十丈。言鶴遊塵外而上拂天也。說文曰：擊，擊也。字或作撇。漢書揚雄傳甘泉賦：歷倒景而絕飛梁兮，浮蔑蠚而撇天。此云遊塵外而警天。下文云：浮蔑，蒙而上征。語意與甘泉賦略同。顏師古曰：撇，猶拂也。李善引張揖三蒼注同。作警者，借字耳。亦通作蔽。史記刺客傳：跪而蔽席。索隱曰：蔽，音匹結反。蔽，猶拂也。燕策作跪而拂席。

漱飛泉之瀝液

漱飛泉之瀝液兮，咀石菌之流英。李善曰：說文曰：漱，蕩口也。所又切。引之曰：李以漱爲蕩口，非也。此漱字當讀爲敕。說文：敕，吮也。玉篇：所角切。字或作嗽。一切經音義二引三蒼曰：嗽，吮也。又引通俗文曰：含吸曰嗽。所角反。釋名曰：嗽，促也。用口急促也。漢書佞幸傳：文帝嘗病癰，鄧通常爲上嗽吮之。顏師古曰：嗽，音山角反。後漢書方術傳：嗽舌下泉咽之。李賢曰：嗽，音朔。論衡驗符篇曰：建初四年，甘露下泉陵，零陵洮陽始安冷道五縣，民嗽吮之，甘如飴蜜。張載注魏都賦引司馬相如梨賦曰：刷嗽其漿。其或作漱者，假借字耳。

楚辭九章曰。吸湛露之浮涼兮。漱凝霜之雰雰。游云。吸飛泉之微液。猶此云。漱飛泉之凝液也。遠遊曰。飡六氣而飲沆瀣兮。漱正陽而食朝霞。後漢書列女傳注引論語撰考。譏曰。水名盜泉。仲尼不漱。劉伶酒德頌曰。銜杯漱醪。陸機文賦曰。傾羣言之瀝液。漱六藝之芳潤。以上諸漱字。皆音所角反。說者多讀爲盥漱之漱。音所又反。非也。今俗語猶謂含吸曰嗽。音如煩數之數。

### 翾鳥舉而魚躍兮

翾鳥舉而魚躍兮。將往走乎八荒。舊注曰。廣雅曰。翾。飛也。張衡傳注同。念孫案。飛鳥舉而魚躍。甚爲不詞。且訓翾爲飛。則既與魚躍不協。又與鳥舉相複矣。今案。翾者。疾也。猶言倏鳥舉而魚躍也。方言。僂。疾也。郭璞曰。謂輕疾也。僂與翾通。荀子不苟篇。小人喜則輕而翾。韓詩外傳。翾作快快。亦疾也。說文。趨。疾也。義亦與翾同。

### 偉關雎之戒女

泗河林之蓁蓁兮。偉關雎之戒女。舊注引關雎首章四句。又曰。偉。異也。張衡傳注曰。偉。美也。念孫案。李賢訓。偉爲美。是也。戒女二字。諸家說之未明。今案。漢書杜周傳。杜欽說大將軍鳳曰。佩玉晏鳴。關雎歎之。知好色之伐性短年。離制度之生無厭。天下將蒙化。陵夷而成俗也。故詠淑女。幾以配上。忠孝之篤。仁厚之作也。李奇曰。后夫人雞鳴佩玉。去君所。周康王后不然。故詩人歎而傷之。薛瓊曰。此魯詩也。後漢書明帝



紀注引薛君韓詩章句曰。人君退朝。入于私宮。后妃御見。去留有度。應門擊柝。鼓人上堂。退反晏處。體安志明。今時大人內傾于色。賢人見其萌。故詠關雎。說淑女正容儀以刺時。如魯韓詩說。則關雎所以申女戒。故曰偉關雎之戒女。杜周傳贊云。欽以建始之初。深陳女戒。庶幾乎關雎之見微。義與此同也。

怨高陽之相寓兮

怨高陽之相寓兮。偁顓頊而宅幽。舊注曰。寓居也。念孫案。寓訓爲寄。不訓爲居。寓當作寓。字之誤也。說文。寓。籀文字。字。賦。荀子賦篇。精微乎毫毛。而大盈乎大寓。漢書高惠高后文功臣表。高其位。大其寓。東京大雅。賦。威振八寓。漢史晨祠孔廟奏銘。周孔舊寓。蕩陰令張運碑。開定。微寓。字並與宇同。縣傳。桑柔傳。魯頌閟宮箋。及周語注。並云。宇居也。此言相寓。謂相其所居之地。故舊注訓寓爲居。而李善李賢皆不爲寓字作音。蓋所見本已譌爲寓矣。

姑純懿之所廬

安和靜而隨時兮。姑純懿之所廬。舊注曰。懿美也。廬居也。李善曰。杜預曰。姑且也。張衡傳注同。念孫案。二李訓姑爲且非也。且純懿之所廬。則爲不詞矣。今案。姑者。息也。言自安於和靜。而息乎大美之所居也。廣雅曰。懿。息也。曹憲音姑。古無懿字。借姑爲之。檀弓曰。細人之愛人也。以姑息。姑亦息也。爾雅曰。苦。息也。苦讀爲監。聲與姑近而義同。說見經義述聞。王事靡盬下。

後委衡乎元冥

前長離使拂羽兮。後委衡乎元冥。今李善本如此。舊注曰。委。屬也。水衡。官名也。見漢書。六臣本作後委水衡乎元冥。五臣作委水衡乎元冥。張衡傳與五臣同。念孫案五臣本及張衡傳是也。昭二十九年左傳曰。水正曰元冥。故曰委水衡乎元冥。言以水衡之職。屬之元冥也。舊注云。水衡。官名。則正文內原有水字明矣。六臣本作後委水衡乎元冥者。後人以上句有前字。故加後字以對之。後委水衡乎元冥。斯爲不詞矣。今李善本作後委衡乎元冥者。又校書者嫌其不詞。而刪去一字也。乃不刪後字。而刪水字。其謬益甚矣。

### 陪京泝伊

閑居賦。於是退而閑居于洛之浹。陪京泝伊。面郊後市。李善曰。南都賦曰。陪京之南。薛綜東京賦注曰。泝。向也。念孫案。南都賦陪京之南。本取陪輔之義。此言陪京泝伊。面郊後市。則陪字當讀爲倍。倍。陪。古字通。尾。漢書地理志作倍尾。左傳僖三十年。焉用亡。鄭以陪鄰。定四年。分之土田。陪敦。釋文並作倍。倍。即今向背字也。言家在洛水之浹。背京向伊。前郊後市也。漢書張良傳云。背河鄉雒。東京賦云。泝洛背河。義並與此同也。晉書潘岳傳。正作背京泝伊。

### 芳酷烈之閭闔

長門賦。桂樹交而相紛兮。芳酷烈之閭闔。李善曰。閭闔。香氣盛也。閭。魚斤切。引之曰。上文之心音宮。臨風淫陰音稽。下文之吟。南中宮崇窮音。皆以東侵鹽三部之字爲韻。此古人合韻之常例也。閭爲諄部之字。古無以東侵鹽諄四部合用者。殆誤字也。閭闔。當爲閭闔。閭與醢同。廣雅曰。醢。香也。又曰。醢醢。香也。曹憲

音烏含反。凡字之從奄，聲音聲者多通用。闇之爲醢，猶暗之爲奄也。高唐賦：越香掩掩，掩亦與醢同。

委參差以棟梁

施瑰木之構榼兮，委參差以棟梁。李善曰：言以瑰奇之木爲構榼，委積參差以承虛梁。方言曰：康，虛也。康與棟同音。康，念孫案：如李說，則棟梁之上必加承字，而其義始明。且以梁爲屋梁，則與上文飾文杏以爲梁相複矣。今案參差，雙聲也。棟梁，疊韻也。棟梁者，中空之貌。言衆構榼羅列參差而中空也。方言：康，空也。郭璞曰：康，宜空貌。說文曰：康，屋康宜也。宜，康也。康，宜與棟梁同。說文：康，傳：宜，力羣反。正與梁同音。蓋說文耳。

遂積思而就牀 露歎積息

無面目之可顯兮，遂積思而就牀。李善曰：廣雅曰：積，壞也。言壞其思慮而就牀。引之曰：李說非也。思當爲息字之誤也。馬融長笛賦曰：露歎積息。露，歎聲也。下文：露叩銀之岌岌兮，亦謂叩銀聲也。積，猶積也。太息之聲也。李善曰：歎聲若雷，息聲若積。引爾雅：焚輪謂之積，皆失之。陸機弔魏武帝文曰：循膚體而積歎。陸雲登遐頌曰：絕音積息。積之言噴也。噴然太息而就牀也。傅毅舞賦：噴息激昂。李善曰：韓詩外傳曰：魯哀公噴然太息。說文曰：噴，太息也。噴與喟同。以上李善注。易林師之咸曰：絕無以北，惆然噴思。思亦息之誤。噬嗑之復曰：絕無以北，惆然憤息。憤又噴之誤也。

故亦非華說之所能精

文賦。是蓋輪扁所不得言。故亦非華說之所能精。今李善本如此。念孫案。故亦非華說之所能精。李善本有亦而無故。五臣本有故而無亦。今李善本兼有之者。後人據五臣本旁記故字。而傳寫者因誤合之也。六臣本作亦非華說之所能精。又云亦。五臣作故。劉良曰。文章之妙。故非此輩所能精察而言。是其明證矣。

### 故聞其悲聲

洞簫賦。故聞其悲聲。今李善本如此。則莫不愴然累歎。攀涕攢淚。其奏歡娛。則莫不憚漫衍凱。各本衍字皆譌作切。其爲衍字明矣。憚漫爲疊韻。衍凱爲雙聲。藝文類聚引此亦作衍。今改正。阿那脹腰者已。念孫案。李善本故聞其悲聲。本作故爲悲聲。五臣本作故其爲悲聲。見六臣本注。今作故聞其悲聲者。後人以意改之也。不知爲悲聲。奏歡娛。皆指吹簫者言之。下文愴然累歎云云。方指聽簫者言之。若云聞其悲聲。則已指聽簫者言之。與下文其奏歡娛句不類。自亂其例矣。藝文類聚樂部引此。正作故其爲悲聲。

### 瞪瞢忘食

是以蟋蟀斥蠖。蚊行喘息。螻蟻蠕蠕。蠅蠅翊翊。遷延徙迤。魚瞰雞睨。嗟喙蜚轉。瞪瞢忘食。況感陰陽之飭。而化風俗之倫哉。念孫案。瞪瞢忘食。食當爲殮。字之誤也。息翊爲韻。迤睨爲韻。殮倫爲韻。藝文類聚引此已作食。則此字之誤久矣。

### 狀若捷武 毅武孔猛



狀若捷武超騰踰曳迅漂巧兮。又似流波泡淩泛淩趨巖道兮。念孫案武若捷武武者士也言狀如趨捷之士超騰踰曳也淮南覽冥篇勇武一人爲三軍雄高注曰武士也江淮間謂士曰武齊俗篇顏闔爲天下顯武修務篇勇武攘捲一擣高注竝曰楚人謂士爲武漢書伍被傳即使辯士隨而說之史記淮南厲王傳士作武捷武爲流波相對爲文是武爲士也而李善云捷武言捷巧加李注則狀若捷武之下必蓋謂士爲武唐人已知有此訓矣七發云毅武孔猛袒裼身薄毅武亦謂果毅之士也

噫可以進乎

舞賦激楚結風陽阿之舞材人之窮觀天下之至妙噫可以進乎李善曰孔氏尙書傳曰噫恨辭也李周翰曰噫歎聲嘆其美可進爲羣臣之樂念孫案二李斷噫字爲句非也噫可以進乎五字作一句讀噫讀爲抑語詞也言楚舞之妙如此抑者可進之以樂羣臣乎抑者猶言意者說見下抑字或作意論語學而篇抑與之子非攻篇曰意將以爲利天乎莊子辨解篇曰意仁義其非人情乎意並與抑同或言意亦大戴禮武王踐阼篇曰黃帝顓頊之道存乎意亦忽不可得見與秦策曰誠病乎意亦思乎意亦與抑亦同或言意者晏子春秋雜篇曰意者非臣之罪乎墨子節葬篇曰意者邪又作億雲六二及文王世子注見下史記漢書敘傳曰其抑者從橫之事復起於今乎抑者與意者同又作億雲六二及文王世子注見下史記同魏都賦億若大帝之所興作二藏之所曾聆億者與抑若同下文云抑若存又作噫小雅十月篇抑此皇父鄭箋曰抑之言噫震六二億喪貝王弼曰億辭也釋文曰億本又作噫文王世子注億可以爲之也正義曰億是發語之聲釋文曰億本又作噫繫辭傳曰噫亦要存亡吉凶則居可知矣噫亦與抑亦同釋文正義斷噫字爲

句訓爲歎聲。非是。莊子外物篇曰：噫其非至知厚德之任與？新序雜事篇曰：噫將使我追車而赴馬乎？投石而超拒乎？逐麋鹿而搏豹虎乎？噫將使我出正辭而當諸侯乎？決嫌疑而定猶豫乎？韓詩外傳：噫作意。法言五百篇曰：噫者吾於觀庸邪？意億噫竝與抑同。說者多以噫爲歎聲，失之矣。

### 惟鐘籠之奇生兮

長笛賦：惟鐘籠之奇生兮。于終南之陰崖。呂向曰：奇生，謂生奇質也。念孫案：如呂說，則奇下須加質字，而其義始明。今案：奇讀爲寄，寄託也。言託生於山崖也。故下文卽云：託九成之孤岑。洞簫賦曰：原夫簫幹之所生兮，于江南之邱墟。意與此同。楚辭七諫曰：便娟之修竹兮，寄生乎江潭。尤其明證也。

### 膺隋陲腹陁阻

膺隋陲腹陁阻。李善曰：言以膺服於隋陲，而腹突於陁阻也。淮南子曰：岸隋者必陲。許慎曰：隋，峻也。字林曰：陲，小崩也。爾雅曰：山絕陁。郭璞曰：連山中斷也。念孫案：李說陲陁二字，皆失其義。廣雅曰：陲，險也。考工記：則於馬終古登陲也。鄭注曰：陲，阪也。義亦相近。上林賦曰：巖陲飀錡，摧峩峩錡。是陲爲險貌也。廣雅又曰：陁，阪也。孟子盡心篇：山徑之蹊，閒介然。趙注曰：山徑，山之領。法言吾子篇曰：山陁之蹊，不可勝由矣。徑，陁，竝與陁同。是陁爲阪也。此言山阪險峻，伐竹者俯仰而上，故曰膺隋陲腹陁阻。陲非崩陲之陲，陁亦非連山中斷之陁也。

### 中息更裝

薰滯抗絕中息更裝李善曰許慎淮南子注曰裝束也謂更裝而奏之李周翰曰此吹笛聲也而云更裝者謂中道息聲更調理而吹之亦如人之將裝結而出也念孫案二李說更裝二字皆不得其解而爲之辭今案裝讀爲壯壯盛也言笛聲中息而復盛也壯字古讀若莊故與裝通楚辭遠遊精粹釋而始壯與莊子在宥篇物將自壯與藏爲韻晉語趙簡子問於壯馳茲舊音曰壯音莊桓弓衛有太史曰柳莊漢書古今人表作柳壯莊子天下篇不可與莊語釋文曰莊一本作壯鄆風君子偕老箋顏色之莊釋文曰莊本又作壯此下二句云奄忽滅沒曄然復揚奄忽滅沒所謂中息也曄然復揚所謂更壯也

九挺彫琢

九挺彫琢刻鏤鑽管李善曰韓詩曰松柏九丸薛君曰取松與柏然則九取也漢書音義如淳曰挺擊也舒迎切今李善本此下有一作挺老子曰挺埴以爲器云云凡四十九字念孫案李說非也九之言和也和土以爲器也和丸聲相近故凡字之讀若丸者或讀若和其讀若和者亦然周賈和夷底績水經桓水若和皆其例也淮南俶真篇曰挺捫萬物揣丸變化義與此九字相近挺亦和也老子挺埴以爲器河上公曰挺和也埴土也和土以爲飲食之器大元元文與陰陽挺其化蕭該漢書叙傳音義引宋忠注曰挺和也淮南精神篇譬猶陶人之尅挺埴也蕭該引許慎注曰挺揉也齊策桃梗謂土偶人曰子西岸之土也挺子以爲人高誘曰挺治也義與和竝相近九挺二字承上文曩辛爲埴而言鄭注周官小師曰埴燒土爲之

心慷慨以忘歸

琴賦羨斯嶽之宏敞。心慷慨以忘歸。李善曰。爾雅曰。愷。樂也。史記曰。穆天子見西王母。樂之忘歸。念孫案如李注。則正文本作心康愷以忘歸。今作慷慨者。後人據五臣本改之也。爾雅曰。愷。康樂也。說文曰。愷。康也。則李注引爾雅本作康。今作慷者。又後人據已誤之正文改之也。神女賦曰。心凱康以樂歡。凱與愷同。此言山形宏敞。令人樂而忘歸。故李注又引史記樂之忘歸爲證。若改康愷爲慷慨。則與上下文都不相屬矣。五臣本作慷慨。訓爲歎聲。皆非是。

### 狀若詭赴

或閒聲錯糅。狀若詭赴。李善曰。言其狀若詭詐而相赴也。呂延濟曰。詭。疾也。言閒聲緒雜。狀如疾而相赴。念孫案。詭詐相赴。於義未安。訓詭爲疾。尤未之前聞。今案。詭者異也。高誘注淮南說林篇曰。詭。不同也。薛綜注西京賦曰。詭。異也。赴。趨也。言閒聲錯出。若與正聲異趨也。下文曰。初若將乖。後卒同趣。是其明證矣。

### 若浮海而望碣石

高唐賦。醉中怒而特高兮。若浮海而望碣石。念孫案。石字後人所加。碣與上文之會。下文之磔。腐滴霈邁。喙竄。李善注引字。擊爲韻。後漢書竇憲傳。封神邱兮。建隆碣。與裔外界。世爲韻。國林竄。七外切。擊爲韻。三老袁良碑。曜其碣。與厖際。歲邁。父世爲韻。並與此同。若加石字於下。則失其韻矣。史記天官書。勃碣海岱之間。氣皆黑。貨殖傳。夫燕亦勃碣之間。一都會也。正義曰。勃海碣石在西北。是碣石亦可謂之碣。不必加石字也。李善注曰。言水怒浪如海邊之望碣石。引尚書孔注。碣石。海畔山也。



而不單舉碣字作解。云碣，碣石山也。則所見本已衍石字。

窰窰窰冥

俯視嵒嶭。窰窰窰冥。李善曰：窰窰，空深貌。窰，苦交切。念孫案：窰字從穴圭聲，不得有苦交之音。蓋其字本作窰，從穴羔聲。故李音苦交切。窰窰，疊韻字也。集韻：窰，邱交切。交，同音。窰窰，空寂。是其明證矣。燒瓦窰，取餘昭反。亦長笛賦：庠窰巧老。港洞坑谷。李注曰：庠窰巧老，深空之貌。庠，苦交切。窰，邱交切。庠窰與窰窰同。窰窰二字，草書相似，故窰字譌而爲窰。墨子備突篇：置窰竈。後漢書袁紹傳注引此譌作窰，是其證也。考玉篇廣韻：窰字皆無苦交之音。集韻交部內收窰字，音邱交切，是矣。乃又收窰字，音於交切，云窰窰深遠貌，則已爲誤本文選所惑。

當年遨遊

王雉鵬黃正冥楚鳩姊歸思婦。巫雞高巢。其鳴啾啾。當年遨遊。李善曰：一本云：子當千年萬世遨遊。未詳引之曰：年當爲羊。草書之誤也。當羊，卽尙羊。尙讀如常。古字假借耳。楚辭惜誓：託回飄乎尙羊。王注曰：尙羊，遊戲也。正與遨遊同義。或作常羊，或作徜徉。竝字異而義同。其一本作子當千年萬世遨遊，詞理甚爲紕繆。且賦文兩句一韻，多一句，則儂互不齊。蓋後人妄改之也。

九竅通鬱精神察滯

九竅通鬱精神察滯延年益壽千萬歲。李善曰：呂氏春秋曰：凡人九竅五藏惡之精氣鬱。案呂氏春秋達百六十節九竅五藏六府病之留惡之生也精氣鬱也此所引有脫文。高誘曰：鬱滯不通也。念孫案：九竅通鬱精神察察下本無滯字此與延年益壽千萬歲皆以七字爲句今本作精神察滯者後人以察字與上下文韻不相協又見注內有鬱滯不通之語因加入滯字以協韻耳不知李注自解鬱字非解滯字又不知察字古讀若際繫辭傳萬民以察與契爲禮器曰察明也若云精神察滯則不詞之甚矣五臣本無滯字

### 志未可乎得原

神女賦時容與以微動兮志未可乎得原李善曰原本也念孫案原者度也言其志未可忖度也廣雅曰顯度也諛與原古字通韓子主道篇曰掩其跡匿其端下不能原列女傳頌義小序曰原度天道禍福所移皆其證也下二句云意似近而既遠兮若將來而復旋正申明志不可原之意

### 於赫君子

韋孟諷諫詩興國救顛孰違悔過追思黃髮秦繆以霸歲月其徂年其逮者於赫君子庶顯於後李善曰歎美昔之君子能庶幾自悔故光顯於後念孫案如此注則李善本本作於昔君子漢書韋賢傳亦作昔顏師古曰言昔之君子庶幾善道所以能光顯於後世也於昔君子謂秦繆也追思黃髮歲月其徂皆約舉秦誓文也李周翰注曰於

赫美也。言何不美君子之道。庶光明於後代。據此。則五臣本已作於赫君子。今李善本亦作赫。則後人據五臣改之耳。咎字俗書作昔。赫字俗書作赤。二形相近。故咎譌爲赫。於赫美也。古亦無此訓。

未若託蓬萊

郭璞遊仙詩。朱門何足榮。未若託蓬萊。念孫案。蓬萊本作蓬藜。後人以此是遊仙詩。故改蓬藜爲蓬萊也。不知此章但言仕不如隱。未及神仙之事。朱門何足榮。承上京華遊俠窟而言。未若託蓬藜。承上山林隱遯棲而言。蓬藜。隱者所居。鹽鐵論毀學篇云。包邱子飯麻蓬藜。脩道白屋之下。是也。漢書司馬遷傳注云。蓬藜。草似蓬。蓬藜皆穢草。而形相似。故書傳多并稱之。月令曰。藜蓬蒿並興。昭十六年左傳曰。斬之蓬蒿藜藿。管子小匡篇曰。蓬蒿藜藿並興。下文靈谿可潛盤。安事登雲梯。漆園有傲吏。萊氏有逸妻。仍是此意。登雲梯。猶言致身霄雲耳。李善云。仙此章藜字與棲莢梯妻羝齊爲韻。於古音屬脂部。第六章高浪駕蓬萊。與災臺杯頤垓孩才爲韻。於古音屬之部。二部不相通用。此非精於周秦兩漢之音者。不能辨也。李善注引封禪書。安期生仙者。通蓬萊中。則所見本已作蓬萊矣。

結綬生纏牽

左思招隱詩。結綬生纏牽。彈冠去埃塵。李善曰。說文曰。纏。繞也。念孫案。纏當爲纆。坎上六。係用徽纆。馬融曰。徽。纆索也。劉表曰。三股曰徽。兩股曰纆。韓策。段干越謂新城君曰。王良之弟子。駕千里馬。遇造父之弟子。造父之弟子曰。馬不千里。王良之弟子曰。馬千里之馬也。服千里之服也。而不能取千里。何也。曰。子纆

牽長故繹牽於事萬分之一也。而難千里之行。張華勵志詩。繹牽之長。實累千里。顏延之應詔觀北湖田收詩。取累非繹牽。李注竝引韓策爲證。此繹牽卽繹牽之誤。而李讀爲纏繞之纏。蓋偶未檢也。張華荅何劭詩云。吏道何其迫。窘然坐自拘。纓綬爲微繹。文憲焉可踰。與此結綬生繹牽同意。

### 反稅事巖耕

顏延之車駕幸京口侍遊蒜山詩。空食疲廊肆。反稅事巖耕。李善曰。說文曰。稅。租也。李周翰曰。言已素餐疲倦於廊廟之列。今欲反輸國稅。事耕巖石之下。念孫案。二李以稅爲租稅。非也。稅。讀如稅駕之稅。爾雅曰。稅舍也。言反舍於家而事巖耕也。

### 誰肯相爲言

古辭飲馬長城窟行。入門各自媚。誰肯相爲言。李善曰。人入門咸各自媚。誰肯爲言乎。皆不能爲言也。李周翰曰。誰肯相爲訪問而言者。念孫案。二李皆未解言字之意。言卽問也。謂誰肯相爲問也。爾雅曰。訊。言也。郭璞曰。相問訊。廣雅曰。言。問也。聘禮。若有言。則以束帛如享禮。鄭注曰。有言。有所告請。若有所問也。曲禮。君言不宿於家。注曰。言。謂有故所問也。曾子問。召公言於周公。正義曰。言。猶問也。哀公問。寡人願有言。然冕而親迎。不已重乎。史記倉公傳。臣意言王曰。才人女子豎何能。此皆古人謂問爲言之證。

### 長夜無荒



陸機短歌行。來日苦短。去日苦長。今我不樂。蟋蟀在房。樂以會興。悲以別章。豈曰無感。憂爲子忘。我酒既旨。我肴既臧。短歌有詠。長夜無荒。李善曰。毛詩曰。好樂無荒。念孫案。荒者。虛也。言無虛此長夜也。爾雅。漙。虛也。漙。本或作荒。釋文引郭璞音義如此。大雅召閔正義引某氏曰。周禮云。野荒民散。則削之。大雅桑柔篇。具贅卒荒。召閔篇。我居圉卒荒。周語。田疇荒蕪。毛傳。鄭箋。韋注。竝云。荒。虛也。此詩但言及時行樂。與唐風好樂無荒異義。

猶將銷鑠而挺解也

七發。雖有金石之堅。猶將銷鑠而挺解也。李善曰。高誘呂氏春秋注曰。挺。猶動也。念孫案。李訓挺爲動。則分挺與解爲二義矣。今案。鑠。亦消也。挺。亦解也。呂氏春秋仲夏紀。挺衆囚。益其食。高注曰。挺。緩也。鄭注月解。猶寬也。義與字或作挺。呂氏春秋勿躬篇。百官慎職。而莫敢愉挺。今本挺譌作挺。辭見上卷。注曰。愉。解也。挺。緩也。緩亦解也。故序卦傳曰。解者。緩也。後漢書臧宮傳。宜小挺緩。令得逃亡。傅燮傳。賊得寬挺。李賢注竝曰。挺。解也。下文筋骨挺解。義與此同。

寂寥蕭蓼

寂寥蕭蓼。蔓草芳苓。李善曰。言水清淨之處。生蕭蓼二草也。字書曰。蕭。藉草也。毛萋詩傳曰。蓼。水草也。念孫案。李說非也。寂寥蕭蓼四字。皆疊韻。謂草貌也。既言寂寥。而又言蕭蓼者。文重詞複。以形容之。若風賦之被麗披離。子虛賦之罷池陂陀。上林賦之崑崙嶢嶢。僕池芘廡矣。

乘牡駿之乘

駕飛輪之與。乘牡駿之乘。念孫案。牡當爲壯。爾雅曰。駿。壯大也。又曰。𡗗。𡗗。大也。秦晉之間。凡人之大謂之𡗗。或謂之壯。說文曰。壯。大也。𡗗。壯馬也。楚辭九歎。同驚羸與乘𡗗。今王注曰。乘。𡗗。駿馬也。魏都賦曰。冀馬填廐而駟駿。然則壯。𡗗。駿。四字名異而實同。壯。駿。卽駟駿也。作牡者。字之誤耳。

誠必不悔決絕以諾

誠必不悔。決絕以諾。李善曰。言忠誠爲之。必不有悔。事之決絕。但以一諾。不俟再三。念孫案。誠必不悔。以誠必二字連讀。非以必不悔三字連讀。誠必與決絕相對爲文。管子九守篇曰。用賞者貴誠。用刑者貴必。呂氏春秋論威篇曰。又况乎萬乘之國。而有所誠必乎。賈子道術篇曰。伏羲誠必謂之節。皆其證也。決絕以諾。以與已通。言或已或諾。俱決絕而無猶豫也。表記。君子與其有諾貴也。寧有已。怨。鄭注曰。已。謂不許也。逸周書官人篇曰。已諾無決。李注皆誤。

簪扶桑

凌赤岸。簪扶桑。李善曰。說文曰。簪。埽竹也。念孫案。訓簪爲埽竹。則與扶桑二字義不相屬。且與上句凌字不對矣。今案。簪者埽也。言濤勢之大。凌赤岸而埽扶桑也。簪字本作替。後漢書光武紀注曰。替。埽也。聖主得賢臣頌曰。忽若簪汜。畫塗。簪汜。猶言埽穢也。如淳曰。若以簪掃於汜。東都賦曰。戈鋌替雲。羽旄埽霓。義亦同也。

恭命則愈

讓中書令表。夫富貴寵榮。臣所不能忘也。刑罰貧賤。臣所不能甘也。今恭命則愈。違命則苦。臣雖不達。何事背時違上。自貽患責哉。呂向曰。愈。勝也。念孫案。愈卽愉字。爾雅曰。愉。樂也。樂與苦正相反。恭命則樂。承上富貴寵榮而言。違命則苦。承上刑罰貧賤而言。愉與愈古字通。荀子正論篇。形至佚。心至愉。君子篇。愉作愈。

灌章邯

鄒陽上書吳王。高皇帝燒棧道。灌章邯。應劭曰。章邯爲雍王。高祖以水灌其城。破之。念孫案。灌章邯。本作水章邯。後人不解水字之義。又見應注云。以水灌其城。故改水爲灌。不知應注自解水字。非解灌字也。以水灌之。故曰水。魏策曰。決熒澤而水大梁是也。漢書鄒陽傳。正作水章邯。

得全者昌失全者亡

枚乘上書諫吳王。臣聞得全者昌。失全者亡。念孫案。此本作得全者全昌。失全者全亡。今作得全者昌。失全者亡者。後人依孟子句法刪之也。離婁篇。順天者存。逆天者亡。不知得全全昌。失全全亡。本出史記田完世家。曰。全昌者。謂事君無失。則身名獲昌。故云全昌也。故李善引之以爲證。刪者謬矣。漢書枚乘傳。說苑正諫篇。竝作得全者全昌。失全者全亡。

極天命之上壽弊無窮之極樂

今欲極天命之上壽。弊無窮之極樂。究萬乘之勢。念孫案。首句上字。次句極字。皆後人所加。極天命之壽。謂終其天年耳。非必上壽也。弊盡也。極天命之壽。則盡無窮之樂矣。不必言極樂也。且極天命之壽以下。皆五字爲句。加入上極二字。則句法參差矣。枚乘傳及漢紀說苑。皆無上極二字。五臣本無極字。

手可擢而抓

夫十圍之木。始生而蘖。足可搔而絕。手可擢而抓。今李善本如此。念孫案。手可擢而抓。抓本作拔。今作抓者。後人據李善注改之也。今案李注云。廣雅曰。搔。抓也。此自釋搔字之義。非釋抓字之義。下又云。字林曰。抓。壯交切。此是釋注內抓字之音。與正文無涉。後人不察。而改拔爲抓。謬矣。且拔與蘖絕爲韻。若改爲手可擢而抓。則非但文不成義。且失其韻矣。五臣本及枚乘傳說苑。竝作手可擢而拔。六臣本注云。拔。善作抓。則所見已是誤本。

若望僕不相師而用流俗人之言

報任少卿書。若望僕不相師而用流俗人之言。今李善本如此。念孫案。此本作若望僕不相師用。句而流俗人之言。句故蘇林曰。而猶如也。言視少卿之言。如流俗人之言。而不相師用也。六臣本注云。而用。善本作用而。是其證也。若如今本作不相師而用流俗人之言。則而字不得訓爲如矣。又案張銑曰。而如也。言少卿書若怨望我不相師用。以少卿勸戒之辭。如流俗人所言。據此。則五臣本亦作不相師用而流俗人之言。明



矣。今本用而作而用。則後人以意改之也。六臣本注引李善本作用而。而今本亦作而用。則又後人據已誤之五臣本改之也。漢書司馬遷傳亦作用而。足以互證矣。此篇原文多經後人增改。當以漢書參校。今略舉數條。不能具論也。

### 自守奇士

然僕觀其爲人。自守奇士。念孫案。自守奇士。本作自奇士。言僕與李陵俱居門下。素非相善。然觀其爲人。自是奇士。奇士二字。統事親孝以下七事而言。若加一守字。則失其義矣。今本作自守奇士者。後人加守字。下加自字。拘美里具五刑。拘具下並加於字。鄙沒世。鄙下加陋字。祇取等。祇下加足字。皆此類也。張銑曰。自守奇節之士。則五臣本已有守字。司馬遷傳無守字。

### 倡優所畜

固主上所戲弄。倡優所畜。流俗之所輕也。念孫案。倡優所畜。本作倡優畜之。謂主上以倡優畜之也。若云倡優所畜。則義不可通矣。蓋後人欲與上下兩所字一例。故改畜之爲所畜。而不知其謬也。張銑曰。如倡以爲調戲者。則所見本已作所畜。司馬遷傳正作倡優畜之。

### 鄙陋沒世

恨私心有所不盡。鄙陋沒世。而文采不表於後也。念孫案。鄙陋沒世。本作鄙沒世。鄙。恥也。楚辭九章。君子所鄙。王注曰。鄙。恥也。廣雅。沒。世而文不著也。此句鄙字與上句恨字相對爲文。後人於鄙下加陋字。謬矣。呂向斷恨私心

有所不盡鄙陋爲句其謬益甚司馬遷傳及藝文類聚引此俱無陋字

### 適足取辱耳

於俗不信適足取辱耳念孫案適足取辱本作祇取辱小雅我行其野傳曰祇適也昭十三年左傳曰大福不再祇取辱焉是也李善本作適足取辱五臣本作祇足取辱皆後人所增改司馬遷傳正作祇取辱

### 諸儒博士

移書讓太常博士諸儒博士或不肯置對念孫案諸儒博士儒字後人所加諸博士卽諸儒不當於博士之外更言諸儒也李善及呂延濟注竝云諸博士不肯與歆論議相對則善及五臣本皆無儒字明矣漢書劉歆傳亦無儒字

### 以尙書爲不備

以尙書爲不備謂左氏不傳春秋念孫案以尙書爲不備本無不字蓋當時學者不信古文尙書而以今文二十八篇爲已備故曰以尙書爲備非謂其不備也李善引薛瓚漢書注曰當時學者謂尙書唯有二十八篇今文連大誓爲二十九篇此云二十八篇者除大誓計之也蓋瓚晉初人魏晉間僞古文尙書已出以僞作之大誓爲增多伏生之驚而損伏生之大誓而不數故但云今文二十八篇辯見經義述聞伏生尙書二十九篇說不知本有百篇呂向曰當時學者尙書唯有三十篇當云二十九篇今文顯命與康以爲王之謠合爲一篇故二十九備矣據此則李善及五臣本皆作以尙書爲備明矣今本備上有不字者後人不曉文義而妄加之耳劉

散傳無不字。

乃湮洪塞源

難蜀父老。乃湮洪塞源。決江疏河。灑沈澹災。念孫案。乃湮洪塞源。塞字後人所加。湮洪源者。湮塞也。謂塞洪水之源也。若改爲湮洪塞源。則不特塞與湮詞意相複。且湮洪二字。文不成義矣。後人改爲湮洪塞源。欲其句法與下二句相對。而不知其義之不可通也。文選中往往有此。史記漢書司馬相如傳。俱無塞字。史記作乃埋鴻水。漢書作乃埋洪原。

躬腴胝無胼

躬腴胝無胼。膚不生毛。李善曰。孟康曰。腴。腴理也。韋昭曰。胼。其中小毛也。郭璞三蒼解詁曰。胝。繭也。竹施切。念孫案。躬腴胝無胼。句法甚累。史記作躬胝無胼。集解曰。徐廣曰。胝音竹移反。一作腴。音湊。膚理也。案隱本作躬腴胝無胼云。張揖曰。腴。一作戚。戚。腴理也。胝音丁私反。漢書作躬戚無胼。今本作躬戚無胝。戚爲戚之譌。辭無二字。後人所加。說見張晏曰。戚。腴理也。合史記漢書文選考之。是史記作胝。一作腴。漢書作戚。一作腴。揖劉氏端臨漢學拾遺。孟康並作腴。見上李善注及史記。索隱。腴戚古聲相近。故戚或作腴。而文選及史記索隱。則腴胝二字并載。揆厥所由。皆一本作腴。一本作胝。而後人誤合之也。史記作胝。又作腴。卽其明證矣。而李善劉良司馬貞皆竝解腴胝二字。則其誤已久。獨賴有徐廣胝一作腴之語。可識其致誤之由耳。

猶鷁鷁已翔乎寥廓之宇

猶鷓鴣已翔乎寥廓之宇。今李善本如此。而羅者猶視乎藪澤。念孫案之宇二字。後人妄加之也。鷓鴣二句相對爲文。且澤字古讀若鐸。說見唐韻正。與廓爲韻。若加之宇二字。則非特句法參差。而韻亦不諧矣。五臣本及史記漢書漢紀皆無之宇二字。

### 夷險芟荒

蒼賓戲。方今大漢。洒埽羣穢。夷險芟荒。注晉灼曰。發開也。今諸本皆作芟字。念孫案。據晉灼注。則正文作夷險發荒可知。發者發之借字也。發發聲相近。玉篇發匹葛扶葛二切。故發通作發。發亦夷也。說文發以足踢夷艸。引春秋傳年隱六曰。發夷蘊崇之。是也。諸本作芟。蓋卽發之誤。又案晉灼注漢書。而訓發爲開。則漢書敘傳亦必作發荒。今本敘傳作芟。蓋亦發之誤。

### 伯夷抗行於首陽。柳惠降志而辱仕。顏淵樂於簞瓢。

念孫案。伯夷抗行於首陽四句。當從漢書敘傳作夷抗行於首陽。惠降志於辱仕。顏耽樂於簞瓢。孔終篇於西狩。今李善本夷作伯夷。惠作柳惠。顏耽樂作顏淵樂。皆後人妄增改之也。夷抗行於首陽以下。皆以六字爲句。今改夷爲伯夷。惠爲柳惠。則句法參差。其謬一也。謂柳下惠爲柳惠。其謬二也。夷與惠對。顏與孔對。今改顏耽樂爲顏淵樂。則與孔終篇不對。其謬三也。五臣本無伯字。柳字。顏耽樂作顏潛樂。義得兩通。降志於辱仕。各本於字竝譌作而。



虎嘯而谷風冽龍興而致雲氣

念孫案聖主得賢臣頌虎嘯而谷風冽二句本作虎嘯而風冽龍興而致雲今李善本風上有谷字雲下有氣字皆後人所加也彼見四子講德論云虎嘯而風寥戾龍起而致雲氣蟋蟀俟秋吟蜉蝣出以陰與此大略相同故於雲下加氣字不知本文原無氣字也蓋彼以戾氣爲韻故雲下有氣字與此不同也又見楚辭七諫及淮南天文篇竝云虎嘯而谷風至故於風上加谷字不知本文亦無谷字也如有谷字則李善當引楚辭淮南爲證今乃引管輅別傳云虎者陰精而居於陽依木長嘯動於巽林二數相感故能運風則風上本無谷字明矣嘯賦注引此正作虎嘯而風冽龍興而致雲五臣本及漢書王褒傳漢紀竝同。

祚爾輝章

漢高祖功臣頌祚爾輝章李善曰章印章也張銑曰福汝輝榮之寵章念孫案李張二說皆非也輝讀爲徽徽旌旗之屬徽章猶言旗章祚賜也見齊語注言賜爾以徽章也大雅韓奕曰王錫韓侯淑旂綏章是也說文曰徽識也識今作幟以絳徽帛著于背引昭二十一年左傳揚徽者公徒今本作徽大傳殊徽號鄭注曰徽號旌旗之名也徽所以爲表章故曰徽章齊策曰章子變其徽章以雜秦軍是也宋孝武宣貴妃誄曰徽與輝古字通亦通作揮東京賦曰戎士介而揚揮

## 立基孝公

勵秦美新立基孝公。今李善本如此。茂惠文。詹昭莊。念孫案立基孝公立字後人所加。基孝公者爾雅曰基始也。言秦之疆始於孝公也。基孝公茂惠文詹昭莊皆以三字爲句。加一立字則句法參差矣。五臣本及藝文類聚所引皆無立字。

## 咸稽之於秦紀

改制度軌量咸稽之於秦紀。李善曰稽考也。紀本紀也。言考校之而著之秦紀。呂向曰稽述也。紀記也。言述之於秦史以記其事。念孫案李呂二說皆非也。商頌元鳥正義引尙書緯曰曰若稽古帝堯稽同也。鄭注堯典同。儒行曰今人與居古人與稽。韓子主道篇曰保吾所以往而稽同之。章注越語曰紀法也。言改制度軌量而同之於秦法也。史記秦始皇紀曰一法度衡石丈尺車同軌書同文字是其事也。

## 狙獷而不臻

來儀之鳥肉角之獸狙獷而不臻。李善曰說文曰狙犬暫留人。又曰獷犬不可親附也。張銑曰鳳皇麒麟皆以秦如惡狗而不至也。狙獷犬留人者也。念孫案李解狙字之義未當。張則大謬矣。狙讀爲虐。廣雅曰趨獷虐也。虐曹憲音在何反。謂驚去之貌也。虐與狙古字通。說文曰獷犬獷獷不附人也。讀若南楚相驚曰獷。又曰獷犬獷獷不可附也。然則狙獷皆驚去之貌。言麟鳳高飛遠走而不至也。

神歇靈釋

神歇靈釋海水羣飛李善曰釋猶緒也言神靈歇其舊緒不福佑之釋或爲液海水喻萬民羣飛言亂五臣本釋作液劉良曰天地神祇以秦無道之甚故歇其靈潤滋液不降福祥也念孫案李劉二注皆不得其解而爲之詞今案釋者終也神歇靈釋海水羣飛言始皇既沒而天下皆叛也釋字本作數釋液皆其借字也又借作射說文曰數終也廣雅曰釋終也又曰疆釋終窮也魯頌駉篇曰思無疆又曰思無數白虎通義曰九月謂之無射何射者終也言萬物隨陽而終當復隨陰而起無有終已也此皆古人謂終爲數之證張衡靈憲曰神歇精數義與此同也

有馮應而尙缺

上覽古在昔有馮應而尙缺焉壤徹而能全李善以馮應爲依憑瑞應呂向曰憑仁義而感瑞應念孫案應讀爲膺馮膺猶服膺也服與馮一聲之轉中庸曰拳拳服膺而弗失之士喪禮馮尸鄭注曰馮服膺之喪大記馮尸注曰馮謂扶持服膺莊子盜跖篇曰馮而不舍又曰服膺而不舍服膺卽馮也服與伏古通用服膺之爲馮膺猶伏軾之爲馮軾史記酈生傳伏軾下齊伏琴之爲馮琴史記魏世家中期馮琴案茵伏之爲茵馮也史記酈吏傳未嘗敢膺與應古同聲而通用康誥曰應保殷民周語曰膺保明德應保卽侯者年表膺作應孟子滕文公篇此承上文帝王之道不可離而言言上覽古咎有服膺斯道而尙有缺戎狄是膺音義曰膺丁本作應

失者矣。未有壞徹斯道而能自全者也。服膺與壞徹意正相對。說者不達。乃讀應爲瑞應之應。宜其詰鞠爲病矣。

### 其疇離之

其異物殊怪存乎五威將帥。班乎天下者四十有八章。登假皇穹。鋪衍下土。非新家其疇離之。李善曰。離。應也。劉良曰。離。治也。念孫案。應治二訓。皆於古無據。且於義未安。今案。離者。被也。言非新家其誰被此祥瑞也。後漢書東平憲王傳。策曰。今詔有司。加賜鸞輅乘馬。龍旂九旒。虎賁百人。奉送王行。匪我憲王。其孰離之。句法正與此同。李賢曰。離。被也。班固杜根張衡傳注並同言非憲王誰更被蒙此恩也。

### 覺德不愷

夫不勤勤則前人不當。不懇懇則覺德不愷。李善曰。不懇懇則覺德不和也。毛詩曰。有覺德行。左氏傳注曰。愷。和也。劉良曰。不懇懇則悟大德不和其化也。覺。悟也。念孫案。李解愷字之義未當。劉則并誤解覺字矣。今案。覺。大也。愷。明也。言不懇懇則大德不明於天下也。孝經引詩有覺德行。鄭注曰。覺。大也。小雅斯干傳。毛傳曰。有。言高大也。緇衣引詩覺作梏。鄭注曰。梏。大也。直也。爾雅曰。愷。悌發也。舍人李巡孫炎郭璞。皆訓愷爲明。字亦作闡。廣雅曰。闡。明也。

### 羣公先正罔不夷儀



天人之事盛矣。鬼神之望允塞。羣公先正。罔不夷儀。李善曰。尙書曰。羣公既皆聽命。又曰。亦惟先正。夷儀。言有常儀也。劉良曰。百官羣公之治既正。無不端平有等差也。夷。平也。念孫案。李說羣公及夷儀。皆失之。劉說尤謬。今案羣公先正。卽上所謂鬼神。大雅雲漢篇曰。羣公先正。則不我助。是也。爾雅曰。夷。悅也。郭注。我心則夷。又鄭風雨篇云。胡不夷。商頌那篇亦不夷。傳並與爾雅同。言羣公先正之神。無不悅其禮儀。故曰鬼神之望允塞也。下文云。姦宄寇賊。罔不振威。振威與夷儀相對爲文。是夷爲悅也。

猶可得而脩也

典引厥有氏號。紹天闡繹。莫不開元於太昇皇初之首。上哉。復乎。其書猶可得而脩也。呂向曰。其書尙可得脩治也。念孫案。脩當爲循。字之誤也。隸書循脩二字。傳寫往往混。繫辭傳。損。德之脩也。釋文。脩。馬本。王制正義引作循聲。史記商君傳。湯武不循古。而王。案隱曰。商君書作脩。古。管子九守篇。循名而督實。呂氏春秋盡數篇。射而不中。反循于招。何益于中。韓子五蠹篇。聖人不期循古。趙策。循禮無邪。今本循字並譌作脩。漢北海相景君碑。陰。故循行都昌。台。邱。運。金石錄曰。案後漢書百官志注。河南尹官屬。有循行一百三十人。而晉書職官志。州縣吏。皆有循行。今此碑陰。載故吏。都昌。台。邱。運。而下十九人。皆作脩行。他漢及晉碑。數有之。亦與此碑陰所書同。豈循脩字。畫相近。遂致訛謬。循者。述也。也。廣雅曰。循。述也。循。太昇以前。不可復考。故上文曰。踰繩越契。寂寥而亡。詔者。系不得而綴也。太昇始作八卦。以通神明之德。類萬物之情。故曰。其書可得而述。非謂脩治之也。後漢書班固傳。亦誤作脩。

匿亡回而不泯

匿亡回而不泯。匿古懸字也。逸周書大戒篇曰：克禁淫謀。衆匿乃雍。管子七法篇曰：百匿傷上威。韓子主道篇曰：處其主之側爲姦匿。匿與懸同。漢書五行志：朔而月見東方，謂之仄匿。周官保章氏疏：後漢書蔡邕傳注：文選月賦注：引書大傳並作側匿。微胡瑣而不顧。呂延濟曰：回邪也。班固傳作匿亡迴而不泯。李賢曰：匿惡也。迴遠也。瑣小也。顧養也。言凶惡者無遠而不滅，微細者何小而不養也。念孫案：迴與瑣相對爲文，則作迴者是也。迴譌爲迴，因譌爲回耳。呂訓回爲邪，則是惡無邪而不泯，不詞之甚矣。微讀爲微，微善也。說見班固傳。

有不俾而假素罔光度而遺章，今其如台而獨闕也。

伊考自遂古，乃降戾爰茲。作者七十有四人，有不俾而假素罔光度而遺章，今其如台而獨闕也。李善曰：言前封禪之君，有天不使之，而尙假竹素，未有告之以光明之度，而遺其篇章。尙書曰：夏罪其如台。孔傳曰：台，我也。班固傳注：以光度爲光揚法度，餘與李善注略同。五臣注甚謬，故不錄。念孫案：李善以不俾爲天不使，光度爲光明之度，如台爲如我。李賢又以光度爲光揚法度，皆不得其解而爲之詞也。今案：不俾者，不從也。爾雅曰：俾，從也。君與曰：海隅出日，罔不率俾。猶魯頌言：至于海邦，莫不率從也。度與宅古字通。光度，卽光宅也。書序曰：昔在帝堯，聰明文思，光宅天下，是也。薛瓌注：漢書韋元成傳曰：古文宅度同。大雅皇矣篇：此維與宅，論衡初稟篇：引作度。文帝紀：作度。文王有聲是降邱宅。今文尙書例：作度。孟堅本：用今文。此言光度，卽書序之光宅。猶上文：言正位度宗，卽顧命之恤宅。宗也。光宅，天下者，廣宅天下也。周頌敬之傳曰：光，廣也。光與廣義同。而字亦相通。周語：熙廣也。章注：引鄭司農云：廣當爲光。堯典曰：光被四表。漢樊毅復華下民租田口算碑曰：廣被四表。荀子禮論篇曰：積厚者

流澤廣大戴禮三本如台者奈何也湯誓夏罪其如台史記殷本紀作有罪其奈何高宗彤日乃曰其篇作流澤光皆其證也如台者奈何也如台史記作乃曰其奈何西伯戡黎今王其如台史記作今王其奈何是古謂奈何為如台也盤庚卜稽曰其如台亦謂卜問曰其奈何也法言問道篇莊周申韓不乖聖人而漸諸篇則顏氏之子閔氏之孫其如台書三子若不詆訾聖人則顏閔之徒其奈何也漢書敘傳矧乃齊民作威作惠如古不匡言奈何不通矣言自古封禪之君有海內未盡率從而尚假竹素者未有正之也說者皆訓台為我而其義遂不可通矣郭有道碑文曰今其如光宅天下而遺其文章者今其奈何而獨闕也何而闕斯禮句法本此

光允不陽

念孫案班固述成紀炎炎燎火亦允不陽亦發語詞皋陶謨曰亦行有九德是也經傳中若是者多矣今李善本作光允不陽者後人但知亦為連及之詞而不知其為發語詞故妄改為光不知此謂火之不揚非謂其光也小雅正月篇燎之方揚亦謂火非謂光也五臣本及漢書敘傳漢紀皆作亦允不揚李善引漢書谷永傳作燎之方揚陽揚古字通曰天子之威盛如燎火之陽今委政王氏亦不熾矣據此則正文本作亦允不陽明矣今本亦不熾矣作不亦熾乎又今本漢書張晏注作不炎熾矣皆後人不曉文義而妄改之

躬親節儉

念孫案非有先生論舉賢才布德惠施仁義賞有功躬親節儉五臣本及漢書東方朔傳竝作躬親節儉六臣本注云躬善本作親據此則李善本本作親節儉今作躬親節儉者校書者據五臣本旁記躬字而後人誤合之也自舉賢才以下皆以三字為句加入躬字則句法參差矣下文放鄭聲以下七句開內藏以下六句亦以三字為句

但懸曼矦

四子講德論是以空柯無刃公輸不能以斲但懸曼矦蒲苴不能以射李善曰薛君韓詩章句曰曼長也張銑曰蒲苴子善弋射者也與曼矦不與其弓則不能發射也念孫案李張皆未解懸字曼字之義懸謂繳也繳繩也矦弋射矢也弋者以繳繫矢而射故曰懸懸繫也淮南說山篇好弋者先具繳與矦高注曰繳大綸矦短矢繳所以繫矦是也曼者無也言但有繳而無矦則雖蒲苴不能以射也廣雅曼無也小爾雅同法言寡見篇曰曼是爲也五百篇曰行有之也病曼之也皆謂無爲曼但懸曼矦與空柯無刃相對爲文但亦空也曼亦無也無曼一聲之轉無之轉爲曼猶蕪菁之轉爲曼菁矣

偃息匍匐乎詩書之門

偃息匍匐乎詩書之門今李善本如此游觀乎道德之域念孫案匍匐二字後人妄加之也偃息乎詩書之門游觀乎道德之域皆以七字爲句加入匍匐二字則非特句法參差且文不成義矣五臣本無匍匐

貪不可冀無爲二母之所笑

念孫案王命論貪不可冀無爲二母之所笑無字本在貪字上言男貪不可冀望之事爲二母所笑也漢書敘傳作毋貪不可幾漢紀作無貪不可幾者是其證又案李周翰注云勿貪帝位終不可冀望徒爲二母所笑則無字本在貪不可冀之上明矣今本無字在下句爲字上蓋後人不曉文義而妄移其次耳



棲遲泌邱

郭有道碑文棲遲泌邱善誘能教李善曰毛詩曰泌之洋洋可以療飢念孫案毛以泌爲泉水此言泌邱則與毛傳異義案廣雅曰邱上有木爲祕邱此碑云棲遲泌邱而周巨勝碑亦云洋洋泌邱于以逍遙又束皙元居釋曰學既積而身困夫何爲乎祕邱抱朴子正郭篇曰廁高潔之條貫爲祕邱之俊民泌泌祕字異而義同蔡邕張揖束皙葛洪竝以泌爲邱名說與毛異蓋本於三家也

世謂隨夷爲溷兮謂跼蹐爲廉

念孫案弔屈原文世謂隨夷爲溷兮謂跼蹐爲廉本無兩爲字今有之者後人以下文云莫邪爲鈍兮鉛刀爲銛故加之也不知此二句言謂不言爲下二句言爲不言謂互文也若此二句有爲字則不成句法矣史記漢書賈誼傳俱無爲字

豈能容夫吞舟之巨魚

彼尋常之汙瀆兮豈能容夫吞舟之巨魚念孫案巨字後人所加既言吞舟之魚則不必更言巨矣列子楊朱篇曰吞舟之魚不游枝流莊子庚桑楚篇曰吞舟之魚竭而失水呂氏春秋慎勢篇曰吞舟之魚陸處韓詩外傳曰滌澤之水無吞舟之魚淮南繆稱篇曰尋常之溝無吞舟之魚史記酷吏傳曰網漏於吞舟之魚後人以李善注云尋常之溝巨魚無所還其體因於正文內加巨字不知此引莊子之文以明小水之不容巨魚耳非正文內本有巨字也劉良注云吞舟之魚今本作吞舟巨魚亦是後人所改下文云言謂小池水之中不能容吞舟之魚則仍未改也謂

大魚腹中可容船也。則正文內原無巨字明矣。史記漢書皆無巨字。

擠爲山乎九天

弔魏武帝文。彼人事之大造。夫何往而不臻。將覆簣於浚谷。擠爲山乎九天。李善曰。擠。墜也。張銑曰。爲山。將至九天。忽山積。謂大功旣成而死矣。念孫案。擠。讀爲朝。隋于西之。隋。升也。爲山者。自下而上。故曰。擠。言人事所成。何往不至。譬如爲山。將覆簣於深谷之中。而隋之至於九天也。若云墜爲山乎九天。則與上意不貫。下二句云。苟理窮而性盡。豈長筭之所研。乃始言功成而身死耳。擠與隋古字通。昭十三年左傳。知擠於溝壑矣。杜注曰。擠。墜也。商書微子篇。予顛隋。馬注曰。隋。猶墜也。擠墜之。擠通作隋。猶隋升之。隋通作擠矣。